

Namo tassa bhagavato arahato sammāsambuddhassa

Saṃyuttanikāyo

Saḷāyatanaṅga

1. Saḷāyatanaṅga

1. Aniccavaṅga

1. Ajjhataṅgasuttaṃ

1. Evaṃ me sutaṃ. Ekaṃ samayaṃ bhagavā sāvatthiyaṃ viharati jetavane anāthapiṇḍikassa ārāme. Tatra kho bhagavā bhikkhū āmantesi – “bhikkhavo”ti. “Bhadante”ti te bhikkhū bhagavato paccassosum. Bhagavā etadavoca –

“Cakkhum, bhikkhave, aniccaṃ. Yadaniccaṃ taṃ dukkhaṃ; yaṃ dukkhaṃ tadanattā. Yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam. Sotaṃ aniccaṃ. Yadaniccaṃ...pe... ghānaṃ aniccaṃ. Yadaniccaṃ...pe... jivhā aniccā. Yadaniccaṃ taṃ dukkhaṃ; yaṃ dukkhaṃ tadanattā. Yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam. Kāyo anicco. Yadaniccaṃ...pe... mano anicco. Yadaniccaṃ taṃ dukkhaṃ; yaṃ dukkhaṃ tadanattā. Yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam. Evaṃ passaṃ, bhikkhave, sutavā ariyasāvako cakkhusmimpi nibbindati, sotasmimpi nibbindati, ghānasmimpi nibbindati, jivhāyapi nibbindati, kāyasmimpi nibbindati, manasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti’ti. Paṭhamam.

2. Ajjhataḍḍhasuttaṃ

2. “Cakkhum, bhikkhave, dukkhaṃ. Yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam. Sotaṃ dukkhaṃ...pe... ghānaṃ dukkhaṃ... jivhā dukkhā... kāyo dukkho... mano dukkho. Yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ti. Dutiyam.

3. Ajjhataṇattasuttaṃ

3. “Cakkhum, bhikkhave, anattā. Yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam. Sotaṃ anattā...pe... ghānaṃ anattā... jivhā anattā... kāyo anattā... mano anattā. Yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ti. Tatiyam.

4. Bāhirāṅgasuttaṃ

4. “Rūpā, bhikkhave, aniccā. Yadaniccaṃ taṃ dukkhaṃ; yaṃ dukkhaṃ tadanattā. Yadanattā taṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbam.

Saddā... gandhā... rasā... phoṭṭhabbā... dhammā aniccā. Yadaniccaṃ taṃ dukkhaṃ; yaṃ dukkhaṃ tadanattā. Yadanattā taṃ ‘netam mama, nesohamasmi, na meso attā’ ti evametam yathābhūtaṃ sammappaññāya daṭṭhabbam. Evaṃ passaṃ, bhikkhave, sutavā ariyasāvako rūpesupi nibbindati, saddesupi nibbindati, gandhesupi nibbindati, rasesupi nibbindati, phoṭṭhabbesupi nibbindati, dhammesupi nibbindati. Nibbindam virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Catuttham.

5. Bāhiradukkhassuttaṃ

5. ‘Rūpā, bhikkhave, dukkhā. Yaṃ dukkhaṃ tadanattā; yadanattā taṃ ‘netam mama, nesohamasmi, na meso attā’ ti evametam yathābhūtaṃ sammappaññāya daṭṭhabbam. Saddā... gandhā... rasā... phoṭṭhabbā... dhammā dukkhā. Yaṃ dukkhaṃ tadanattā. Yadanattā taṃ ‘netam mama, nesohamasmi, na meso attā’ ti evametam yathābhūtaṃ sammappaññāya daṭṭhabbam. Evaṃ passaṃ... pe... nāparaṃ itthattāyāti pajānāti’ ti. Pañcamaṃ.

6. Bāhirānattassuttaṃ

6. ‘Rūpā, bhikkhave, anattā. Yadanattā taṃ ‘netam mama, nesohamasmi, na meso attā’ ti evametam yathābhūtaṃ sammappaññāya daṭṭhabbam. Saddā... gandhā... rasā... phoṭṭhabbā... dhammā anattā. Yadanattā taṃ ‘netam mama, nesohamasmi, na meso attā’ ti evametam yathābhūtaṃ sammappaññāya daṭṭhabbam. Evaṃ passaṃ... pe... nāparaṃ itthattāyāti pajānāti’ ti. Chaṭṭham.

7. Ajjhattāniccātītānāgatasuttaṃ

7. ‘Cakkhum, bhikkhave, aniccaṃ atītānāgataṃ; ko pana vādo paccuppanna! Evaṃ passaṃ, bhikkhave, sutavā ariyasāvako atītasmiṃ cakkhusmiṃ anapekkho hoti; anāgataṃ cakkhum nābhinandati; paccuppanna cakkhussa nibbidāya virāgāya nirodhāya paṭipanno hoti. Sotaṃ aniccaṃ... ghānaṃ aniccaṃ... jivhā aniccā atītānāgatā; ko pana vādo paccuppannāya! Evaṃ passaṃ, bhikkhave, sutavā ariyasāvako atītāya jivhāya anapekkho hoti; anāgataṃ jivhaṃ nābhinandati; paccuppannāya jivhāya nibbidāya virāgāya nirodhāya paṭipanno hoti. Kāyo anicco... pe... mano anicco atītānāgato; ko pana vādo paccuppanna! Evaṃ passaṃ, bhikkhave, sutavā ariyasāvako atītasmiṃ manasmiṃ anapekkho hoti; anāgataṃ manam nābhinandati; paccuppanna manassa nibbidāya virāgāya nirodhāya paṭipanno hoti’ ti. Sattamaṃ.

8. Ajjhattadukkhātītānāgatasuttaṃ

8. ‘Cakkhum, bhikkhave, dukkhaṃ atītānāgataṃ; ko pana vādo paccuppanna! Evaṃ passaṃ, bhikkhave, sutavā ariyasāvako atītasmiṃ cakkhusmiṃ anapekkho hoti; anāgataṃ cakkhum nābhinandati; paccuppanna cakkhussa nibbidāya virāgāya nirodhāya paṭipanno hoti. Sotaṃ dukkhaṃ... pe... ghānaṃ dukkhaṃ... pe... jivhā dukkhā atītānāgatā; ko pana vādo paccuppannāya! Evaṃ passaṃ, bhikkhave, sutavā ariyasāvako atītāya jivhāya anapekkho hoti; anāgataṃ jivhaṃ nābhinandati; paccuppannāya jivhāya nibbidāya virāgāya nirodhāya paṭipanno hoti. Kāyo dukkho... pe... mano dukkho atītānāgato; ko pana vādo paccuppanna! Evaṃ passaṃ, bhikkhave, sutavā ariyasāvako atītasmiṃ manasmiṃ anapekkho hoti; anāgataṃ manam nābhinandati; paccuppanna manassa nibbidāya virāgāya nirodhāya paṭipanno hoti’ ti. Atṭhamam.

9. Ajjhattānattātītānāgatasuttaṃ

9. ‘Cakkhum, bhikkhave, anattā atītānāgataṃ; ko pana vādo paccuppanna! Evaṃ passaṃ, bhikkhave, sutavā ariyasāvako atītasmiṃ cakkhusmiṃ anapekkho hoti; anāgataṃ cakkhum nābhinandati; paccuppanna cakkhussa nibbidāya virāgāya nirodhāya paṭipanno hoti. Sotaṃ anattā...

pe... ghānaṃ anattā...pe... jivhā anattā atītānāgatā; ko pana vādo paccuppannāya! Evaṃ passaṃ, bhikkhave, sutavā ariyasāvako atītāya jivhāya anapekkho hoti; anāgataṃ jivhaṃ nābhinandati; paccuppannāya jivhāya nibbidāya virāgāya nirodhāya paṭipanno hoti. Kāyo anattā...pe... mano anattā atītānāgato; ko pana vādo paccuppannassa! Evaṃ passaṃ, bhikkhave, sutavā ariyasāvako atītasmiṃ manasmīṃ anapekkho hoti; anāgataṃ manāṃ nābhinandati; paccuppannassa manassa nibbidāya virāgāya nirodhāya paṭipanno hoti’'ti. Navamaṃ.

10. Bāhirāniccātītānāgatasuttaṃ

10. “Rūpā, bhikkhave, aniccā atītānāgatā; ko pana vādo paccuppannānaṃ! Evaṃ passaṃ, bhikkhave, sutavā ariyasāvako atītesu rūpesu anapekkho hoti; anāgate rūpe nābhinandati; paccuppannānaṃ rūpānaṃ nibbidāya virāgāya nirodhāya paṭipanno hoti. Saddā... gandhā... rasā... phoṭṭhabbā... dhammā aniccā atītānāgatā; ko pana vādo paccuppannānaṃ! Evaṃ passaṃ, bhikkhave, sutavā ariyasāvako atītesu dhammesu anapekkho hoti; anāgate dhamme nābhinandati; paccuppannānaṃ dhammānaṃ nibbidāya virāgāya nirodhāya paṭipanno hoti’'ti. Dasamaṃ.

11. Bāhiradukkhātītānāgatasuttaṃ

11. “Rūpā, bhikkhave, dukkhā atītānāgatā; ko pana vādo paccuppannānaṃ! Evaṃ passaṃ, bhikkhave, sutavā ariyasāvako atītesu rūpesu anapekkho hoti; anāgate rūpe nābhinandati; paccuppannānaṃ rūpānaṃ nibbidāya virāgāya nirodhāya paṭipanno hoti’'ti...pe. Ekādasamaṃ.

12. Bāhirānattātītānāgatasuttaṃ

12. “Rūpā, bhikkhave, anattā atītānāgatā; ko pana vādo paccuppannānaṃ! Evaṃ passaṃ, bhikkhave, sutavā ariyasāvako atītesu rūpesu anapekkho hoti; anāgate rūpe nābhinandati; paccuppannānaṃ rūpānaṃ nibbidāya virāgāya nirodhāya paṭipanno hoti. Saddā... gandhā... rasā... phoṭṭhabbā... dhammā anattā atītānāgatā; ko pana vādo paccuppannānaṃ! Evaṃ passaṃ, bhikkhave, sutavā ariyasāvako atītesu dhammesu anapekkho hoti; anāgate dhamme nābhinandati; paccuppannānaṃ dhammānaṃ nibbidāya virāgāya nirodhāya paṭipanno hoti’'ti. Dvādasamaṃ.

Aniccavaggo paṭhamo.

Tassuddānaṃ –

Aniccaṃ dukkhaṃ anattā ca, tayo ajjhatabāhirā;
Yadaniccena tayo vuttā, te te ajjhatabāhirāti.

2. Yamakavaggo

1. Paṭhamapubbesambodhasuttaṃ

13. Sāvattihinidānaṃ. “Pubbeva me, bhikkhave, sambodhā anabhisambuddhassa bodhisattasseva sato etadahosi – ‘ko nu kho cakkhussa assādo, ko ādīnavo, kiṃ nissaraṇaṃ? Ko sotassa...pe... ko ghānassa... ko jivhāya... ko kāyassa... ko manassa assādo, ko ādīnavo, kiṃ nissaraṇa’nti? Tassa mayhaṃ, bhikkhave, etadahosi – ‘yaṃ kho cakkhuṃ paṭicca uppajjati sukhaṃ somanassaṃ, yaṃ cakkhussa assādo. Yaṃ cakkhuṃ aniccaṃ dukkhaṃ vipariṇāmadhammaṃ, yaṃ cakkhussa ādīnavo. Yo cakkhusmiṃ chandarāgavinayo chandarāgappahānaṃ, idaṃ cakkhussa nissaraṇaṃ. Yaṃ sotaṃ... pe... yaṃ ghānaṃ...pe... yaṃ jivhaṃ paṭicca uppajjati sukhaṃ somanassaṃ, yaṃ jivhāya assādo. Yaṃ [yā (sī. syā. kaṃ. pī.)] jivhā aniccā dukkhā vipariṇāmadhammā, yaṃ jivhāya ādīnavo. Yo jivhāya chandarāgavinayo chandarāgappahānaṃ, idaṃ jivhāya nissaraṇaṃ. Yaṃ kāyaṃ...pe... yaṃ manāṃ

paṭicca uppajjati sukhaṃ somanassaṃ, ayaṃ manassa assādo. Yaṃ [yo (sī. syā. kaṃ. ka.)] mano anicco dukkho vipariṇāmadhammo, ayaṃ manassa ādīnavo. Yo manasmiṃ chandarāgavinayo chandarāgappahānaṃ, idaṃ manassa nissaraṇaṃ”nti.

“Yāvakīvañcāhaṃ, bhikkhave, imesaṃ channaṃ ajjhattikānaṃ āyatanānaṃ evaṃ assādañca assādato, ādīnavañca ādīnavato, nissaraṇañca nissaraṇato yathābhūtaṃ nābbhaññāsim, neva tāvāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya ‘anuttaraṃ sammāsambodhiṃ abhisambuddho’ti [sabbatthāpi evameva itisaddena saha dissati] paccaññāsim. Yato ca khvāhaṃ, bhikkhave, imesaṃ channaṃ ajjhattikānaṃ āyatanānaṃ evaṃ assādañca assādato, ādīnavañca ādīnavato, nissaraṇañca nissaraṇato yathābhūtaṃ abbhaññāsim, athāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya ‘anuttaraṃ sammāsambodhiṃ abhisambuddho’ti paccaññāsim. Nānañca pana me dassanaṃ udapādi – ‘akuppā me vimutti [cetovimutti (sī. pī. ka.) evamuparipi], ayamantimā jāti, natthi dāni punabbhavo”ti. Paṭhamaṃ.

2. Dutiyapubbesambodhasuttaṃ

14. “Pubbeva me, bhikkhave, sambodhā anabhisambuddhassa bodhisattasseva sato etadahosi – ‘ko nu kho rūpānaṃ assādo, ko ādīnavo, kiṃ nissaraṇaṃ? Ko saddānaṃ...pe... ko gandhānaṃ... ko rasānaṃ... ko phoṭṭhabbānaṃ... ko dhammānaṃ assādo, ko ādīnavo, kiṃ nissaraṇaṃ’nti? Tassa mayhaṃ, bhikkhave, etadahosi – ‘yaṃ kho rūpe paṭicca uppajjati sukhaṃ somanassaṃ, ayaṃ rūpānaṃ assādo. Yaṃ rūpā aniccā dukkhā vipariṇāmadhammā, ayaṃ rūpānaṃ ādīnavo. Yo rūpesu chandarāgavinayo chandarāgappahānaṃ, idaṃ rūpānaṃ nissaraṇaṃ. Yaṃ sadde... gandhe... rase... phoṭṭhabbe... yaṃ dhamme paṭicca uppajjati sukhaṃ somanassaṃ, ayaṃ dhammānaṃ assādo. Yaṃ dhammā aniccā dukkhā vipariṇāmadhammā, ayaṃ dhammānaṃ ādīnavo. Yo dhammesu chandarāgavinayo chandarāgappahānaṃ, idaṃ dhammānaṃ nissaraṇaṃ”nti.

“Yāvakīvañcāhaṃ, bhikkhave, imesaṃ channaṃ bāhirānaṃ āyatanānaṃ evaṃ assādañca assādato, ādīnavañca ādīnavato, nissaraṇañca nissaraṇato yathābhūtaṃ nābbhaññāsim, neva tāvāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya ‘anuttaraṃ sammāsambodhiṃ abhisambuddho’ti paccaññāsim. Yato ca khvāhaṃ, bhikkhave, imesaṃ channaṃ bāhirānaṃ āyatanānaṃ evaṃ assādañca assādato, ādīnavañca ādīnavato, nissaraṇañca nissaraṇato yathābhūtaṃ abbhaññāsim, athāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya ‘anuttaraṃ sammāsambodhiṃ abhisambuddho’ti paccaññāsim. Nānañca pana me dassanaṃ udapādi – ‘akuppā me vimutti, ayamantimā jāti, natthi dāni punabbhavo”ti. Dutiyamaṃ.

3. Paṭhamaassādapariyesanasuttaṃ

15. “Cakkhussāhaṃ, bhikkhave, assādapariyesanaṃ acarimaṃ. Yo cakkhussa assādo tadajjhagamaṃ. Yāvatā cakkhussa assādo paññāya me so sudiṭṭho. Cakkhussāhaṃ, bhikkhave, ādīnavapariyesanaṃ acarimaṃ. Yo cakkhussa ādīnavo tadajjhagamaṃ. Yāvatā cakkhussa ādīnavo paññāya me so sudiṭṭho. Cakkhussāhaṃ, bhikkhave, nissaraṇapariyesanaṃ acarimaṃ. Yaṃ cakkhussa nissaraṇaṃ tadajjhagamaṃ. Yāvatā cakkhussa nissaraṇaṃ, paññāya me taṃ sudiṭṭhaṃ. Sotassāhaṃ, bhikkhave... ghānassāhaṃ, bhikkhave... jivhāyāhaṃ bhikkhave, assādapariyesanaṃ acarimaṃ. Yo jivhāya assādo tadajjhagamaṃ. Yāvatā jivhāya assādo paññāya me so sudiṭṭho. Jivhāyāhaṃ, bhikkhave, ādīnavapariyesanaṃ acarimaṃ. Yo jivhāya ādīnavo tadajjhagamaṃ. Yāvatā jivhāya ādīnavo paññāya me so sudiṭṭho. Jivhāyāhaṃ, bhikkhave, nissaraṇapariyesanaṃ acarimaṃ. Yaṃ jivhāya nissaraṇaṃ tadajjhagamaṃ. Yāvatā jivhāya nissaraṇaṃ, paññāya me taṃ sudiṭṭhaṃ. Manassāhaṃ, bhikkhave, assādapariyesanaṃ acarimaṃ. Yo manassa assādo tadajjhagamaṃ. Yāvatā manassa assādo paññāya me so sudiṭṭho. Manassāhaṃ, bhikkhave, ādīnavapariyesanaṃ acarimaṃ. Yo manassa ādīnavo tadajjhagamaṃ. Yāvatā manassa ādīnavo

paññāya me so sudiṭṭho. Manassāhaṃ, bhikkhave, nissaraṇapariyesanaṃ acarim. Yaṃ manassa nissaraṇaṃ tadajjhagamaṃ. Yāvataṃ manassa nissaraṇaṃ, paññāya me taṃ sudiṭṭhaṃ.

“Yāvakīvañcāhaṃ, bhikkhave, imesaṃ channaṃ ajjhattikānaṃ āyatanānaṃ assādañca assādato, ādīnavañca ādīnavato, nissaraṇaṃ nissaraṇato yathābhūtaṃ nābbhaññāsim...pe... paccaññāsim. Ñāṇaṃ pana me dassanaṃ udapādi – ‘akuppā me vimutti, ayamantimā jāti, natthi dāni punabbhavo’”ti. Tatiyaṃ.

4. Dutiyassādapariyesanasuttaṃ

16. “Rūpānāhaṃ, bhikkhave, assādapariyesanaṃ acarim. Yo rūpānaṃ assādo tadajjhagamaṃ. Yāvataṃ rūpānaṃ assādo paññāya me so sudiṭṭho. Rūpānāhaṃ, bhikkhave, ādīnavapariyesanaṃ acarim. Yo rūpānaṃ ādīnavo tadajjhagamaṃ. Yāvataṃ rūpānaṃ ādīnavo paññāya me so sudiṭṭho. Rūpānāhaṃ, bhikkhave, nissaraṇapariyesanaṃ acarim. Yaṃ rūpānaṃ nissaraṇaṃ tadajjhagamaṃ. Yāvataṃ rūpānaṃ nissaraṇaṃ, paññāya me taṃ sudiṭṭhaṃ. Saddānāhaṃ, bhikkhave... gandhānāhaṃ, bhikkhave... rasānāhaṃ, bhikkhave... phoṭṭhabbānāhaṃ, bhikkhave... dhammānāhaṃ, bhikkhave, assādapariyesanaṃ acarim. Yo dhammānaṃ assādo tadajjhagamaṃ. Yāvataṃ dhammānaṃ assādo paññāya me so sudiṭṭho. Dhammānāhaṃ, bhikkhave, ādīnavapariyesanaṃ acarim. Yo dhammānaṃ ādīnavo tadajjhagamaṃ. Yāvataṃ dhammānaṃ ādīnavo paññāya me so sudiṭṭho. Dhammānāhaṃ, bhikkhave, nissaraṇapariyesanaṃ acarim. Yaṃ dhammānaṃ nissaraṇaṃ tadajjhagamaṃ. Yāvataṃ dhammānaṃ nissaraṇaṃ, paññāya me taṃ sudiṭṭhaṃ.

“Yāvakīvañcāhaṃ, bhikkhave, imesaṃ channaṃ bāhirānaṃ āyatanānaṃ assādañca assādato, ādīnavañca ādīnavato, nissaraṇaṃ nissaraṇato yathābhūtaṃ nābbhaññāsim...pe... paccaññāsim. Ñāṇaṃ pana me dassanaṃ udapādi – ‘akuppā me vimutti, ayamantimā jāti, natthi dāni punabbhavo’”ti. Catutthaṃ.

5. Paṭhamanoceassādasuttaṃ

17. “No cedaṃ, bhikkhave, cakkhussa assādo abhaviṣsa, nayidaṃ sattā cakkhusmiṃ sārājjeyyuṃ. Yasmā ca kho, bhikkhave, atthi cakkhussa assādo tasmā sattā cakkhusmiṃ sārājanti. No cedaṃ, bhikkhave, cakkhussa ādīnavo abhaviṣsa, nayidaṃ sattā cakkhusmiṃ nibbindeyyuṃ. Yasmā ca kho, bhikkhave, atthi cakkhussa ādīnavo tasmā sattā cakkhusmiṃ nibbindanti. No cedaṃ, bhikkhave, cakkhussa nissaraṇaṃ abhaviṣsa, nayidaṃ sattā cakkhusmā nissareyyuṃ. Yasmā ca kho, bhikkhave, atthi cakkhussa nissaraṇaṃ tasmā sattā cakkhusmā nissaranti. No cedaṃ, bhikkhave, sotassa assādo abhaviṣsa... no cedaṃ, bhikkhave, ghānassa assādo abhaviṣsa... no cedaṃ, bhikkhave, jivhāya assādo abhaviṣsa, nayidaṃ sattā jivhāya sārājjeyyuṃ. Yasmā ca kho, bhikkhave, atthi jivhāya assādo, tasmā sattā jivhāya sārājanti. No cedaṃ, bhikkhave, jivhāya ādīnavo abhaviṣsa, nayidaṃ sattā jivhāya nibbindeyyuṃ. Yasmā ca kho, bhikkhave, atthi jivhāya ādīnavo, tasmā sattā jivhāya nibbindanti. No cedaṃ, bhikkhave, jivhāya nissaraṇaṃ abhaviṣsa, nayidaṃ sattā jivhāya nissareyyuṃ. Yasmā ca kho, bhikkhave, atthi jivhāya nissaraṇaṃ, tasmā sattā jivhāya nissaranti. No cedaṃ, bhikkhave, kāyassa assādo abhaviṣsa... no cedaṃ, bhikkhave, manassa assādo abhaviṣsa, nayidaṃ sattā manasmim sārājjeyyuṃ. Yasmā ca kho, bhikkhave, atthi manassa assādo, tasmā sattā manasmim sārājanti. No cedaṃ, bhikkhave, manassa ādīnavo abhaviṣsa, nayidaṃ sattā manasmim nibbindeyyuṃ. Yasmā ca kho, bhikkhave, atthi manassa ādīnavo, tasmā sattā manasmim nibbindanti. No cedaṃ, bhikkhave, manassa nissaraṇaṃ abhaviṣsa, nayidaṃ sattā manasmā nissareyyuṃ. Yasmā ca kho, bhikkhave, atthi manassa nissaraṇaṃ, tasmā sattā manasmā nissaranti.

“Yāvakīvañca, bhikkhave, sattā imesaṃ channaṃ ajjhattikānaṃ āyatanānaṃ assādañca assādato, ādīnavañca ādīnavato, nissaraṇaṃ nissaraṇato yathābhūtaṃ nābbhaññāmsu, neva tāva, bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭṭā visaññuttā

vippamuttā vimariyādīkatena [vipariyādīkatena (sī. pī.), vipariyādīkatena (syā. kam. ka.)] cetasā viharim̐su. Yato ca kho, bhikkhave, sattā imesaṃ channaṃ ajjhattikānaṃ āyatanānaṃ assādañca assādato, ādīnavañca ādīnavato, nissaraṇaṃ nissaraṇato yathābhūtaṃ abbhaññaṃsu, atha, bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭṭhā visaññuttā vippamuttā vimariyādīkatena cetasā viharantī’’ti. Pañcamaṃ.

6. Dutiyanoceassādasuttaṃ

18. “No cedaṃ, bhikkhave, rūpānaṃ assādo abhaviṣṣa, nayidaṃ sattā rūpesu sārājjeyyuṃ. Yasmā ca kho, bhikkhave, atthi rūpānaṃ assādo, tasmā sattā rūpesu sārājanti. No cedaṃ, bhikkhave, rūpānaṃ ādīnavo abhaviṣṣa, nayidaṃ sattā rūpesu nibbindeyyuṃ. Yasmā ca kho, bhikkhave, atthi rūpānaṃ ādīnavo, tasmā sattā rūpesu nibbindanti. No cedaṃ, bhikkhave, rūpānaṃ nissaraṇaṃ abhaviṣṣa, nayidaṃ sattā rūpehi nissareyyuṃ. Yasmā ca kho, bhikkhave, atthi rūpānaṃ nissaraṇaṃ, tasmā sattā rūpehi nissaranti. No cedaṃ, bhikkhave, saddānaṃ... gandhānaṃ... rasānaṃ... phoṭṭhabbānaṃ... dhammānaṃ assādo abhaviṣṣa, nayidaṃ sattā dhammesu sārājjeyyuṃ. Yasmā ca kho, bhikkhave, atthi dhammānaṃ assādo, tasmā sattā dhammesu sārājanti. No cedaṃ, bhikkhave, dhammānaṃ ādīnavo abhaviṣṣa, nayidaṃ sattā dhammesu nibbindeyyuṃ. Yasmā ca kho, bhikkhave, atthi dhammānaṃ ādīnavo, tasmā sattā dhammesu nibbindanti. No cedaṃ, bhikkhave, dhammānaṃ nissaraṇaṃ abhaviṣṣa, nayidaṃ sattā dhammehi nissareyyuṃ. Yasmā ca kho, bhikkhave, atthi dhammānaṃ nissaraṇaṃ, tasmā sattā dhammehi nissaranti.

“Yāvakiṅkaṇa, bhikkhave, sattā imesaṃ channaṃ bāhirānaṃ āyatanānaṃ assādañca assādato, ādīnavañca ādīnavato, nissaraṇaṃ nissaraṇato yathābhūtaṃ nābbhaññaṃsu, neva tāva, bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭṭhā visaññuttā vippamuttā vimariyādīkatena cetasā viharim̐su. Yato ca kho, bhikkhave, sattā imesaṃ channaṃ bāhirānaṃ āyatanānaṃ assādañca assādato, ādīnavañca ādīnavato, nissaraṇaṃ nissaraṇato yathābhūtaṃ abbhaññaṃsu, atha, bhikkhave, sattā sadevakā lokā samārakā sabrahmakā sassamaṇabrāhmaṇiyā pajāya sadevamanussāya nissaṭṭhā visaññuttā vippamuttā vimariyādīkatena cetasā viharantī’’ti. Chaṭṭhaṃ.

7. Paṭhamābhīnandasuttaṃ

19. “Yo, bhikkhave, cakkhuṃ abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmāti vadāmi. Yo sotaṃ...pe... yo ghānaṃ...pe... yo jivhaṃ abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmāti vadāmi. Yo kāyaṃ... pe... yo manaṃ abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmā’’ti vadāmi.

“Yo ca kho, bhikkhave, cakkhuṃ nābhīnandati, dukkhaṃ so nābhīnandati. Yo dukkhaṃ nābhīnandati, parimutto so dukkhasmāti vadāmi. Yo sotaṃ...pe... yo ghānaṃ...pe... yo jivhaṃ nābhīnandati, dukkhaṃ so nābhīnandati. Yo dukkhaṃ nābhīnandati, parimutto so dukkhasmāti vadāmi. Yo kāyaṃ...pe... yo manaṃ nābhīnandati, dukkhaṃ so nābhīnandati. Yo dukkhaṃ nābhīnandati, parimutto so dukkhasmā’’ti vadāmi. Sattamaṃ.

8. Dutiyābhīnandasuttaṃ

20. “Yo, bhikkhave, rūpe abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmāti vadāmi. Yo sadde...pe... gandhe... rase... phoṭṭhabbe... dhamme abhinandati, dukkhaṃ so abhinandati. Yo dukkhaṃ abhinandati, aparimutto so dukkhasmā’’ti vadāmi.

“Yo ca kho, bhikkhave, rūpe nābhīnandati, dukkhaṃ so nābhīnandati. Yo dukkhaṃ nābhīnandati,

parimutto so dukkhasmāti vadāmi. Yo sadde...pe... gandhe... rase... phoṭṭhabbe... dhamme nābhinandati, dukkhaṃ so nābhinandati. Yo dukkhaṃ nābhinandati, parimutto so dukkhasmā'ti vadāmi. Aṭṭhamaṃ.

9. Paṭhamadukkhuppādasuttaṃ

21. “Yo, bhikkhave, cakkhussa uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmarañassa pātubhāvo. Yo sotassa...pe... yo ghānassa... yo jivhāya... yo kāyassa... yo manassa uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmarañassa pātubhāvo.

“Yo ca kho, bhikkhave, cakkhussa nirodho vūpasamo atthaṅgamo, dukkhasseso nirodho, rogānaṃ vūpasamo, jarāmarañassa atthaṅgamo. Yo sotassa... yo ghānassa... yo jivhāya... yo kāyassa... yo manassa nirodho vūpasamo atthaṅgamo, dukkhasseso nirodho, rogānaṃ vūpasamo, jarāmarañassa atthaṅgamo'ti. Navamaṃ.

10. Dutiyadukkhuppādasuttaṃ

22. “Yo, bhikkhave, rūpānaṃ uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmarañassa pātubhāvo. Yo saddānaṃ...pe... yo gandhānaṃ... yo rasānaṃ... yo phoṭṭhabbānaṃ... yo dhammānaṃ uppādo ṭhiti abhinibbatti pātubhāvo, dukkhasseso uppādo, rogānaṃ ṭhiti, jarāmarañassa pātubhāvo.

“Yo ca kho, bhikkhave, rūpānaṃ nirodho vūpasamo atthaṅgamo, dukkhasseso nirodho, rogānaṃ vūpasamo, jarāmarañassa atthaṅgamo. Yo saddānaṃ...pe... yo gandhānaṃ... yo rasānaṃ... yo phoṭṭhabbānaṃ... yo dhammānaṃ nirodho vūpasamo atthaṅgamo, dukkhasseso nirodho, rogānaṃ vūpasamo, jarāmarañassa atthaṅgamo'ti. Dasamaṃ.

Yamakavaggo dutiyo.

Tassuddānaṃ –

Sambodhena duve vuttā, assādena apare duve;
No cetena duve vuttā, abhinandena apare duve;
Uppādena duve vuttā, vaggo tena pavuccatīti.

3. Sabbavaggo

1. Sabbasuttaṃ

23. Sāvattthinidānaṃ. “Sabbam vo, bhikkhave, desessāmi. Taṃ suṇātha. Kiñca, bhikkhave, sabbam? Cakkhuñceva rūpā ca, sotañca [sotañceva (?) evamitarayugalesupi] saddā ca, ghānañca gandhā ca, jivhā ca rasā ca, kāyo ca phoṭṭhabbā ca, mano ca dhammā ca – idaṃ vuccati, bhikkhave, sabbam. Yo, bhikkhave, evaṃ vadeyya – ‘ahametaṃ sabbam paccakkhāya aññaṃ sabbam paññāpessāmi'ti, tassa vācāvattthukamevassa [vācāvattthurevassa (sī. pī.), vācāvattthudevassa (syā. kaṃ.)]; puṭṭho ca na sampāyeyya, uttariñca vighātaṃ āpajjeyya. Taṃ kissa hetu? Yathā taṃ, bhikkhave, avisayasmi'ti. Paṭhamaṃ.

2. Pahānasuttaṃ

24. “Sabbappahānāya [sabbam pahānāya (syā. kaṃ. ka.)] vo, bhikkhave, dhammaṃ desessāmi. Taṃ suṇātha. Katamo ca, bhikkhave, sabbappahānāya dhammo? Cakkhum, bhikkhave, pahāttabbam,

rūpā pahātabbā, cakkhuviññāṇaṃ pahātabbaṃ, cakkhusamphasso pahātabbo, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi pahātabbaṃ...pe... yampidaṃ sotasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi pahātabbaṃ... yampidaṃ ghānasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi pahātabbaṃ. Jivhā pahātabbā, rasā pahātabbā, jivhāviññāṇaṃ pahātabbaṃ, jivhāsamphasso pahātabbo, yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi pahātabbaṃ. Kāyo pahātabbo... mano pahātabbo, dhammā pahātabbā, manoviññāṇaṃ pahātabbaṃ, manosamphasso pahātabbo, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi pahātabbaṃ. Ayaṃ kho, bhikkhave, sabbappahānāya dhammo’’ti. Dutiyaṃ.

3. Abhiññāpariññāpahānasuttaṃ

25. ‘‘Sabbam abhiññā pariññā pahānāya vo, bhikkhave, dhammaṃ desessāmi. Taṃ suṇātha. Katamo ca, bhikkhave, sabbam abhiññā pariññā pahānāya dhammo? Cakkhum, bhikkhave, abhiññā pariññā pahātabbaṃ, rūpā abhiññā pariññā pahātabbā, cakkhuviññāṇaṃ abhiññā pariññā pahātabbaṃ, cakkhusamphasso abhiññā pariññā pahātabbo, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi abhiññā pariññā pahātabbaṃ...pe... jivhā abhiññā pariññā pahātabbā, rasā abhiññā pariññā pahātabbā, jivhāviññāṇaṃ abhiññā pariññā pahātabbaṃ, jivhāsamphasso abhiññā pariññā pahātabbo, yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi abhiññā pariññā pahātabbaṃ. Kāyo abhiññā pariññā pahātabbo... mano abhiññā pariññā pahātabbo, dhammā abhiññā pariññā pahātabbā, manoviññāṇaṃ abhiññā pariññā pahātabbaṃ, manosamphasso abhiññā pariññā pahātabbo, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi abhiññā pariññā pahātabbaṃ. Ayaṃ kho, bhikkhave, sabbam abhiññā pariññā pahānāya dhammo’’ti. Tatiyaṃ.

4. Paṭhamaaparijānanasuttaṃ

26. ‘‘Sabbam, bhikkhave, anabhijānaṃ parijānaṃ avirājayaṃ appajahaṃ abhabbo dukkhakkhayāya. Kiñca, bhikkhave, anabhijānaṃ parijānaṃ avirājayaṃ appajahaṃ abhabbo dukkhakkhayāya? Cakkhum, bhikkhave, anabhijānaṃ parijānaṃ avirājayaṃ appajahaṃ abhabbo dukkhakkhayāya. Rūpe anabhijānaṃ parijānaṃ avirājayaṃ appajahaṃ abhabbo dukkhakkhayāya. Cakkhuviññāṇaṃ anabhijānaṃ parijānaṃ avirājayaṃ appajahaṃ abhabbo dukkhakkhayāya. Cakkhusamphassaṃ anabhijānaṃ parijānaṃ avirājayaṃ appajahaṃ abhabbo dukkhakkhayāya. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anabhijānaṃ parijānaṃ avirājayaṃ appajahaṃ abhabbo dukkhakkhayāya...pe... jivhaṃ anabhijānaṃ parijānaṃ avirājayaṃ appajahaṃ abhabbo dukkhakkhayāya. Rase...pe... jivhāviññāṇaṃ...pe... jivhāsamphassaṃ...pe... yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anabhijānaṃ parijānaṃ avirājayaṃ appajahaṃ abhabbo dukkhakkhayāya. Kāyaṃ...pe... manaṃ anabhijānaṃ parijānaṃ avirājayaṃ appajahaṃ abhabbo dukkhakkhayāya. Dhamme...pe... manoviññāṇaṃ...pe... manosamphassaṃ...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anabhijānaṃ parijānaṃ avirājayaṃ appajahaṃ abhabbo dukkhakkhayāya. Idaṃ kho, bhikkhave, sabbam anabhijānaṃ parijānaṃ avirājayaṃ appajahaṃ abhabbo dukkhakkhayāya.

‘‘Sabbāñca kho, bhikkhave, abhijānaṃ parijānaṃ virājayaṃ pajahaṃ bhabbo dukkhakkhayāya. Kiñca, bhikkhave, sabbam abhijānaṃ parijānaṃ virājayaṃ pajahaṃ bhabbo dukkhakkhayāya? Cakkhum, bhikkhave, abhijānaṃ parijānaṃ virājayaṃ pajahaṃ bhabbo dukkhakkhayāya. Rūpe abhijānaṃ parijānaṃ virājayaṃ pajahaṃ bhabbo dukkhakkhayāya. Cakkhuviññāṇaṃ abhijānaṃ parijānaṃ virājayaṃ pajahaṃ bhabbo dukkhakkhayāya. Cakkhusamphassaṃ abhijānaṃ parijānaṃ

virājayam pajaham bhabbo dukkhakkhayāya. Yampidam cakkhusamphassapaccayā uppajjati vedayitam sukham vā dukkham vā adukkhamasukham vā tampi abhijānam pari jānam virājayam pajaham bhabbo dukkhakkhayāya...pe... jivham abhijānam pari jānam virājayam pajaham bhabbo dukkhakkhayāya. Rase...pe... jivhāviññānam...pe... jivhāsamphassaṃ...pe... yampidam jivhāsamphassapaccayā uppajjati vedayitam sukham vā dukkham vā adukkhamasukham vā tampi abhijānam pari jānam virājayam pajaham bhabbo dukkhakkhayāya. Kāyam...pe... manam abhijānam pari jānam virājayam pajaham bhabbo dukkhakkhayāya. Dhamme...pe... manoviññānam...pe... manosamphassaṃ...pe... yampidam manosamphassapaccayā uppajjati vedayitam sukham vā dukkham vā adukkhamasukham vā tampi abhijānam pari jānam virājayam pajaham bhabbo dukkhakkhayāya. Idam kho, bhikkhave, sabbam abhijānam pari jānam virājayam pajaham bhabbo dukkhakkhayāya”ti. Catuttham.

5. Dutiyaparijānanasuttam

27. “Sabbam, bhikkhave, anabhijānam aparijānam avirājayam appajaham abhabbo dukkhakkhayāya. Kiñca, bhikkhave, sabbam anabhijānam aparijānam avirājayam appajaham abhabbo dukkhakkhayāya? Yañca, bhikkhave, cakkhu, ye ca rūpā, yañca cakkhuviññānam, ye ca cakkhuviññānaviññātabbā dhammā...pe... yā ca jivhā, ye ca rasā, yañca jivhāviññānam, ye ca jivhāviññānaviññātabbā dhammā; yo ca kāyo, ye ca phoṭṭhabbā, yañca kāyaviññānam, ye ca kāyaviññānaviññātabbā dhammā; yo ca mano, ye ca dhammā, yañca manoviññānam, ye ca manoviññānaviññātabbā dhammā – idam kho, bhikkhave, sabbam anabhijānam aparijānam avirājayam appajaham abhabbo dukkhakkhayāya.

“Sabbam, bhikkhave, abhijānam pari jānam virājayam pajaham bhabbo dukkhakkhayāya. Kiñca, bhikkhave, sabbam abhijānam pari jānam virājayam pajaham bhabbo dukkhakkhayāya? Yañca, bhikkhave, cakkhu, ye ca rūpā, yañca cakkhuviññānam, ye ca cakkhuviññānaviññātabbā dhammā...pe... yā ca jivhā, ye ca rasā, yañca jivhāviññānam, ye ca jivhāviññānaviññātabbā dhammā; yo ca kāyo, ye ca phoṭṭhabbā, yañca kāyaviññānam, ye ca kāyaviññānaviññātabbā dhammā; yo ca mano, ye ca dhammā, yañca manoviññānam, ye ca manoviññānaviññātabbā dhammā – idam kho, bhikkhave, sabbam abhijānam pari jānam virājayam pajaham bhabbo dukkhakkhayāya”ti. Pañcamam.

6. Ādittasuttam

28. Ekam samayam bhagavā gayāyam viharati gayāsise saddhim bhikkhusahassena. Tatra kho bhagavā bhikkhū āmantesi – “sabbam, bhikkhave, ādittam. Kiñca, bhikkhave, sabbam ādittam? Cakkhu [cakkhum (sī. syā. kam. pī.)], bhikkhave, ādittam, rūpā ādittā, cakkhuviññānam ādittam, cakkhusamphasso āditto. Yampidam cakkhusamphassapaccayā uppajjati vedayitam sukham vā dukkham vā adukkhamasukham vā tampi ādittam. Kena ādittam? ‘Rāgagginā, dosagginā, mohagginā ādittam, jātiyā jarāya maraṇena sokehi paridevehi dukkhehi domanassehi upāyāsehi āditta’nti vadāmi... pe... jivhā ādittā, rasā ādittā, jivhāviññānam ādittam, jivhāsamphasso āditto. Yampidam jivhāsamphassapaccayā uppajjati vedayitam sukham vā dukkham vā adukkhamasukham vā tampi ādittam. Kena ādittam? ‘Rāgagginā, dosagginā, mohagginā ādittam, jātiyā jarāya maraṇena sokehi paridevehi dukkhehi domanassehi upāyāsehi āditta’nti vadāmi... pe... mano āditto, dhammā ādittā, manoviññānam ādittam, manosamphasso āditto. Yampidam manosamphassapaccayā uppajjati vedayitam sukham vā dukkham vā adukkhamasukham vā tampi ādittam. Kena ādittam? ‘Rāgagginā, dosagginā, mohagginā ādittam, jātiyā jarāya maraṇena sokehi paridevehi dukkhehi domanassehi upāyāsehi āditta’nti vadāmi. Evaṃ passam, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuviññāṇepi nibbindati, cakkhusamphassepi nibbindati, yampidam cakkhusamphassapaccayā uppajjati vedayitam sukham vā dukkham vā adukkhamasukham vā tasmimpi nibbindati ...pe... yampidam manosamphassapaccayā uppajjati vedayitam sukham vā dukkham vā adukkhamasukham vā tasmimpi nibbindati. Nibbindam virajjati; virāgā vimuccati; vimuttasmim

vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Idamavoca bhagavā. Attamanā te bhikkhū bhagavato bhāsitaṃ abhinandunṃ. Imasmiṅca pana veyyākaraṇasmiṃ bhaññamāne tassa bhikkhusahassassa anupādāya āsavehi cittāni vimuccimṣūti. Chaṭṭhaṃ.

7. Addhabhūtasuttaṃ

29. Evaṃ me suttaṃ – ekaṃ samayaṃ bhagavā rājagahe viharati veļuvane kalandakanivāpe. Tatra kho bhagavā bhikkhū āmantesi – “sabbhaṃ, bhikkhave, addhabhūtaṃ [andhabhūtaṃ (sī. syā. kaṃ.)]. Kiṅca, bhikkhave, sabbhaṃ addhabhūtaṃ? Cakkhu, bhikkhave, addhabhūtaṃ, rūpā addhabhūtā, cakkhuvīññāṇaṃ addhabhūtaṃ, cakkhusamphasso addhabhūto, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi addhabhūtaṃ. Kena addhabhūtaṃ? ‘Jātiyā jarāya maraṇena sokehi paridevehi dukkhehi domanassehi upāyāsehi addhabhūta’nti vadāmi...pe... jivhā addhabhūtā, rasā addhabhūtā, jivhāvīññāṇaṃ addhabhūtaṃ, jivhāsamphasso addhabhūto, yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi addhabhūtaṃ. Kena addhabhūtaṃ? ‘Jātiyā jarāya maraṇena sokehi paridevehi dukkhehi domanassehi upāyāsehi addhabhūta’nti vadāmi. Kāyo addhabhūto...pe... mano addhabhūto, dhammā addhabhūtā, manovīññāṇaṃ addhabhūtaṃ, manosamphasso addhabhūto, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi addhabhūtaṃ. Kena addhabhūtaṃ? ‘Jātiyā jarāya maraṇena sokehi paridevehi dukkhehi domanassehi upāyāsehi addhabhūta’nti vadāmi. Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuvīññāṇepi nibbindati, cakkhusamphassepi nibbindati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati, virāgā vimuccati, vimuttasmiṃ ‘vimutta’miti ñāṇaṃ hoti, ‘khīṇā jāti vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Sattamaṃ.

8. Samugghātasāruppasuttaṃ

30. “Sabbamaññitasamugghātasārappaṃ vo, bhikkhave, paṭipadaṃ desessāmi. Taṃ suṇātha, sādhukaṃ manasi karotha; bhāsissāmīti. Katamā ca sā, bhikkhave, sabbamaññitasamugghātasāruppā paṭipadā? Idha, bhikkhave, bhikkhu cakkhuṃ na maññati, cakkhusmiṃ na maññati, cakkhuto na maññati, cakkhuṃ meti na maññati. Rūpe na maññati, rūpesu na maññati, rūpato na maññati, rūpā meti na maññati. Cakkhuvīññāṇaṃ na maññati, cakkhuvīññāṇasmiṃ na maññati, cakkhuvīññāṇato na maññati, cakkhuvīññāṇaṃ meti na maññati. Cakkhusamphassaṃ na maññati, cakkhusamphassasmiṃ na maññati, cakkhusamphassato na maññati, cakkhusamphasso meti na maññati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññati, tasmimpi na maññati, tatopi na maññati, taṃ meti na maññati...pe... jivhaṃ na maññati, jivhāya na maññati, jivhāto na maññati, jivhā meti na maññati. Rase na maññati, rasesu na maññati, rasato na maññati, rasā meti na maññati. Jivhāvīññāṇaṃ na maññati, jivhāvīññāṇasmiṃ na maññati, jivhāvīññāṇato na maññati, jivhāvīññāṇaṃ meti na maññati. Jivhāsamphassaṃ na maññati, jivhāsamphassasmiṃ na maññati, jivhāsamphassato na maññati, jivhāsamphasso meti na maññati. Yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññati, tasmimpi na maññati, tatopi na maññati, taṃ meti na maññati...pe... manaṃ na maññati, manasmimṃ na maññati, manato na maññati, mano meti na maññati. Dhamme na maññati, dhammesu na maññati, dhammato na maññati, dhammā meti na maññati. Manovīññāṇaṃ na maññati, manovīññāṇasmiṃ na maññati, manovīññāṇato na maññati, manovīññāṇaṃ meti na maññati. Manosamphassaṃ na maññati, manosamphassasmiṃ na maññati, manosamphassato na maññati, manosamphasso meti na maññati. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññati, tasmimpi na maññati, tatopi na maññati, taṃ meti na maññati. Sabbhaṃ na maññati, sabbasmiṃ na maññati, sabbato na maññati, sabbhaṃ meti na maññati.

So evaṃ amaññaṃāno na ca kiñci loke upādiyati. Anupādiyam na paritassati. Aparitassam paccattaññaeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparam itthattāyā’ ti pajānāti. Ayaṃ kho sā, bhikkhave, sabbamaññitasamugghātasārūpā paṭipadā’ ti. Aṭṭhamam.

9. Paṭhamasamugghātasappāyasuttaṃ

31. “Sabbamaññitasamugghātasappāyam vo, bhikkhave, paṭipadam desessāmi. Taṃ suṇātha. Katamā ca sā, bhikkhave, sabbamaññitasamugghātasappāyā paṭipadā? Idha, bhikkhave, bhikkhu cakkhum na maññati, cakkhusmiṃ na maññati, cakkhuto na maññati, cakkhum meti na maññati. Rūpe na maññati...pe... cakkhuviññāṇam na maññati, cakkhusamphassaṃ na maññati, yampidaṃ cakkhusamphassapaccayā uppajjati vedayitam sukham vā dukkham vā adukkhamasukham vā tampi na maññati, tasmimpi na maññati, tatopi na maññati, taṃ meti na maññati. Yañhi, bhikkhave, maññati, yasmim maññati, yato maññati, yaṃ meti maññati, tato taṃ hoti aññathā. Aññathābhāvī bhavasatto loko bhavamevābhinandati...pe... jivham na maññati, jivhāya na maññati, jivhāto na maññati, jivhā meti na maññati. Rase na maññati...pe... jivhāviññāṇam na maññati, jivhāsamphassaṃ na maññati. Yampidaṃ jivhāsamphassapaccayā uppajjati vedayitam sukham vā dukkham vā adukkhamasukham vā tampi na maññati, tasmimpi na maññati, tatopi na maññati, taṃ meti na maññati. Yañhi, bhikkhave, maññati, yasmim maññati, yato maññati, yaṃ meti maññati, tato taṃ hoti aññathā. Aññathābhāvī bhavasatto loko bhavamevābhinandati...pe... manam na maññati, manasmim na maññati, manato na maññati, mano meti na maññati. Dhamme na maññati...pe... manoviññāṇam na maññati, manosamphassaṃ na maññati. Yampidaṃ manosamphassapaccayā uppajjati vedayitam sukham vā dukkham vā adukkhamasukham vā tampi na maññati, tasmimpi na maññati, tatopi na maññati, taṃ meti na maññati. Yañhi, bhikkhave, maññati, yasmim maññati, yato maññati, yaṃ meti maññati, tato taṃ hoti aññathā. Aññathābhāvī bhavasatto loko bhavamevābhinandati. Yāvatā, bhikkhave, khandhadhātuāyatanaṃ tampi na maññati, tasmimpi na maññati, tatopi na maññati, taṃ meti na maññati. So evaṃ amaññaṃāno na ca kiñci loke upādiyati. Anupādiyam na paritassati. Aparitassam paccattaññaeva parinibbāyati. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparam itthattāyā’ ti pajānāti. Ayaṃ kho sā, bhikkhave, sabbamaññitasamugghātasappāyā paṭipadā’ ti. Navamam.

10. Dutiyasamugghātasappāyasuttaṃ

32. “Sabbamaññitasamugghātasappāyam vo, bhikkhave, paṭipadam desessāmi. Taṃ suṇātha. Katamā ca sā, bhikkhave, sabbamaññitasamugghātasappāyā paṭipadā?

“Taṃ kiṃ maññatha, bhikkhave, cakkhum niccam vā aniccam vā’ ti?

“Aniccam, bhante”.

“Yaṃ panāniccam dukkham vā taṃ sukham vā’ ti?

“Dukkham, bhante”.

“Yaṃ panāniccam dukkham vipariṇāmadhammam, kallaṃ nu taṃ samanupassituṃ – ‘etaṃ mama, esohamasmi, eso me attā’” ti?

“No hetam bhante”.

“Rūpā...pe... cakkhuviññāṇam... cakkhusamphasso nicco vā anicco vā’ ti?

“Anicco, bhante”...pe....

“Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā”ti?

“Aniccaṃ, bhante”.

“Yaṃ paṇāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti?

“No hetāṃ, bhante”...pe....

“Jivhā niccā vā aniccā vā”ti?

“Aniccā bhante”...pe....

“Rasā... jivhāviññāṇaṃ... jivhāsamphasso...pe... yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā”ti?

“Aniccaṃ, bhante”...pe... dhammā... manoviññāṇaṃ... manosamphasso nicco vā anicco vāti?

“Anicco, bhante”.

“Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā”ti?

“Aniccaṃ, bhante”.

“Yaṃ paṇāniccaṃ dukkhaṃ vā taṃ sukhaṃ vā”ti?

“Dukkhaṃ bhante”.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti?

“No hetāṃ, bhante”.

“Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuvīññāṇepi nibbindati, cakkhusamphassepi nibbindati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati...pe... jivhāyapi nibbindati, rasesupi...pe... yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Manasmimpi nibbindati, dhammesupi nibbindati, manoviññāṇepi nibbindati, manosamphassepi nibbindati. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti. Ayaṃ kho sā, bhikkhave, sabbamaññitasamugghātasappāyā paṭipadā”ti. Dasamaṃ.

Sabbavaggo tatiyo.

Tassuddānaṃ –

Sabbañca dvepi pahānā, parijānāpare duve;
Ādittaṃ addhabhūtañca, sārubbā dve ca sappāyā;
Vaggo tena pavuccatīti.

4. Jātidhammavaggo

1-10. Jātidhammādisuttadasakaṃ

33. Sāvattthinidānaṃ. Tatra kho...pe... “sabbam, bhikkhave, jātidhammaṃ. Kiñca, bhikkhave, sabbam jātidhammaṃ? Cakkhu, bhikkhave, jātidhammaṃ. Rūpā... cakkhuvīññāṇaṃ... cakkhusamphasso jātidhammo. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi jātidhammaṃ...pe... jivhā... rasā... jivhāvīññāṇaṃ... jivhāsamphasso... yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi jātidhammaṃ. Kāyo...pe... mano jātidhammo, dhammā jātidhammā, manovīññāṇaṃ jātidhammaṃ, manosamphasso jātidhammo. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi jātidhammaṃ. Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi... cakkhuvīññāṇepi... cakkhusamphassepi...pe... nāparaṃ itthattāyāti pajānātī’ ti. Paṭhamam.

34. “Sabbam, bhikkhave, jarādhammaṃ...pe... saṃkhittaṃ. Dutiyam.

35. “Sabbam, bhikkhave, byādhidhammaṃ...pe.... Tatiyam.

36. “Sabbam, bhikkhave, maraṇadhammaṃ...pe.... Catuttham.

37. “Sabbam, bhikkhave, sokadhammaṃ...pe.... Pañcamam.

38. “Sabbam, bhikkhave, saṃkilesikadhammaṃ...pe.... Chaṭṭham.

39. “Sabbam, bhikkhave, khayadhammaṃ...pe.... Sattamam.

40. “Sabbam, bhikkhave, vayadhammaṃ...pe.... Aṭṭhamam.

41. “Sabbam, bhikkhave, samudayadhammaṃ...pe.... Navamam.

42. “Sabbam, bhikkhave, nirodhadhammaṃ...pe.... Dasamam.

Jātidhammavaggo catuttho.

Tassuddānaṃ –

Jātijarābyādhimaraṇaṃ, soko ca saṃkilesikaṃ;
Khayavayasamudayaṃ, nirodhadhammena te dasāti.

5. Sabbaaniccavaggo

1-9. Aniccādisuttanavakaṃ

43. Sāvattihinidānaṃ. Tatra kho...pe... ‘sabbam, bhikkhave, aniccaṃ. Kiñca, bhikkhave, sabbam aniccaṃ? Cakkhu, bhikkhave, aniccaṃ, rūpā aniccā, cakkhuvīññānaṃ aniccaṃ, cakkhusamphasso anicco. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ...pe... jivhā aniccā, rasā aniccā, jivhāvīññānaṃ aniccaṃ, jivhāsamphasso anicco. Yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ. Kāyo anicco...pe... mano anicco, dhammā aniccā, manovīññānaṃ aniccaṃ, manosamphasso anicco. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ. Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuvīññāṇepi nibbindati, cakkhusamphassepi nibbindati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati...pe... manasmimpi nibbindati, dhammesupi nibbindati, manovīññāṇepi nibbindati, manosamphassepi nibbindati, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñānaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Paṭhamam.

44. ‘Sabbam, bhikkhave, dukkham...pe.... Dutiyam.

45. ‘Sabbam, bhikkhave, anattā...pe.... Tatiyam.

46. ‘Sabbam, bhikkhave, abhiññeyyam...pe.... Catuttham.

47. ‘Sabbam, bhikkhave, pariññeyyam...pe.... Pañcamam.

48. ‘Sabbam, bhikkhave, pahātabbam...pe.... Chaṭṭham.

49. ‘Sabbam, bhikkhave, sacchikātabbam...pe.... Sattamam.

50. ‘Sabbam, bhikkhave, abhiññāpariññeyyam...pe.... Aṭṭhamam.

51. ‘Sabbam, bhikkhave, upaddutam...pe.... Navamam.

10. Upassaṭṭhasuttaṃ

52. ‘Sabbam, bhikkhave, upassaṭṭham [upassaṭṭham (ka.)]. Kiñca, bhikkhave, sabbam upassaṭṭham? Cakkhu, bhikkhave, upassaṭṭham, rūpā upassaṭṭhā, cakkhuvīññānaṃ upassaṭṭham, cakkhusamphasso upassaṭṭho. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi upassaṭṭham...pe... jivhā upassaṭṭhā, rasā upassaṭṭhā, jivhāvīññānaṃ upassaṭṭham, jivhāsamphasso upassaṭṭho. Yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi upassaṭṭham. Kāyo upassaṭṭho... mano upassaṭṭho, dhammā upassaṭṭhā, manovīññānaṃ upassaṭṭham, manosamphasso upassaṭṭho. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi upassaṭṭham. Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuvīññāṇepi nibbindati, cakkhusamphassepi nibbindati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati...pe... manasmimpi nibbindati, dhammesupi nibbindati, manovīññāṇepi nibbindati, manosamphassepi nibbindati. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñānaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ

itthattāyā'ti pajānātī'ti. Dasamaṃ.

Sabbaaniccavaggo pañcamaṃ.

Tassuddānaṃ –

Aniccaṃ dukkhaṃ anattā, abhiññeeyaṃ pariññeeyaṃ;
Pahātabbaṃ sacchikātabbaṃ, abhiññeeyapariññeeyaṃ [[abhiññeeyaṃ pariññeeyaṃ \(sī. syā. kaṃ.\)](#)], [abhiññātaṃ pariññeeyaṃ \(pī. ka.\)](#)];
Upaddutaṃ upassaṭṭhaṃ, vaggo tena pavuccatīti.

Salāyatanavagge paṭhamapaṇṇāsako samatto.

Tassa vagguddānaṃ –

Aniccavaggaṃ yamakaṃ, sabbaṃ vagmaṃ jātidhammaṃ;
Aniccavaggena paññāsaṃ, pañcamaṃ tena pavuccatīti.

6. Avijjāvaggo

1. Avijjāpahānasuttaṃ

53. Sāvattihinidānaṃ. Atha kho aññataro bhikkhu yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – “kathaṃ nu kho, bhante, jānato kathaṃ passato avijjā pahīyati, vijjā uppajjati”’ti?

“Cakkhuṃ kho, bhikkhu, aniccato jānato passato avijjā pahīyati, vijjā uppajjati. Rūpe aniccato jānato passato avijjā pahīyati, vijjā uppajjati. Cakkhuviññāṇaṃ... cakkhusamphassaṃ... yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccato jānato passato avijjā pahīyati, vijjā uppajjati. Sotaṃ... ghānaṃ... jivhaṃ... kāyaṃ... manaṃ aniccato jānato passato avijjā pahīyati, vijjā uppajjati. Dhamme ... manoviññāṇaṃ... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccato jānato passato avijjā pahīyati, vijjā uppajjati. Evaṃ kho, bhikkhu, jānato evaṃ passato avijjā pahīyati, vijjā uppajjati”’ti. Paṭhamamaṃ.

2. Saṃyojanapahānasuttaṃ

54. “Kathaṃ nu kho, bhante, jānato, kathaṃ passato, saṃyojanā pahīyanti”’ti? “Cakkhuṃ kho, bhikkhu, aniccato jānato passato saṃyojanā pahīyanti. Rūpe... cakkhuviññāṇaṃ... cakkhusamphassaṃ... yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccato jānato passato saṃyojanā pahīyanti. Sotaṃ... ghānaṃ... jivhaṃ... kāyaṃ... manaṃ... dhamme... manoviññāṇaṃ... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccato jānato passato saṃyojanā pahīyanti. Evaṃ kho, bhikkhu, jānato evaṃ passato saṃyojanā pahīyanti”’ti. Dutiyamaṃ.

3. Saṃyojanasamugghātasuttaṃ

55. “Kathaṃ nu kho, bhante, jānato, kathaṃ passato saṃyojanā samugghātaṃ gacchantī”’ti? “Cakkhuṃ kho, bhikkhu, anattato jānato passato saṃyojanā samugghātaṃ gacchantī. Rūpe anattato...

cakkhuvīññāṇaṃ... cakkhusamphassaṃ... yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattato jānato passato saṃyojanā samugghātaṃ gacchanti. Sotaṃ... ghānaṃ... jivhaṃ... kāyaṃ... manaṃ... dhamme... manovīññāṇaṃ... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattato jānato passato saṃyojanā samugghātaṃ gacchanti. Evaṃ kho, bhikkhu, jānato evaṃ passato saṃyojanā samugghātaṃ gacchantī’ ti. Tatiyaṃ.

4. Āsavapahānasuttaṃ

56. “Kathaṃ nu kho, bhante, jānato, kathaṃ passato āsavā pahīyantī’ ti...pe.... Catutthaṃ.

5. Āsavaśamugghātasuttaṃ

57. “Kathaṃ nu kho, bhante, jānato, kathaṃ passato āsavā samugghātaṃ gacchantī’ ti...pe.... Pañcamaṃ.

6. Anusayapahānasuttaṃ

58. “Kathaṃ nu kho...pe... anusayā pahīyantī’ ti...pe.... Chaṭṭhaṃ.

7. Anusayasamugghātasuttaṃ

59. “Kathaṃ nu kho...pe... anusayā samugghātaṃ gacchantī’ ti? “Cakkhuṃ kho, bhikkhu, anattato jānato passato anusayā samugghātaṃ gacchanti...pe... sotaṃ... ghānaṃ... jivhaṃ... kāyaṃ... manaṃ... dhamme... manovīññāṇaṃ... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattato jānato passato anusayā samugghātaṃ gacchanti. Evaṃ kho, bhikkhu, jānato evaṃ passato anusayā samugghātaṃ gacchantī’ ti. Sattamaṃ.

8. Sabbupādānapariññāsuttaṃ

60. “Sabbupādānapariññāya vo, bhikkhave, dhammaṃ desessāmi. Taṃ suṇātha. Katamo ca, bhikkhave, sabbupādānapariññāya dhammo? Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā. Evaṃ passaṃ, bhikkhave, sutavā ariyasāvako cakkhusmimpī nibbindati, rūpesupī nibbindati, cakkhuvīññāṇepī nibbindati, cakkhusamphassepī nibbindati, vedanāyapī nibbindati. Nibbindaṃ virajjati; virāgā vimuccati; vimokkhā [vimokkhaṃ (ka.), vimokkha (syā. kaṃ.)] ‘pariññātaṃ me upādāna’nti pajānāti. Sotañca paṭicca sadde ca uppajjati... ghānañca paṭicca gandhe ca... jivhañca paṭicca rase ca... kāyañca paṭicca phoṭṭhabbe ca... manañca paṭicca dhamme ca uppajjati manovīññāṇaṃ. Tiṇṇaṃ saṅgati phasso. Phassapaccayā vedanā. Evaṃ passaṃ, bhikkhave, sutavā ariyasāvako manasmimpī nibbindati, dhammesupī nibbindati, manovīññāṇepī nibbindati, manosamphassepī nibbindati, vedanāyapī nibbindati. Nibbindaṃ virajjati; virāgā vimuccati; vimokkhā ‘pariññātaṃ me upādāna’nti pajānāti. Ayaṃ kho, bhikkhave, sabbupādānapariññāya dhammo’ ti. Atṭhamaṃ.

9. Paṭhamasabbupādānapariyādānasuttaṃ

61. “Sabbupādānapariyādānāya vo, bhikkhave, dhammaṃ desessāmi. Taṃ suṇātha. Katamo ca, bhikkhave, sabbupādānapariyādānāya dhammo? Cakkhuñca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā. Evaṃ passaṃ, bhikkhave, sutavā ariyasāvako cakkhusmimpī nibbindati, rūpesupī nibbindati, cakkhuvīññāṇepī nibbindati, cakkhusamphassepī nibbindati, vedanāyapī nibbindati. Nibbindaṃ virajjati; virāgā vimuccati; vimokkhā ‘pariyādinnaṃ

[sabbatthapi evameva dissati dantaja-nakārenea] me upādāna’nti pajānāti...pe... jivhañca paṭicca rase ca uppajjati jivhāvīññāṇaṃ...pe... manañca paṭicca dhamme ca uppajjati manovīññāṇaṃ. Tiṇṇaṃ saṅgati phasso. Phassapaccayā vedanā. Evaṃ passaṃ, bhikkhave, sutavā ariyasāvako manasmimpi nibbindati, dhammesupi nibbindati, manovīññāṇepi nibbindati manosamphassepi nibbindati, vedanāyapi nibbindati. Nibbindaṃ virajjati; virāgā vimuccati; vimokkhā ‘pariyādinnaṃ me upādāna’nti pajānāti. Ayam kho, bhikkhave, sabbupādānapariyādānāya dhammo’’ti. Navamaṃ.

10. Dutiyasabbupādānapariyādānasuttaṃ

62. “Sabbupādānapariyādānāya vo, bhikkhave, dhammaṃ desessāmi. Taṃ suṇātha. Katamo ca, bhikkhave, sabbupādānapariyādānāya dhammo’’?”

“Taṃ kiṃ maññatha, bhikkhave, cakkhu niccaṃ vā aniccaṃ vā’’ti?

“Aniccaṃ, bhante’’.

“Yaṃ panāniccaṃ dukkhaṃ vā taṃ sukhaṃ vā’’ti?

“Dukkhaṃ, bhante’’.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’’ti?

“No hetuṃ, bhante’’.

“Rūpā...pe... cakkhuvīññāṇaṃ niccaṃ vā aniccaṃ vā’’ti?

“Aniccaṃ, bhante’’...pe....

“Cakkhusamphasso nicco vā anicco vā’’ti?

“Anicco, bhante’’...pe....

“Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā’’ti?

“Aniccaṃ, bhante’’...pe....

“Sotaṃ... ghāṇaṃ... jivhā... kāyo... mano... dhammā... manovīññāṇaṃ... manosamphasso... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā, tampi niccaṃ vā aniccaṃ vā’’ti?

“Aniccaṃ, bhante’’.

“Yaṃ panāniccaṃ dukkhaṃ vā taṃ sukhaṃ vā’’ti?

“Dukkhaṃ, bhante’’.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’’ti?

“No hetam, bhante”.

“Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuviññāṇepi nibbindati, cakkhusamphassepi nibbindati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati...pe... jivhāyapi nibbindati, rasesupi nibbindati, jivhāviññāṇepi nibbindati, jivhāsamphassepi nibbindati, yampidaṃ jivhāsamphassapaccayā uppajjati...pe... manasmimpi nibbindati, dhammesupi nibbindati, manoviññāṇepi nibbindati, manosamphassepi nibbindati. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti. Ayaṃ kho, bhikkhave, sabbupādānapariyādānāya dhammo’ ti. Dasamaṃ.

Avijjāvaggo chaṭṭho.

Tassuddānaṃ –

Avijjā saṃyojanā dve, āsavena duve vuttā;
Anusayā apare dve, pariññā dve pariyādinnaṃ;
Vaggo tena pavuccatīti.

7. Migajālavaggo

1. Paṭhamamigajālasuttaṃ

63. Sāvattihinidānaṃ. Atha kho āyasmā migajālo yena bhagavā...pe... ekamantaṃ nisinna kho āyasmā migajālo bhagavantaṃ etadavoca – “ekavihārī, ekavihārī’ ti, bhante, vuccati. Kittāvataṃ nu kho, bhante, ekavihārī hoti, kittāvataṃ ca pana sadutiyaivihārī hoti’ ti?”

“Santi kho, migajāla, cakkhuviññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato uppajjati nandī [nandi (sī. syā. kaṃ. pī.)]. Nandiyā sati sārāgo hoti; sārāge sati saṃyogo hoti. Nandisaṃyojanasamuyutto kho, migajāla, bhikkhu sadutiyaivihārīti vuccati. Santi...pe... santi kho, migajāla, jivhāviññeyyā rasā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato uppajjati nandī. Nandiyā sati sārāgo hoti; sārāge sati saṃyogo hoti. Nandisaṃyojanasamuyutto kho, migajāla, bhikkhu sadutiyaivihārīti vuccati. Evaṃvihārī ca, migajāla, bhikkhu kiñcāpi araññavanapatthāni pantāni senāsānāni paṭisevati appasaddāni appanigghosāni vijanavātāni manussarāhasseyyakāni [manussarāhaseyyakāni (sī. syā. kaṃ. pī.)] paṭisallānasārubbāni; atha kho sadutiyaivihārīti vuccati. Taṃ kissa hetu? Tañhā hissa dutiyā, sāssa appahīnā. Tasmā sadutiyaivihārī’ ti vuccati.

“Santi ca kho, migajāla, cakkhuviññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati. Tassa taṃ anabhinandato anabhivadato anajjhosāya tiṭṭhato nandī nirujjhati. Nandiyā asati sārāgo na hoti; sārāge asati saṃyogo na hoti. Nandisaṃyojanavisamuyutto kho, migajāla, bhikkhu ekavihārīti vuccati...pe... santi ca kho, migajāla, jivhāviññeyyā rasā...pe... santi ca kho, migajāla, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati. Tassa taṃ anabhinandato anabhivadato anajjhosāya tiṭṭhato nandī nirujjhati. Nandiyā asati sārāgo na hoti; sārāge asati saṃyogo na hoti. Nandisaṃyojanavippayutto kho, migajāla, bhikkhu ekavihārīti vuccati. Evaṃvihārī ca, migajāla, bhikkhu kiñcāpi gāmate viharati ākiṇṇo bhikkhūhi bhikkhunīhi upāsakehi upāsikāhi rājūhi rājamahāmattehi titthiyehi titthiyasāvakehi. Atha kho ekavihārīti vuccati. Taṃ kissa

hetu? Tañhā hissa dutiyā, sāssa pahīnā. Tasmā ekavihārīti vuccatī’’ti. Paṭhamam.

2. Dutiyamigajālasuttam

64. Atha kho āyasmā migajālo yena bhagavā tenupasaṅkami...pe... ekamantaṃ nisinno kho āyasmā migajālo bhagavantaṃ etadavoca – ‘‘sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’’nti.

‘‘Santi kho, migajāla, cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato uppajjati nandī. Nandisamudayā dukkhasamudayo, migajālāti vadāmi...pe... santi ca kho, migajāla, jivhāviññeyyā rasā...pe... santi ca kho, migajāla, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato uppajjati nandī. Nandisamudayā dukkhasamudayo, migajālāti vadāmi.

‘‘Santi ca kho, migajāla, cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājjhosāya tiṭṭhati. Tassa taṃ anabhinandato anabhivadato anajjhosāya tiṭṭhato nandī nirujjhati. Nandinirodhā dukkhanirodho, migajālāti vadāmi...pe... santi ca kho, migajāla, jivhāviññeyyā rasā iṭṭhā kantā...pe... santi ca kho, migajāla, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājjhosāya tiṭṭhati. Tassa taṃ anabhinandato anabhivadato anajjhosāya tiṭṭhato nandī nirujjhati. Nandinirodhā dukkhanirodho, migajālāti vadāmī’’ti.

Atha kho āyasmā migajālo bhagavato bhāsitaṃ abhinanditvā anumoditvā utṭhāyāsanā bhagavantaṃ abhivādetvā padakkhiṇaṃ katvā pakkāmi. Atha kho āyasmā migajālo eko vūpakaṭṭho appamatto ātāpī pahitatto viharato nacirasseva – yassatthāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayam abhiññā sacchikatvā upasampajja vihāsi. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’’ti abbhaññāsi. Aññataro ca panāyasmā migajālo arahataṃ ahoṣīti. Dutiyam.

3. Paṭthamasamiddhimārapañhāsuttam

65. Ekaṃ samayaṃ bhagavā rājagahe viharati veḷuvane kalandakanivāpe. Atha kho āyasmā samiddhi yena bhagavā...pe... bhagavantaṃ etadavoca – ‘‘māro, māro’’ti, bhante, vuccatī. Kittāvatā nu kho, bhante, māro vā assa mārapaññatti vā’’ti?

‘‘Yattha kho, samiddhi, atthi cakkhu, atthi rūpā, atthi cakkhaviññāṇaṃ, atthi cakkhaviññānaviññātabbā dhammā, atthi tattha māro vā mārapaññatti vā. Atthi sotaṃ, atthi saddā, atthi sotaviññāṇaṃ, atthi sotaviññānaviññātabbā dhammā, atthi tattha māro vā mārapaññatti vā. Atthi ghānaṃ, atthi gandhā, atthi ghānaviññāṇaṃ, atthi ghānaviññānaviññātabbā dhammā, atthi tattha māro vā mārapaññatti vā. Atthi jivhā, atthi rasā, atthi jivhāviññāṇaṃ, atthi jivhāviññānaviññātabbā dhammā, atthi tattha māro vā mārapaññatti vā. Atthi kāyo, atthi phoṭṭhabbā, atthi kāyaviññāṇaṃ, atthi kāyaviññānaviññātabbā dhammā, atthi tattha māro vā mārapaññatti vā. Atthi mano, atthi dhammā, atthi manoviññāṇaṃ, atthi manoviññānaviññātabbā dhammā, atthi tattha māro vā mārapaññatti vā.

‘‘Yattha ca kho, samiddhi, natthi cakkhu, natthi rūpā, natthi cakkhaviññāṇaṃ, natthi cakkhaviññānaviññātabbā dhammā, natthi tattha māro vā mārapaññatti vā. Natthi sotaṃ...pe... natthi ghānaṃ...pe... natthi jivhā, natthi rasā, natthi jivhāviññāṇaṃ, natthi jivhāviññānaviññātabbā dhammā, natthi tattha māro vā mārapaññatti vā. Natthi kāyo...pe... Natthi mano, natthi dhammā, natthi manoviññāṇaṃ, natthi manoviññānaviññātabbā dhammā, natthi tattha māro vā mārapaññatti vā’’ti.

Tatiyaṃ.

4. Samiddhisattapañhāsuttaṃ

66. “‘Satto, satto’ti, bhante, vuccati. Kittāvatā nu kho, bhante, satto vā assa sattapaññatti vā’”ti... pe.... Catutthaṃ.

5. Samiddhidukkhapañhāsuttaṃ

67. “‘Dukkhaṃ, dukkha’nti, bhante, vuccati. Kittāvatā nu kho, bhante, dukkhaṃ vā assa dukkhapaññatti vā’”ti... pe.... Pañcamaṃ.

6. Samiddhilokapañhāsuttaṃ

68. “‘Loko, loko’ti, bhante, vuccati. Kittāvatā nu kho, bhante, loko vā assa lokapaññatti vā’”ti? Yattha kho, samiddhi, atthi cakkhu, atthi rūpā, atthi cakkhuvīññāṇaṃ, atthi cakkhuvīññāṇaviññātabbā dhammā, atthi tattha loko vā lokapaññatti vāti...pe... atthi jivhā...pe... atthi mano, atthi dhammā, atthi manovīññāṇaṃ, atthi manovīññāṇaviññātabbā dhammā, atthi tattha loko vā lokapaññatti vā.

“Yattha ca kho, samiddhi, natthi cakkhu, natthi rūpā, natthi cakkhuvīññāṇaṃ, natthi cakkhuvīññāṇaviññātabbā dhammā, natthi tattha loko vā lokapaññatti vā...pe... natthi jivhā...pe... natthi mano, natthi dhammā, natthi manovīññāṇaṃ, natthi manovīññāṇaviññātabbā dhammā, natthi tattha loko vā lokapaññatti vā’”ti. Chaṭṭhaṃ.

7. Upasenaāsīvisasuttaṃ

69. Ekaṃ samayaṃ āyasmā ca sārīputto āyasmā ca upaseno rājagahe viharanti sītavane sappasoṇḍikapabbhāre. Tena kho pana samayena āyasmato upasenassa kāye āsīviso patito hoti. Atha kho āyasmā upaseno bhikkhū āmantesi – ‘etha me, āvuso, imaṃ kāyaṃ mañcakaṃ āropetvā bahiddhā nīharatha. Purāyaṃ kāyo idheva vikirati; seyyathāpi bhusamuṭṭhī’”ti.

Evaṃ vutte, āyasmā sārīputto āyasmantaṃ upasenaṃ etadavoca – ‘na kho pana mayaṃ passāma āyasmato upasenassa kāyassa vā aññathattaṃ indriyānaṃ vā vipariṇāmaṃ. Atha ca panāyasmā upaseno evamāha – ‘etha me, āvuso, imaṃ kāyaṃ mañcakaṃ āropetvā bahiddhā nīharatha. Purāyaṃ kāyo idheva vikirati; seyyathāpi bhusamuṭṭhī’”ti. “Yassa nūna, āvuso sārīputta, evamassa – ‘ahaṃ cakkhūti vā mama cakkhūti vā...pe... ahaṃ jivhāti vā mama jivhāti vā... ahaṃ manoti vā mama manoti vā’. Tassa, āvuso sārīputta, siyā kāyassa vā aññathattaṃ indriyānaṃ vā vipariṇāmo. Mayhañca kho, āvuso sārīputta, na evaṃ hoti – ‘ahaṃ cakkhūti vā mama cakkhūti vā...pe... ahaṃ jivhāti vā mama jivhāti vā...pe... ahaṃ manoti vā mama manoti vā’. Tassa mayhañca kho, āvuso sārīputta, kiṃ kāyassa vā aññathattaṃ bhavissati, indriyānaṃ vā vipariṇāmo’”ti!

“Tathā hi panāyasmato upasenassa dīgharattaṃ ahañkāramamañkāramānānusayo susamūhato. Tasmā āyasmato upasenassa na evaṃ hoti – ‘ahaṃ cakkhūti vā mama cakkhūti vā...pe... ahaṃ jivhāti vā mama jivhāti vā...pe... ahaṃ manoti vā mama manoti vā’”ti. Atha kho te bhikkhū āyasmato upasenassa kāyaṃ mañcakaṃ āropetvā bahiddhā nīharimsu. Atha kho āyasmato upasenassa kāyo tattheva vikiri; seyyathāpi bhusamuṭṭhīti. Sattamaṃ.

8. Upavāṇasandiṭṭhikasuttaṃ

70. Atha kho āyasmā upavāṇo yena bhagavā tenupasañkama...pe... ekamantaṃ nisinna kho

āyasmā upavāṇo bhagavantam etadavoca – “sanditṭhiko dhammo, sanditṭhiko dhammo’ti, bhante, vuccati. Kittāvataṃ nu kho, bhante, sanditṭhiko dhammo hoti, akālīko ehipassiko opaneyyiko paccattam veditabbo viññūhī’ti?”

“Idha pana, upavāṇa, bhikkhu cakkhunā rūpaṃ disvā rūpappaṭisaṃvedī ca hoti rūparāgappaṭisaṃvedī ca. Santaṇca ajjhataṃ rūpesu rāgaṃ ‘atthi me ajjhataṃ rūpesu rāgo’ti pajānāti. Yaṃ taṃ, upavāṇa, bhikkhu cakkhunā rūpaṃ disvā rūpappaṭisaṃvedī ca hoti rūparāgappaṭisaṃvedī ca. Santaṇca ajjhataṃ rūpesu rāgaṃ ‘atthi me ajjhataṃ rūpesu rāgo’ti pajānāti. Evampi kho, upavāṇa, sanditṭhiko dhammo hoti akālīko ehipassiko opaneyyiko paccattam veditabbo viññūhī’ti...pe....

“Puna caparam, upavāṇa, bhikkhu jivhāya rasaṃ sāyitvā rasappaṭisaṃvedī ca hoti rasarāgappaṭisaṃvedī ca. Santaṇca ajjhataṃ rasesu rāgaṃ ‘atthi me ajjhataṃ rasesu rāgo’ti pajānāti. Yaṃ taṃ, upavāṇa, bhikkhu jivhāya rasaṃ sāyitvā rasappaṭisaṃvedī ca hoti rasarāgappaṭisaṃvedī ca. Santaṇca ajjhataṃ rasesu rāgaṃ ‘atthi me ajjhataṃ rasesu rāgo’ti pajānāti. Evampi kho, upavāṇa, sanditṭhiko dhammo hoti akālīko ehipassiko opaneyyiko paccattam veditabbo viññūhī’ti...pe....

“Puna caparam, upavāṇa, bhikkhu manasā dhammaṃ viññāya dhammappaṭisaṃvedī ca hoti dhammarāgappaṭisaṃvedī ca. Santaṇca ajjhataṃ dhammesu rāgaṃ ‘atthi me ajjhataṃ dhammesu rāgo’ti pajānāti. Yaṃ taṃ, upavāṇa, bhikkhu manasā dhammaṃ viññāya dhammappaṭisaṃvedī ca hoti dhammarāgappaṭisaṃvedī ca. Santaṇca ajjhataṃ dhammesu rāgaṃ ‘atthi me ajjhataṃ dhammesu rāgo’ti pajānāti. Evampi kho, upavāṇa, sanditṭhiko dhammo hoti...pe... paccattam veditabbo viññūhī’ti...pe....

“Idha pana, upavāṇa, bhikkhu cakkhunā rūpaṃ disvā rūpappaṭisaṃvedī ca hoti, no ca rūparāgappaṭisaṃvedī. Asantaṇca ajjhataṃ rūpesu rāgaṃ ‘natthi me ajjhataṃ rūpesu rāgo’ti pajānāti. Yaṃ taṃ, upavāṇa, bhikkhu cakkhunā rūpaṃ disvā rūpappaṭisaṃvedīhi kho hoti, no ca rūparāgappaṭisaṃvedī. Asantaṇca ajjhataṃ rūpesu rāgaṃ ‘natthi me ajjhataṃ rūpesu rāgo’ti pajānāti. Evampi kho, upavāṇa, sanditṭhiko dhammo hoti, akālīko ehipassiko opaneyyiko paccattam veditabbo viññūhī’ti...pe....

“Puna caparam, upavāṇa, bhikkhu jivhāya rasaṃ sāyitvā rasappaṭisaṃvedīhi kho hoti, no ca rasarāgappaṭisaṃvedī. Asantaṇca ajjhataṃ rasesu rāgaṃ ‘natthi me ajjhataṃ rasesu rāgo’ti pajānāti...pe....

“Puna caparam, upavāṇa, bhikkhu manasā dhammaṃ viññāya dhammappaṭisaṃvedīhi kho hoti, no ca dhammarāgappaṭisaṃvedī. Asantaṇca ajjhataṃ dhammesu rāgaṃ ‘natthi me ajjhataṃ dhammesu rāgo’ti pajānāti. Yaṃ taṃ, upavāṇa, bhikkhu manasā dhammaṃ viññāya dhammappaṭisaṃvedīhi kho hoti, no ca dhammarāgappaṭisaṃvedī. Asantaṇca ajjhataṃ dhammesu rāgaṃ ‘natthi me ajjhataṃ dhammesu rāgo’ti pajānāti. Evampi kho, upavāṇa, sanditṭhiko dhammo hoti, akālīko ehipassiko opaneyyiko paccattam veditabbo viññūhī’ti. Aṭṭhamam.

9. Paṭhamachaphassāyatanasuttam

71. “Yo hi koci, bhikkhave, bhikkhu channaṃ phassāyatanānaṃ samudayaṇca atthaṅgamaṇca assādaṇca ādīnaṇca nissaraṇaṇca yathābhūtaṃ nappajānāti. Avusitaṃ tena brahmacariyaṃ, ārakā so imasmā dhammavinayā’ti.

Evam vutte, aññataro bhikkhu bhagavantam etadavoca – “ettāhaṃ, bhante, anassasam [anassasim (sī.), anassāsam (syā. kam.), anassāsīm (pī.)]. Ahañhi, bhante, channaṃ phassāyatanānaṃ samudayaṇca atthaṅgamaṇca assādaṇca ādīnaṇca nissaraṇaṇca yathābhūtaṃ nappajānāmi’ti.

“Taṃ kiṃ maññasi, bhikkhu, cakkhuṃ ‘etaṃ mama, esohamasmi, eso me attā’ ti samanupassasī’ ti?”

“No hetamaṃ, bhante”.

“Sādhu, bhikkhu, ettha ca te, bhikkhu, cakkhu ‘netamaṃ mama, nesohamasmi, na meso attā’ ti evametaṃ yathābhūtaṃ sammappaññāya sudiṭṭhaṃ bhavissati. Esevanto dukkhassa...pe... jivhaṃ ‘etaṃ mama, esohamasmi, eso me attā’ ti samanupassasī’ ti?”

“No hetamaṃ, bhante”.

“Sādhu, bhikkhu, ettha ca te, bhikkhu, jivhā ‘netamaṃ mama, nesohamasmi, na meso attā’ ti evametaṃ yathābhūtaṃ sammappaññāya sudiṭṭhaṃ bhavissati. Esevanto dukkhassa...pe... manamaṃ ‘etaṃ mama, esohamasmi, eso me attā’ ti samanupassasī’ ti?”

“No hetamaṃ, bhante”.

“Sādhu, bhikkhu, ettha ca te, bhikkhu, mano ‘netamaṃ mama, nesohamasmi, na meso attā’ ti evametaṃ yathābhūtaṃ sammappaññāya sudiṭṭhaṃ bhavissati. Esevanto dukkhassa’ ti. Navamaṃ.

10. Dutiyachaphassāyatanasuttaṃ

72. “Yo hi koci, bhikkhave, bhikkhu channaṃ phassāyatanānaṃ samudayañca atthaṅgamañca assādañca ādīnañca nissarañca yathābhūtaṃ nappajānāti. Avusitaṃ tena brahmacariyaṃ, ārakā so imasmā dhammavinayā’ ti.

Evaṃ vutte, aññataro bhikkhu bhagavantaṃ etadavoca – “ettāhaṃ, bhante, anassasaṃ panassasaṃ. Ahañhi, bhante, channaṃ phassāyatanānaṃ samudayañca atthaṅgamañca assādañca ādīnañca nissarañca yathābhūtaṃ nappajānāmi’ ti.

“Taṃ kiṃ maññasi, bhikkhu, cakkhuṃ ‘netamaṃ mama, nesohamasmi, na meso attā’ ti samanupassasī’ ti?”

“Evaṃ, bhante”.

“Sādhu, bhikkhu, ettha ca te, bhikkhu, cakkhu ‘netamaṃ mama, nesohamasmi na meso attā’ ti evametaṃ yathābhūtaṃ sammappaññāya sudiṭṭhaṃ bhavissati. Evaṃ te etaṃ paṭhamaṃ phassāyatanamaṃ pahīnaṃ bhavissati āyatiṃ apunabbhavāya...pe....

“Jivhaṃ ‘netamaṃ mama, nesohamasmi, na meso attā’ ti samanupassasī’ ti?”

“Evaṃ, bhante”.

“Sādhu, bhikkhu, ettha ca te, bhikkhu, jivhā ‘netamaṃ mama, nesohamasmi na meso attā’ ti evametaṃ yathābhūtaṃ sammappaññāya sudiṭṭhaṃ bhavissati. Evaṃ te etaṃ catutthaṃ phassāyatanamaṃ pahīnaṃ bhavissati āyatiṃ apunabbhavāya...pe....

“Manamaṃ ‘netamaṃ mama, nesohamasmi, na meso attā’ ti samanupassasī’ ti?”

“Evaṃ, bhante”.

“Sādhu, bhikkhu, ettha ca te, bhikkhu, mano ‘netam mama, nesohamasmi, na meso attā’ ti evametam yathābhūtam sammappaññāya sudiṭṭham bhavissati. Evaṃ te etaṃ chaṭṭham phassāyatanam pahīnaṃ bhavissati āyatim apunabbhavāyā’ ti. Dasamaṃ.

11. Tatiyachaphassāyatanasuttaṃ

73. “Yo hi koci, bhikkhave, bhikkhu channaṃ phassāyatanānaṃ samudayañca atthaṅgamañca assādañca ādīnañca nissaraṇaṃ yathābhūtam nappajānāti. Avusitaṃ tena brahmacariyaṃ, ārakā so imasmā dhammavinayā’ ti.

Evaṃ vutte, aññataro bhikkhu bhagavantaṃ etadavoca – “ettāhaṃ, bhante, anassasaṃ panassasaṃ. Ahañhi, bhante, channaṃ phassāyatanānaṃ samudayañca atthaṅgamañca assādañca ādīnañca nissaraṇaṃ yathābhūtam nappajānāmi’ ti.

“Taṃ kiṃ maññasi, bhikkhu, cakkhu niccaṃ vā aniccaṃ vā’ ti?

“Aniccaṃ, bhante’.

“Yaṃ panāniccaṃ dukkhaṃ vā taṃ sukhaṃ vā’ ti?

“Dukkhaṃ, bhante’.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’ ti?

“No hetam, bhante’.

“Sotaṃ... ghānaṃ... jivhā... kāyo... mano nicco vā anicco vā’ ti?

“Anicco, bhante’.

“Yaṃ panāniccaṃ dukkhaṃ vā taṃ sukhaṃ vā’ ti?

“Dukkhaṃ, bhante’.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’ ti?

“No hetam, bhante’.

“Evaṃ passaṃ, bhikkhu, sutavā ariyasāvako cakkhusmimpi nibbindati, sotasmimpi nibbindati, ghānasmimpi nibbindati, jivhāyapi nibbindati, kāyasmimpi nibbindati, manasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Ekādasamaṃ.

Migajālavaggo sattamo.

Tassuddānaṃ –

Migajālena dve vuttā, cattāro ca samiddhinā;

Upaseno upavāṇo, chaphassāyatanikā tayoti.

8. Gilānavaggo

1. Paṭhamagilānasuttaṃ

74. Sāvattihinidānaṃ. Atha kho aññataro bhikkhu yena bhagavā tenupasaṅkami...pe... ekamantaṃ nisinna kho so bhikkhu bhagavantaṃ etadavoca – “amukasmim, bhante, vihāre aññataro bhikkhu navo appaṇṇāto ābādhiko dukkhito bālḥagilāno. Sādhu, bhante, bhagavā yena so bhikkhu tenupasaṅkamatu anukampaṃ upādāyā”ti.

Atha kho bhagavā navavādaṅca sutvā gilānavādaṅca, “appaṇṇāto bhikkhū”ti iti viditvā yena so bhikkhu tenupasaṅkami. Addasā kho so bhikkhu bhagavantaṃ dūratova āgacchantaṃ. Disvāna maṅcake samadhosi [samaṅcosi (sī.), samatesi (syā. kaṃ.), samaṅcopi (pī.)]. Atha kho bhagavā taṃ bhikkhuṃ etadavoca – “alaṃ, bhikkhu, mā tvaṃ maṅcake samadhosi. Santimāni āsanāni paṇṇattāni, tatthāhaṃ nisīdissāmī”ti. Nisīdi bhagavā paṇṇatte āsane. Nisajja kho bhagavā taṃ bhikkhuṃ etadavoca – “kacci te, bhikkhu, khamanīyaṃ, kacci yāpanīyaṃ, kacci dukkhā vedanā paṭikkamanti no abhikkamanti, paṭikkamosānaṃ paṇṇāyati no abhikkamo”ti?

“Na me, bhante, khamanīyaṃ, na yāpanīyaṃ, bālḥā me dukkhā vedanā abhikkamanti no paṭikkamanti, abhikkamosānaṃ paṇṇāyati no paṭikkamo”ti.

“Kacci te, bhikkhu, na kiñci kukkucçaṃ, na koci vippaṭisāro”ti?

“Taggha me, bhante, anappakaṃ kukkucçaṃ, anappako vippaṭisāro”ti.

“Kacci pana taṃ [tvaṃ (sī.), te (syā. kaṃ. ka.)], bhikkhu, attā sīlato upavadatī”ti?

“Na kho maṃ, bhante, attā sīlato upavadatī”ti [no hetam bhante (pī. ka.)].

“No ce kira te, bhikkhu, attā sīlato upavadati, atha kiñca [atha kismiṅca (sī.), atha bhikkhu kismiṅca (syā. kaṃ. pī. ka.)] te kukkucçaṃ ko ca vippaṭisāro”ti?

“Na khvāhaṃ, bhante, sīlavisuddhatthaṃ bhagavatā dhammaṃ desitaṃ ājānāmī”ti.

“No ce kira tvaṃ, bhikkhu, sīlavisuddhatthaṃ mayā dhammaṃ desitaṃ ājānāsi, atha kimatthaṃ carahi tvaṃ, bhikkhu, mayā dhammaṃ desitaṃ ājānāsī”ti?

“Rāgavirāgatthaṃ khvāhaṃ, bhante, bhagavatā dhammaṃ desitaṃ ājānāmī”ti.

“Sādhu sādhu, bhikkhu! Sādhu kho tvaṃ, bhikkhu, rāgavirāgatthaṃ mayā dhammaṃ desitaṃ ājānāsi. Rāgavirāgattho hi, bhikkhu, mayā dhammo desito. Taṃ kiṃ maññasi bhikkhu, cakkhu niccaṃ vā aniccaṃ vā”ti?

“Aniccaṃ, bhante”.

“Yaṃ...pe... sotaṃ... ghānaṃ... jivhā... kāyo... mano nicco vā anicco vā”ti?

“Anicco, bhante”.

“Yaṃ paṇāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā’”ti?

“No hetuṃ, bhante”.

“Evaṃ passaṃ, bhikkhu, sutavā ariyasāvako cakkhusmimpi nibbindati, sotasmimpi nibbindati... pe... manasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ nāparaṃ itthattāyā’ti pajānātī”ti.

Idamavoca bhagavā. Attamano so bhikkhu bhagavato bhāsitaṃ abhinandi. Imasmiṃca pana veyyākaraṇasmiṃ bhaññamāne tassa bhikkhuno virajaṃ vītamalaṃ dhammacakkuṃ udapādi – ‘yaṃ kiñci samudayadhammaṃ, sabbaṃ taṃ nirodhadhamma’nti. Paṭhamaṃ.

2. Dutiyagilānasuttaṃ

75. Atha kho aññataro bhikkhu...pe... bhagavantaṃ etadavoca – ‘amukasmim, bhante, vihāre aññataro bhikkhu navo appaṇṇāto ābādhiko dukkhito bālḥgilāno. Sādhu, bhante, bhagavā yena so bhikkhu tenupasaṅkamatu anukampaṃ upādāyā”ti.

Atha kho bhagavā navavādaṅca sutvā gilānavādaṅca, ‘appaṇṇāto bhikkhū”ti iti viditvā yena so bhikkhu tenupasaṅkami. Addasā kho so bhikkhu bhagavantaṃ dūrato va āgacchantaṃ. Disvāna maṅcake samadhosi. Atha kho bhagavā taṃ bhikkhuṃ etadavoca – ‘alaṃ, bhikkhu, mā tvaṃ maṅcake samadhosi. Santimāni āsanāni paññattāni, tathāhaṃ nisīdissāmi”ti. Nisīdi bhagavā paññatte āsane. Nisajja kho bhagavā taṃ bhikkhuṃ etadavoca – ‘kacci te, bhikkhu, khamanīyaṃ, kacci yāpanīyaṃ, kacci dukkhā vedanā paṭikkamanti no abhikkamanti, paṭikkamosānaṃ paññāyati no abhikkamo”ti?

“Na me, bhante, khamanīyaṃ, na yāpanīyaṃ...pe... na kho maṃ [me (sabbattha)], bhante, attā sīlato upavadatī”ti.

“No ce kira te, bhikkhu, attā sīlato upavadati, atha kiñca te kukkucchaṃ ko ca vippaṭṭisāro”ti?

“Na khvāhaṃ, bhante, sīlavisuddhatthaṃ bhagavatā dhammaṃ desitaṃ ājānāmi”ti.

“No ce kira tvaṃ, bhikkhu, sīlavisuddhatthaṃ mayā dhammaṃ desitaṃ ājānāsi, atha kimatthaṃ carahi tvaṃ, bhikkhu, mayā dhammaṃ desitaṃ ājānāsi”ti?

“Anupādāparinibbānatthaṃ khvāhaṃ, bhante, bhagavatā dhammaṃ desitaṃ ājānāmi”ti.

“Sādhu sādhu, bhikkhu! Sādhu kho tvaṃ, bhikkhu, anupādāparinibbānatthaṃ mayā dhammaṃ desitaṃ ājānāsi. Anupādāparinibbānattho hi, bhikkhu, mayā dhammo desito.

“Taṃ kiṃ maññasi, bhikkhu, cakkhu niccaṃ vā aniccaṃ vā”ti?

“Aniccaṃ, bhante”.

“Yaṃ...pe... sotaṃ... ghānaṃ... jivhā... kāyo... mano... manoviññāṇaṃ... manosamphasso...

yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā’’ti?

“Aniccaṃ, bhante’’.

“Yaṃ paṇāniccaṃ dukkhaṃ vā taṃ sukhaṃ vā’’ti?

“Dukkhaṃ, bhante’’.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’’ti?

“No hetuṃ, bhante’’.

“Evaṃ passaṃ, bhikkhu, sutavā ariyasāvako cakkhusmimpi nibbindati...pe... manasmimpi... manoviññāṇepi... manosamphassepi nibbindati. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’’ti pajānāti’’ti.

Idamavoca bhagavā. Attamano so bhikkhu bhagavato bhāsitaṃ abhinandī. Imasmiñca pana veyyākaraṇasmiṃ bhaññamāne tassa bhikkhussa anupādāya āsavehi cittaṃ vimuccēti [[vimuccatīti \(sabbattha\)](#)]. Dutiyaṃ.

3. Rādhaanicasuttaṃ

76. Atha kho āyasmā rādho...pe... ekamantaṃ nisinno kho āyasmā rādho bhagavantaṃ etadavoca – ‘sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’’nti. “Yaṃ kho, rādha, aniccaṃ tatra te chando pahātabbo. Kiñca, rādha, aniccaṃ tatra te chando pahātabbo? Cakkhu aniccaṃ, rūpā aniccā, cakkhuvīññāṇaṃ... cakkhusamphasso... yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ. Tatra te chando pahātabbo...pe... jivhā... kāyo... mano anicco. Tatra te chando pahātabbo. Dhammā... manoviññāṇaṃ... manosamphasso... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ. Tatra te chando pahātabbo. Yaṃ kho, rādha, aniccaṃ tatra te chando pahātabbo’’ti. Tatiyaṃ.

4. Rādhadukkhasuttaṃ

77. “Yaṃ kho, rādha, dukkhaṃ tatra te chando pahātabbo. Kiñca, rādha, dukkhaṃ? Cakkhu kho, rādha, dukkhaṃ. Tatra te chando pahātabbo. Rūpā... cakkhuvīññāṇaṃ... cakkhusamphasso... yampidaṃ cakkhusamphassa...pe... adukkhamasukhaṃ vā tampi dukkhaṃ. Tatra te chando pahātabbo...pe... mano dukkho... dhammā... manoviññāṇaṃ... manosamphasso... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhaṃ. Tatra te chando pahātabbo. Yaṃ kho, rādha, dukkhaṃ tatra te chando pahātabbo’’ti. Catutthaṃ.

5. Rādhaanattasuttaṃ

78. “Yo kho, rādha, anattā tatra te chando pahātabbo. Ko ca, rādha, anattā? Cakkhu kho, rādha, anattā. Tatra te chando pahātabbo. Rūpā... cakkhuvīññāṇaṃ... cakkhusamphasso... yampidaṃ

cakkkhusamphassapaccayā...pe... mano anattā... dhammā... manoviññāṇaṃ... manosamphasso... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattā. Tatra te chando pahātabbo. Yo kho, rādha, anattā tatra te chando pahātabbo”ti. Pañcamaṃ.

6. Paṭhamaavijjāpahānasuttaṃ

79. Atha kho aññataro bhikkhu yena bhagavā tenupasankami...pe... ekamantaṃ nisinno kho so bhikkhu bhagavantaṃ etadavoca – “atthi nu kho, bhante, eko dhammo yassa pahānā bhikkhuno avijjā pahīyati, vijjā uppajjati”ti?

“Atthi kho, bhikkhu, eko dhammo yassa pahānā bhikkhuno avijjā pahīyati, vijjā uppajjati”ti.

“Katamo pana, bhante, eko dhammo yassa pahānā bhikkhuno avijjā pahīyati, vijjā uppajjati”ti?

“Avijjā kho, bhikkhu, eko dhammo yassa pahānā bhikkhuno avijjā pahīyati, vijjā uppajjati”ti.

“Kathaṃ pana, bhante, jānato, kathaṃ passato bhikkhuno avijjā pahīyati, vijjā uppajjati”ti?

“Cakkhuṃ kho, bhikkhu, aniccato jānato passato bhikkhuno avijjā pahīyati, vijjā uppajjati. Rūpe... cakkhuviññāṇaṃ... cakkkhusamphassaṃ... yampidaṃ, cakkkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccato jānato passato bhikkhuno avijjā pahīyati, vijjā uppajjati...pe... manāṃ aniccato jānato passato bhikkhuno avijjā pahīyati, vijjā uppajjati. Dhamme... manoviññāṇaṃ... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccato jānato passato bhikkhuno avijjā pahīyati, vijjā uppajjati. Evaṃ kho, bhikkhu, jānato evaṃ passato bhikkhuno avijjā pahīyati, vijjā uppajjati”ti. Chaṭṭhaṃ.

7. Dutiyaavijjāpahānasuttaṃ

80. Atha kho aññataro bhikkhu...pe... etadavoca – “atthi nu kho, bhante, eko dhammo yassa pahānā bhikkhuno avijjā pahīyati, vijjā uppajjati”ti?

“Atthi kho, bhikkhu, eko dhammo yassa pahānā bhikkhuno avijjā pahīyati, vijjā uppajjati”ti.

“Katamo pana, bhante, eko dhammo yassa pahānā bhikkhuno avijjā pahīyati, vijjā uppajjati”ti?

“Avijjā kho, bhikkhu, eko dhammo yassa pahānā bhikkhuno avijjā pahīyati, vijjā uppajjati”ti.

“Kathaṃ pana, bhante, jānato, kathaṃ passato avijjā pahīyati, vijjā uppajjati”ti?

“Idha, bhikkhu, bhikkhuno sutaṃ hoti – ‘sabbe dhammā nālaṃ abhinivesāyā’ti. Evañcetaṃ, bhikkhu, bhikkhuno sutaṃ hoti – ‘sabbe dhammā nālaṃ abhinivesāyā’ti. So sabbaṃ dhammaṃ abhijānāti, sabbaṃ dhammaṃ abhiññāya sabbaṃ dhammaṃ pariānāti, sabbaṃ dhammaṃ pariññāya sabbanimittāni aññato passati, cakkhuṃ aññato passati, rūpe... cakkhuviññāṇaṃ... cakkkhusamphassaṃ... yampidaṃ cakkkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aññato passati...pe... manāṃ aññato passati, dhamme... manoviññāṇaṃ... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aññato passati. Evaṃ kho, bhikkhu, jānato evaṃ passato bhikkhuno avijjā pahīyati, vijjā uppajjati”ti. Sattamaṃ.

8. Sambahulabhikkhusuttaṃ

81. Atha kho sambahulā bhikkhū yena bhagavā tenupasaṅkamimṣu...pe... ekamantaṃ nisinnā kho te bhikkhū bhagavantaṃ etadavocaṃ – ‘‘idha no, bhante, aññatitthiyā paribbājakā amhe evaṃ pucchanti – ‘kimatthiyaṃ, āvuso, samaṇe gotame brahmacariyaṃ vussatī’ ti? Evaṃ puṭṭhā mayaṃ, bhante, tesāṃ aññatitthiyānaṃ paribbājakānaṃ evaṃ byākaroma – ‘dukkhassa kho, āvuso, pariññatthaṃ bhagavati brahmacariyaṃ vussatī’ ti. Kacci mayaṃ, bhante, evaṃ puṭṭhā evaṃ byākaramānā vuttavādino ceva bhagavato homa, na ca bhagavantaṃ abhūtena abbhācikkhāma, dhammassa cānudhammaṃ byākaroma, na ca koci sahadhammiko vādānuvādo gārayhaṃ ṭhānaṃ āgacchatī’ ti?’

‘‘Taggha tumhe, bhikkhave, evaṃ puṭṭhā evaṃ byākaramānā vuttavādino ceva me hotha, na ca maṃ abhūtena abbhācikkhatha, dhammassa cānudhammaṃ byākarotha, na ca koci sahadhammiko vādānuvādo gārayhaṃ ṭhānaṃ āgacchati. Dukkhassa hi, bhikkhave, pariññatthaṃ mayi brahmacariyaṃ vussati. Sace pana vo, bhikkhave, aññatitthiyā paribbājakā evaṃ puccheyyumaṃ – ‘katamaṃ pana taṃ, āvuso, dukkhaṃ, yassa pariññāya samaṇe gotame brahmacariyaṃ vussatī’ ti? Evaṃ puṭṭhā tumhe, bhikkhave, tesāṃ aññatitthiyānaṃ paribbājakānaṃ evaṃ byākareyyātha – ‘cakkhu kho, āvuso, dukkhaṃ, tassa pariññāya bhagavati brahmacariyaṃ vussati. Rūpā...pe... yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhaṃ. Tassa pariññāya bhagavati brahmacariyaṃ vussati...pe... mano dukkho...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhaṃ. Tassa pariññāya bhagavati brahmacariyaṃ vussati. Idamaṃ kho taṃ, āvuso, dukkhaṃ, tassa pariññāya bhagavati brahmacariyaṃ vussatī’ ti. Evaṃ puṭṭhā tumhe, bhikkhave, tesāṃ aññatitthiyānaṃ paribbājakānaṃ evaṃ byākareyyāthā’ ti. Aṭṭhamamaṃ.

9. Lokapañhāsuttaṃ

82. Atha kho aññataro bhikkhu yena bhagavā...pe... ekamantaṃ nisinna kho so bhikkhu bhagavantaṃ etadavoca –

‘‘Loko, loko’ ti, bhante, vuccati. Kittāvatā nu kho, bhante, lokoti vuccatī’ ti? ‘‘Lujjati’ ti kho, bhikkhu, tasmā lokoti vuccati. Kiñca lujjati? Cakkhu kho, bhikkhu, lujjati. Rūpā lujjanti, cakkhuvijñānaṃ lujjati, cakkhusamphasso lujjati, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi lujjati...pe... jivhā lujjati...pe... mano lujjati, dhammā lujjanti, manovijñānaṃ lujjati, manosamphasso lujjati, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi lujjati. Lujjati’ ti kho, bhikkhu, tasmā lokoti vuccatī’ ti. Navamaṃ.

10. Phaggunapañhāsuttaṃ

83. Atha kho āyasmā phagguno...pe... ekamantaṃ nisinna kho āyasmā phagguno bhagavantaṃ etadavoca –

‘‘Atthi nu kho, bhante, taṃ cakkhu, yena cakkhunā atīte buddhe parinibbute chinnapapañce chinnavaṭume pariyādinnavatṭe sabbadukkhavītivatṭe paññāpayamāno paññāpeyya...pe... atthi nu kho, bhante, sā jivhā, yāya jivhāya atīte buddhe parinibbute chinnapapañce chinnavaṭume pariyādinnavatṭe sabbadukkhavītivatṭe paññāpayamāno paññāpeyya...pe... atthi nu kho so, bhante, mano, yena manena atīte buddhe parinibbute chinnapapañce chinnavaṭume pariyādinnavatṭe sabbadukkhavītivatṭe paññāpayamāno paññāpeyyā’ ti?’

‘‘Natthi kho taṃ, phagguna, cakkhu, yena cakkhunā atīte buddhe parinibbute chinnapapañce chinnavaṭume pariyādinnavatṭe sabbadukkhavītivatṭe paññāpayamāno paññāpeyya ...pe... natthi kho sā,

phaggunā, jivhā, yāya jivhāya atīte buddhe parinibbute chinnapapañce chinnavaṭṭume pariyādinnavatṭe sabbadukkhavītiṭṭe paññāpayamāno paññāpeyya...pe... natthi kho so, phaggunā, mano, yena manena atīte buddhe parinibbute chinnapapañce chinnavaṭṭume pariyādinnavatṭe sabbadukkhavītiṭṭe paññāpayamāno paññāpeyyā’'ti. Dasamaṃ.

Gilānavaggo aṭṭhama.

Tassuddānaṃ –

Gilānena duve vuttā, rādhena apare tayo;
Avijjāya ca dve vuttā, bhikkhu loko ca phaggunoti.

9. Channavaggo

1. Palokadhammasuttaṃ

84. Sāvattthinidānaṃ. Atha kho āyasmā ānando yena bhagavā tenupasaṅkami...pe... ekamantaṃ nisinna kho āyasmā ānando bhagavantaṃ etadavoca –

“‘Loko, loko’'ti, bhante, vuccati. Kittāvatā nu kho, bhante, lokoti vuccatī’'ti? ‘‘Yaṃ kho, ānanda, palokadhammaṃ, ayaṃ vuccati ariyassa vinaye loko. Kiñca, ānanda, palokadhammaṃ? Cakkhu kho, ānanda, palokadhammaṃ, rūpā palokadhammā, cakkhuvīññānaṃ palokadhammaṃ, cakkhusamphasso palokadhammo, yampidaṃ cakkhusamphassapaccayā...pe... tampi palokadhammaṃ...pe... jivhā palokadhammā, rasā palokadhammā, jivhāvīññānaṃ palokadhammaṃ, jivhāsamphasso palokadhammo, yampidaṃ jivhāsamphassapaccayā...pe... tampi palokadhammaṃ...pe... mano palokadhammo, dhammā palokadhammā, manovīññānaṃ palokadhammaṃ, manosamphasso palokadhammo, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi palokadhammaṃ. Yaṃ kho, ānanda, palokadhammaṃ, ayaṃ vuccati ariyassa vinaye loko’'ti. Paṭhamaṃ.

2. Suññatalokasuttaṃ

85. Atha kho āyasmā ānando...pe... bhagavantaṃ etadavoca – “‘suñño loko, suñño loko’'ti, bhante, vuccati. Kittāvatā nu kho, bhante, suñño lokoti vuccatī’'ti? ‘‘Yasmā ca kho, ānanda, suññaṃ attena vā attaniyena vā tasmā suñño lokoti vuccati. Kiñca, ānanda, suññaṃ attena vā attaniyena vā? Cakkhu kho, ānanda, suññaṃ attena vā attaniyena vā. Rūpā suññā attena vā attaniyena vā, cakkhuvīññānaṃ suññaṃ attena vā attaniyena vā, cakkhusamphasso suñño attena vā attaniyena vā...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi suññaṃ attena vā attaniyena vā. Yasmā ca kho, ānanda, suññaṃ attena vā attaniyena vā, tasmā suñño lokoti vuccatī’'ti. Dutiyamaṃ.

3. Saṃkhittadhammasuttaṃ

86. Ekamantaṃ nisinna kho āyasmā ānando bhagavantaṃ etadavoca – “‘sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’'nti.

“‘Tamaṃ kiṃ maññasi, ānanda, cakkhu niccaṃ vā aniccaṃ vā’'ti?

“‘Aniccaṃ, bhante’'’.

“Yaṃ paṇāniccaṃ dukkhaṃ vā taṃ sukhaṃ vā”’ti?

“Dukkhaṃ, bhante”’.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā”’ti?

“No hetāṃ, bhante”’.

“Rūpā niccā vā aniccā vā”’ti?

“Aniccā, bhante”’...pe....

“Cakkhaviññāṇaṃ...pe... yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā”’ti?

“Aniccaṃ, bhante”’.

“Yaṃ paṇāniccaṃ dukkhaṃ vā taṃ sukhaṃ vā”’ti?

“Dukkhaṃ, bhante”’.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā”’ti?

“No hetāṃ, bhante”’...pe....

“Jivhā niccā vā aniccā vā”’ti?

“Aniccā, bhante”’...pe....

“Jivhāviññāṇaṃ... jivhāsamphasso...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā”’ti?

“Aniccaṃ, bhante”’.

“Yaṃ paṇāniccaṃ dukkhaṃ vā taṃ sukhaṃ vā”’ti?

“Dukkhaṃ, bhante”’.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā”’ti?

“No hetāṃ, bhante”’...pe....

“Evaṃ passaṃ, ānanda, sutavā ariyasāvako cakkhusmimpi nibbindati...pe... cakkhusamphassepi nibbindati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”’ti. Tatiyaṃ.

4. Channasuttaṃ

87. Ekaṃ samayaṃ bhagavā rājagahe viharati veļuvane kalandakanivāpe. Tena kho pana samayena āyasmā ca sārīputto āyasmā ca mahācundo āyasmā ca channo gijjhakūṭe pabbate viharanti. Tena kho pana samayena yena āyasmā channo ābādhiko hoti dukkhito bālḥagilāno. Atha kho āyasmā sārīputto sāyanhasamayam paṭisallānā vuṭṭhito yenāyasmā mahācundo tenupasaṅkami; upasaṅkamitvā āyasmantaṃ mahācundaṃ etadavoca – ‘āyāmāvuso cunda, yenāyasmā channo tenupasaṅkamissāma gilānapucchakā’ ti. ‘Evamāvuso’ ti kho āyasmā mahācundo āyasmato sārīputtassa paccassosi.

Atha kho āyasmā ca sārīputto āyasmā ca mahācundo yenāyasmā channo tenupasaṅkamimṣu; upasaṅkamitvā paññatte āsane nisīdimṣu. Nisajja kho āyasmā sārīputto āyasmantaṃ channaṃ etadavoca – ‘kacci te, āvuso channa, khamanīyaṃ, kacci yāpanīyaṃ, kacci dukkhā vedanā paṭikkamanti no abhikkamanti, paṭikkamosānaṃ paññāyati no abhikkamo’ ti?

‘Na me, āvuso sārīputta, khamanīyaṃ na yāpanīyaṃ, bālḥā me dukkhā vedanā abhikkamanti no paṭikkamanti, abhikkamosānaṃ paññāyati no paṭikkamo. Seyyathāpi, āvuso, balavā puriso tiṇhena sikharena [khaggena (ka.)] muddhani [muddhānaṃ (sī. syā. kaṃ. pī.)] abhimattheyya [abhimanttheyya (sī.)]; evameva kho, āvuso, adhimattā vātā muddhani [muddhānaṃ (sī. syā. kaṃ. pī.)] ūhananti [upahananti (sī. syā. kaṃ. pī. ka.), uhananti (ka.)]. Na me, āvuso, khamanīyaṃ, na yāpanīyaṃ...pe... no paṭikkamo. Seyyathāpi, āvuso, balavā puriso daļhena varattakkhaṇḍena sīse sīsavethaṃ dadeyya; evameva kho, āvuso, adhimattā sīse sīsavedanā. Na me, āvuso, khamanīyaṃ, na yāpanīyaṃ...pe... no paṭikkamo. Seyyathāpi, āvuso, dakkho goghātako vā goghātakantevāsī vā tiṇhena govikantanena kucchiṃ parikanteyya; evameva kho adhimattā vātā kucchiṃ parikantanti. Na me, āvuso, khamanīyaṃ, na yāpanīyaṃ...pe... no paṭikkamo. Seyyathāpi, āvuso, dve balavanto purisā dubbalataraṃ purisaṃ nānābhāsu gahetvā aṅgārakāsuyā santāpeyyuṃ samparitāpeyyuṃ; evameva kho, āvuso, adhimatto kāyasmimḍaḥo. Na me, āvuso, khamanīyaṃ, na yāpanīyaṃ, bālḥā me dukkhā vedanā abhikkamanti no paṭikkamanti, abhikkamosānaṃ paññāyati no paṭikkamo. Satthaṃ, āvuso sārīputta, āharissāmi, nāvakaṅkhāmi [nāpi kaṅkhāmi (ka.)] jīvita’ nti.

‘Mā āyasmā channo satthaṃ āhāresi. Yāpetāyasmā channo, yāpentaṃ mayaṃ āyasmantaṃ channaṃ icchāma. Sace āyasmato channassa natthi sappāyāni bhojanāni, ahaṃ āyasmato channassa sappāyāni bhojanāni pariyesissāmi. Sace āyasmato channassa natthi sappāyāni bhesajjāni, ahaṃ āyasmato channassa sappāyāni bhesajjāni pariyesissāmi. Sace āyasmato channassa natthi patirūpā upaṭṭhākā, ahaṃ āyasmantaṃ channaṃ upaṭṭhahissāmi. Mā āyasmā channo satthaṃ āhāresi. Yāpetāyasmā channo, yāpentaṃ mayaṃ āyasmantaṃ channaṃ icchāma’ ti.

‘Na me, āvuso sārīputta, natthi sappāyāni bhojanāni; atthi me sappāyāni bhojanāni. Napi me natthi sappāyāni bhesajjāni; atthi me sappāyāni bhesajjāni. Napi me natthi patirūpā upaṭṭhākā; atthi me patirūpā upaṭṭhākā. Api ca me, āvuso, satthā paricīṇṇo dīgharattaṃ manāpeneva, no amanāpena. Etañhi, āvuso, sāvākassa patirūpaṃ yaṃ satthāraṃ paricareyya manāpeneva, no amanāpena. ‘Anupavajjaṃ [taṃ anupavajjaṃ (bahūsu)] channo bhikkhu satthaṃ āharissati’ ti – evametaṃ, āvuso sārīputta, dhārehi’ ti.

‘Puccheyyāma mayaṃ āyasmantaṃ channaṃ kañcīdeva [kiñcīdeva (syā. kaṃ. pī. ka.)] desaṃ, sace āyasmā channo okāsaṃ karoti pañhassa veyyākaraṇāyā’ ti. ‘Pucchāvuso sārīputta, sutvā vedissāma’ ti.

‘Cakkhuṃ, āvuso channa, cakkhuviññānaṃ cakkhuviññānaviññātabbe dhamme ‘etaṃ mama, eso hamasmi, eso me attā’ ti samanupassasi...pe... jivhaṃ, āvuso channa, jivhāviññānaṃ jivhāviññānaviññātabbe dhamme ‘etaṃ mama, eso hamasmi, eso me attā’ ti samanupassasi...pe... manaṃ, āvuso channa, manoviññānaṃ manoviññānaviññātabbe dhamme ‘etaṃ mama, eso hamasmi, eso me attā’ ti samanupassasi’ ti?

“Cakkhuṃ, āvuso sārīputta, cakkhuvīññāṇaṃ cakkhuvīññāṇaviññātabbe dhamme ‘netam mama, nesohamasmi, na meso attā’ ti samanupassāmi...pe... jivhaṃ, āvuso sārīputta, jivhāvīññāṇaṃ jivhāvīññāṇaviññātabbe dhamme ‘netam mama, nesohamasmi, na meso attā’ ti samanupassāmi...pe... manam, āvuso sārīputta, manovīññāṇaṃ manovīññāṇaviññātabbe dhamme ‘netam mama, nesohamasmi, na meso attā’ ti samanupassāmi’ ti.

“Cakkhusmiṃ, āvuso channa, cakkhuvīññāṇe cakkhuvīññāṇaviññātabbesu dhammesu kiṃ disvā kiṃ abhiññāya cakkhuṃ cakkhuvīññāṇaṃ cakkhuvīññāṇaviññātabbe dhamme ‘netam mama, nesohamasmi, na meso attā’ ti samanupassasi... jivhāya, āvuso channa, jivhāvīññāṇe jivhāvīññāṇaviññātabbesu dhammesu kiṃ disvā kiṃ abhiññāya jivhaṃ jivhāvīññāṇaṃ jivhāvīññāṇaviññātabbe dhamme ‘netam mama, nesohamasmi, na meso attā’ ti samanupassasi... manasmim, āvuso channa, manovīññāṇe manovīññāṇaviññātabbesu dhammesu kiṃ disvā kiṃ abhiññāya manam manovīññāṇaṃ manovīññāṇaviññātabbe dhamme ‘netam mama, nesohamasmi, na meso attā’ ti samanupassasi’ ti?

“Cakkhusmiṃ, āvuso sārīputta, cakkhuvīññāṇe cakkhuvīññāṇaviññātabbesu dhammesu nirodhaṃ disvā nirodhaṃ abhiññāya cakkhuṃ cakkhuvīññāṇaṃ cakkhuvīññāṇaviññātabbe dhamme ‘netam mama, nesohamasmi, na meso attā’ ti samanupassāmi...pe... jivhāya, āvuso sārīputta, jivhāvīññāṇe jivhāvīññāṇaviññātabbesu dhammesu nirodhaṃ disvā nirodhaṃ abhiññāya jivhaṃ jivhāvīññāṇaṃ jivhāvīññāṇaviññātabbe dhamme ‘netam mama, nesohamasmi, na meso attā’ ti samanupassāmi...pe... manasmim, āvuso sārīputta, manovīññāṇe manovīññāṇaviññātabbesu dhammesu nirodhaṃ disvā nirodhaṃ abhiññāya manam manovīññāṇaṃ manovīññāṇaviññātabbe dhamme ‘netam mama, nesohamasmi, na meso attā’ ti samanupassāmi’ ti.

Evam vutte, āyasmā mahācundo āyasmantaṃ channaṃ etadavoca – “tasmātiha, āvuso channa, idampi tassa bhagavato sāsanaṃ niccakappaṃ sādhuṃ manasi kātabbhaṃ – ‘nissitassa calitaṃ, anissitassa calitaṃ natthi. Calite asati passaddhi hoti. Passaddhiyā sati nati na hoti. Natiyā asati āgatigati na hoti. Āgatigatiyā asati cutūpapāto na hoti. Cutūpapāte asati nevidha na huraṃ na ubhayamantarena. Esevanto dukkhassā’ ti.

Atha kho āyasmā ca sārīputto āyasmā ca mahācundo āyasmantaṃ channaṃ iminā ovādena ovaditvā uṭṭhāyāsanā pakkamiṃsu. Atha kho āyasmā channo acirapakkantesu tesu āyasmantesu satthaṃ āhāresi.

Atha kho āyasmā sārīputto yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā sārīputto bhagavantaṃ etadavoca – “āyasmā, bhante, channena satthaṃ āharitaṃ. Tassa kā gati ko abhisamparāyo’ ti? ‘Nanu te, sārīputta, channena bhikkhunā sammukhāyeva anupavajjātā byākatā’ ti? ‘Atthi, bhante, pubbavijjanaṃ [pubbaviciraṃ (sī.), pubbavijjanaṃ (pī.), pubbajiraṃ (ma. ni. 3.394)] nāma vajjigāmo. Tatthāyasmato channassa mittakulāni suhājjakulāni upavajjakulāni’ ti. ‘Honti hete, sārīputta, channassa bhikkhuno mittakulāni suhājjakulāni upavajjakulāni. Na kho panāhaṃ, sārīputta, ettāvātā saupavajjoti vadāmi. Yo kho, sārīputta, tañca kāyaṃ nikkhipati, aññañca kāyaṃ upādiyati, tamaṃ saupavajjoti vadāmi. Taṃ channassa bhikkhuno natthi. ‘Anupavajjaṃ channena bhikkhunā satthaṃ āharita’ nti – evametaṃ, sārīputta, dhārehi’ ti. Catutthaṃ.

5. Puṇṇasuttaṃ

88. Atha [sāvattihinidānaṃ. atha (?) ma. ni. 3.395 passitabbam] kho āyasmā puṇṇo yena bhagavā tenupasaṅkami; upasaṅkamtivā...pe... ekamantaṃ nisinno kho āyasmā puṇṇo bhagavantaṃ etadavoca – “sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakatṭho appamatto ātāpī pahitatto vihareyya’ nti.

“Santi kho, puṇṇa, cakkhuvīññeyyā rūpā iṭṭhā kantā manāpā piyarūpā kāmūpasamhitā rajaniyā.

Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato uppajjati nandī. ‘Nandisamudayā dukkhasamudayo, puṇṇā’ ti vadāmi...pe... santi kho, puṇṇa, jivhāviññeyyā rasā...pe... santi kho, puṇṇa, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato uppajjati nandī. ‘Nandisamudayā dukkhasamudayo, puṇṇā’ ti vadāmi.

“Santi kho, puṇṇa, cakkhuviññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājjhosāya tiṭṭhati, tassa taṃ anabhinandato anabhivadato anajjhosāya tiṭṭhato nirujjhati nandī. ‘Nandinirodhā dukkhanirodho, puṇṇā’ ti vadāmi...pe... santi kho, puṇṇa, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājjhosāya tiṭṭhati, tassa taṃ anabhinandato anabhivadato anajjhosāya tiṭṭhato nirujjhati nandī. ‘Nandinirodhā dukkhanirodho, puṇṇā’ ti vadāmi.

“Iminā tvam [iminā ca tvam], puṇṇa, mayā samkhittena ovādena ovadito katamasmiṃ [katarasmiṃ (ma. ni. 3.395)] janapade viharissasī’ ti? “Atthi, bhante, sunāparanto nāma janapado, tatthāham viharissāmī’ ti.

“Caṇḍā kho, puṇṇa, sunāparantakā manussā; pharusā kho, puṇṇa, sunāparantakā manussā. Sace taṃ, puṇṇa, sunāparantakā manussā akkosissanti paribhāsissanti, tatra te, puṇṇa, kinti bhavissatī’ ti?

“Sace maṃ, bhante, sunāparantakā manussā akkosissanti paribhāsissanti, tatra me evaṃ bhavissati – ‘bhaddakā vatime sunāparantakā manussā, subhaddakā vatime sunāparantakā manussā, yaṃ me [maṃ (sabbattha)] nayime pāṇinā pahāraṃ dentī’ ti. Evamettha [evammettha (?)], bhagavā, bhavissati; evamettha, sugata, bhavissatī’ ti.

“Sace pana te, puṇṇa, sunāparantakā manussā pāṇinā pahāraṃ dassanti, tatra pana te, puṇṇa, kinti bhavissatī’ ti?

“Sace me, bhante, sunāparantakā manussā pāṇinā pahāraṃ dassanti, tatra me evaṃ bhavissati – ‘bhaddakā vatime sunāparantakā manussā, subhaddakā vatime sunāparantakā manussā, yaṃ me [evammettha (?)] nayime leḍḍunā pahāraṃ dentī’ ti. Evamettha, bhagavā, bhavissati; evamettha, sugata, bhavissatī’ ti.

“Sace pana te, puṇṇa, sunāparantakā manussā leḍḍunā pahāraṃ dassanti, tatra pana te, puṇṇa, kinti bhavissatī’ ti?

“Sace me, bhante, sunāparantakā manussā leḍḍunā pahāraṃ dassanti, tatra me evaṃ bhavissati – ‘bhaddakā vatime sunāparantakā manussā, subhaddakā vatime sunāparantakā manussā, yaṃ me nayime daṇḍena pahāraṃ dentī’ ti. Evamettha, bhagavā, bhavissati; evamettha, sugata, bhavissatī’ ti.

“Sace pana puṇṇa, sunāparantakā manussā daṇḍena pahāraṃ dassanti, tatra pana te, puṇṇa, kinti bhavissatī’ ti?

“Sace me, bhante, sunāparantakā manussā daṇḍena pahāraṃ dassanti, tatra me evaṃ bhavissati – ‘bhaddakā vatime sunāparantakā manussā, subhaddakā vatime sunāparantakā manussā, yaṃ me nayime satthena pahāraṃ dentī’ ti. Evamettha, bhagavā, bhavissati; evamettha, sugata, bhavissatī’ ti.

“Sace pana te, puṇṇa, sunāparantakā manussā satthena pahāraṃ dassanti, tatra pana te, puṇṇa, kinti bhavissatī’ ti?

“Sace me, bhante, sunāparantakā manussā satthena pahāraṃ dassanti, tatra me evaṃ bhavissati – ‘bhaddakā vatime sunāparantakā manussā, subhaddakā vatime sunāparantakā manussā, yaṃ maṃ nayime tiṇhena satthena jīvitā voropentī’ ti. Evamettha, bhagavā, bhavissati; evamettha, sugata, bhavissati’ ti.

“Sace pana taṃ, puṇṇa, sunāparantakā manussā tiṇhena satthena jīvitā voropessanti, tatra pana te, puṇṇa, kinti bhavissati’ ti?

“Sace maṃ, bhante, sunāparantakā manussā tiṇhena satthena jīvitā voropessanti, tatra me evaṃ bhavissati – ‘santi kho tassa bhagavato sāvaka kāyena ca jīvitena ca aṭṭiyamānā harāyamānā jigucchamānā satthahāraṃ pariyesanti, taṃ me idaṃ apariyiṭṭhaññeva satthahāraṃ laddha’ nti. Evamettha, bhagavā, bhavissati; evamettha, sugata, bhavissati’ ti.

“Sādhu sādhu, puṇṇa! Sakkhissasi kho tvaṃ, puṇṇa, iminā damūpasamena samannāgato sunāparantasmim janapade vatthum. Yassa dāni tvaṃ, puṇṇa, kālaṃ maññasi’ ti.

Atha kho āyasmā puṇṇo bhagavato vacanaṃ abhinanditvā anumoditvā utṭhāyāsanaṃ bhagavantaṃ abhivādetvā padakkhiṇaṃ katvā senāsaṇaṃ saṃsāmetvā pattacīvaramādāya yena sunāparanto janapado tena cārikaṃ pakkāmi. Anupubbena cārikaṃ caramāno yena sunāparanto janapado tadavasari. Tatra sudaṃ āyasmā puṇṇo sunāparantasmim janapade viharati. Atha kho āyasmā puṇṇo tenevantaravassena pañcamattāni upāsakasatāni paṭivedesi [paṭipādesi (sī. pī.), paṭidesesi (syā. kaṃ.)]. Tenevantaravassena pañcamattāni upāsikāsatāni paṭivedesi. Tenevantaravassena tisso vijjā sacchākāsi. Tenevantaravassena parinibbāyi.

Atha kho sambahulā bhikkhū yena bhagavā tenupasaṅkamiṃsu...pe... ekamantaṃ nisinnā kho te bhikkhū bhagavantaṃ etadavocuṃ – ‘yo so, bhante, puṇṇo nāma kulaputto bhagavatā saṃkhittena ovādena ovadito, so kālaṅkato. Tassa kā gati ko abhisamparāyo’ ti?

“Paṇḍito, bhikkhave, puṇṇo kulaputto [kulaputto ahoṣi (sabbattha)], paccapādi [saccavādi (syā. kaṃ. ka.)] dhammassānudhammaṃ, na ca maṃ dhammādhikaraṇaṃ vihesesi [viheṭhesi (sī. syā. kaṃ.)]. Parinibbuto, bhikkhave, puṇṇo kulaputto’ ti. Pañcamaṃ.

6. Bāhiyasuttaṃ

89. Atha kho āyasmā bāhiyo yena bhagavā tenupasaṅkami...pe... ekamantaṃ nisinnā kho āyasmā bāhiyo bhagavantaṃ etadavoca – ‘sādhu me, bhante, bhagavā saṃkhittena dhammaṃ desetu, yamahaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’ nti.

“Taṃ kiṃ maññasi, bāhiya, cakkhu niccaṃ vā aniccaṃ vā’ ti?

“Aniccaṃ, bhante’.

“Yaṃ panāniccaṃ dukkhaṃ vā taṃ sukhaṃ vā’ ti?

“Dukkhaṃ, bhante’.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā’ ti?

“No hetamaṃ, bhante’.

“Rūpā niccā vā aniccā vā”ti?

“Aniccā, bhante”...pe... cakkhuvīññāṇaṃ...pe... cakkhusamphasso...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā”ti?

“Aniccaṃ, bhante”.

“Yaṃ panāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti?

“No hetuṃ, bhante”.

“Evaṃ passaṃ, bāhiya, sutavā ariyasāvako cakkhusmimpi nibbindati, rūpesupi nibbindati, cakkhuvīññāṇepi nibbindati, cakkhusamphassepi nibbindati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti.

Atha kho āyasmā bāhiyo bhagavato bhāsitaṃ abhinanditvā anumoditvā utthāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho āyasmā bāhiyo eko vūpakaṭṭho appamatto ātāpī pahitatto viharanto nacirasseva – yassatthāya kulaputtā sammadeva agārasmā anagāriyaṃ pabbajanti tadanuttaraṃ – brahmacariyapariyosānaṃ diṭṭheva dhamme sayāṃ abhiññā sacchikatvā upasampajja vihāsi. “Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā”ti abbhaññāsi. Aññataro ca panāyasmā bāhiyo arahataṃ ahoṣīti. Chaṭṭhaṃ.

7. Paṭhamaejāsuttaṃ

90. “Ejā, bhikkhave, rogo, ejā gaṇḍo, ejā sallaṃ. Tasmātiha, bhikkhave, tathāgato anejo viharati vītasallo. Tasmātiha, bhikkhave, bhikkhu cepi ākaṅkheyya ‘anejo vihareyyaṃ [vihareyya (sī. pī. ka.)] vītasallo’ti, cakkhuṃ na maññeyya, cakkhusmiṃ na maññeyya, cakkhuto na maññeyya, cakkhu meti na maññeyya; rūpe na maññeyya, rūpesu na maññeyya, rūpato na maññeyya, rūpā meti na maññeyya; cakkhuvīññāṇaṃ na maññeyya, cakkhuvīññāṇasmiṃ na maññeyya, cakkhuvīññāṇato na maññeyya, cakkhuvīññāṇaṃ meti na maññeyya; cakkhusamphassaṃ na maññeyya, cakkhusamphassasmiṃ na maññeyya, cakkhusamphassato na maññeyya, cakkhusamphasso meti na maññeyya. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññeyya, tasmimpi na maññeyya, tatopi na maññeyya, taṃ meti na maññeyya.

“Sotaṃ na maññeyya...pe... ghānaṃ na maññeyya...pe... jivhaṃ na maññeyya, jivhāya na maññeyya, jivhāto na maññeyya, jivhā meti na maññeyya; rase na maññeyya...pe... jivhāvīññāṇaṃ na maññeyya...pe... jivhāsamphassaṃ na maññeyya...pe... yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññeyya, tasmimpi na maññeyya, tatopi na maññeyya, taṃ meti na maññeyya.

“Kāyaṃ na maññeyya...pe... manaṃ na maññeyya, manasmiṃ na maññeyya, manato na maññeyya, mano meti na maññeyya; dhamme na maññeyya...pe... mano viññāṇaṃ...pe... manosamphassaṃ...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ

vā adukkhamasukhaṃ vā tampi na maññeyya, tasmimpi na maññeyya, tatopi na maññeyya, taṃ meti na maññeyya; sabbam na maññeyya, sabbasmiṃ na maññeyya, sabbato na maññeyya, sabbam meti na maññeyya.

“So evaṃ amaññamāno na kiñcipi loke upādiyati. Anupādiyam na paritassati. Aparitassam paccattaññeva parinibbāyati. ‘Khīṇā jāti, vusitaṃ brahmacariyam, kataṃ karaṇīyam nāparam itthattāyā’ ti pajānāti” ti. Sattamaṃ.

8. Dutiyaejāsuttam

91. “Ejā, bhikkhave, rogo, ejā gaṇḍo, ejā sallam. Tasmātiha, bhikkhave, tathāgato anejo viharati vītasallo. Tasmātiha, bhikkhave, bhikkhu cepi ākaṅkheyya ‘anejo vihareyyam vītasallo’ ti, cakkhum na maññeyya, cakkhusmiṃ na maññeyya, cakkhuto na maññeyya, cakkhu meti na maññeyya; rūpe na maññeyya... cakkhuvīññāṇam... cakkhusamphassaṃ... yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññeyya, tasmimpi na maññeyya, tatopi na maññeyya, taṃ meti na maññeyya. Yañhi, bhikkhave, maññati, yasmim maññati, yato maññati, yaṃ meti maññati, tato taṃ hoti aññathā. Aññathābhāvī bhavasatto loko bhavameva abhinandati...pe....

“Jivham na maññeyya, jivhāya na maññeyya, jivhāto na maññeyya, jivhā meti na maññeyya; rase na maññeyya... jivhāvīññāṇam... jivhāsamphassaṃ... yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññeyya, tasmimpi na maññeyya, tatopi na maññeyya, taṃ meti na maññeyya. Yañhi, bhikkhave, maññati, yasmim maññati, yato maññati, yaṃ meti maññati, tato taṃ hoti aññathā. Aññathābhāvī bhavasatto loko bhavameva abhinandati...pe....

“Manam na maññeyya, manasmiṃ na maññeyya, manato na maññeyya, mano meti na maññeyya... manovīññāṇam... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na maññeyya, tasmimpi na maññeyya, tatopi na maññeyya, taṃ meti na maññeyya. Yañhi, bhikkhave, maññati, yasmim maññati, yato maññati, yaṃ meti maññati, tato taṃ hoti aññathā. Aññathābhāvī bhavasatto loko bhavameva abhinandati.

“Yāvatā, bhikkhave, khandhadhātuāyatanā tampi na maññeyya, tasmimpi na maññeyya, tatopi na maññeyya, taṃ meti na maññeyya. So evaṃ amaññamāno na kiñci loke upādiyati. Anupādiyam na paritassati. Aparitassam paccattaññeva parinibbāyati. ‘Khīṇā jāti, vusitaṃ brahmacariyam, kataṃ karaṇīyam, nāparam itthattāyā’ ti pajānāti” ti. Aṭṭhamam.

9. Paṭhamadvayasuttam

92. “Dvayaṃ vo, bhikkhave, desessāmi. Taṃ suṇātha. Kiñca, bhikkhave, dvayaṃ? Cakkhuñceva rūpā ca, sotañceva saddā ca, ghānañceva gandhā ca, jivhā ceva rasā ca, kāyo ceva phoṭṭhabbā ca, mano ceva dhammā ca – idaṃ vuccati, bhikkhave, dvayaṃ.

“Yo, bhikkhave, evaṃ vadeyya – ‘ahametam dvayaṃ paccakkhāya aññam dvayaṃ paññapessāmi’ ti, tassa vācāvattukamevassa. Puṭṭho ca na sampāyeyya. Uttariñca vighātam āpajjeyya. Taṃ kissa hetu? Yathā taṃ, bhikkhave, avisayasmi” nti. Navamaṃ.

10. Dutiyadvayasuttam

93. “Dvayaṃ, bhikkhave, paṭicca viññāṇam sambhoti. Kathañca, bhikkhave, dvayaṃ paṭicca viññāṇam sambhoti? Cakkhuñca paṭicca rūpe ca uppajjati cakkhuvīññāṇam. Cakkhu aniccaṃ vipariṇāmi aññathābhāvī. Rūpā aniccā vipariṇāmino aññathābhāvīno. Itthetaṃ dvayaṃ calañceva byathañca aniccaṃ vipariṇāmi aññathābhāvī. Cakkhuvīññāṇam aniccaṃ vipariṇāmi aññathābhāvī. Yopi hetu yopi

paccayo cakkhaviññāṇassa uppādāya, sopi hetu sopi paccayo anicco vipariṇāmī aññathābhāvī. Aniccaṃ kho pana, bhikkhave, paccayaṃ paṭicca uppannaṃ cakkhaviññāṇaṃ kuto niccaṃ bhavissati! Yā kho, bhikkhave, imesaṃ tiṇṇaṃ dhammānaṃ saṅgati sannipāto samavāyo, ayaṃ vuccati cakkhusamphasso. Cakkhusamphassopi anicco vipariṇāmī aññathābhāvī. Yopi hetu yopi paccayo cakkhusamphassassa uppādāya, sopi hetu sopi paccayo anicco vipariṇāmī aññathābhāvī. Aniccaṃ kho pana, bhikkhave, paccayaṃ paṭicca uppanno cakkhusamphasso kuto nicco bhavissati! Phuṭṭho, bhikkhave, vedeti, phuṭṭho ceteti, phuṭṭho sañjānāti. Itthetepi dhammā calā ceva byathā ca aniccā vipariṇāmino aññathābhāvino. Sotaṃ...pe....

“Jivhañca paṭicca rase ca uppajjati jivhāviññāṇaṃ. Jivhā aniccā vipariṇāmī aññathābhāvī [vipariṇāminī aññathābhāvinī (?)]. Rasā aniccā vipariṇāmino aññathābhāvino. Itthetaṃ dvayaṃ calañceva byathañca aniccaṃ vipariṇāmi aññathābhāvī. Jivhāviññāṇaṃ aniccaṃ vipariṇāmi aññathābhāvī. Yopi hetu yopi paccayo jivhāviññāṇassa uppādāya, sopi hetu sopi paccayo anicco vipariṇāmī aññathābhāvī. Aniccaṃ kho pana, bhikkhave, paccayaṃ paṭicca uppannaṃ jivhāviññāṇaṃ, kuto niccaṃ bhavissati! Yā kho, bhikkhave, imesaṃ tiṇṇaṃ dhammānaṃ saṅgati sannipāto samavāyo, ayaṃ vuccati jivhāsamphasso. Jivhāsamphassopi anicco vipariṇāmī aññathābhāvī. Yopi hetu yopi paccayo jivhāsamphassassa uppādāya, sopi hetu sopi paccayo anicco vipariṇāmī aññathābhāvī. Aniccaṃ kho pana, bhikkhave, paccayaṃ paṭicca uppanno jivhāsamphasso, kuto nicco bhavissati! Phuṭṭho, bhikkhave, vedeti, phuṭṭho ceteti, phuṭṭho sañjānāti. Itthetepi dhammā calā ceva byathā ca aniccā vipariṇāmino aññathābhāvino. Kāyaṃ...pe....

“Manañca paṭicca dhamme ca uppajjati manoviññāṇaṃ. Mano anicco vipariṇāmī aññathābhāvī. Dhammā aniccā vipariṇāmino aññathābhāvino. Itthetaṃ dvayaṃ calañceva byathañca aniccaṃ vipariṇāmi aññathābhāvī. Manoviññāṇaṃ aniccaṃ vipariṇāmi aññathābhāvī. Yopi hetu yopi paccayo manoviññāṇassa uppādāya, sopi hetu sopi paccayo anicco vipariṇāmī aññathābhāvī. Aniccaṃ kho pana, bhikkhave, paccayaṃ paṭicca uppannaṃ manoviññāṇaṃ, kuto niccaṃ bhavissati! Yā kho, bhikkhave, imesaṃ tiṇṇaṃ dhammānaṃ saṅgati sannipāto samavāyo, ayaṃ vuccati manosamphasso. Manosamphassopi anicco vipariṇāmī aññathābhāvī. Yopi hetu yopi paccayo manosamphassassa uppādāya, sopi hetu sopi paccayo anicco vipariṇāmī aññathābhāvī. Aniccaṃ kho pana, bhikkhave, paccayaṃ paṭicca uppanno manosamphasso, kuto nicco bhavissati! Phuṭṭho, bhikkhave, vedeti, phuṭṭho ceteti, phuṭṭho sañjānāti. Itthetepi dhammā calā ceva byathā ca aniccā vipariṇāmino aññathābhāvino. Evaṃ kho, bhikkhave, dvayaṃ paṭicca viññāṇaṃ sambhotī’ ti. Dasamaṃ.

Channavaggo navamo.

Tassuddānaṃ –

Palokasuññā saṃkhittaṃ, channo puṇṇo ca bāhiyo;
Ejena ca duve vuttā, dvayehi apare duveti.

10. Saḷavaggo

1. Adantaaguttasuttaṃ

94. Sāvattihinidānaṃ. “Chayime, bhikkhave, phassāyatanā adantā aguttā arakkhitā asaṃvutā dukkhādhivāhā honti. Katame cha? Cakkhu, bhikkhave, phassāyatanaṃ adantaṃ aguttaṃ arakkhitaṃ asaṃvutaṃ dukkhādhivāhaṃ hoti...pe... jivhā, bhikkhave, phassāyatanaṃ adantaṃ aguttaṃ arakkhitaṃ asaṃvutaṃ dukkhādhivāhaṃ hoti...pe... mano, bhikkhave, phassāyatanaṃ adantaṃ aguttaṃ arakkhitaṃ asaṃvutaṃ dukkhādhivāhaṃ hoti. Ime kho, bhikkhave, cha phassāyatanā adantā aguttā arakkhitā asaṃvutā dukkhādhivāhā honti”.

“Chayime, bhikkhave, phassāyatanā sudantā suguttā surakkhitā susaṃvutā sukhādhivāhā honti. Katame cha? Cakkhu, bhikkhave, phassāyatanam sudantaṃ suguttaṃ surakkhitaṃ susaṃvutaṃ sukhādhivāhaṃ hoti...pe... jivhā, bhikkhave, phassāyatanam sudantaṃ suguttaṃ surakkhitaṃ susaṃvutaṃ sukhādhivāhaṃ hoti...pe... mano, bhikkhave, phassāyatanam sudantaṃ suguttaṃ surakkhitaṃ susaṃvutaṃ sukhādhivāhaṃ hoti. Ime kho, bhikkhave, cha phassāyatanā sudantā suguttā surakkhitā susaṃvutā sukhādhivāhā honti”’ti. Idamavoca bhagavā...pe... etadavoca satthā –

“Saḷeva [chaḷeva (ka.)] phassāyatanāni bhikkhavo,
Asaṃvuto yattha dukkhaṃ nigacchati;
Tesaṅca ye saṃvaraṇaṃ avedisuṃ,
Saddhādutiya viharantānavassutā.

“Disvāna rūpāni manoramāni,
Athopi disvāna amanoramāni;
Manorame rāgapathaṃ vinodaye,
Na cāppiyaṃ meti manaṃ padosaye.

“Saddaṅca sutvā dubhayaṃ piyāppiyaṃ,
Piyamhi sadde na samucchito siyā;
Athoppiye dosagataṃ vinodaye,
Na cāppiyaṃ meti manaṃ padosaye.

“Gandhaṅca ghatvā surabhiṃ manoramam,
Athopi ghatvā asuciṃ akantiyaṃ;
Akantiyasmim paṭighaṃ vinodaye,
Chandānunīto na ca kantiye siyā.

“Rasaṅca bhotvāna asāditaṅca sādum,
Athopi bhotvāna asādumekadā;
Sādum rasaṃ nājjhosāya bhuñje,
Virodhamāsādusu nopadaṃsaye.

“Phassena phuṭṭho na sukkena majje [majjhe (syā. kaṃ. pī.)],
Dukkheṇa phuṭṭhopi na sampavedhe;
Phassadvayaṃ sukhadukkhe upekkhe,
Anānuruddho aviruddha kenaci.

“Papañcasañña itarītarā narā,
Papañcayantā upayanti saññaṇṇino;
Manomayaṃ gehasitaṅca sabbam,
Panujja nekkhammasitaṃ irīyati.

“Evaṃ mano chassu yadā subhāvito,
Phuṭṭhassa cittaṃ na vikampate kvaci;
Te rāgadose abhibhuyya bhikkhavo,
Bhavattha [bhavatha (sī. syā. kaṃ.)] jātimaraṇassa pāragā”’ti. paṭhamam;

2. Mālukyaputtasuttaṃ

95. Atha kho āyasmā mālukyaputto [māluṅkyaputto (sī.)] yena bhagavā tenupasaṅkami...pe... ekamantaṃ nisinna kho āyasmā mālukyaputto bhagavantaṃ etadavoca – “sādhu me, bhante, bhagavā

saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya’’nti.

“Ettha dāni, mālukyaputta, kiṃ dahare bhikkhū vakkhāma! Yatra hi nāma tvaṃ, bhikkhu, jiṇṇo vuddho mahallako addhagato vayoanuppatto saṃkhittena ovādaṃ yācasi’’ti.

“Kiñcāpāhaṃ, bhante, jiṇṇo vuddho mahallako addhagato vayoanuppatto. Desetu me, bhante, bhagavā saṃkhittena dhammaṃ, desetu sugato saṃkhittena dhammaṃ, appeva nāmāhaṃ bhagavato bhāsītassa atthaṃ ājāneyyaṃ. Appeva nāmāhaṃ bhagavato bhāsītassa dāyādo assa’’nti.

“Taṃ kiṃ maññasi, mālukyaputta, ye te cakkhaviññeyyā rūpā aditṭhā aditṭhapubbā, na ca passasi, na ca te hoti passeyanti? Atthi te tattha chando vā rāgo vā pemaṃ vā’’ti? “No hetam, bhante’’.

“Ye te sotaviññeyyā saddā assutā assutapubbā, na ca suṇāsi, na ca te hoti suṇeyyanti? Atthi te tattha chando vā rāgo vā pemaṃ vā’’ti? “No hetam, bhante’’.

“Ye te ghānaviññeyyā gandhā aghāyitā aghāyitapubbā, na ca ghāyasi, na ca te hoti ghāyeyyanti? Atthi te tattha chando vā rāgo vā pemaṃ vā’’ti? “No hetam, bhante’’.

“Ye te jivhāviññeyyā rasā asāyitā asāyitapubbā, na ca sāyasi, na ca te hoti sāyeyyanti? Atthi te tattha chando vā rāgo vā pemaṃ vā’’ti? “No hetam, bhante’’.

“Ye te kāyaviññeyyā phoṭṭhabbā asamphuṭṭhā asamphuṭṭhapubbā, na ca phusasi, na ca te hoti phuseyyanti? Atthi te tattha chando vā rāgo vā pemaṃ vā’’ti? “No hetam, bhante’’.

“Ye te manoviññeyyā dhammā aviññātā aviññātapubbā, na ca vijānāsi, na ca te hoti vijāneyyanti? Atthi te tattha chando vā rāgo vā pemaṃ vā’’ti? “No hetam, bhante’’.

“Ettha ca te, mālukyaputta, diṭṭhasutamutaviññātabbesu dhammesu diṭṭhe diṭṭhamattaṃ bhavissati, sute sutamattaṃ bhavissati, mute mutamattaṃ bhavissati, viññāte viññātamattaṃ bhavissati. Yato kho te, mālukyaputta, diṭṭhasutamutaviññātabbesu dhammesu diṭṭhe diṭṭhamattaṃ bhavissati, sute sutamattaṃ bhavissati, mute mutamattaṃ bhavissati, viññāte viññātamattaṃ bhavissati; tato tvaṃ, mālukyaputta, na tena. Yato tvaṃ, mālukyaputta, na tena; tato tvaṃ, mālukyaputta, na tattha. Yato tvaṃ, mālukyaputta, na tattha; tato tvaṃ, mālukyaputta, nevidha, na huraṃ, na ubhayamantarena. Esevanto dukkhassā’’ti.

“Imassa khvāhaṃ, bhante, bhagavatā saṃkhittena bhāsītassa vitthārena atthaṃ ājānāmi –

“Rūpaṃ disvā sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa [ajjhosāya (sī.)] tiṭṭhati.

“Tassa vaḍḍhanti vedanā, anekā rūpasambhavā;
Abhijjhā ca vihesā ca, cittaṃ assūpahaññati;
Evaṃ ācinato dukkhaṃ, ārā nibbānamuccati.

“Saddaṃ sutvā sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati.

“Tassa vaḍḍhanti vedanā, anekā saddasambhavā;
Abhijjhā ca vihesā ca, cittaṃ assūpahaññati;
Evaṃ ācinato dukkhaṃ, ārā nibbānamuccati.

“Gandhaṃ ghatvā sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati.

“Tassa vaḍḍhanti vedanā, anekā gandhasambhavā;
Abhijjhā ca vihesā ca, cittaṃ assūpahaññati;
Evaṃ ācinato dukkhaṃ, ārā nibbānamuccati.

“Rasaṃ bhotvā sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati.

“Tassa vaḍḍhanti vedanā, anekā rasasambhavā;
Abhijjhā ca vihesā ca, cittaṃ assūpahaññati;
Evaṃ ācinato dukkhaṃ, ārā nibbānamuccati.

“Phassaṃ phussa sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati.

“Tassa vaḍḍhanti vedanā, anekā phassasambhavā;
Abhijjhā ca vihesā ca, cittaṃ assūpahaññati;
Evaṃ ācinato dukkhaṃ, ārā nibbānamuccati.

“Dhammaṃ ñatvā sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati.

“Tassa vaḍḍhanti vedanā, anekā dhammasambhavā;
Abhijjhā ca vihesā ca, cittaṃ assūpahaññati;
Evaṃ ācinato dukkhaṃ, ārā nibbānamuccati.

“Na so rajjati rūpesu, rūpaṃ disvā paṭissato;
Virattacitto vedeti, tañca nājjhosa tiṭṭhati.

“Yathāssa passato rūpaṃ, sevato cāpi vedanaṃ;
Khīyati nopacīyati, evaṃ so caratī sato;
Evaṃ apacinato dukkhaṃ, santike nibbānamuccati.

“Na so rajjati saddesu, saddaṃ sutvā paṭissato;
Virattacitto vedeti, tañca nājjhosa tiṭṭhati.

“Yathāssa suṇato saddaṃ, sevato cāpi vedanaṃ;
Khīyati nopacīyati, evaṃ so caratī sato;
Evaṃ apacinato dukkhaṃ, santike nibbānamuccati.

“Na so rajjati gandhesu, gandhaṃ ghatvā paṭissato;
Virattacitto vedeti, tañca nājjhosa tiṭṭhati.

“Yathāssa ghāyato gandhaṃ, sevato cāpi vedanaṃ;
Khīyati nopacīyati, evaṃ so caratī sato;
Evaṃ apacinato dukkhaṃ, santike nibbānamuccati.

“Na so rajjati rasesu, rasaṃ bhotvā paṭissato;
Virattacitto vedeti, tañca nājjhosa tiṭṭhati.

“Yathāssa sāyato rasam, sevato cāpi vedanam;
Khīyati nopacīyati, evam so caratī sato;
Evam apacinato dukkham, santike nibbānamuccati.

“Na so rajjati phassesu, phassam phussa paṭissato;
Virattacitto vedeti, tañca nājjhosa tiṭṭhati.

“Yathāssa phusato phassam, sevato cāpi vedanam;
Khīyati nopacīyati, evam so caratī sato;
Evam apacinato dukkham, santike nibbānamuccati.

“Na so rajjati dhammesu, dhammam ñatvā paṭissato;
Virattacitto vedeti, tañca nājjhosa tiṭṭhati.

“Yathāssa jānato dhammam, sevato cāpi vedanam;
Khīyati nopacīyati, evam so caratī sato;
Evam apacinato dukkham, santike nibbānamuccatī”ti.

“Imassa khvāham, bhante, bhagavatā saṃkhittena bhāsitassa evam vitthārena attham ājānāmī”ti.
“Sādhu sādhu, mālukyaputta! Sādhu kho tvam, mālukyaputta, mayā saṃkhittena bhāsitassa vitthārena
attham ājānāsi –

“Rūpaṃ disvā sati muṭṭhā, piyaṃ nimittaṃ manasi karoto;
Sārattacitto vedeti, tañca ajjhosa tiṭṭhati.

“Tassa vaḍḍhanti vedanā, anekā rūpasambhavā;
Abhijjhā ca vihesā ca, cittamassūpahaññati;
Evam ācinato dukkham, ārā nibbānamuccati....pe....

“Na so rajjati dhammesu, dhammam ñatvā paṭissato;
Virattacitto vedeti, tañca nājjhosa tiṭṭhati.

“Yathāssa vijānato dhammam, sevato cāpi vedanam;
Khīyati nopacīyati, evam so caratī sato;
Evam apacinato dukkham, santike nibbānamuccatī”ti.

“Imassa kho, mālukyaputta, mayā saṃkhittena bhāsitassa evam vitthārena attho daṭṭhabbo”ti.

Atha kho āyasmā mālukyaputto bhagavato bhāsitaṃ abhinanditvā anumoditvā uṭṭhāyāsanaṃ
bhagavantam abhivādetvā padakkhiṇam katvā pakkāmi. Atha kho āyasmā mālukyaputto eko vūpakaṭṭho
appamatto ātāpī pahitatto viharanto nacirasseva – yassathāya kulaputtā sammadeva agārasmā
anagāriyam pabbajanti tadanuttaram brahmacariyapariyosānam diṭṭheva dhamme sayam abhiññā
sacchikatvā upasampajja vihāsi. “Khīṇā jāti, vusitaṃ brahmacariyam, kataṃ karanīyam, nāparam
itthattāyā”ti abhhaññāsi. Aññataro ca panāyasmā mālukyaputto arahataṃ ahoṣīti. Dutiyam.

3. Parihānadhammasuttam

96. “Parihānadhammañca vo, bhikkhave, desessāmi aparihānadhammañca cha ca abhibhāyatanāni.
Tam suṇātha. Kathaṇca, bhikkhave, parihānadhammo hoti? Idha, bhikkhave, bhikkhuno cakkhunā
rūpaṃ disvā uppajjanti pāpakā akusalā sarasaṅkappā [akusalā dhammā sarasaṅkappā (syā. kam. pī. ka.)
upari āsīvisavagge sattamasutte pana “ākusalā sarasaṅkappā” tveva sabbattha dissati] saṃyojanīyā.

Tañce bhikkhu adhivāseti nappajahati na vinodeti na byantīkaroti [byantikaroti (pī.) byantiṃ karoti (ka.)] na anabhāvaṃ gameti, veditabbametaṃ, bhikkhave, bhikkhunā – ‘parihāyāmi kusalehi dhammehi’. Parihānañhetam vuttaṃ bhagavatāti...pe....

“Puna caparaṃ, bhikkhave, bhikkhuno jivhāya rasaṃ sāyitvā uppajjanti...pe... puna caparaṃ, bhikkhave, bhikkhuno manasā dhammaṃ viññāya uppajjanti pāpakā akusalā sarasaṅkappā saṃyojanīyā. Tañce bhikkhu adhivāseti nappajahati na vinodeti na byantīkaroti na anabhāvaṃ gameti, veditabbametaṃ, bhikkhave, bhikkhunā – ‘parihāyāmi kusalehi dhammehi’. Parihānañhetam vuttaṃ bhagavatāti. Evaṃ kho, bhikkhave, parihānadhammo hoti.

“Kathaṅca, bhikkhave, aparihānadhammo hoti? Idha, bhikkhave, bhikkhuno cakkhunā rūpaṃ disvā uppajjanti pāpakā akusalā sarasaṅkappā saṃyojanīyā. Tañce bhikkhu nādhivāseti pajahati vinodeti byantīkaroti anabhāvaṃ gameti, veditabbametaṃ, bhikkhave, bhikkhunā – ‘na parihāyāmi kusalehi dhammehi’. Aparihānañhetam vuttaṃ bhagavatāti...pe....

“Puna caparaṃ, bhikkhave, bhikkhuno jivhāya rasaṃ sāyitvā uppajjanti...pe... puna caparaṃ, bhikkhave, bhikkhuno manasā dhammaṃ viññāya uppajjanti pāpakā akusalā sarasaṅkappā saṃyojanīyā. Tañce bhikkhu nādhivāseti pajahati vinodeti byantīkaroti anabhāvaṃ gameti, veditabbametaṃ, bhikkhave, bhikkhunā – ‘na parihāyāmi kusalehi dhammehi’. Aparihānañhetam vuttaṃ bhagavatāti. Evaṃ kho, bhikkhave, aparihānadhammo hoti.

“Katamāni ca, bhikkhave, cha abhibhāyatanāni? Idha, bhikkhave, bhikkhuno cakkhunā rūpaṃ disvā nuppajjanti pāpakā akusalā sarasaṅkappā saṃyojanīyā. Veditabbametaṃ, bhikkhave, bhikkhunā – ‘abhibhūtametaṃ āyatanam’. Abhibhāyatanañhetam vuttaṃ bhagavatāti...pe... puna caparaṃ, bhikkhave, bhikkhuno manasā dhammaṃ viññāya nuppajjanti pāpakā akusalā dhammā sarasaṅkappā saṃyojanīyā. Veditabbametaṃ, bhikkhave, bhikkhunā – ‘abhibhūtametaṃ āyatanam’. Abhibhāyatanañhetam vuttaṃ bhagavatāti. Imāni vuccanti, bhikkhave, cha abhibhāyatanāni’ ti. Tatiyaṃ.

4. Pamādavihārisuttaṃ

97. “Pamādavihāriṅca vo, bhikkhave, desessāmi appamādavihāriṅca. Taṃ suṇātha. Kathaṅca, bhikkhave, pamādavihārī hoti? Cakkhundriyaṃ asaṃvutassa, bhikkhave, viharato cittaṃ byāsiṅcati [byāsiccati (sī. syā. kaṃ.)]. Cakkhuvīññeyyesu rūpesu tassa byāsittacittassa pāmojjaṃ na hoti. Pāmojje asati pīti na hoti. Pītiyā asati passaddhi na hoti. Passaddhiyā asati dukkhaṃ hoti. Dukkhiro cittaṃ na samādhīyati. Asamāhite citte dhammā na pātubhavanti. Dhammānaṃ apātubhāvā pamādavihārī tveva saṅkhaṃ gacchati...pe... jivhindriyaṃ asaṃvutassa, bhikkhave, viharato cittaṃ byāsiṅcati jivhāvīññeyyesu rasesu, tassa byāsittacittassa...pe... pamādavihārī tveva saṅkhaṃ gacchati...pe... manindriyaṃ asaṃvutassa, bhikkhave, viharato cittaṃ byāsiṅcati manovīññeyyesu dhammesu, tassa byāsittacittassa pāmojjaṃ na hoti. Pāmojje asati pīti na hoti. Pītiyā asati passaddhi na hoti. Passaddhiyā asati dukkhaṃ hoti. Dukkhiro cittaṃ na samādhīyati. Asamāhite citte dhammā na pātubhavanti. Dhammānaṃ apātubhāvā pamādavihārī tveva saṅkhaṃ gacchati. Evaṃ kho, bhikkhave, pamādavihārī hoti.

“Kathaṅca, bhikkhave, appamādavihārī hoti? Cakkhundriyaṃ saṃvutassa, bhikkhave, viharato cittaṃ na byāsiṅcati cakkhuvīññeyyesu rūpesu, tassa abyāsittacittassa pāmojjaṃ jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ viharati. Sukhino cittaṃ samādhīyati. Samāhite citte dhammā pātubhavanti. Dhammānaṃ pātubhāvā appamādavihārī tveva saṅkhaṃ gacchati...pe... jivhindriyaṃ saṃvutassa, bhikkhave, viharato cittaṃ na byāsiṅcati...pe... appamādavihārī tveva saṅkhaṃ gacchati. Manindriyaṃ saṃvutassa, bhikkhave, viharato cittaṃ na byāsiṅcati, manovīññeyyesu dhammesu, tassa abyāsittacittassa pāmojjaṃ jāyati. Pamuditassa pīti jāyati.

Pīṭimanassa kāyo passambhati. Passaddhakāyo sukhaṃ viharati. Sukhino cittaṃ samādhiyati. Samāhite citte dhammā pātubhavanti. Dhammānaṃ pātubhāvā appamādavihārī tveva saṅkhaṃ gacchati. Evaṃ kho, bhikkhave, appamādavihārī hotī”ti. Catutthaṃ.

5. Saṃvarasuttaṃ

98. “Saṃvaraṅca vo, bhikkhave, desessāmi, asaṃvaraṅca. Taṃ suṇātha. Kathaṅca, bhikkhave, asaṃvaro hoti? Santi, bhikkhave, cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati, veditabbametaṃ, bhikkhave, bhikkhunā – ‘parihāyāmi kusalehi dhammehi’. Parihānañhetam vuttaṃ bhagavatāti...pe... santi, bhikkhave, jivhāviññeyyā rasā...pe... santi, bhikkhave, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati, veditabbametaṃ, bhikkhave, bhikkhunā – ‘parihāyāmi kusalehi dhammehi’. Parihānañhetam vuttaṃ bhagavatāti. Evaṃ kho, bhikkhave, asaṃvaro hoti.

“Kathaṅca, bhikkhave, saṃvaro hoti? Santi, bhikkhave, cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati, veditabbametaṃ, bhikkhave, bhikkhunā – ‘na parihāyāmi kusalehi dhammehi’. Aparihānañhetam vuttaṃ bhagavatāti ...pe... santi, bhikkhave, jivhāviññeyyā rasā...pe... santi, bhikkhave, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati, veditabbametaṃ bhikkhunā – ‘na parihāyāmi kusalehi dhammehi’. Aparihānañhetam vuttaṃ bhagavatāti. Evaṃ kho, bhikkhave, saṃvaro hotī”ti. Pañcamaṃ.

6. Samādhisuttaṃ

99. “Samādhiṃ, bhikkhave, bhāvētha. Samāhito, bhikkhave, bhikkhu yathābhūtaṃ pajānāti. Kiñca yathābhūtaṃ pajānāti? ‘Cakkhu anicca’nti yathābhūtaṃ pajānāti; ‘rūpā aniccā’ti yathābhūtaṃ pajānāti; ‘cakkhaviññāṇaṃ anicca’nti yathābhūtaṃ pajānāti; ‘cakkhusamphasso anicco’ti yathābhūtaṃ pajānāti. ‘Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anicca’nti yathābhūtaṃ pajānāti...pe... ‘mano anicca’nti yathābhūtaṃ pajānāti. Dhammā... manoviññāṇaṃ... manosamphasso... ‘yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anicca’nti yathābhūtaṃ pajānāti. Samādhiṃ, bhikkhave, bhāvētha. Samāhito, bhikkhave, bhikkhu yathābhūtaṃ pajānāti”ti. Chaṭṭhaṃ.

7. Paṭisallānasuttaṃ

100. “Paṭisallāne [paṭisallānaṃ (sī. pī. ka.), paṭisallīnā (syā. kaṃ.)], bhikkhave, yogamāpajjatha. Paṭisallīno, bhikkhave, bhikkhu yathābhūtaṃ pajānāti. Kiñca yathābhūtaṃ pajānāti? ‘Cakkhu anicca’nti yathābhūtaṃ pajānāti; ‘rūpā aniccā’ti yathābhūtaṃ pajānāti; ‘cakkhaviññāṇaṃ anicca’nti yathābhūtaṃ pajānāti; ‘cakkhusamphasso anicco’ti yathābhūtaṃ pajānāti. ‘Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anicca’nti yathābhūtaṃ pajānāti...pe... ‘yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampmppi anicca’nti yathābhūtaṃ pajānāti. Paṭisallāne, bhikkhave, yogamāpajjatha. Paṭisallīno, bhikkhave, bhikkhu yathābhūtaṃ pajānāti”ti. Sattamaṃ.

8. Paṭhamanatumhākaṃsuttaṃ

101. “Yaṃ [yampi (pī. ka.)], bhikkhave, na tumhākaṃ, taṃ pajahatha. Taṃ vo pahīnaṃ hitāya sukhāya bhavissati. Kiñca, bhikkhave, na tumhākaṃ? Cakkhu, bhikkhave, na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Rūpā na tumhākaṃ. Te pajahatha. Te vo pahīnā hitāya sukhāya bhavissanti. Cakkhaviññāṇaṃ na tumhākaṃ. Taṃ pajahatha. Taṃ vo pahīnaṃ hitāya

sukhāya bhavissati. Cakkhusamphasso na tumhākaṃ. Taṃ pajahatha. So vo pahīno hitāya sukhāya bhavissati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Sotaṃ na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Saddā na tumhākaṃ. Te pajahatha. Te vo pahīnā hitāya sukhāya bhavissanti. Sotaviññāṇaṃ na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Sotasamphasso na tumhākaṃ. Taṃ pajahatha. So vo pahīnā hitāya sukhāya bhavissati. Yampidaṃ sotasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Ghānaṃ na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Gandhā na tumhākaṃ. Te pajahatha. Te vo pahīnā hitāya sukhāya bhavissanti. Ghānaviññāṇaṃ na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Ghānasamphasso na tumhākaṃ. Taṃ pajahatha. So vo pahīnā hitāya sukhāya bhavissati. Yampidaṃ ghānasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati.

Jivhā na tumhākaṃ. Taṃ pajahatha. Sā vo pahīnā hitāya sukhāya bhavissati. Rasā na tumhākaṃ. Te pajahatha. Te vo pahīnā hitāya sukhāya bhavissanti. Jivhāviññāṇaṃ na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Jivhāsamphasso na tumhākaṃ. Taṃ pajahatha. So vo pahīnā hitāya sukhāya bhavissati. Yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati ...pe....

Mano na tumhākaṃ. Taṃ pajahatha. So vo pahīno hitāya sukhāya bhavissati. Dhammā na tumhākaṃ. Te pajahatha. Te vo pahīnā hitāya sukhāya bhavissanti. Manoviññāṇaṃ na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Manosamphasso na tumhākaṃ. Taṃ pajahatha. So vo pahīno hitāya sukhāya bhavissati. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati.

“Seyyathāpi, bhikkhave, yaṃ imasmim̐ jetavane tiṇakatṭhasākhāpalāsaṃ taṃ jano hareyya vā ḍaheyya vā yathāpaccayaṃ vā kareyya, api nu tumhākaṃ evamassa – ‘amhe jano harati vā ḍahati vā yathāpaccayaṃ vā karoti’”ti?

“No hetuṃ, bhante”.

“Taṃ kissa hetu”?

“Na hi no etuṃ, bhante, attā vā attaniyaṃ vā”ti.

“Evameva kho, bhikkhave, cakkhu na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Rūpā na tumhākaṃ... cakkhuvīññāṇaṃ... cakkhusamphasso...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati”ti. Aṭṭhamāṃ.

9. Dutiyanatumhākaṃsuttaṃ

102. “Yaṃ, bhikkhave, na tumhākaṃ taṃ pajahatha. Taṃ vo pahīnaṃ hitāya sukhāya bhavissati. Kiñca, bhikkhave, na tumhākaṃ? Cakkhu, bhikkhave, na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Rūpā na tumhākaṃ. Te pajahatha. Te vo pahīnā hitāya sukhāya bhavissanti. Cakkhuvīññāṇaṃ na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Cakkhusamphasso na tumhākaṃ. Taṃ pajahatha. So vo pahīno hitāya sukhāya bhavissati...pe...

yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi na tumhākaṃ. Taṃ pajahatha. Taṃ vo pahīnaṃ hitāya sukhāya bhavissati. Yampi, bhikkhave, na tumhākaṃ, taṃ pajahatha. Taṃ vo pahīnaṃ hitāya sukhāya bhavissati’ ti. Navamaṃ.

10. Udakasuttaṃ

103. “Udako [uddako (sī. pī.)] sudaṃ, bhikkhave, rāmaputto evaṃ vācaṃ bhāsati – ‘idaṃ jātu vedagū, idaṃ jātu sabbajī [sabbaji (pī.)], idaṃ jātu apalikhatam gaṇḍamūlaṃ palikhaṇi’nti. Taṃ kho panetaṃ, bhikkhave, udako rāmaputto avedagūyeva samāno ‘vedagūsmī’ti bhāsati, asabbajīyeva samāno ‘sabbajīsmī’ti bhāsati, apalikhatameva gaṇḍamūlaṃ palikhatam me ‘gaṇḍamūla’nti bhāsati. Idha kho taṃ, bhikkhave, bhikkhu sammā vadamāno vadeyya – ‘idaṃ jātu vedagū, idaṃ jātu sabbajī, idaṃ jātu apalikhatam gaṇḍamūlaṃ palikhaṇi’”nti.

“Kathaṇca, bhikkhave, vedagū hoti? Yato kho, bhikkhave, bhikkhu channaṃ phassāyatanānaṃ samudayaṇca atthaṅgamaṇca assādaṇca ādīnavaṇca nissaraṇaṇca yathābhūtaṃ pajānāti; evaṃ kho, bhikkhave, bhikkhu vedagū hoti.

“Kathaṇca, bhikkhave, bhikkhu sabbajī hoti? Yato kho, bhikkhave, bhikkhu channaṃ phassāyatanānaṃ samudayaṇca atthaṅgamaṇca assādaṇca ādīnavaṇca nissaraṇaṇca yathābhūtaṃ viditvā anupādāvimutto hoti; evaṃ kho, bhikkhave, bhikkhu sabbajī hoti.

“Kathaṇca, bhikkhave, bhikkhuno apalikhatam gaṇḍamūlaṃ palikhatam hoti? Gaṇḍoti kho, bhikkhave, imassetam cātumahābhūtikassa kāyassa adhivacanaṃ mātāpettikasambhavassa odanakummāsūpacayassa aniccucchādanaparimaddanabhedanaviddhamsanadhammassa. Gaṇḍamūlanti kho, bhikkhave, taṇhāyetaṃ adhivacanaṃ. Yato kho, bhikkhave, bhikkhuno taṇhā pahīnā hoti ucchinnamūlā tālavatthukatā anabhāvaṅkatā āyatiṃ anuppādadhammā; evaṃ kho, bhikkhave, bhikkhuno apalikhatam gaṇḍamūlaṃ palikhatam hoti.

“Udako sudaṃ, bhikkhave, rāmaputto evaṃ vācaṃ bhāsati – ‘idaṃ jātu vedagū, idaṃ jātu sabbajī, idaṃ jātu apalikhatam gaṇḍamūlaṃ palikhaṇi’nti. Taṃ kho panetaṃ, bhikkhave, udako rāmaputto avedagūyeva samāno ‘vedagūsmī’ti bhāsati, asabbajīyeva samāno ‘sabbajīsmī’ti bhāsati; apalikhatameva gaṇḍamūlaṃ ‘palikhatam me gaṇḍamūla’nti bhāsati. Idha kho taṃ, bhikkhave, bhikkhu sammā vadamāno vadeyya – ‘idaṃ jātu vedagū, idaṃ jātu sabbajī, idaṃ jātu apalikhatam gaṇḍamūlaṃ palikhaṇi’”nti. Dasamaṃ.

Saḷavaggo dasamo.

Tassuddānaṃ –

Dve saṃgayhā parihānaṃ, pamādavihārī ca saṃvaro;
Samādhi paṭisallānaṃ, dve natumhākena uddakoti.

Saḷāyatanavagge dutiyapaṇṇāsako samatto.

Tassa vagguddānaṃ –

Avijjā migajālaṇca, gilānaṃ channaṃ catutthakaṃ;
Saḷavaggena paññāsam, dutiyo paṇṇāsako ayanti.

Paṭhamasatakaṃ.

11. Yogakkhemivaggo

1. Yogakkhemisuttaṃ

104. Sāvattthinidānaṃ. “Yogakkhemipariyāyaṃ vo, bhikkhave, dhammapariyāyaṃ desessāmi. Taṃ suṇātha. Katamo ca, bhikkhave, yogakkhemipariyāyo dhammapariyāyo? Santi, bhikkhave, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Te tathāgatassa pahīnā ucchinnamūlā tālāvatthukatā anabhāvaṅkatā āyatīṃ anuppādadhammā. Tesaṅca pahānāya akkhāsi yogaṃ, tasmā tathāgato ‘yogakkhemī’ti vuccati...pe... santi, bhikkhave, manovīññeyyā dhammā iṭṭhā kantā manāpā piyarūpā kāmūpasamhitā rajanīyā. Te tathāgatassa pahīnā ucchinnamūlā tālāvatthukatā anabhāvaṅkatā āyatīṃ anuppādadhammā. Tesaṅca pahānāya akkhāsi yogaṃ, tasmā tathāgato ‘yogakkhemī’ti vuccati. Ayaṃ kho, bhikkhave, yogakkhemipariyāyo dhammapariyāyo”ti. Paṭhamaṃ.

2. Upādāyasuttaṃ

105. “Kismiṃ nu kho, bhikkhave, sati kiṃ upādāya uppajjati ajjhattaṃ sukhaṃ dukkha”nti?

“Bhagavaṃmūlakā no, bhante, dhammā...pe....

“Cakkhusmiṃ kho, bhikkhave, sati cakkhuṃ upādāya uppajjati ajjhattaṃ sukhaṃ dukkhaṃ...pe... manasmīṃ sati manaṃ upādāya uppajjati ajjhattaṃ sukhaṃ dukkhaṃ. Taṃ kiṃ maññatha, bhikkhave, cakkhu niccaṃ vā aniccaṃ vā”ti?

“Aniccaṃ, bhante”.

“Yaṃ panāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ panāniccaṃ dukkhaṃ vipariṇāmadhammaṃ, api nu taṃ anupādāya uppajjeyya ajjhattaṃ sukhaṃ dukkha”nti?

“No hetam bhante”...pe....

“Jivhā niccā vā aniccā vā”ti?

“Aniccā, bhante”.

“Yaṃ panāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ panāniccaṃ dukkhaṃ vipariṇāmadhammaṃ, api nu taṃ anupādāya uppajjeyya ajjhattaṃ sukhaṃ dukkha”nti?

“No hetam bhante”...pe....

“Mano nicco vā anicco vā”ti?

“Anicco, bhante”.

“Yaṃ paṇāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ paṇāniccaṃ dukkhaṃ vipariṇāmadhammaṃ, api nu taṃ anupādāya uppajjeyya ajjhataṃ sukhaṃ dukkha”nti?

“No hetuṃ, bhante”.

“Evaṃ passaṃ, bhikkhave, sutavā ariyasāvako cakkhusmimpi nibbindati...pe... manasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamīti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Dutiyaṃ.

3. Dukkhasamudayasuttaṃ

106. “Dukkhasa, bhikkhave, samudayaṅca atthaṅgamaṅca desessāmi. Taṃ suṇātha. Katamo ca, bhikkhave, dukkhassa samudayo? Cakkhuṅca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Ayaṃ dukkhassa samudayo...pe... jivhaṅca paṭicca rase ca uppajjati jivhāvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Ayaṃ dukkhassa samudayo...pe... manaṅca paṭicca dhamme ca uppajjati manovīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Ayaṃ kho, bhikkhave, dukkhassa samudayo.

“Katamo ca, bhikkhave, dukkhassa atthaṅgamo? Cakkhuṅca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāgaṇirodhā upādānaṇirodho; upādānaṇirodhā bhavaṇirodho; bhavaṇirodhā jātiṇirodho; jātiṇirodhā jarāmaṇaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti. Ayaṃ dukkhassa atthaṅgamo...pe... jivhaṅca paṭicca rase ca uppajjati jivhāvīññāṇaṃ...pe... manaṅca paṭicca dhamme ca uppajjati manovīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāgaṇirodhā upādānaṇirodho; upādānaṇirodhā bhavaṇirodho; bhavaṇirodhā jātiṇirodho; jātiṇirodhā jarāmaṇaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti. Ayaṃ kho, bhikkhave, dukkhassa atthaṅgamo”ti. Tatiyaṃ.

4. Lokasamudayasuttaṃ

107. “Lokassa, bhikkhave, samudayaṅca atthaṅgamaṅca desessāmi. Taṃ suṇātha. Katamo ca, bhikkhave, lokassa samudayo? Cakkhuṅca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā; taṇhāpaccayā upādānaṃ; upādānaṇirodho; bhavaṇirodho; bhavaṇirodhā jātiṇirodho; jātiṇirodho; jarāmaṇaṇaṃ sokaparidevadukkhadomanassupāyāsā sambhavanti. Ayaṃ kho, bhikkhave, lokassa samudayo...pe... jivhaṅca paṭicca rase ca uppajjati jivhāvīññāṇaṃ...pe... manaṅca paṭicca dhamme ca uppajjati manovīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā; taṇhāpaccayā upādānaṃ; upādānaṇirodho; bhavaṇirodho; bhavaṇirodhā jātiṇirodho; jātiṇirodho; jarāmaṇaṇaṃ sokaparidevadukkhadomanassupāyāsā sambhavanti. Ayaṃ kho, bhikkhave, lokassa samudayo.

“Katamo ca, bhikkhave, lokassa atthaṅgamo? Cakkhuṅca paṭicca rūpe ca uppajjati cakkhuvīññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāgaṇirodhā upādānaṇirodho; upādānaṇirodhā bhavaṇirodho; bhavaṇirodhā jātiṇirodho; jātiṇirodho; jarāmaṇaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti. Ayaṃ kho, bhikkhave, lokassa atthaṅgamo...pe... jivhaṅca paṭicca

rāse ca uppajjati...pe... manañca paṭicca dhamme ca uppajjati manoviññāṇaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāganirodhā upādānanirodho; upādānanirodhā...pe... evametassa kevalassa dukkhakkhandhassa nirodho hoti. Ayaṃ kho, bhikkhave, lokassa atthaṅgamo’’ti. Catutthaṃ.

5. Seyyohamasmisuttaṃ

108. “Kismiṃ nu kho, bhikkhave, sati kiṃ upādāya kiṃ abhinivissa seyyohamasmīti vā hoti, sadiso hamasmīti vā hoti, hīno hamasmīti vā hoti’’ti?

“Bhagavaṃmūlakā no, bhante, dhammā.

“Cakkhusmiṃ kho, bhikkhave, sati cakkhuṃ upādāya cakkhuṃ abhinivissa seyyohamasmīti vā hoti, sadiso hamasmīti vā hoti, hīno hamasmīti vā hoti...pe... jivhāya sati...pe... manasmimṃ sati manāṃ upādāya manāṃ abhinivissa seyyohamasmīti vā hoti, sadiso hamasmīti vā hoti, hīno hamasmīti vā hoti. Taṃ kiṃ maññatha, bhikkhave, cakkhu niccaṃ vā aniccaṃ vā’’ti?

“Aniccaṃ, bhante’’.

“Yaṃ paṇāniccaṃ dukkhaṃ vā taṃ sukhaṃ vā’’ti?

“Dukkhaṃ, bhante’’.

“Yaṃ paṇāniccaṃ dukkhaṃ vipariṇāmadhammaṃ, api nu taṃ anupādāya seyyohamasmīti vā assa, sadiso hamasmīti vā assa, hīno hamasmīti vā assā’’ti?

“No hetāṃ, bhante’’...pe... jivhā... kāyo nicco vā anicco vā’’ti?

“Anicco, bhante’’...pe....

“Mano nicco vā anicco vā’’ti?

“Anicco, bhante’’.

“Yaṃ paṇāniccaṃ dukkhaṃ vā taṃ sukhaṃ vā’’ti?

“Dukkhaṃ, bhante’’.

“Yaṃ paṇāniccaṃ dukkhaṃ vipariṇāmadhammaṃ, api nu taṃ anupādāya seyyohamasmīti vā assa, sadiso hamasmīti vā assa, hīno hamasmīti vā assā’’ti?

“No hetāṃ, bhante’’.

“Evaṃ passaṃ, bhikkhave, sutavā ariyasāvako cakkhusmimpi nibbindati...pe... manasmimpi nibbindati. Nibbindaṃ virajjati; virāgā vimuccati; vimuttasmimṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’’ti pajānāti’’ti. Pañcamaṃ.

6. Saṃyojanīyasuttaṃ

109. “Saṃyojaniye ca, bhikkhave, dhamme desessāmi saṃyojanañca. Taṃ suṇātha. Katame ca,

bhikkhave, saṃyojaniyā dhammā, katamañca saṃyojanaṃ? Cakkhum, bhikkhave, saṃyojaniyo dhammo. Yo tattha chandarāgo, taṃ tattha saṃyojanaṃ...pe... jivhā saṃyojaniyo dhammo...pe... mano saṃyojaniyo dhammo. Yo tattha chandarāgo, taṃ tattha saṃyojanaṃ. Ime vuccanti, bhikkhave, saṃyojaniyā dhammā, idaṃ saṃyojana’nti. Chaṭṭhaṃ.

7. Upādānīyasuttaṃ

110. “Upādāniye ca, bhikkhave, dhamme desessāmi upādānañca. Taṃ suṇātha. Katame ca, bhikkhave, upādāniyā dhammā, katamañca upādānaṃ? Cakkhum, bhikkhave, upādāniyo dhammo. Yo tattha chandarāgo, taṃ tattha upādānaṃ...pe... jivhā upādāniyo dhammo...pe... mano upādāniyo dhammo. Yo tattha chandarāgo, taṃ tattha upādānaṃ. Ime vuccanti, bhikkhave, upādāniyā dhammā, idaṃ upādāna’nti. Sattamaṃ.

8. Ajjhakkāyatana-parijānana-suttaṃ

111. “Cakkhum, bhikkhave, anabhijānaṃ aparijānaṃ avirājayaṃ appajahaṃ abhabbo dukkhakkhayāya. Sotaṃ... ghānaṃ... jivhaṃ... kāyaṃ... manaṃ anabhijānaṃ aparijānaṃ avirājayaṃ appajahaṃ abhabbo dukkhakkhayāya. Cakkhuñca kho, bhikkhave, abhijānaṃ parijānaṃ virājayaṃ pajahaṃ bhabbo dukkhakkhayāya...pe... jivhaṃ... kāyaṃ... manaṃ abhijānaṃ parijānaṃ virājayaṃ pajahaṃ bhabbo dukkhakkhayāya’nti. Aṭṭhamaṃ.

9. Bāhirāyatana-parijānana-suttaṃ

112. “Rūpe, bhikkhave, anabhijānaṃ aparijānaṃ avirājayaṃ appajahaṃ abhabbo dukkhakkhayāya. Sadde... gandhe... rase... phoṭṭhabbe... dhamme anabhijānaṃ aparijānaṃ avirājayaṃ appajahaṃ abhabbo dukkhakkhayāya. Rūpe ca kho, bhikkhave, abhijānaṃ parijānaṃ virājayaṃ pajahaṃ bhabbo dukkhakkhayāya. Sadde... gandhe... rase... phoṭṭhabbe... dhamme abhijānaṃ parijānaṃ virājayaṃ pajahaṃ bhabbo dukkhakkhayāya’nti. Navamaṃ.

10. Upassutisuttaṃ

113. Ekaṃ samayaṃ bhagavā nātike [ñātike (sī. syā. kaṃ.)] viharati giṇṇakāvasathe. Atha kho bhagavā rahogato paṭisallīno imaṃ dhammapariyāyaṃ abhāsi – “cakkhuñca paṭicca rūpe ca uppajjati cakkhuvīññānaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā; taṇhāpaccayā upādānaṃ; upādānapaccayā bhavo; bhavapaccayā jāti; jātipaccayā jarāmaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti. Jivhañca paṭicca rase ca uppajjati...pe... manañca paṭicca dhamme ca uppajjati manoviññānaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā; taṇhāpaccayā upādānaṃ; upādānapaccayā bhavo; bhavapaccayā jāti; jātipaccayā jarāmaṇaṃ sokaparidevadukkhadomanassupāyāsā sambhavanti. Evametassa kevalassa dukkhakkhandhassa samudayo hoti’nti.

“Cakkhuñca paṭicca rūpe ca uppajjati cakkhuvīññānaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāganīrodhā upādānānirodho; upādānānirodhā bhavānirodho; bhavānirodhā jātinīrodho; jātinīrodhā jarāmaṇaṃ sokaparidevadukkhadomanassupāyāsā nirujjhanti. Evametassa kevalassa dukkhakkhandhassa nirodho hoti...pe... jivhañca paṭicca rase ca uppajjati...pe... manañca paṭicca dhamme ca uppajjati manoviññānaṃ. Tiṇṇaṃ saṅgati phasso. Phassapaccayā vedanā; vedanāpaccayā taṇhā. Tassāyeva taṇhāya asesavirāganīrodhā upādānānirodho; upādānānirodhā...pe... evametassa kevalassa dukkhakkhandhassa nirodho hoti’nti.

Tena kho pana samayena aññataro bhikkhu bhagavato upassuti [upassutiṃ (sī. ka.)] t̥hito hoti. Addasā kho bhagavā taṃ bhikkhuṃ upassuti t̥hitaṃ. Disvāna taṃ bhikkhuṃ etadavoca – “assosi no tvaṃ, bhikkhu, imaṃ dhammapariyāya”nti? “Evaṃ, bhante”. “Uggaṇhāhi tvaṃ, bhikkhu, imaṃ dhammapariyāyaṃ. Pariyāpuṇāhi tvaṃ, bhikkhu, imaṃ dhammapariyāyaṃ. Dhārehi tvaṃ, bhikkhu, imaṃ dhammapariyāyaṃ. Atthasamhitoyaṃ, bhikkhu, dhammapariyāyo ādibrahmacariyako”ti. Dasamaṃ.

Yogakkhemivaggo ekādasamo.

Tassuddānaṃ –

Yogakkhemi upādāya, dukkhaṃ loko ca seyyo ca;
Saṃyojanaṃ upādānaṃ, dve pari jānaṃ upassutīti.

12. Lokakāmaguṇavaggo

1. Paṭhamamārapāsasuttaṃ

114. “Santi, bhikkhave, cakkhuviññeyyā rūpā, iṭṭhā kantā manāpā piyarūpā kāmūpasamhitā rajanīyā. Tañce, bhikkhu, abhinandati abhivadati ajjhosāya tiṭṭhati – ayaṃ vuccati, bhikkhave, bhikkhu āvāsagato mārassa, mārassa vasaṃ gato [vasagato (sī. aṭṭha. syā. aṭṭha.)], paṭimukkassa mārapāso. Baddho so mārabandhanena yathākāmakaraṇīyo pāpimato...pe....

“Santi, bhikkhave, jivhāviññeyyā rasā, iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati – ayaṃ vuccati, bhikkhave, bhikkhu āvāsagato mārassa, mārassa vasaṃ gato, paṭimukkassa mārapāso. Baddho so mārabandhanena...pe....

“Santi, bhikkhave, manoviññeyyā dhammā, iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati – ayaṃ vuccati, bhikkhave, bhikkhu āvāsagato mārassa, mārassa vasaṃ gato, paṭimukkassa mārapāso. Baddho so mārabandhanena yathākāmakaraṇīyo pāpimato.

“Santi ca kho, bhikkhave, cakkhuviññeyyā rūpā, iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati – ayaṃ vuccati, bhikkhave, bhikkhu nāvāsagato mārassa, na mārassa vasaṃ gato, ummukkassa mārapāso. Mutto so mārabandhanena na yathākāmakaraṇīyo pāpimato...pe....

“Santi, bhikkhave, jivhāviññeyyā rasā, iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati – ayaṃ vuccati, bhikkhave, bhikkhu nāvāsagato mārassa, na mārassa vasaṃ gato, ummukkassa mārapāso. Mutto so mārabandhanena na yathākāmakaraṇīyo pāpimato...pe....

“Santi, bhikkhave, manoviññeyyā dhammā, iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati – ayaṃ vuccati, bhikkhave, bhikkhu nāvāsagato mārassa, na mārassa vasaṃ gato, ummukkassa mārapāso. Mutto so mārabandhanena na yathākāmakaraṇīyo pāpimato”ti. Paṭhamaṃ.

2. Dutiyamārapāsasuttaṃ

115. “Santi, bhikkhave, cakkhuviññeyyā rūpā, iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati – ayaṃ vuccati, bhikkhave, bhikkhu

baddho cakkhuvīññeyyesu rūpesu, āvāsagato mārassa, mārassa vasaṃ gato, paṭimukkassa mārapāso. Baddho so mārabandhanena yathākāmakaraṇīyo pāpimato...pe....

“Santi, bhikkhave, jivhāvīññeyyā rasā...pe... santi, bhikkhave, manovīññeyyā dhammā, iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati – ayaṃ vuccati, bhikkhave, bhikkhu baddho manovīññeyyesu dhammesu, āvāsagato mārassa, mārassa vasaṃ gato, paṭimukkassa mārapāso. Baddho so mārabandhanena yathākāmakaraṇīyo pāpimato...pe....

“Santi ca kho, bhikkhave, cakkhuvīññeyyā rūpā, iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati – ayaṃ vuccati, bhikkhave, bhikkhu mutto cakkhuvīññeyyehi rūpehi, nāvāsagato mārassa, na mārassa vasaṃ gato, ummukkassa mārapāso. Mutto so mārabandhanena na yathākāmakaraṇīyo pāpimato...pe....

“Santi, bhikkhave, jivhāvīññeyyā rasā...pe... santi, bhikkhave, manovīññeyyā dhammā, iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati – ayaṃ vuccati, bhikkhave, bhikkhu mutto manovīññeyyehi dhammehi, nāvāsagato mārassa, na mārassa vasaṃ gato, ummukkassa mārapāso. Mutto so mārabandhanena na yathākāmakaraṇīyo pāpimato”ti. Dutiyāṃ.

3. Lokantagamanasuttam

116. “Nāhaṃ, bhikkhave, gamanena lokassa antaṃ ñāteyyaṃ, daṭṭheyyaṃ [diṭṭheyyaṃ (syā. kaṃ. ka.)], patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi”ti. Idaṃ vatvā bhagavā uṭṭhāyāsanā vihāraṃ pāvisi. Atha kho tesāṃ bhikkhūnaṃ acirapakkantassa bhagavato etadahosi – “idaṃ kho no, āvuso, bhagavā saṃkhittena uddesaṃ uddisitvā vitthārena atthaṃ avibhajitvā uṭṭhāyāsanā vihāraṃ pavitṭho – ‘nāhaṃ, bhikkhave, gamanena lokassa antaṃ ñāteyyaṃ, daṭṭheyyaṃ, patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi’ti. Ko nu kho imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajeyyā”ti?

Atha kho tesāṃ bhikkhūnaṃ etadahosi – “ayaṃ kho āyasmā ānando satthu ceva saṃvaṇṇito, sambhāvito ca viññūnaṃ sabrahmacārīnaṃ. Pahoti cāyasmā ānando imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajitūṃ. Yaṃnūna mayāṃ yenāyasmā ānando tenupasaṅkameyyāma; upasaṅkamtivā āyasmantaṃ ānandaṃ etamatthaṃ paṭipuccheyyāma”ti.

Atha kho te bhikkhū yenāyasmā ānando tenupasaṅkamimsu; upasaṅkamtivā āyasmatā ānandena saddhiṃ sammodimsu. Sammodanīyaṃ kathaṃ saraṇīyaṃ vītisāretvā ekamantaṃ nisīdimsu. Ekamantaṃ nisinnā kho te bhikkhū āyasmantaṃ ānandaṃ etadavocūṃ –

“Idaṃ kho no, āvuso ānanda, bhagavā saṃkhittena uddesaṃ uddisitvā vitthārena atthaṃ avibhajitvā uṭṭhāyāsanā vihāraṃ pavitṭho – ‘nāhaṃ, bhikkhave, gamanena lokassa antaṃ ñāteyyaṃ, daṭṭheyyaṃ, patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi’ti. Tesāṃ no, āvuso, amhākaṃ acirapakkantassa bhagavato etadahosi – ‘idaṃ kho no, āvuso, bhagavā saṃkhittena uddesaṃ uddisitvā vitthārena atthaṃ avibhajitvā uṭṭhāyāsanā vihāraṃ pavitṭho – nāhaṃ, bhikkhave, gamanena lokassa antaṃ ñāteyyaṃ, daṭṭheyyaṃ, patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi’ti. Ko nu kho imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajeyyā”ti? Tesāṃ no, āvuso, amhākaṃ etadahosi – ‘ayaṃ kho, āvuso, āyasmā ānando satthu ceva saṃvaṇṇito, sambhāvito ca viññūnaṃ sabrahmacārīnaṃ. Pahoti cāyasmā ānando imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajitūṃ.

Yaṃnūna mayam yenāyasmā ānando tenupasaṅkameyyāma; upasaṅkamtivā āyasmantaṃ ānandaṃ etamatthaṃ paṭipuccheyyāma'ti. Vibhajatāyasmā ānando'ti.

“Seyyathāpi, āvuso, puriso sārattthiko sāragavesī sārariyesanaṃ caramāno mahato rukkhassa tiṭṭhato sāravato atikkammeva, mūlaṃ atikkammeva, khandhaṃ sākāpālāse sāraṃ pariyesitabbaṃ maññeyya; evaṃ sampadamidaṃ āyasmantānaṃ satthari sammukhībhūte taṃ bhagavantaṃ atisitvā amhe etamatthaṃ paṭipucchitabbaṃ maññatha [maññetha (pī. ka.)]. So hāvuso, bhagavā jānaṃ jānāti, passaṃ passati – cakkhubhūto, ñāṇabhūto, dhammabhūto, brahmabhūto, vattā, pavattā, atthassa ninnetā, amatassa dātā, dhammassāmī, tathāgato. So ceva panetassa kālo ahosi yaṃ bhagavantaṃyeva etamatthaṃ paṭipuccheyyātha. Yathā vo bhagavā byākareyya tathā vo dhāreyyāthā'ti.

“Addhāvuso ānanda, bhagavā jānaṃ jānāti, passaṃ passati – cakkhubhūto, ñāṇabhūto, dhammabhūto, brahmabhūto, vattā, pavattā, atthassa ninnetā, amatassa dātā, dhammassāmī, tathāgato. So ceva panetassa kālo ahosi yaṃ bhagavantaṃyeva etamatthaṃ paṭipuccheyyāma. Yathā no bhagavā byākareyya tathā naṃ dhāreyyāma. Api cāyasmā ānando satthu ceva saṃvaṇṇito, sambhāvito ca viññūnaṃ sabrahmacārīnaṃ. Pahoti cāyasmā ānando imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajitūṃ. Vibhajatāyasmā ānando agarūṃ karitvā'ti.

“Tenahāvuso, suṇātha, sādhukaṃ manasi karotha; bhāsissāmī'ti. “Evamāvuso'ti kho te bhikkhū āyasmato ānandassa paccassosūṃ. Āyasmā ānando etadavoca –

“Yaṃ kho vo, āvuso, bhagavā saṃkhittena uddesaṃ uddisitvā vitthārena atthaṃ avibhajitvā utṭhāyāsanā vihāraṃ pavitṭho – ‘nāhaṃ, bhikkhave, gamanena lokassa antaṃ ñāteyyaṃ, datṭheyyaṃ, patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi'ti, imassa khvāhaṃ, āvuso, bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ ājānāmi. Yena kho, āvuso, lokasmiṃ lokasaññī hoti lokamānī – ayaṃ vuccati ariyassa vinaye loko. Kena cāvuso, lokasmiṃ lokasaññī hoti lokamānī? Cakkhunā kho, āvuso, lokasmiṃ lokasaññī hoti lokamānī. Sotena kho, āvuso... ghānena kho, āvuso... jivhāya kho, āvuso, lokasmiṃ lokasaññī hoti lokamānī. Kāyena kho, āvuso... manena kho, āvuso, lokasmiṃ lokasaññī hoti lokamānī. Yena kho, āvuso, lokasmiṃ lokasaññī hoti lokamānī – ayaṃ vuccati ariyassa vinaye loko. Yaṃ kho vo, āvuso, bhagavā saṃkhittena uddesaṃ uddisitvā vitthārena atthaṃ avibhajitvā utṭhāyāsanā vihāraṃ pavitṭho – ‘nāhaṃ, bhikkhave, gamanena lokassa antaṃ ñāteyyaṃ, datṭheyyaṃ, patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi'ti, imassa khvāhaṃ, āvuso, bhagavatā saṃkhittena uddesassa uddiṭṭhassa vitthārena atthaṃ avibhattassa evaṃ vitthārena atthaṃ ājānāmi. Ākaṅkhamānā ca pana tumhe āyasmanto bhagavantaṃyeva upasaṅkamtivā etamatthaṃ paṭipuccheyyātha. Yathā vo bhagavā byākaroti tathā naṃ dhāreyyāthā'ti.

“Evamāvuso'ti kho te bhikkhū āyasmato ānandassa paṭissutvā utṭhāyāsanā yena bhagavā tenupasaṅkamiṃsu; upasaṅkamtivā bhagavantaṃ abhivādetvā ekamantaṃ nisīdiṃsu. Ekamantaṃ nisinnā kho te bhikkhū bhagavantaṃ etadavocūṃ –

“Yaṃ kho no, bhante, bhagavā saṃkhittena uddesaṃ uddisitvā vitthārena atthaṃ avibhajitvā utṭhāyāsanā vihāraṃ pavitṭho – ‘nāhaṃ, bhikkhave, gamanena lokassa antaṃ ñāteyyaṃ, datṭheyyaṃ, patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi'ti. Tesam no, bhante, amhākaṃ acirapakkantassa bhagavato etadahosi – ‘idaṃ kho no, āvuso, bhagavā saṃkhittena uddesaṃ uddisitvā vitthārena atthaṃ avibhajitvā utṭhāyāsanā vihāraṃ pavitṭho – nāhaṃ, bhikkhave, gamanena lokassa antaṃ ñāteyyaṃ, datṭheyyaṃ, patteyyanti vadāmi. Na ca panāhaṃ, bhikkhave, appatvā lokassa antaṃ dukkhassa antakiriyaṃ vadāmi'ti. Ko nu kho imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajeyyāti? Tesam no, bhante, amhākaṃ etadahosi – ‘ayaṃ kho āyasmā ānando satthu ceva

saṃvaṇṇito, sambhāvito ca viññūnaṃ sabrahmacārīnaṃ. Pahoti cāyasmā ānando imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajitūṃ. Yaṃnūna mayāṃ yeṇāyasmā ānando tenupasaṅkameyyāma; upasaṅkamtivā āyasmantaṃ ānandaṃ etamatthaṃ paṭipuccheyyāma’ ti. Atha kho mayāṃ, bhante, yeṇāyasmā ānando tenupasaṅkamimha; upasaṅkamtivā āyasmantaṃ ānandaṃ etamatthaṃ paṭipucchimha. Tesāṃ no, bhante, āyasmatā ānandena imehi ākārehi imehi padehi imehi byañjanehi attho vibhatto’ ti.

“Paṇḍito, bhikkhave, ānando; mahāpañño, bhikkhave, ānando! Maṃ cepi tumhe, bhikkhave, etamatthaṃ paṭipuccheyyātha, ahampī taṃ evamevaṃ byākareyyaṃ yathā taṃ ānandena byākataṃ. Eso cevetassa attho, evaṅca naṃ dhāreyyāthā’ ti. Tatiyaṃ.

4. Kāmaguṇasuttaṃ

117. “Pubbeva me, bhikkhave, sambodhā anabhisambuddhassa bodhisattasseva sato etadahosi – ‘yeme pañca kāmaguṇā cetaso samphuṭṭhapubbā atītā niruddhā vipariṇatā, tatra me cittaṃ bahulaṃ gacchamānaṃ gaccheyya paccuppannesu vā appaṃ vā anāgatesu’. Tassa mayhaṃ, bhikkhave, etadahosi – ‘yeme pañca kāmaguṇā cetaso samphuṭṭhapubbā atītā niruddhā vipariṇatā, tatra me attarūpena appamādo sati cetaso ārakkho karaṇīyo’. Tasmātiha, bhikkhave, tumhākampi ye te pañca kāmaguṇā cetaso samphuṭṭhapubbā atītā niruddhā vipariṇatā, tatra vo cittaṃ bahulaṃ gacchamānaṃ gaccheyya paccuppannesu vā appaṃ vā anāgatesu. Tasmātiha, bhikkhave, tumhākampi ye te pañca kāmaguṇā cetaso samphuṭṭhapubbā atītā niruddhā vipariṇatā, tatra vo attarūpehi appamādo sati cetaso ārakkho karaṇīyo. Tasmātiha, bhikkhave, se āyatane vedītabbe yattha cakkhu ca nirujjhati, rūpasaññā ca nirujjhati, se āyatane vedītabbe...pe... yattha jivhā ca nirujjhati, rasasaññā ca nirujjhati, se āyatane vedītabbe...pe... yattha mano ca nirujjhati, dhammasaññā ca nirujjhati, se āyatane vedītabbe’ ti. Idaṃ vatvā bhagavā uṭṭhāyāsanaṃ vihāraṃ pāvisi.

Atha kho tesāṃ bhikkhūnaṃ acirapakkantassa bhagavato etadahosi – ‘idaṃ kho no, āvuso, bhagavā saṃkhittena uddesaṃ uddisitvā vitthārena atthaṃ avibhajitvā uṭṭhāyāsanaṃ vihāraṃ pavīṭṭho – ‘tasmātiha, bhikkhave, se āyatane vedītabbe yattha cakkhu ca nirujjhati, rūpasaññā ca nirujjhati, se āyatane vedītabbe...pe... yattha jivhā ca nirujjhati, rasasaññā ca nirujjhati, se āyatane vedītabbe...pe... yattha mano ca nirujjhati, dhammasaññā ca nirujjhati, se āyatane vedītabbe’ ti. Ko nu kho imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajeyyā’ ti?

Atha kho tesāṃ bhikkhūnaṃ etadahosi – ‘ayaṃ kho āyasmā ānando satthu ceva saṃvaṇṇito, sambhāvito ca viññūnaṃ sabrahmacārīnaṃ. Pahoti cāyasmā ānando imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajitūṃ. Yaṃnūna mayāṃ yeṇāyasmā ānando tenupasaṅkameyyāma; upasaṅkamtivā āyasmantaṃ ānandaṃ etamatthaṃ paṭipuccheyyāma’ ti.

Atha kho te bhikkhū yeṇāyasmā ānando tenupasaṅkamimṣu; upasaṅkamtivā āyasmatā ānandena saddhiṃ sammodimṣu. Sammodanīyaṃ kathaṃ saraṇīyaṃ vītisāretvā ekamantaṃ nisīdimṣu. Ekamantaṃ nisinnā kho te bhikkhū āyasmantaṃ ānandaṃ etadavocūṃ –

“Idaṃ kho no, āvuso ānanda, bhagavā saṃkhittena uddesaṃ uddisitvā vitthārena atthaṃ avibhajitvā uṭṭhāyāsanaṃ vihāraṃ pavīṭṭho – ‘tasmātiha, bhikkhave, se āyatane vedītabbe yattha cakkhu ca nirujjhati, rūpasaññā ca nirujjhati, se āyatane vedītabbe...pe... yattha jivhā ca nirujjhati, rasasaññā ca nirujjhati, se āyatane vedītabbe...pe... yattha mano ca nirujjhati, dhammasaññā ca nirujjhati, se āyatane vedītabbe’ ti. Tesāṃ no, āvuso, amhākaṃ acirapakkantassa bhagavato etadahosi – ‘idaṃ kho no, āvuso, bhagavā saṃkhittena uddesaṃ uddisitvā vitthārena atthaṃ avibhajitvā uṭṭhāyāsanaṃ vihāraṃ pavīṭṭho – tasmātiha, bhikkhave, se āyatane vedītabbe yattha cakkhu ca nirujjhati, rūpasaññā ca nirujjhati, se

āyatane vedītabbe...pe... yathā jivhā ca nirujjhati, rasasaññā ca nirujjhati se āyatane vedītabbe... pe... yathā mano ca nirujjhati, dhammasaññā ca nirujjhati, se āyatane vedītabbe'ti. Ko nu kho imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajeyyāti? Tesam no, āvuso, amhākaṃ etadahosi – ‘ayaṃ kho āyasmā ānando satthu ceva saṃvaṇṇito, sambhāvito ca viññūnaṃ sabrahmacārīnaṃ. Pahoti cāyasmā ānando imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajitum. Yaṃnūna mayam yenāyasmā ānando tenupasaṅkameyyāma; upasaṅkamtivā āyasmantaṃ ānandaṃ etamatthaṃ paṭipuccheyyāma'ti. Vibhajatāyasmā ānando'ti.

“Seyyathāpi, āvuso, puriso sārattiko sārāgavesī sārāpariyesaṇaṃ caramāno mahato rukkhassa... pe... vibhajatāyasmā ānando agraṃ karitvāti.

“Tenahāvuso, suṇātha, sādhukaṃ manasi karotha; bhāsissāmī'ti. “Evamāvuso'ti kho te bhikkhū āyasmato ānandassa paccassosum. Āyasmā ānando etadavoca –

“Yaṃ kho vo, āvuso, bhagavā saṃkhittena uddesaṃ uddisitvā vitthārena atthaṃ avibhajitvā utthāyāsanā vihāraṃ pavīṭṭho – ‘tasmātiha, bhikkhave, se āyatane vedītabbe yathā cakkhu ca nirujjhati, rūpasaññā ca nirujjhati, se āyatane vedītabbe...pe... yathā mano ca nirujjhati, dhammasaññā ca nirujjhati, se āyatane vedītabbe'ti. Imassa khvāhaṃ, āvuso, bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ ājānāmi. Saḷāyatanaṇirodhaṃ no etaṃ, āvuso, bhagavatā sandhāya bhāsitaṃ – ‘tasmātiha, bhikkhave, se āyatane vedītabbe, yathā cakkhu ca nirujjhati, rūpasaññā ca nirujjhati, se āyatane vedītabbe...pe... yathā mano ca nirujjhati, dhammasaññā ca nirujjhati, se āyatane vedītabbe'ti. Ayaṃ kho, āvuso, bhagavā saṃkhittena uddesaṃ uddisitvā vitthārena atthaṃ avibhajitvā utthāyāsanā vihāraṃ pavīṭṭho – ‘tasmātiha, bhikkhave, se āyatane vedītabbe yathā cakkhu ca nirujjhati, rūpasaññā ca nirujjhati, se āyatane vedītabbe...pe... yathā mano ca nirujjhati, dhammasaññā ca nirujjhati, se āyatane vedītabbe'ti. Imassa khvāhaṃ, āvuso, bhagavatā saṃkhittena uddesassa uddiṭṭhassa vitthārena atthaṃ avibhattassa evaṃ vitthārena atthaṃ ājānāmi. Ākaṅkhamānā ca pana tumhe āyasmanto bhagavantaṃyeva upasaṅkamatha; upasaṅkamtivā etamatthaṃ puccheyyātha. Yathā vo bhagavā byākaroti tathā naṃ dhāreyyāthā'ti.

“Evamāvuso'ti kho te bhikkhū āyasmato ānandassa paṭissutvā utthāyāsanā yena bhagavā tenupasaṅkamimsu; upasaṅkamtivā bhagavantaṃ abhivādetvā ekamantaṃ nisīdimsu. Ekamantaṃ nisinnā kho te bhikkhū bhagavantaṃ etadavocum –

“Yaṃ kho no, bhante, bhagavā saṃkhittena uddesaṃ uddisitvā vitthārena atthaṃ avibhajitvā utthāyāsanā vihāraṃ pavīṭṭho – ‘tasmātiha, bhikkhave, se āyatane vedītabbe yathā cakkhu ca nirujjhati, rūpasaññā ca nirujjhati, se āyatane vedītabbe...pe... yathā jivhā ca nirujjhati, rasasaññā ca nirujjhati, se āyatane vedītabbe...pe... yathā mano ca nirujjhati, dhammasaññā ca nirujjhati, se āyatane vedītabbe'ti, tesam no, bhante, amhākaṃ acirapakkantassa bhagavato etadahosi – ‘idaṃ kho no, āvuso, bhagavā saṃkhittena uddesaṃ uddisitvā vitthārena atthaṃ avibhajitvā utthāyāsanā vihāraṃ pavīṭṭho – tasmātiha, bhikkhave, se āyatane vedītabbe yathā cakkhu ca nirujjhati, rūpasaññā ca nirujjhati, se āyatane vedītabbe...pe... yathā mano ca nirujjhati, dhammasaññā ca nirujjhati, se āyatane vedītabbe'ti. ‘Ko nu kho imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajeyyā'ti? Tesam no, bhante, amhākaṃ etadahosi – ‘ayaṃ kho āyasmā ānando satthu ceva saṃvaṇṇito, sambhāvito ca viññūnaṃ sabrahmacārīnaṃ. Pahoti cāyasmā ānando imassa bhagavatā saṃkhittena uddesassa uddiṭṭhassa vitthārena atthaṃ avibhattassa vitthārena atthaṃ vibhajitum. Yaṃnūna mayam yenāyasmā ānando tenupasaṅkameyyāma; upasaṅkamtivā āyasmantaṃ ānandaṃ etamatthaṃ paṭipuccheyyāma'ti. Atha kho mayam, bhante, yenāyasmā ānando tenupasaṅkamimha; upasaṅkamtivā āyasmantaṃ ānandaṃ etamatthaṃ paṭipucchimha. Tesam no, bhante, āyasmatā ānandena imehi ākārehi, imehi padehi, imehi byañjanehi attho vibhatto'ti.

“Paṇḍito, bhikkhave, ānando; mahāpañño, bhikkhave, ānando! Maṃ ceṇi tumhe, bhikkhave, etamatthaṃ paṭipuccheyyātha, ahampi taṃ evamevaṃ byākareyyaṃ yathā taṃ ānandena byākatam. Eso cevetassa attho. Evañca naṃ dhāreyyāthā”ti. Catuttham.

5. Sakkapañhasuttam

118. Ekam samayaṃ bhagavā rājagahe viharati gijjhakūṭe pabbate. Atha kho sakko devānamindo yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ aṭṭhāsi. Ekamantaṃ ṭhito kho sakko devānamindo bhagavantaṃ etadavoca – “ko nu kho, bhante, hetu, ko paccayo yena midhekacce sattā diṭṭheva dhamme no parinibbāyanti? Ko pana, bhante, hetu, ko paccayo yena midhekacce sattā diṭṭheva dhamme parinibbāyanti”ti?

“Santi kho, devānaminda, cakkhuvīñṇeyyā rūpā, iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato tannissitaṃ viññāṇaṃ hoti tadupādānaṃ. Saupādāno, devānaminda, bhikkhu no parinibbāyati...pe....

“Santi kho, devānaminda, jivhāvīñṇeyyā rasā...pe... santi kho, devānaminda, manovīñṇeyyā dhammā, iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato tannissitaṃ viññāṇaṃ hoti tadupādānaṃ. Saupādāno, devānaminda, bhikkhu no parinibbāyati. Ayaṃ kho, devānaminda, hetu, ayaṃ paccayo yena midhekacce sattā diṭṭheva dhamme no parinibbāyanti.

“Santi ca kho, devānaminda, cakkhuvīñṇeyyā rūpā, iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājjhosāya tiṭṭhati. Tassa taṃ anabhinandato anabhivadato anajjhosāya tiṭṭhato na tannissitaṃ viññāṇaṃ hoti, na tadupādānaṃ. Anupādāno, devānaminda, bhikkhu parinibbāyati...pe....

“Santi kho, devānaminda, jivhāvīñṇeyyā rasā...pe... santi kho, devānaminda, manovīñṇeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājjhosāya tiṭṭhati. Tassa taṃ anabhinandato anabhivadato anajjhosāya tiṭṭhato na tannissitaṃ viññāṇaṃ hoti na tadupādānaṃ. Anupādāno, devānaminda, bhikkhu parinibbāyati. Ayaṃ kho, devānaminda, hetu, ayaṃ paccayo yena midhekacce sattā diṭṭheva dhamme parinibbāyanti”ti. Pañcamaṃ.

6. Pañcasikhasuttam

119. Ekam samayaṃ bhagavā rājagahe viharati gijjhakūṭe pabbate. Atha kho pañcasikho gandhabbadevaputto yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ aṭṭhāsi. Ekamantaṃ ṭhito kho pañcasikho gandhabbadevaputto bhagavantaṃ etadavoca – “ko nu kho, bhante, hetu, ko paccayo yena midhekacce sattā diṭṭheva dhamme no parinibbāyanti? Ko pana, bhante, hetu, ko paccayo yena midhekacce sattā diṭṭheva dhamme parinibbāyanti”ti? “Santi kho, pañcasikha, cakkhuvīñṇeyyā rūpā...pe... santi kho, pañcasikha, manovīñṇeyyā dhammā, iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato tannissitaṃ viññāṇaṃ hoti tadupādānaṃ. Saupādāno, pañcasikha, bhikkhu no parinibbāyati. Ayaṃ kho, pañcasikha, hetu, ayaṃ paccayo yena midhekacce sattā diṭṭheva dhamme no parinibbāyanti”.

“Santi ca kho, pañcasikha, cakkhuvīñṇeyyā rūpā iṭṭhā kantā manāpā...pe... santi kho, pañcasikha, manovīñṇeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājjhosāya tiṭṭhati, tassa taṃ anabhinandato anabhivadato anajjhosāya tiṭṭhato na tannissitaṃ viññāṇaṃ hoti, na tadupādānaṃ. Anupādāno, pañcasikha, bhikkhu parinibbāyati. Ayaṃ

kho, pañcasikha, hetu, ayam paccayo yena midhekacce sattā ditṭheva dhamme parinibbāyantī”ti. Chaṭṭham.

7. Sāriputtasaddhivihārikasuttaṃ

120. Ekaṃ samayaṃ āyasmā sāriputto sāvattiyam viharati jetavane anāthapiṇḍikassa ārāme. Atha kho aññataro bhikkhu yenāyasmā sāriputto tenupasaṅkami; upasaṅkamitvā āyasmatā sāriputtena saddhiṃ sammodi. Sammodaniyam katham sāraṇiyam vītisāretvā ekamantaṃ nisīdi. Ekamantaṃ nisinno kho so bhikkhu āyasmantaṃ sāriputtaṃ etadavoca – “saddhivihāriko, āvuso sāriputta, bhikkhu sikkham paccakkhāya hīnāyāvatto”ti.

“Evametaṃ, āvuso, hoti indriyesu aguttadvārassa, bhojane amattaññuno, jāgariyam ananuyuttassa. ‘So vatāvuso, bhikkhu indriyesu aguttadvāro bhojane amattaññū jāgariyam ananuyutto yāvajīvaṃ paripuṇṇaṃ parisuddhaṃ brahmacariyam santānessatī’ti netaṃ ṭhānaṃ vijjati. ‘So vatāvuso, bhikkhu indriyesu guttadvāro, bhojane mattaññū, jāgariyam anuyutto yāvajīvaṃ paripuṇṇaṃ parisuddhaṃ brahmacariyam santānessatī’ti ṭhānametaṃ vijjati.

“Kathañcāvuso, indriyesu guttadvāro hoti? Idhāvuso, bhikkhu cakkhunā rūpaṃ disvā na nimittaggāhī hoti nānubyañjanaggāhī. Yatvādhikaraṇameṇaṃ cakkhundriyam asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ tassa saṃvarāya paṭipajjati, rakkhati cakkhundriyam, cakkhundriye saṃvaram āpajjati. Sotena saddaṃ sutvā... ghānena gandhaṃ ghāyitvā... jivhāya rasaṃ sāyitvā... kāyena phoṭṭhabbaṃ phusitvā... manasā dhammaṃ viññāya na nimittaggāhī hoti nānubyañjanaggāhī. Yatvādhikaraṇameṇaṃ manindriyam asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati manindriyam, manindriye saṃvaram āpajjati. Evaṃ kho, āvuso, indriyesu guttadvāro hoti.

“Kathañcāvuso, bhojane mattaññū hoti? Idhāvuso, bhikkhu paṭisaṅkhā yoniso āhāraṃ āhāreti – ‘neva davāya, na madāya, na maṇḍanāya, na vibhūsanāya, yāvadeva imassa kāyassa ṭhitiyā yāpanāya, vihiṃsūparatiyā, brahmacariyānuggahāya. Iti purāṇaṇca vedanaṃ paṭihānkhāmi, navaṇca vedanaṃ na uppādessāmi, yātrā ca me bhavissati, anavajjatā ca phāsuvihāro cā’ti. Evaṃ kho, āvuso, bhojane mattaññū hoti.

“Kathañcāvuso, jāgariyam anuyutto hoti? Idhāvuso, bhikkhu divasaṃ caṅkamaṇa nisajjāya āvaraṇīyehi dhammehi cittaṃ parisodheti. Rattiyā paṭhamaṃ yāmaṃ caṅkamaṇa nisajjāya āvaraṇīyehi dhammehi cittaṃ parisodheti. Rattiyā majjhimam yāmaṃ dakkhiṇena passena sīhaseyyam kappeti pāde pādaṃ accādhāya sato sampajāno, utṭhānasaññaṃ manasi karitvā. Rattiyā pacchimam yāmaṃ paccuṭṭhāya caṅkamaṇa nisajjāya āvaraṇīyehi dhammehi cittaṃ parisodheti. Evaṃ kho, āvuso, jāgariyam anuyutto hoti. Tasmātihāvuso, evaṃ sikkhitabbaṃ – ‘indriyesu guttadvārā bhavissāma, bhojane mattaññuno, jāgariyam anuyuttā’ti. Evañhi vo, āvuso, sikkhitabba’nti. Sattamaṃ.

8. Rāhulovādasuttaṃ

121. Ekaṃ samayaṃ bhagavā sāvattiyam viharati jetavane anāthapiṇḍikassa ārāme. Atha kho bhagavato rahogatassa paṭisallīnassa evaṃ cetaso parivitaṅko udapādi – “paripakkā kho rāhulassa vimuttiparipācaniyā dhammā; yaṃnūnāhaṃ rāhulaṃ uttariṃ āsavānaṃ khaye vineyya’nti. Atha kho bhagavā pubbaṅhasamayaṃ nivāsetvā pattacīvaramādāya sāvattiyam piṇḍāya caritvā pacchābhattaṃ piṇḍapātaṭaṭikkanto āyasmantaṃ rāhulaṃ āmantesi – “gaṇhāhi, rāhula, nisīdanaṃ. Yena andhavanaṃ tenupasaṅkamissāma divāvihārāya”ti. “Evaṃ, bhante”ti kho āyasmā rāhulo bhagavato paṭissutvā nisīdanaṃ ādāya bhagavantaṃ piṭṭhito piṭṭhito anubandhi.

Tena kho pana samayena anekāni devatāsahassāni bhagavantaṃ anubandhāni honti – “ajja bhagavā

āyasmantaṃ rāhulaṃ uttariṃ āsavānaṃ khaye viñessatī’’ti. Atha kho bhagavā andhavanaṃ ajjhogāhetvā aññatarasmiṃ rukkhamūle paññatte āsane nisīdi. Āyasmāpi kho rāhulo bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ rāhulaṃ bhagavā etadavoca –

“Taṃ kiṃ maññasi, rāhula, cakkhu niccaṃ vā aniccaṃ vā’’ti?

“Aniccaṃ, bhante’’.

“Yaṃ paṇāniccaṃ dukkhaṃ vā taṃ sukhaṃ vā’’ti?

“Dukkhaṃ, bhante’’.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’’ti?

“No hettaṃ, bhante’’. () [(taṃ kiṃ maññasi) evamita-resupi (ma. ni. 3.416-417)]

“Rūpā niccā vā aniccā vā’’ti?

“Aniccā, bhante’’...pe....

“Cakkhuvīññāṇaṃ niccaṃ vā aniccaṃ vā’’ti?

“Aniccaṃ, bhante’’...pe....

“Cakkhusamphassa nicco vā anicco vā’’ti?

“Anicco, bhante’’...pe....

“Yampidaṃ cakkhusamphassapaccayā uppajjati vedanāgataṃ, saññāgataṃ, saṅkhāragataṃ, viññāgataṃ, tampi niccaṃ vā aniccaṃ vā’’ti?

“Aniccaṃ, bhante’’.

“Yaṃ paṇāniccaṃ dukkhaṃ vā taṃ sukhaṃ vā’’ti?

“Dukkhaṃ, bhante’’.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’’ti?

“No hettaṃ, bhante’’...pe....

“Jivhā niccā vā aniccā vā’’ti?

“Aniccā, bhante’’...pe....

“Jivhāvīññāṇaṃ niccaṃ vā aniccaṃ vā’’ti?

“Aniccaṃ, bhante’’...pe....

“Jivhāsamphasso nicco vā anicco vā”’ti?

“Anicco, bhante”’...pe....

“Yampidaṃ jivhāsamphassapaccayā uppajjati vedanāgatam, saññāgatam, saṅkhāragatam, viññānatam, tampi niccam vā aniccam vā”’ti?

“Aniccam, bhante”’.

“Yaṃ panāniccam dukkham vā taṃ sukham vā”’ti?

“Dukkham, bhante”’.

“Yaṃ panāniccam dukkham vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmī, eso me attā”’ti?

“No hetam, bhante”’...pe....

“Mano nicco vā anicco vā”’ti?

“Anicco, bhante”’.

“Yaṃ panāniccam dukkham vā taṃ sukham vā”’ti?

“Dukkham, bhante”’.

“Yaṃ panāniccam dukkham vipariṇāmadhammaṃ, kallaṃ nu taṃ samanupassituṃ ‘etaṃ mama, eso hamasmī, eso me attā”’ti?

“No hetam, bhante”’.

“Dhammā niccā vā aniccā vā”’ti?

“Aniccā, bhante”’...pe....

“Manoviññānam niccam vā aniccam vā”’ti?

“Aniccam, bhante”’...pe....

“Manosamphasso nicco vā anicco vā”’ti?

“Anicco, bhante”’...pe....

“Yampidaṃ manosamphassapaccayā uppajjati vedanāgatam, saññāgatam, saṅkhāragatam, viññānatam, tampi niccam vā aniccam vā”’ti?

“Aniccam, bhante”’.

“Yaṃ panāniccam dukkham vā taṃ sukham vā”’ti?

“Dukkhaṃ, bhante”.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, esohamasmi, eso me attā’”ti?

“No hetam, bhante”.

“Evaṃ passaṃ, rāhula, sutavā ariyasāvako cakkhusmimpi nibbindati, rūpesupi nibbindati, cakkhuvīññāṇepi nibbindati, cakkhusamphassepi nibbindati, yampidaṃ cakkhusamphassapaccayā uppajjati vedanāgataṃ saññāgataṃ saṅkhāragataṃ viññāṇagataṃ tasmimpi nibbindati...pe... jivhāyapi nibbindati, rasesupi nibbindati, jivhāvīññāṇepi nibbindati, jivhāsamphassepi nibbindati, yampidaṃ jivhāsamphassapaccayā uppajjati vedanāgataṃ saññāgataṃ saṅkhāragataṃ viññāṇagataṃ tasmimpi nibbindati...pe....

“Manasmimpi nibbindati, dhammesupi nibbindati, manovīññāṇepi nibbindati, manosamphassepi nibbindati, yampidaṃ manosamphassapaccayā uppajjati vedanāgataṃ saññāgataṃ saṅkhāragataṃ viññāṇagataṃ tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti.

Idamavoca bhagavā. Attamano āyasmā rāhulo bhagavato bhāsitaṃ abhinandi. Imasmiṃca pana veyyākaraṇasmiṃ bhaññamāne āyasmato rāhulassa anupādāya āsavehi cittaṃ vimucci. Anekānañca devatāsahassānaṃ virajaṃ vītamalaṃ dhammacakkhuṃ udapādi – “yaṃ kiñci samudayadhammaṃ, sabbam taṃ nirodhadhamma”nti. Aṭṭhamam.

9. Saṃyojanīyadhammasuttaṃ

122. “Saṃyojaniye ca, bhikkhave, dhamme desessāmi saṃyojanañca. Taṃ suṇātha. Katame ca, bhikkhave, saṃyojanīyā dhammā, katamañca saṃyojanaṃ? Santi, bhikkhave, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Ime vuccanti, bhikkhave, saṃyojanīyā dhammā. Yo tattha chandarāgo, taṃ tattha saṃyojanaṃ...pe... santi, bhikkhave, jivhāvīññeyyā rasā...pe... santi, bhikkhave, manovīññeyyā dhammā iṭṭhā kantā manāpā piyarūpā kāmūpasamhitā rajanīyā. Ime vuccanti, bhikkhave, saṃyojanīyā dhammā. Yo tattha chandarāgo taṃ tattha saṃyojana”nti. Navamam.

10. Upādānīyadhammasuttaṃ

123. “Upādāniye ca, bhikkhave, dhamme desessāmi upādānañca. Taṃ suṇātha. Katame ca, bhikkhave, upādānīyā dhammā, katamañca upādānaṃ? Santi, bhikkhave, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Ime vuccanti, bhikkhave, upādānīyā dhammā. Yo tattha chandarāgo, taṃ tattha upādānaṃ...pe... santi, bhikkhave, jivhāvīññeyyā rasā...pe... santi, bhikkhave, manovīññeyyā dhammā iṭṭhā kantā manāpā piyarūpā kāmūpasamhitā rajanīyā. Ime vuccanti, bhikkhave, upādānīyā dhammā. Yo tattha chandarāgo taṃ tattha upādāna”nti. Dasamam.

Lokakāmaguṇavaggo dvādasamo.

Tassuddānaṃ –

Mārapāsena dve vuttā, lokakāmaguṇena ca;
Sakko pañcasikho ceva, sāriputto ca rāhulo;
Saṃyojanaṃ upādānaṃ, vaggo tena pavuccatīti.

13. Gahapativaggo

1. Vesālīsuttam

124. Ekam samayaṃ bhagavā vesāliyaṃ viharati mahāvane kūṭāgārasālāyaṃ. Atha kho uggo gahapati vesāliko yena bhagavā tenupasaṅkami; upasaṅkamitvā ekamantaṃ nisīdi. Ekamantaṃ nisinno kho uggo gahapati vesāliko bhagavantaṃ etadavoca – “ko nu kho, bhante, hetu, ko paccayo yena midhekacce sattā diṭṭheva dhamme no parinibbāyanti? Ko pana, bhante, hetu, ko paccayo yena midhekacce sattā diṭṭheva dhamme parinibbāyanti”’ti?

“Santi kho, gahapati, cakkhuvīñṇeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato tannissitaṃ viññāṇaṃ hoti tadupādānaṃ. Saupādāno, gahapati, bhikkhu no parinibbāyati...pe... santi kho, gahapati, jivhāvīñṇeyyā rasā...pe... santi kho, gahapati, manovīñṇeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato tannissitaṃ viññāṇaṃ hoti tadupādānaṃ. Saupādāno, gahapati, bhikkhu no parinibbāyati. Ayaṃ kho, gahapati, hetu, ayaṃ paccayo yena midhekacce sattā diṭṭheva dhamme no parinibbāyanti.

“Santi ca kho, gahapati, cakkhuvīñṇeyyā rūpā, iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati. Tassa taṃ anabhinandato anabhivadato anajjhosāya tiṭṭhato na tannissitaṃ viññāṇaṃ hoti, na tadupādānaṃ. Anupādāno, gahapati, bhikkhu parinibbāyati...pe... santi kho, gahapati, jivhāvīñṇeyyā rasā...pe... santi kho, gahapati, manovīñṇeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati, tassa taṃ anabhinandato anabhivadato anajjhosāya tiṭṭhato. Na tannissitaṃ viññāṇaṃ hoti, na tadupādānaṃ. Anupādāno, gahapati, bhikkhu parinibbāyati. Ayaṃ kho, gahapati, hetu ayaṃ paccayo yena midhekacce sattā diṭṭheva dhamme parinibbāyanti”’ti. Paṭhamaṃ.

2. Vajjisuttam

125. Ekam samayaṃ bhagavā vajjisu viharati hatthigāme. Atha kho uggo gahapati hatthigāmako yena bhagavā tenupasaṅkami; upasaṅkamitvā ekamantaṃ nisīdi. Ekamantaṃ nisinno kho uggo gahapati hatthigāmako bhagavantaṃ etadavoca – “ko nu kho, bhante, hetu ko paccayo yena midhekacce sattā diṭṭheva dhamme no parinibbāyanti? Ko pana, bhante hetu ko paccayo yena midhekacce sattā diṭṭheva dhamme parinibbāyanti”’ti? (Yathā purimasuttantaṃ, evaṃ vitthāretabbaṃ). Ayaṃ kho, gahapati, hetu ayaṃ paccayo yena midhekacce sattā diṭṭheva dhamme parinibbāyantīti. Dutiyam.

3. Nālandasuttam

126. Ekam samayaṃ bhagavā nālandāyaṃ viharati pāvārikambavane. Atha kho, upāli gahapati, yena bhagavā tenupasaṅkami...pe... ekamantaṃ nisinno kho, upāli gahapati, bhagavantaṃ etadavoca – “ko nu kho, bhante, hetu, ko paccayo yena midhekacce sattā diṭṭheva dhamme no parinibbāyanti? Ko pana, bhante, hetu, ko paccayo yena midhekacce sattā diṭṭheva dhamme parinibbāyanti”’ti? (Yathā purimasuttantaṃ, evaṃ vitthāretabbaṃ). Ayaṃ kho, gahapati, hetu ayaṃ paccayo yena midhekacce sattā diṭṭheva dhamme parinibbāyantīti. Tatiyam.

4. Bhāradvājasuttam

127. Ekam samayaṃ āyasmā piṇḍolabhāradvājo kosambiyaṃ viharati ghoṣitārāme. Atha kho rājā udeno yenāyasmā piṇḍolabhāradvājo tenupasaṅkami; upasaṅkamitvā āyasmatā piṇḍolabhāradvājena saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ nisinno kho rājā udeno āyasmantaṃ piṇḍolabhāradvājaṃ etadavoca – “ko nu kho, bho bhāradvāja, hetu

ko paccayo yenime daharā bhikkhū susū [susu (sī. ka.)] kālakesā bhadrēna yobbanēna samannāgatā paṭhamēna vayasā anikīlītāvino kāmesu yāvajīvaṃ paripuṇṇaṃ parisuddhaṃ brahmacariyaṃ caranti, addhānañca āpādentī”ti? “Vuttaṃ kho etaṃ, mahārāja, tena bhagavatā jānatā passatā arahatā sammāsambuddhena – ‘etha tumhe, bhikkhave, mātumattīsu mātucittaṃ upaṭṭhapetha, bhaginimattīsu bhaginiccittaṃ upaṭṭhapetha, dhītumattīsu dhītucittaṃ upaṭṭhapethā’ti. Ayaṃ kho, mahārāja, hetu, ayaṃ paccayo yenime daharā bhikkhū susū kālakesā bhadrēna yobbanēna samannāgatā paṭhamēna vayasā anikīlītāvino kāmesu yāvajīvaṃ paripuṇṇaṃ parisuddhaṃ brahmacariyaṃ caranti, addhānañca āpādentī”ti.

“Lolaṃ [loḷaṃ (syā. kaṃ.)] kho, bho bhāradvāja, cittaṃ. Appekadā mātumattīsūpi lobhadhammā uppajjanti, bhaginimattīsūpi lobhadhammā uppajjanti, dhītumattīsūpi lobhadhammā uppajjanti. Atthi nu kho, bho bhāradvāja, añño ca hetu, añño ca paccayo yenime daharā bhikkhū susū kālakesā...pe... addhānañca āpādentī”ti?

“Vuttaṃ kho etaṃ, mahārāja, tena bhagavatā jānatā passatā arahatā sammāsambuddhena – ‘etha tumhe, bhikkhave, imameva kāyaṃ uddhaṃ pādatalā adho kesamatthakā tacapariyaṃ pūraṃ nānappakārassa asucino paccavekkhatha – atthi imasmiṃ kāye kesā lomā nakhā dantā taco maṃsaṃ nhāru [nahāru (sī. syā. kaṃ. pī.)] aṭṭhi aṭṭhimiñjaṃ [aṭṭhimiñjā (sī.)] vakkhaṃ hadayaṃ yakaṇaṃ kilomakaṃ pihakaṃ papphāsaṃ antaṃ antaguṇaṃ udariyaṃ karisaṃ pittaṃ semhaṃ pubbo lohitaṃ sedo medo assu vasā kheḷo siṅghāṇikā lasikā mutta’nti. Ayampi kho, mahārāja, hetu, ayaṃ paccayo yenime daharā bhikkhū susū kālakesā...pe... addhānañca āpādentī”ti. “Ye te, bho bhāradvāja, bhikkhū bhāvitakāyā bhāvitasīlā bhāvitacittā bhāvitapaññā, tesāṃ taṃ sukaraṃ hoti. Ye ca kho te, bho bhāradvāja, bhikkhū abhāvitakāyā abhāvitasīlā abhāvitacittā abhāvitapaññā, tesāṃ taṃ dukkaraṃ hoti. Appekadā, bho bhāradvāja, asubhato manasī karissāmīti [manasī karissāmīti (sī. syā. kaṃ. pī.)] subhatova [subhato vā (sī.), subhato ca (syā. kaṃ.)] āgacchati. Atthi nu kho, bho bhāradvāja, añño ca kho hetu añño ca paccayo yenime daharā bhikkhū susū kālakesā...pe... addhānañca āpādentī”ti?

“Vuttaṃ kho etaṃ, mahārāja, tena bhagavatā jānatā passatā arahatā sammāsambuddhena – ‘etha tumhe, bhikkhave, indriyesu guttadvārā viharatha. Cakkhunā rūpaṃ disvā mā nimittaggāhino ahuvattha, mānubyañjanaggāhino. Yatvādhikaraṇaṃ cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjatha. Rakkhatha cakkhundriyaṃ; cakkhundriye saṃvaramā āpajjatha. Sotena saddaṃ sutvā...pe... ghānena gandhaṃ ghāyitvā... jivhāya rasaṃ sāyitvā... kāyena phoṭṭhabbaṃ phusitvā... manasā dhammaṃ viññāya mā nimittaggāhino ahuvattha, mānubyañjanaggāhino. Yatvādhikaraṇaṃ manindriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjatha. Rakkhatha manindriyaṃ; manindriye saṃvaramā āpajjathā’ti. Ayampi kho, mahārāja, hetu ayaṃ paccayo yenime daharā bhikkhū susū kālakesā bhadrēna yobbanēna samannāgatā paṭhamēna vayasā anikīlītāvino kāmesu yāvajīvaṃ paripuṇṇaṃ parisuddhaṃ brahmacariyaṃ caranti, addhānañca āpādentī”ti.

“Acchariyaṃ, bho bhāradvāja; abbhutaṃ, bho bhāradvāja! Yāva subhāsitaṃ cidaṃ [yāva subhāsitamidaṃ (sī.)], bho bhāradvāja, tena bhagavatā jānatā passatā arahatā sammāsambuddhena. Esova kho, bho bhāradvāja, hetu, esa paccayo yenime daharā bhikkhū susū kālakesā bhadrēna yobbanēna samannāgatā paṭhamēna vayasā anikīlītāvino kāmesu yāvajīvaṃ paripuṇṇaṃ parisuddhaṃ brahmacariyaṃ caranti, addhānañca āpādentīti. Ahampi kho, bho [ahampi bho (sī. pī.)] bhāradvāja, yasmiṃ samaye arakkhiteneva kāyena, arakkhitāya vācāya, arakkhitena cittena, anupaṭṭhitāya satiyā, asaṃvutehi indriyehi antepuraṃ pavisāmi, ativiya maṃ tasmīṃ samaye lobhadhammā parisahanti. Yasmiñca khvāhaṃ, bho bhāradvāja, samaye rakkhiteneva kāyena, rakkhitāya vācāya, rakkhitena cittena, upaṭṭhitāya satiyā, saṃvutehi indriyehi antepuraṃ pavisāmi, na maṃ tathā tasmīṃ samaye lobhadhammā parisahanti. Abhikkantaṃ, bho bhāradvāja; abhikkantaṃ, bho bhāradvāja! Seyyathāpi, bho bhāradvāja, nikkujjitaṃ [nikujjitam (pī.)] vā ukkujeyya, paṭicchannaṃ vā vivareyya, mūlhassa vā maggaṃ ācikkheyya, andhakāre vā telapajjotaṃ dhāreyya, cakkhumanto rūpāni dakkhantīti; evamevaṃ

bhotā bhāradvāja anekapariyāyena dhammo pakāsito. Esāhaṃ, bho bhāradvāja, taṃ bhagavantam saraṇaṃ gacchāmi, dhammañca, bhikkhusaṅghañca. Upāsakaṃ maṃ bhavaṃ bhāradvājo dhāretu ajjatagge paṇupetaṃ saraṇaṃ gata”nti. Catutthaṃ.

5. Soṇasuttam

128. Ekaṃ samayaṃ bhagavā rājagahe viharati veļuvane kalandakanivāpe. Atha kho soṇo gahapatiputto yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinna kho soṇo gahapatiputto bhagavantam etadavoca – “ko nu kho, bhante, hetu, ko paccayo yena midhekacce sattā diṭṭheva dhamme no parinibbāyanti? Ko pana, bhante, hetu, ko paccayo yena midhekacce sattā diṭṭheva dhamme parinibbāyanti”ti? (Yathā purimasuttantaṃ, evaṃ vitthāretabbaṃ). Ayaṃ kho, soṇa, hetu, ayaṃ paccayo yena midhekacce sattā diṭṭheva dhamme parinibbāyanti. Pañcamaṃ.

6. Ghositasuttam

129. Ekaṃ samayaṃ āyasmā ānando kosambiyaṃ viharati ghoṣitārāme. Atha kho ghoṣito gahapati yena āyasmā ānando tenupasaṅkami...pe... ekamantaṃ nisinna kho ghoṣito gahapati āyasmantaṃ ānantaṃ etadavoca – “‘dhātunānattaṃ, dhātunānatta’nti, bhante ānanda, vuccati. Kittāvataṃ nu kho, bhante, dhātunānattaṃ vuttaṃ bhagavatā”ti? “Saṃvijjati kho, gahapati, cakkhuhātu, rūpā ca manāpā, cakkhuvīññāṇaṃ sukhavedaniyaṃ. Phassaṃ paṭicca uppajjati sukhā vedanā. Saṃvijjati kho, gahapati, cakkhuhātu, rūpā ca amanāpā, cakkhuvīññāṇaṃ dukkhavedaniyaṃ. Phassaṃ paṭicca uppajjati dukkhā vedanā. Saṃvijjati kho, gahapati, cakkhuhātu, rūpā ca manāpā upekkhāvedaniyā, cakkhuvīññāṇaṃ adukkhamasukhavedaniyaṃ. Phassaṃ paṭicca uppajjati adukkhamasukhā vedanā...pe... saṃvijjati kho, gahapati, jivhādātu, rasā ca manāpā, jivhāvīññāṇaṃ sukhavedaniyaṃ. Phassaṃ paṭicca uppajjati sukhā vedanā. Saṃvijjati kho, gahapati, jivhādātu, rasā ca amanāpā, jivhāvīññāṇaṃ dukkhavedaniyaṃ. Phassaṃ paṭicca uppajjati dukkhā vedanā. Saṃvijjati kho, gahapati, jivhādātu, rasā ca upekkhāvedaniyā, jivhāvīññāṇaṃ adukkhamasukhavedaniyaṃ. Phassaṃ paṭicca uppajjati adukkhamasukhā vedanā...pe... saṃvijjati kho, gahapati, manodātu, dhammā ca manāpā, manovīññāṇaṃ sukhavedaniyaṃ. Phassaṃ paṭicca uppajjati sukhā vedanā. Saṃvijjati kho, gahapati, manodātu, dhammā ca amanāpā, manovīññāṇaṃ dukkhavedaniyaṃ. Phassaṃ paṭicca uppajjati dukkhā vedanā. Saṃvijjati kho, gahapati, manodātu, dhammā ca upekkhāvedaniyā, manovīññāṇaṃ adukkhamasukhavedaniyaṃ. Phassaṃ paṭicca uppajjati adukkhamasukhā vedanā. Ettāvataṃ kho, gahapati, dhātunānattaṃ vuttaṃ bhagavatā”ti. Chaṭṭhaṃ.

7. Hālidikānisuttam

130. Ekaṃ samayaṃ āyasmā mahākaccāno avantīsu viharati kuraraghare [kulaghare (syā. ka.)] papāte [pavatte (sī. pī.), sampavatte (syā. ka. ka.) ettheva aṭṭhamapiṭṭhepi] pabbate. Atha kho hālidikāni [hālidakāni (sī. syā. ka. ka.)] gahapati yena āyasmā mahākaccāno tenupasaṅkami...pe... ekamantaṃ nisinna kho hālidikāni gahapati āyasmantaṃ mahākaccānaṃ etadavoca – “vuttamidam, bhante, bhagavatā – ‘dhātunānattaṃ paṭicca uppajjati phassanānattaṃ; phassanānattaṃ paṭicca uppajjati vedanānānatta’nti. Kathaṃ nu kho, bhante, dhātunānattaṃ paṭicca uppajjati phassanānattaṃ; phassanānattaṃ paṭicca uppajjati vedanānānatta’nti? ‘Idha, gahapati, bhikkhu cakkhunā rūpaṃ disvā ‘manāpaṃ ittheta’nti pajānāti cakkhuvīññāṇaṃ sukhavedaniyaṃ [sukhavedaniyaṃ, sukhavedaniyaṃ (sī. pī.), sukhavedaniyaṃ, sukhavedaniyaṃ (syā. ka. ka.) evaṃ “dukkhavedaniyaṃ adukkhamasukhavedaniyaṃ”ti padesupi. aṭṭhakathāṭikā oloketabbā]. Phassaṃ paṭicca uppajjati sukhā vedanā. Cakkhunā kho paneva [panevaṃ (syā. ka. ka.)] rūpaṃ disvā ‘amanāpaṃ ittheta’nti pajānāti cakkhuvīññāṇaṃ dukkhavedaniyaṃ. Phassaṃ paṭicca uppajjati dukkhā vedanā. Cakkhunā kho paneva rūpaṃ disvā ‘upekkhāṭṭhāniyaṃ [upekkhāvedaniyaṃ (ka.)] ittheta’nti pajānāti cakkhuvīññāṇaṃ adukkhamasukhavedaniyaṃ. Phassaṃ paṭicca uppajjati adukkhamasukhā vedanā.

“Puna caparam, gahapati, bhikkhu sotena saddam sutvā...pe... ghānena gandham ghāyitvā...pe... jivhāya rasam sāyitvā...pe... kāyena phoṭṭhabbam phusitvā...pe... manasā dhammam viññāya ‘manāpam ittheta’nti pajānāti manoviññānam sukhavedaniyañca. Phassam paṭicca uppajjati sukhā vedanā. Manasā kho paneva dhammam viññāya ‘amanāpam ittheta’nti pajānāti manoviññānam dukkhavedaniyañca. Phassam paṭicca uppajjati dukkhā vedanā. Manasā kho paneva dhammam viññāya ‘upekkhāṭṭhāniyam ittheta’nti pajānāti manoviññānam adukkhamasukhavedaniyañca. Phassam paṭicca uppajjati adukkhamasukhā vedanā. Evaṃ kho, gahapati, dhātunānattam paṭicca uppajjati phassanānattam; phassanānattam paṭicca uppajjati vedanānānatta’nti. Sattamaṃ.

8. Nakulapitusuttam

131. Ekam samayam bhagavā bhaggesu viharati susumāragire bhesakaḷāvane migadāye. Atha kho nakulapitā gahapati yena bhagavā tenupasaṅkami...pe... ekamantaṃ nisinno kho nakulapitā gahapati bhagavantaṃ etadavoca – “ko nu kho, bhante, hetu, ko paccayo yena midhekacce sattā diṭṭheva dhamme no parinibbāyanti? Ko pana, bhante, hetu, ko paccayo yena midhekacce sattā diṭṭheva dhamme parinibbāyanti’nti? “Santi kho, gahapati, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato tannissitaṃ viññānam hoti tadupādānam. Saupādāno, gahapati, bhikkhu no parinibbāyati...pe... santi kho, gahapati, jivhāvīññeyyā rasā...pe... santi kho, gahapati, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu abhinandati abhivadati ajjhosāya tiṭṭhati. Tassa taṃ abhinandato abhivadato ajjhosāya tiṭṭhato tannissitaṃ viññānam hoti tadupādānam. Saupādāno, gahapati, bhikkhu no parinibbāyati. Ayaṃ kho, gahapati, hetu ayaṃ paccayo yena midhekacce sattā diṭṭheva dhamme no parinibbāyanti’nti.”

“Santi ca kho, gahapati, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhunābhinandati nābhivadati nājhosāya tiṭṭhati. Tassa taṃ anabhinandato anabhivadato anajjhosāya tiṭṭhato na tannissitaṃ viññānam hoti, na tadupādānam. Anupādāno, gahapati, bhikkhu parinibbāyati...pe... santi kho, gahapati, jivhāvīññeyyā rasā...pe... santi kho, gahapati, manoviññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati. Tassa taṃ nābhinandato nābhivadato anajjhosāya tiṭṭhato na tannissitaṃ viññānam hoti na tadupādānam. Anupādāno, gahapati, bhikkhu parinibbāyati. Ayaṃ kho, gahapati, hetu, ayaṃ paccayo yena midhekacce sattā diṭṭheva dhamme parinibbāyanti’nti. Aṭṭhamaṃ.

9. Lohiccasuttam

132. Ekam samayam āyasmā mahākaccāno avantīsu viharati makkarakate [makkarakate (sī. syā. kam. pī.)] araññakuṭikāyaṃ. Atha kho lohiccassa brāhmaṇassa sambahulā antevāsikā kaṭṭhahārakā māṇavakā yenāyasmato mahākaccānassa araññakuṭikā tenupasaṅkamiṃsu; upasaṅkamitvā parito parito kuṭikāya anucaṅkamanti anuvicaranti uccāsaddā mahāsaddā kānici kānici seleyyakāni karonti [selissakāni karontā (sī.)] – “ime pana muṇḍakā samaṇakā ibbhā kaṇhā [kiṇhā (sī. pī.)] bandhupādāpaccā, imesaṃ bhāratakānaṃ sakkatā garukatā mānitā pūjitā apacitā’nti. Atha kho āyasmā mahākaccāno vihārā nikkhamitvā te māṇavake etadavoca – “mā māṇavakā saddamakatha; dhammam vo bhāsissāmi’nti. Evaṃ vutte, te māṇavakā tuṇhī ahesuṃ. Atha kho āyasmā mahākaccāno te māṇavake gāthāhi ajjhabhāsi –

“Sīluttamā pubbatārā ahesuṃ,
Te brāhmaṇā ye purāṇaṃ saranti;
Guttāni dvārāni surakkhitāni,
Ahesuṃ tesam abhibhuyya kodham.

“Dhamme ca jhāne ca ratā ahesuṃ,

Te brāhmaṇā ye purāṇaṃ saranti;
Ime ca vokkamma japāmaseti,
Gottena mattā visamaṃ caranti.

“Kodhābhibhūtā puthuattadaṇḍā [[kodbābhibhūtāsuputhuttadaṇḍā \(syā. kaṃ. ka.\)](#)],
Virajjamānā satanḥātaṇhesu;
Aguttadvārassa bhavanti moghā,
Supineva laddhaṃ purisassa vittaṃ.

“Anāsakā thaṇḍilasāyikā ca;
Pāto sinānañca tayo ca vedā.

“Kharājinaṃ jaṭāpaṅko, mantā sīlabbatam tapo;
Kuhanā vaṅkadaṇḍā ca, udakācamaṇāni ca.

“Vaṇṇā ete brāhmaṇānaṃ, katā kiñcikkhabhāvanā;
Cittañca susamāhitaṃ, vip̐pasannamanāvilam;
Akhilaṃ sabbabhūtesu, so maggo brahmapattiyā”ti.

Atha kho te māṇavakā kupitā anattamanā yena lohicca brāhmaṇo tenupasaṅkamim̐su;
upasaṅkamtivā lohiccaṃ brāhmaṇaṃ etadavocum̐ – “yagghe! Bhavaṃ jāneyya, samaṇo mahākaccāno
brāhmaṇānaṃ mante [[mantam \(ka.\)](#)] ekamaṣena apavadati, paṭikkosati”ti? Evaṃ vutte, lohicca brāhmaṇo
kupito ahosi anattamano. Atha kho lohiccassa brāhmaṇassa etadahosi – “na kho pana metaṃ patirūpaṃ
yohaṃ aññadatthu māṇavakānaṃyeva sutvā samaṇaṃ mahākaccānaṃ akkoseyyaṃ [[akkoseyyaṃ
virujjheyyaṃ \(syā. kaṃ. ka.\)](#)] paribhāseyyaṃ. Yaṃnūnaṃ upasaṅkamtivā puccheyya”nti.

Atha kho lohicca brāhmaṇo tehi māṇavakehi saddhiṃ yenāyasmā mahākaccāno tenupasaṅkami;
upasaṅkamtivā āyasmatā mahākaccānena saddhiṃ sammodi. Sammodanīyaṃ kathaṃ saraṇīyaṃ
vītisāretvā ekamantaṃ nisīdi. Ekamantaṃ nisinno kho lohicca brāhmaṇo āyasmantaṃ mahākaccānaṃ
etadavoca – “āgamaṃsu nu khvidha, bho kaccāna, amhākaṃ sambahulā antevāsikā kaṭṭhahārakā
māṇavakā”ti? “Āgamaṃsu khvidha te, brāhmaṇa, sambahulā antevāsikā kaṭṭhahārakā māṇavakā”ti.
“Ahu pana bhoto kaccānassa tehi māṇavakehi saddhiṃ kocideva kathāsallāpo”ti? “Ahu kho me,
brāhmaṇa, tehi māṇavakehi saddhiṃ kocideva kathāsallāpo”ti. “Yathā kathaṃ pana bhoto kaccānassa
tehi māṇavakehi saddhiṃ ahosi kathāsallāpo”ti? “Evaṃ kho me, brāhmaṇa, tehi māṇavakehi saddhiṃ
ahosi kathāsallāpo –

“Sīluttamā pubbatarā ahesum,
Te brāhmaṇā ye purāṇaṃ saranti;...Pe...;
Akhilaṃ sabbabhūtesu,
So maggo brahmapattiyā”ti.

“Evaṃ kho me, brāhmaṇa, tehi māṇavakehi saddhiṃ ahosi kathāsallāpo”ti.

““Aguttadvāro”ti [[aguttadvāro aguttadvāroti \(ka.\)](#)] bhavaṃ kaccāno āha. Kittāvatā nu kho, bho
kaccāna, aguttadvāro hoti”ti? “Idha, brāhmaṇa, ekacco cakkhunā rūpaṃ disvā piyarūpe rūpe
adhimuccati, appiyarūpe rūpe byāpajjati, anupaṭṭhitakāyassati [[anupaṭṭhitāya satiyā \(syā. kaṃ. pī. ka.\)
upari āsīvisavagge avassutasutte pana “anupaṭṭhitakāyassati”tveva sabbattha dissati](#)] ca viharati,
parittacetaso tañca cetovimuttiṃ paññāvimuttiṃ yathābhūtaṃ nappajānāti yatthassa te uppannā pāpakā
akusalā dhammā aparisesā nirujjhanti. Sotena saddaṃ sutvā... ghānena gandhaṃ ghāyitvā... jivhāya
rasaṃ sāyitvā... kāyena phoṭṭhabbaṃ phusitvā... manasā dhammaṃ viññāya piyarūpe dhamme
adhimuccati, appiyarūpe ca dhamme byāpajjati, anupaṭṭhitakāyassati ca viharati, parittacetaso tañca

cetovimuttiṃ paññāvimuttiṃ yathābhūtaṃ nappajānāti yatthassa te uppannā pāpakā akusalā dhammā aparisesā nirujjhanti. Evaṃ kho, brāhmaṇa, aguttadvāro hotī’ ti. ‘‘Acchariyaṃ, bho kaccāna; abbhutaṃ, bho kaccāna! Yāvañcidaṃ bhotā kaccānena aguttadvārova samāno aguttadvāroti akkhāto.

‘‘Guttadvāro’ ti bhavaṃ kaccāno āha. Kittāvataṃ nu kho, bho kaccāna, guttadvāro hotī’ ti? ‘‘Idha, brāhmaṇa, bhikkhu cakkhunā rūpaṃ disvā piyarūpe rūpe nādhimuccati, appiyarūpe rūpe na byāpajjati, upaṭṭhitakāyassati ca viharati, appamāṇacetaso tañca cetovimuttiṃ paññāvimuttiṃ yathābhūtaṃ pajānāti yatthassa te uppannā pāpakā akusalā dhammā aparisesā nirujjhanti. Sotena saddaṃ sutvā... ghānena gandhaṃ ghāyivā... jivhāya rasaṃ sāyivā... kāyena phoṭṭhabbaṃ phusivā... manasā dhammaṃ viññāya piyarūpe dhamme nādhimuccati, appiyarūpe dhamme na byāpajjati, upaṭṭhitakāyassati ca viharati, appamāṇacetaso tañca cetovimuttiṃ paññāvimuttiṃ yathābhūtaṃ pajānāti, yatthassa te uppannā pāpakā akusalā dhammā aparisesā nirujjhanti. Evaṃ kho, brāhmaṇa, guttadvāro hotī’ ti.

‘‘Acchariyaṃ, bho kaccāna; abbhutaṃ, bho kaccāna! Yāvañcidaṃ bhotā kaccānena guttadvārova samāno guttadvāroti akkhāto. Abhikkantaṃ, bho kaccāna; abhikkantaṃ, bho kaccāna! Seyyathāpi, bho kaccāna, nikkujjitaṃ vā ukkujjeyya, paṭicchannaṃ vā vivareyya, mūlhassa vā maggaṃ ācikkheyya, andhakāre vā telapajjotaṃ dhāreyya, cakkhumanto rūpāni dakkhantīti; evamevaṃ bhotā kaccānena anekapariyāyena dhammo pakāsito. Esāhaṃ, bho kaccāna, taṃ bhagavantaṃ saraṇaṃ gacchāmi, dhammañca, bhikkhusaṅghañca. Upāsakaṃ maṃ bhavaṃ kaccāno dhāretu ajjatagge paṇupetaṃ saraṇaṃ gataṃ. Yathā ca bhavaṃ kaccāno makkarakate upāsakakulāni upasaṅkamati; evameva lohiccakulaṃ upasaṅkamatu. Tattha ye māṇavakā vā māṇavikā vā bhavantaṃ kaccānaṃ abhivādessanti paccuṭṭhissanti āsanaṃ vā udakaṃ vā dassanti, tesam taṃ bhavissati dīgharattaṃ hitāya sukhāyā’ ti. Navamaṃ.

10. Verahaccānisuttaṃ

133. Ekamaṃ samayaṃ āyasmā udāyī kāmaṇḍāyaṃ viharati todeyyassa brāhmaṇassa ambavane. Atha kho verahaccānigottāya brāhmaṇiyā antevāsī māṇavako yenāyasmā udāyī tenupasaṅkami; upasaṅkamitvā āyasmatā udāyinaṃ saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ nisinnaṃ kho taṃ māṇavakaṃ āyasmā udāyī dhammiyā kathāya sandassesī samādapesī samuttejesī sampahaṃsesī. Atha kho so māṇavako āyasmatā udāyinaṃ dhammiyā kathāya sandassito samādapito samuttejito sampahaṃsito uṭṭhāyāsanā yena verahaccānigottā brāhmaṇī tenupasaṅkami; upasaṅkamitvā verahaccānigottaṃ brāhmaṇiṃ etadavoca – ‘‘yagghe, bhoti, jāneyyāsi [bhoti jāneyya (sī. pī. ka.), bhoti jāneyya (syā. kaṃ.)]! Samaṇo udāyī dhammaṃ deseti ādikalyāṇaṃ majjhakalyāṇaṃ pariyoṣānakalyāṇaṃ, sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāsetī’ ti.

‘‘Tena hi tvaṃ, māṇavaka, mama vacanena samaṇaṃ udāyiṃ nimantehi svātanāya bhattenā’ ti. ‘‘Evaṃ bhoti’ ti kho so māṇavako verahaccānigottāya brāhmaṇiyā paṭissutvā yenāyasmā udāyī tenupasaṅkami; upasaṅkamitvā āyasmantaṃ udāyiṃ etadavoca – ‘‘adhivāsetu kira, bhavaṃ, udāyi, amhākaṃ ācariyabhariyāya verahaccānigottāya brāhmaṇiyā svātanāya bhatta’ nti. Adhivāsesī kho āyasmā udāyī tuṅhībhāvena. Atha kho āyasmā udāyī tassā rattiyā accayena pubbaṅhasamayaṃ nivāsetvā pattacīvaramādāya yena verahaccānigottāya brāhmaṇiyā nivesanaṃ tenupasaṅkami; upasaṅkamitvā paññatte āsane nisīdi. Atha kho verahaccānigottā brāhmaṇī āyasmantaṃ udāyiṃ paṇītena khādanīyena bhojanīyena sahatthā santappesi sampavāresi. Atha kho verahaccānigottā brāhmaṇī āyasmantaṃ udāyiṃ bhuttāviṃ onītapattapāṇiṃ pādukā ārohitvā ucce āsane nisīditvā sīsaṃ oḅuṅṅhitvā āyasmantaṃ udāyiṃ etadavoca – ‘‘bhaṇa, samaṇa, dhamma’ nti. ‘‘Bhavissati, bhagini, samayo’ ti vatvā uṭṭhāyāsanā pakkami [pakkāmi (syā. kaṃ. pī.)].

Dutiyampi kho so māṇavako yenāyasmā udāyī tenupasaṅkami; upasaṅkamitvā āyasmatā udāyinaṃ saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ

nisinnaṃ kho taṃ māṇavakaṃ āyasmā udāyī dhammiyā kathāya sandassesī samādapesī samuttejesī sampahaṃsesī. Dutiyampi kho so māṇavako āyasmatā udāyīnā dhammiyā kathāya sandassito samādapito samuttejito sampahaṃsīto uṭṭhāyāsānā yena verahaccānigottā brāhmaṇī tenupasaṅkami; upasaṅkamitvā verahaccānigottaṃ brāhmaṇiṃ etadavoca – “yagghe, bhoti, jāneyyāsi! Samaṇo udāyī dhammaṃ deseti ādikalyāṇaṃ majjhekalyāṇaṃ pariyosānakalyāṇaṃ, sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti”ti.

“Evamevaṃ pana tvaṃ, māṇavaka, samaṇassa udāyissa vaṇṇaṃ bhāsasi. Samaṇo panudāyī ‘bhaṇa, samaṇa, dhamma’nti vutto samāno ‘bhavissati, bhagini, samayo’ti vatvā uṭṭhāyāsānā pakkanto”ti. “Tathā hi pana tvaṃ, bhoti, pādukā ārohitvā ucce āsane nisīditvā sīsaṃ oguṇṭhitvā etadavoca – ‘bhaṇa, samaṇa, dhamma’nti. Dhammagaruno hi te bhavanto dhammagārāvā”ti. “Tena hi tvaṃ, māṇavaka, mama vacanena samaṇaṃ udāyiṃ nimantehi svātanāya bhattenā”ti. “Evaṃ, bhoti”ti kho so māṇavako verahaccānigottāya brāhmaṇiyā paṭissutvā yenāyasmā udāyī tenupasaṅkami; upasaṅkamitvā āyasmantaṃ udāyiṃ etadavoca – “adhivāsetu kira bhavaṃ udāyī amhākaṃ ācariyabhariyāya verahaccānigottāya brāhmaṇiyā svātanāya bhatta”nti. Adhivāsesi kho āyasmā udāyī tuṇhībhāvena.

Atha kho āyasmā udāyī tassā rattiyā accayena pubbaṇhasamayaṃ nivāsetvā pattacīvaramādāya yena verahaccānigottāya brāhmaṇiyā nivesanaṃ tenupasaṅkami; upasaṅkamitvā paññatte āsane nisīdi. Atha kho verahaccānigottā brāhmaṇī āyasmantaṃ udāyiṃ paññitena khādanīyena bhojanīyena sahatthā santappesi sampavāresi. Atha kho verahaccānigottā brāhmaṇī āyasmantaṃ udāyiṃ bhuttāviṃ onītapattapañiṃ pādukā orohitvā nīce āsane nisīditvā sīsaṃ vivarivā āyasmantaṃ udāyiṃ etadavoca – “kismiṃ nu kho, bhante, sati arahanto sukhadukkhaṃ paññapenti, kismiṃ asati arahanto sukhadukkhaṃ na paññapenti”ti?

“Cakkhusmiṃ kho, bhagini, sati arahanto sukhadukkhaṃ paññapenti, cakkhusmiṃ asati arahanto sukhadukkhaṃ na paññapenti...pe... jivhāya sati arahanto sukhadukkhaṃ paññapenti, jivhāya asati arahanto sukhadukkhaṃ na paññapenti...pe.... Manasmīṃ sati arahanto sukhadukkhaṃ paññapenti, manasmīṃ asati arahanto sukhadukkhaṃ na paññapenti”ti.

Evaṃ vutte, verahaccānigottā brāhmaṇī āyasmantaṃ udāyiṃ etadavoca – “abhikkantaṃ, bhante; abhikkantaṃ, bhante! Seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya, mūlhasa vā maggaṃ ācikkheyya, andhakāre vā telapajjotaṃ dhāreyya, cakkhumanto rūpāni dakkhantīti; evamevaṃ ayyena udāyīnā anekapariyāyena dhammo pakāsīto. Esāhaṃ, ayya udāyī, taṃ bhagavantaṃ saraṇaṃ gacchāmi, dhammañca, bhikkhusaṅghaṃca. Upāsikaṃ maṃ ayyo udāyī dhāretu ajjatagge pāṇupetaṃ saraṇaṃ gata”nti. Dasamaṃ.

Gahapativaggo terasamo.

Tassuddānaṃ –

Vesālī vajji nālandā, bhāradvāja soṇo ca ghoṣito;
Hāliddiko nakulapitā, lohico verahaccānīti.

14. Devadahavaggo

1. Devadahasuttaṃ

134. Ekaṃ samayaṃ bhagavā sakkesu viharati devadahaṃ nāma sakyānaṃ nigamo. Tatra kho bhagavā bhikkhū āmantesi – “nāhaṃ, bhikkhave, sabbesaṃyeva bhikkhūnaṃ chasu phassāyatanesu appamādena karaṇīyanti vadāmi, na ca panāhaṃ, bhikkhave, sabbesaṃyeva bhikkhūnaṃ chasu phassāyatanesu nāppamādena karaṇīyanti vadāmi. Ye te, bhikkhave, bhikkhū arahanto khīṇāsava

vusitavanto katakaraṇīyā ohitabhārā anuppattasadatthā parikkhīṇabhavasamyojanā sammadaññā vimuttā, tesāhaṃ, bhikkhave, bhikkhūnaṃ chasu phassāyatanesu nāppamādena karaṇīyanti vadāmi. Taṃ kissa hetu? Kataṃ tesāṃ appamādena, abhabbā te pamajjituṃ. Ye ca kho te, bhikkhave, bhikkhū sekkhā [sekhā (sī. syā. kaṃ. pī. ka.)] appattamānasā anuttaraṃ yogakkhemaṃ patthayamānā viharanti, tesāhaṃ, bhikkhave, bhikkhūnaṃ chasu phassāyatanesu appamādena karaṇīyanti vadāmi. Taṃ kissa hetu? Santi, bhikkhave, cakkhuviññeyyā rūpā manoramāpi, amanoramāpi. Tyāssa phussa phussa cittaṃ na pariyādāya tiṭṭhanti. Cetaso apariyādānā āraddhaṃ hoti vīriyaṃ asallīnaṃ, upaṭṭhitā sati asammuṭṭhā [apammuṭṭhā (sī.), appamuṭṭhā (syā. kaṃ.)], passaddho kāyo asāraddho, samāhitaṃ cittaṃ ekaggam. Imaṃ khvāhaṃ, bhikkhave, appamādaphalaṃ sampassamāno tesāṃ bhikkhūnaṃ chasu phassāyatanesu appamādena karaṇīyanti vadāmi...pe... santi, bhikkhave, manoviññeyyā dhammā manoramāpi amanoramāpi. Tyāssa phussa phussa cittaṃ na pariyādāya tiṭṭhanti. Cetaso apariyādānā āraddhaṃ hoti vīriyaṃ asallīnaṃ, upaṭṭhitā sati asammuṭṭhā, passaddho kāyo asāraddho, samāhitaṃ cittaṃ ekaggam. Imaṃ khvāhaṃ, bhikkhave, appamādaphalaṃ sampassamāno tesāṃ bhikkhūnaṃ chasu [chassu (sī.)] phassāyatanesu appamādena karaṇīyanti vadāmi’’ti. Paṭhamam.

2. Khaṇasuttaṃ

135. ‘‘Lābhā vo, bhikkhave, suladdhaṃ vo, bhikkhave, khaṇo vo paṭiladdho brahmacariyavāsāya. Diṭṭhā mayā, bhikkhave, chaphassāyatānikā nāma nirayā. Tattha yaṃ kiñci cakkhunā rūpaṃ passati aniṭṭharūpaṃyeva passati, no iṭṭharūpaṃ; akantarūpaṃyeva passati, no kantarūpaṃ; amanāparūpaṃyeva passati, no manāparūpaṃ. Yaṃ kiñci sotena saddaṃ suṇāti...pe... yaṃ kiñci ghānena gandhaṃ ghāyati...pe... yaṃ kiñci jivhāya rasaṃ sāyati...pe... yaṃ kiñci kāyena phoṭṭhabbaṃ phusati...pe... yaṃ kiñci manasā dhammaṃ vijānāti aniṭṭharūpaṃyeva vijānāti, no iṭṭharūpaṃ; akantarūpaṃyeva vijānāti, no kantarūpaṃ; amanāparūpaṃyeva vijānāti, no manāparūpaṃ. Lābhā vo, bhikkhave, suladdhaṃ vo, bhikkhave, khaṇo vo paṭiladdho brahmacariyavāsāya. Diṭṭhā mayā, bhikkhave, chaphassāyatānikā nāma saggā. Tattha yaṃ kiñci cakkhunā rūpaṃ passati iṭṭharūpaṃyeva passati, no aniṭṭharūpaṃ; kantarūpaṃyeva passati, no akantarūpaṃ; manāparūpaṃyeva passati, no amanāparūpaṃ...pe... yaṃ kiñci jivhāya rasaṃ sāyati...pe... yaṃ kiñci manasā dhammaṃ vijānāti iṭṭharūpaṃyeva vijānāti, no aniṭṭharūpaṃ; kantarūpaṃyeva vijānāti, no akantarūpaṃ; manāparūpaṃyeva vijānāti, no amanāparūpaṃ. Lābhā vo, bhikkhave, suladdhaṃ vo, bhikkhave, khaṇo vo paṭiladdho brahmacariyavāsāya’’ti. Dutiyam.

3. Paṭhamarūpārāmasuttaṃ

136. ‘‘Rūpārāmā, bhikkhave, devamanussā rūparatā rūpasammuditā. Rūpavipariṇānavirāgaṇirodhā dukkhā, bhikkhave, devamanussā viharanti. Saddārāmā, bhikkhave, devamanussā saddaratā saddasammuditā. Saddavipariṇānavirāgaṇirodhā dukkhā, bhikkhave, devamanussā viharanti. Gandhārāmā... rasārāmā... phoṭṭhabbārāmā... dhammārāmā, bhikkhave, devamanussā dhammaratā dhammasammuditā. Dhammavipariṇānavirāgaṇirodhā dukkhā, bhikkhave, devamanussā viharanti. Tathāgato ca kho, bhikkhave, araham sammāsambuddho rūpānaṃ samudayañca atthaṅgamañca assādañca ādīnavaṃ ca nissaraṇaṃca yathābhūtaṃ viditvā na rūpārāmo na rūparato na rūpasammudito. Rūpavipariṇānavirāgaṇirodhā sukho, bhikkhave, tathāgato viharati. Saddānaṃ... gandhānaṃ... rasānaṃ... phoṭṭhabbānaṃ... dhammānaṃ samudayañca atthaṅgamañca assādañca ādīnavañca nissaraṇaṃca yathābhūtaṃ viditvā na dhammārāmo, na dhammarato, na dhammasammudito. Dhammavipariṇānavirāgaṇirodhā sukho, bhikkhave, tathāgato viharati’’’. Idamavoca bhagavā. Idam vatvāna sugato athāparaṃ etadavoca satthā –

‘‘Rūpā saddā rasā gandhā, phassā dhammā ca kevalā;
Iṭṭhā kantā manāpā ca, yāvatatthīti vuccati.

‘‘Sadevakassa lokassa, ete vo sukhasammata;

Yattha cete nirujjhanti, taṃ tesam dukkhasammatam.

“Sukham [sukhanti (sī.)] diṭṭhamariyebhi, sakkāyassa nirodhanam;
Paccanīkamidaṃ hoti, sabbalokena passatam.

“Yaṃ pare sukhato āhu, tadariyā āhu dukkhato;
Yaṃ pare dukkhato āhu, tadariyā sukhato vidū.

“Passa dhammam durājānam, sammūlhettha aviddasu;
Nivutānam tamo hoti, andhakāro apassatam.

“Satañca vivaṭam hoti, āloko passatāmi;
Santike na vijānanti, maggā [magā (sī.)] dhammassa akovidā.

“Bhavarāgaparetebhi, bhavarāgānusārībhi [bhavasotānusārībhi (syā. kaṃ. pī.),
bhavasotānusārīhi (sī.)];
Māradheyyānupannehi, nāyam dhammo susambudho.

“Ko nu aññatra mariyebhi, padaṃ sambuddhumarahati;
Yaṃ padaṃ sammadaññāya, parinibbanti anāsavā”’ti. tatiyam;

4. Dutiyarūpārāmasuttam

137. “Rūpārāmā, bhikkhave, devamanussā rūparatā rūpasammuditā. Rūpavipariṇānavirāganirodhā dukkhā, bhikkhave, devamanussā viharanti. Saddārāmā... gandhārāmā... rasārāmā ... phoṭṭhabbārāmā... dhammārāmā, bhikkhave, devamanussā dhammaratā dhammasammuditā. Dhammavipariṇānavirāganirodhā dukkhā, bhikkhave, devamanussā viharanti. Tathāgato ca, bhikkhave, araham sammāsambuddho rūpānam samudayañca atthaṅgamañca assādañca ādīnavañca nissaraṇaṇca yathābhūtam viditvā na rūpārāmo na rūparato na rūpasammudito. Rūpavipariṇānavirāganirodhā sukho, bhikkhave, tathāgato viharati. Saddānam... gandhānam... rasānam... phoṭṭhabbānam... dhammānam samudayañca atthaṅgamañca assādañca ādīnavañca nissaraṇaṇca yathābhūtam viditvā na dhammārāmo na dhammarato na dhammasammudito. Dhammavipariṇānavirāganirodhā sukho, bhikkhave, tathāgato viharati”’ti. Catuttham.

5. Paṭhamanatumhākamsuttam

138. “Yaṃ, bhikkhave, na tumhākam taṃ pajahatha. Taṃ vo pahīnam hitāya sukhāya bhavissati. Kiñca, bhikkhave, na tumhākam? Cakkhu, bhikkhave, na tumhākam; taṃ pajahatha. Taṃ vo pahīnam hitāya sukhāya bhavissati...pe... jivhā na tumhākam; taṃ pajahatha. Sā vo pahīnā hitāya sukhāya bhavissati...pe... mano na tumhākam; taṃ pajahatha. So vo pahīno hitāya sukhāya bhavissati. Seyyathāpi, bhikkhave, yaṃ imasmim jetavane tiṇakaṭṭhasākhāpalāsam taṃ jano hareyya vā ḍaheyya vā yathāpaccayam vā kareyya, api nu tumhākam evamassa – ‘amhe jano harati vā ḍahati vā yathāpaccayam vā karoti’”’ti? “No hetam, bhante”. “Taṃ kissa hetu”’? “Na hi no etam, bhante, attā vā attaniyam vā”’ti. “Evameva kho, bhikkhave, cakkhu na tumhākam; taṃ pajahatha. Taṃ vo pahīnam hitāya sukhāya bhavissati...pe... jivhā na tumhākam; taṃ pajahatha. Sā vo pahīnā hitāya sukhāya bhavissati...pe... mano na tumhākam; taṃ pajahatha. So vo pahīno hitāya sukhāya bhavissati”’ti. Pañcamam.

6. Dutiyanatatumhākamsuttam

139. “Yaṃ, bhikkhave, na tumhākam, taṃ pajahatha. Taṃ vo pahīnam hitāya sukhāya bhavissati. Kiñca, bhikkhave, na tumhākam? Rūpā, bhikkhave, na tumhākam; te pajahatha. Te vo pahīnā hitāya

sukhāya bhavissanti. Saddā... gandhā... rasā... phoṭṭhabbā... dhammā na tumhākaṃ; te pajahatha. Te vo pahīnā hitāya sukhāya bhavissanti. Seyyathāpi, bhikkhave, yaṃ imasmiṃ jetavane...pe... evameva kho, bhikkhave, rūpā na tumhākaṃ; te pajahatha. Te vo pahīnā hitāya sukhāya bhavissanti”ti. Chaṭṭhaṃ.

7. Ajjhattāniccahetusuttaṃ

140. “Cakkhuṃ, bhikkhave, aniccaṃ. Yopi hetu, yopi paccayo cakkhussa uppādāya, sopi anicco. Aniccasambhūtaṃ, bhikkhave, cakkhu kuto niccaṃ bhavissati...pe... jivhā aniccā. Yopi hetu, yopi paccayo jivhāya uppādāya sopi anicco. Aniccasambhūtā, bhikkhave, jivhā kuto niccā bhavissati...pe... mano anicco. Yopi, bhikkhave, hetu yopi paccayo manassa uppādāya, sopi anicco. Aniccasambhūto, bhikkhave, mano kuto nicco bhavissati! Evaṃ passaṃ, bhikkhave, sutavā ariyasāvako cakkhusmimpi nibbindati...pe... jivhāyapi nibbindati...pe... nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Sattamaṃ.

8. Ajjhata dukkha hetusuttaṃ

141. “Cakkhuṃ, bhikkhave, dukkhaṃ. Yopi hetu yopi paccayo cakkhussa uppādāya, sopi dukkho. Dukkhasambhūtaṃ, bhikkhave, cakkhu kuto sukhaṃ bhavissati...pe... jivhā dukkhā. Yopi hetu, yopi paccayo jivhāya uppādāya, sopi dukkho. Dukkhasambhūtā, bhikkhave, jivhā kuto sukhaṃ bhavissati...pe... mano dukkho. Yopi hetu yopi paccayo manassa uppādāya, sopi dukkho. Dukkhasambhūto, bhikkhave, mano kuto sukho bhavissati! Evaṃ passaṃ...pe... ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Aṭṭhamaṃ.

9. Ajjhattānattahetusuttaṃ

142. “Cakkhuṃ, bhikkhave, anattā. Yopi hetu, yopi paccayo cakkhussa uppādāya, sopi anattā. Anattasambhūtaṃ, bhikkhave, cakkhu kuto attā bhavissati...pe... jivhā anattā. Yopi hetu yopi paccayo jivhāya uppādāya, sopi anattā. Anattasambhūtā, bhikkhave, jivhā kuto attā bhavissati...pe... mano anattā. Yopi hetu yopi paccayo manassa uppādāya, sopi anattā. Anattasambhūto, bhikkhave, mano kuto attā bhavissati! Evaṃ passaṃ...pe... ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Navamaṃ.

10. Bāhirāniccahetusuttaṃ

143. “Rūpā, bhikkhave, aniccā. Yopi hetu, yopi paccayo rūpānaṃ uppādāya, sopi anicco. Aniccasambhūtā, bhikkhave, rūpā kuto niccā bhavissanti! Saddā... gandhā... rasā... phoṭṭhabbā... dhammā aniccā. Yopi hetu, yopi paccayo dhammānaṃ uppādāya, sopi anicco. Aniccasambhūtā, bhikkhave, dhammā kuto niccā bhavissanti! Evaṃ passaṃ...pe... ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Dasamaṃ.

11. Bāhiradukkha hetusuttaṃ

144. “Rūpā, bhikkhave, dukkhā. Yopi hetu, yopi paccayo rūpānaṃ uppādāya, sopi dukkho. Dukkhasambhūtā, bhikkhave, rūpā kuto sukhaṃ bhavissanti! Saddā... gandhā... rasā... phoṭṭhabbā... dhammā dukkhā. Yopi hetu, yopi paccayo dhammānaṃ uppādāya, sopi dukkho. Dukkhasambhūtā, bhikkhave, dhammā kuto sukhaṃ bhavissanti! Evaṃ passaṃ...pe... ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti. Ekādasamaṃ.

12. Bāhirānattahetusuttaṃ

145. “Rūpā, bhikkhave, anattā. Yopi hetu, yopi paccayo rūpānaṃ uppādāya, sopi anattā. Anattasambhūtā, bhikkhave, rūpā kuto attā bhavissanti! Saddā... gandhā... rasā... phoṭṭhabbā... dhammā anattā. Yopi hetu, yopi paccayo dhammānaṃ uppādāya, sopi anattā. Anattasambhūtā, bhikkhave, dhammā kuto attā bhavissanti! Evaṃ passaṃ, bhikkhave, sutavā ariyasāvako rūpesupi nibbindati, saddesupi... gandhesupi... rasesupi... phoṭṭhabbesupi... dhammesupi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti’ ti. Dvādasamaṃ.

Devadahavaggo cuddasamo.

Tassuddānaṃ –

Devadaho khaṇo rūpā, dve natumhākameva ca;
Hetunāpi tayo vuttā, duve ajjhatabāhirāti.

15. Navapurāṇavaggo

1. Kammanirodhasuttaṃ

146. “Navapurāṇāni, bhikkhave, kammāni desessāmi kammanirodhaṃ kammanirodhagāminiṅca paṭipadaṃ. Taṃ suṇātha, sādhukaṃ manasi karotha; bhāsissāmīti. Katamañca, bhikkhave, purāṇakammaṃ? Cakkhu, bhikkhave, purāṇakammaṃ abhisankhataṃ abhisañcetayitaṃ vedaniyaṃ daṭṭhabbaṃ...pe... jivhā purāṇakammā abhisankhatā abhisañcetayitā vedaniyā daṭṭhabbā...pe... mano purāṇakammo abhisankhato abhisañcetayito vedaniyo daṭṭhabbo. Idaṃ vuccati, bhikkhave, purāṇakammaṃ. Katamañca, bhikkhave, navakammaṃ? Yaṃ kho, bhikkhave, etarahi kammaṃ karoti kāyena vācāya manasā, idaṃ vuccati, bhikkhave, navakammaṃ. Katamo ca, bhikkhave, kammanirodho? Yo kho, bhikkhave, kāyakammavacīkammamanokammassa nirodhā vimuttiṃ phusati, ayaṃ vuccati, bhikkhave, kammanirodho. Katamā ca, bhikkhave, kammanirodhagāminī paṭipadā? Ayameva ariyo aṭṭhaṅgiko maggo, seyyathidaṃ – sammādiṭṭhi, sammāsankappo, sammāvācā, sammākammanto, sammāājīvo, sammāvāyāmo, sammāsati, sammāsamādhi – ayaṃ vuccati, bhikkhave, kammanirodhagāminī paṭipadā. Iti kho, bhikkhave, desitaṃ mayā purāṇakammaṃ, desitaṃ navakammaṃ, desito kammanirodho, desitā kammanirodhagāminī paṭipadā. Yaṃ kho, bhikkhave, satthārā karaṇīyaṃ sāvakanāṃ hitesinā anukampakena anukampaṃ upādāya, kataṃ vo taṃ mayā. Etāni, bhikkhave, rukkhāmūlāni, etāni suññāgārāni. Jhāyatha, bhikkhave, mā pamādattha; mā pacchāvippaṭisārino ahuvattha. Ayaṃ vo amhākaṃ anusāsani’ ti. Paṭhamaṃ.

2. Aniccanibbānasappāyasuttaṃ

147. “Nibbānasappāyaṃ vo, bhikkhave, paṭipadaṃ desessāmi. Taṃ suṇātha...pe... katamā ca sā, bhikkhave, nibbānasappāyā paṭipadā? Idha, bhikkhave, bhikkhu cakkhuṃ aniccanti passati, rūpā aniccāti passati, cakkhuvīññāṇaṃ aniccanti passati, cakkhusamphasso aniccoti passati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccanti passati...pe... jivhā aniccāti passati, rasā aniccāti passati, jivhāvīññāṇaṃ aniccanti passati, jivhāsamphasso aniccoti passati, yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccanti passati...pe... mano aniccoti passati, dhammā aniccāti passati, manovīññāṇaṃ aniccanti passati, manosamphasso aniccoti passati, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccanti passati. Ayaṃ kho sā, bhikkhave, nibbānasappāyā paṭipadā’ ti. Dutiyamaṃ.

3. Dukkhanibbānasappāyasuttaṃ

148. “Nibbānasappāyaṃ vo, bhikkhave, paṭipadaṃ desessāmi. Taṃ suṇātha...pe... katamā ca sā, bhikkhave, nibbānasappāyā paṭipadā? Idha, bhikkhave, cakkhuṃ dukkhanti passati, rūpā dukkhāti passati, cakkhuviññāṇaṃ dukkhanti passati, cakkhusamphasso dukkhoti passati, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhanti passati...pe... jivhā dukkhāti passati...pe... mano dukkhoti passati, dhammā dukkhāti passati, manoviññāṇaṃ dukkhanti passati, manosamphasso dukkhoti passati, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhanti passati. Ayaṃ kho sā, bhikkhave, nibbānasappāyā paṭipadā”ti. Tatiyaṃ.

4. Anattanibbānasappāyasuttaṃ

149. “Nibbānasappāyaṃ vo, bhikkhave, paṭipadaṃ desessāmi. Taṃ suṇātha...pe... katamā ca sā, bhikkhave, nibbānasappāyā paṭipadā? Idha, bhikkhave, bhikkhu cakkhuṃ anattāti passati, rūpā anattāti passati, cakkhuviññāṇaṃ anattāti passati, cakkhusamphasso anattāti passati, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattāti passati...pe... mano anattāti passati, dhammā anattāti passati, manoviññāṇaṃ anattāti passati, manosamphasso anattāti passati, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattāti passati. Ayaṃ kho sā, bhikkhave, nibbānasappāyā paṭipadā”ti. Catutthaṃ.

5. Nibbānasappāyapaṭipadāsuttaṃ

150. “Nibbānasappāyaṃ vo, bhikkhave, paṭipadaṃ desessāmi. Taṃ suṇātha...pe... katamā ca sā, bhikkhave, nibbānasappāyā paṭipadā? Taṃ kiṃ maññatha, bhikkhave, cakkhu niccaṃ vā aniccaṃ vā”ti?

“Aniccaṃ, bhante”.

“Yaṃ panāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmī, eso me attā’”ti?

“No hetuṃ, bhante”.

“Rūpā niccā vā aniccā vā”ti?

“Aniccā, bhante”...pe....

“Cakkhuviññāṇaṃ... cakkhusamphasso...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi niccaṃ vā aniccaṃ vā”ti?

“Aniccaṃ, bhante”.

“Yaṃ panāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama,

esohamasmi, eso me attā’’ti?

‘‘No hetam, bhante’’.

‘‘Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuviññāṇepi nibbindati, cakkhusamphassepī nibbindati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati...pe... nāparaṃ itthattāyāti pajānāti. Ayaṃ kho sā, bhikkhave, nibbānasappāyā paṭipadā’’ti. Pañcamaṃ.

6. Antevāsikasuttaṃ

151. ‘‘Anantevāsikamidaṃ, bhikkhave, brahmacariyaṃ vussati anācariyakaṃ. Santevāsiko, bhikkhave, bhikkhu sācariyako dukkhaṃ na phāsu [phāsum (sī. pī.)] viharati. Anantevāsiko, bhikkhave, bhikkhu anācariyako sukhaṃ phāsu viharati. Kathaṇca, bhikkhu, santevāsiko sācariyako dukkhaṃ na phāsu viharati? Idha, bhikkhave, bhikkhuno cakkhunā rūpaṃ disvā uppajjanti pāpakā akusalā dhammā sarasaṅkappā saṃyojaniyā. Tyāssa anto vasanti, antassa vasanti pāpakā akusalā dhammāti. Tasmā santevāsikoti vuccati. Te naṃ samudācaranti, samudācaranti naṃ pāpakā akusalā dhammāti. Tasmā sācariyakoti vuccati...pe....

‘‘Puna caparaṃ, bhikkhave, bhikkhuno jivhāya rasaṃ sāyitvā uppajjanti pāpakā akusalā dhammā sarasaṅkappā saṃyojaniyā. Tyāssa anto vasanti, antassa vasanti pāpakā akusalā dhammāti. Tasmā santevāsikoti vuccati. Te naṃ samudācaranti, samudācaranti naṃ pāpakā akusalā dhammāti. Tasmā sācariyakoti vuccati...pe....

‘‘Puna caparaṃ, bhikkhave, bhikkhuno manasā dhammaṃ viññāya uppajjanti pāpakā akusalā dhammā sarasaṅkappā saṃyojaniyā. Tyāssa anto vasanti, antassa vasanti pāpakā akusalā dhammāti. Tasmā santevāsikoti vuccati. Te naṃ samudācaranti, samudācaranti naṃ pāpakā akusalā dhammāti. Tasmā sācariyakoti vuccati. Evaṃ kho, bhikkhave, bhikkhu santevāsiko sācariyako dukkhaṃ, na phāsu viharati.

‘‘Kathaṇca, bhikkhave, bhikkhu anantevāsiko anācariyako sukhaṃ phāsu viharati? Idha, bhikkhave, bhikkhuno cakkhunā rūpaṃ disvā na uppajjanti pāpakā akusalā dhammā sarasaṅkappā saṃyojaniyā. Tyāssa na anto vasanti, nāssa anto vasanti pāpakā akusalā dhammāti. Tasmā anantevāsikoti vuccati. Te naṃ na samudācaranti, na samudācaranti naṃ pāpakā akusalā dhammāti. Tasmā anācariyakoti vuccati...pe....

‘‘Puna caparaṃ, bhikkhave, bhikkhuno jivhāya rasaṃ sāyitvā na uppajjanti pāpakā akusalā dhammā sarasaṅkappā saṃyojaniyā. Tyāssa na anto vasanti, nāssa anto vasanti pāpakā akusalā dhammāti. Tasmā anantevāsikoti vuccati. Te naṃ na samudācaranti, na samudācaranti naṃ pāpakā akusalā dhammāti. Tasmā anācariyakoti vuccati...pe....

‘‘Puna caparaṃ, bhikkhave, bhikkhuno manasā dhammaṃ viññāya na uppajjanti pāpakā akusalā dhammā sarasaṅkappā saṃyojaniyā. Tyāssa na anto vasanti, nāssa anto vasanti pāpakā akusalā dhammāti. Tasmā anantevāsikoti vuccati. Te naṃ na samudācaranti, na samudācaranti naṃ pāpakā akusalā dhammāti. Tasmā anācariyakoti vuccati. Evaṃ kho, bhikkhave, bhikkhu anantevāsiko anācariyako sukhaṃ phāsu viharati. Anantevāsikamidaṃ, bhikkhave, brahmacariyaṃ vussati. Anācariyakaṃ santevāsiko, bhikkhave, bhikkhu sācariyako dukkhaṃ, na phāsu viharati. Anantevāsiko, bhikkhave, bhikkhu anācariyako sukhaṃ phāsu viharati’’ti. Chaṭṭhaṃ.

7. Kimatthiyabrahmacariyasuttaṃ

152. “Sace vo, bhikkhave, aññatitthiyā paribbājakā evaṃ puccheyyūṃ – ‘kimatthiyaṃ, āvuso, samaṇe gotame brahmacariyaṃ vussatī’ ti? Evaṃ puṭṭhā tumhe, bhikkhave, tesam aññatitthiyānaṃ paribbājakānaṃ evaṃ byākareyyātha – ‘dukkhassa kho, āvuso, pariññāya bhagavati brahmacariyaṃ vussatī’ ti. Sace pana vo, bhikkhave, aññatitthiyā paribbājakā evaṃ puccheyyūṃ – ‘katamaṃ panāvuso, dukkhaṃ, yassa pariññāya samaṇe gotame brahmacariyaṃ vussatī’ ti? Evaṃ puṭṭhā tumhe, bhikkhave, tesam aññatitthiyānaṃ paribbājakānaṃ evaṃ byākareyyātha –

“Cakkhu kho, āvuso, dukkhaṃ; tassa pariññāya bhagavati brahmacariyaṃ vussati. Rūpā dukkhā; tesam pariññāya bhagavati brahmacariyaṃ vussati. Cakkhuviññānaṃ dukkhaṃ; tassa pariññāya bhagavati brahmacariyaṃ vussati. Cakkhusamphasso dukkho; tassa pariññāya bhagavati brahmacariyaṃ vussati. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhaṃ; tassa pariññāya bhagavati brahmacariyaṃ vussati...pe... jivhā dukkhā... mano dukkho; tassa pariññāya bhagavati brahmacariyaṃ vussati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhaṃ; tassa pariññāya bhagavati brahmacariyaṃ vussati. Idam kho, āvuso, dukkhaṃ; yassa pariññāya bhagavati brahmacariyaṃ vussatī’ ti. Evaṃ puṭṭhā tumhe, bhikkhave, tesam aññatitthiyānaṃ paribbājakānaṃ evaṃ byākareyyāthā’ ti. Sattamaṃ.

8. Atthinukhopariyāyasuttaṃ

153. “Atthi nu kho, bhikkhave, pariyāyo yaṃ pariyāyaṃ āgamma bhikkhu aññatreva saddhāya, aññatra ruciyā, aññatra anussavā, aññatra ākārāparivitakkā, aññatra diṭṭhinijjhānakkhantiyā aññaṃ byākareyya – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāmī’ ti [pajānātīti (syā. kaṃ. pī. ka.)]? “Bhagavaṃmūlakā no, bhante, dhammā, bhagavaṃnettikā bhagavaṃpaṭisaraṇā. Sādhu vata, bhante, bhagavantaṃyeva paṭibhātu etassa bhāsitassa attho. Bhagavato sutvā bhikkhū dhāressantī’ ti. “Tena hi, bhikkhave, suṇātha, sādhukaṃ manasi karotha; bhāsissāmī’ ti. “Evaṃ, bhante’ ti kho te bhikkhū bhagavato paccassosūṃ. Bhagavā etadavoca – ‘atthi, bhikkhave, pariyāyo yaṃ pariyāyaṃ āgamma bhikkhu aññatreva saddhāya, aññatra ruciyā, aññatra anussavā, aññatra ākārāparivitakkā, aññatra diṭṭhinijjhānakkhantiyā aññaṃ byākareyya – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāmī’ ti.

“Katamo ca, bhikkhave, pariyāyo, yaṃ pariyāyaṃ āgamma bhikkhu aññatreva saddhāya...pe... aññatra diṭṭhinijjhānakkhantiyā aññaṃ byākaroti – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti? Idha, bhikkhave, bhikkhu cakkhunā rūpaṃ disvā santaṃ vā ajjhattaṃ rāgadosamohaṃ, atthi me ajjhattaṃ rāgadosamohoti pajānāti; asantaṃ vā ajjhattaṃ rāgadosamohaṃ, natthi me ajjhattaṃ rāgadosamohoti pajānāti. Yaṃ taṃ, bhikkhave, bhikkhu cakkhunā rūpaṃ disvā santaṃ vā ajjhattaṃ rāgadosamohaṃ, atthi me ajjhattaṃ rāgadosamohoti pajānāti; asantaṃ vā ajjhattaṃ rāgadosamohaṃ, natthi me ajjhattaṃ rāgadosamohoti pajānāti. Api nume, bhikkhave, dhammā saddhāya vā veditabbā, ruciyā vā veditabbā, anussavena vā veditabbā, ākārāparivitakkena vā veditabbā, diṭṭhinijjhānakkhantiyā vā veditabbā’ ti? “No hetam, bhante”. “Nanume, bhikkhave, dhammā paññāya disvā veditabbā’ ti? “Evaṃ, bhante”. “Ayaṃ kho, bhikkhave, pariyāyo yaṃ pariyāyaṃ āgamma bhikkhu aññatreva saddhāya, aññatra ruciyā, aññatra anussavā, aññatra ākārāparivitakkā, aññatra diṭṭhinijjhānakkhantiyā aññaṃ byākaroti – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāmī’ ti...pe....

“Puna caparaṃ, bhikkhave, bhikkhu jivhāya rasaṃ sāyitvā santaṃ vā ajjhattaṃ...pe... rāgadosamohoti pajānāti; asantaṃ vā ajjhattaṃ rāgadosamohaṃ, natthi me ajjhattaṃ rāgadosamohoti pajānāti. Yaṃ taṃ, bhikkhave, jivhāya rasaṃ sāyitvā santaṃ vā ajjhattaṃ rāgadosamohaṃ, atthi me ajjhattaṃ rāgadosamohoti pajānāti; asantaṃ vā ajjhattaṃ rāgadosamohaṃ, natthi me ajjhattaṃ rāgadosamohoti pajānāti; api nume, bhikkhave, dhammā saddhāya vā veditabbā, ruciyā vā veditabbā, anussavena vā veditabbā, ākārāparivitakkena vā veditabbā, diṭṭhinijjhānakkhantiyā vā veditabbā’ ti?

“No hetam, bhante”. “Nanume, bhikkhave, dhammā paññāya disvā veditabbā”ti? “Evaṃ, bhante”. “Ayampi kho, bhikkhave, pariyāyo yaṃ pariyāyaṃ āgamma bhikkhu aññatreva saddhāya, aññatra ruciyā, aññatra anussavā, aññatra ākārparivitakkā, aññatra diṭṭhinijjhānakkhantiyā aññaṃ byākaroti – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāmi”ti [pajānātīti (syā. kam. pī. ka.)] ...pe....

“Puna caparaṃ, bhikkhave, bhikkhu manasā dhammaṃ viññāya santaṃ vā ajjhataṃ rāgadosamohaṃ, atthi me ajjhataṃ rāgadosamohoti pajānāti; asantaṃ vā ajjhataṃ rāgadosamohaṃ, natthi me ajjhataṃ rāgadosamohoti pajānāti. Yaṃ taṃ, bhikkhave, bhikkhu manasā dhammaṃ viññāya santaṃ vā ajjhataṃ rāgadosamohaṃ, atthi me ajjhataṃ rāgadosamohoti pajānāti; asantaṃ vā ajjhataṃ rāgadosamohaṃ, natthi me ajjhataṃ rāgadosamohoti pajānāti; api nume, bhikkhave, dhammā saddhāya vā veditabbā, ruciyā vā veditabbā, anussavena vā veditabbā, ākārparivitakkena vā veditabbā, diṭṭhinijjhānakkhantiyā vā veditabbā”ti? “No hetam, bhante”. “Nanume, bhikkhave, dhammā paññāya disvā veditabbā”ti? “Evaṃ, bhante”. “Ayampi kho, bhikkhave, pariyāyo yaṃ pariyāyaṃ āgamma bhikkhu aññatreva saddhāya, aññatra ruciyā, aññatra anussavā, aññatra ākārparivitakkā, aññatra diṭṭhinijjhānakkhantiyā aññaṃ byākaroti – ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāmi”ti. Aṭṭhamaṃ.

9. Indriyasampannasuttaṃ

154. Atha kho aññataro bhikkhu yena bhagavā tenupasaṅkami...pe... ekamantaṃ nisinno kho so bhikkhu bhagavantaṃ etadavoca – “indriyasampanno, indriyasampanno”ti, bhante, vuccati. Kittāvatā nu kho, bhante, indriyasampanno hoti”ti?

“Cakkhundriye ce, bhikkhu, udayabbayānupassī viharanto cakkhundriye nibbindati...pe... jivhindriye ce, bhikkhu, udayabbayānupassī viharanto jivhindriye nibbindati...pe... manindriye ce, bhikkhu, udayabbayānupassī viharanto manindriye nibbindati. Nibbindaṃ virajjati...pe... vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti. Ettāvatā kho, bhikkhu, indriyasampanno hoti”ti. Navamaṃ.

10. Dhammakathikapucchassuttaṃ

155. Atha kho aññataro bhikkhu yena bhagavā tenupasaṅkami...pe... ekamantaṃ nisinno kho so bhikkhu bhagavantaṃ etadavoca – “dhammakathiko, dhammakathiko”ti, bhante, vuccati. Kittāvatā nu kho, bhante, dhammakathiko hoti”ti?

“Cakkhussa ce, bhikkhu nibbidāya virāgāya nirodhāya dhammaṃ deseti, ‘dhammakathiko bhikkhū’ti alaṃvacanāya. Cakkhussa ce, bhikkhu, nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’ti alaṃvacanāya. Cakkhussa ce, bhikkhu, nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’ti alaṃvacanāya...pe... jivhāya ce, bhikkhu, nibbidāya virāgāya nirodhāya dhammaṃ deseti, ‘dhammakathiko bhikkhū’ti alaṃvacanāya... pe... manassa ce, bhikkhu, nibbidāya virāgāya nirodhāya dhammaṃ deseti, ‘dhammakathiko bhikkhū’ti alaṃvacanāya. Manassa ce, bhikkhu, nibbidāya virāgāya nirodhāya paṭipanno hoti, ‘dhammānudhammapaṭipanno bhikkhū’ti alaṃvacanāya. Manassa ce, bhikkhu, nibbidā virāgā nirodhā anupādāvimutto hoti, ‘diṭṭhadhammanibbānappatto bhikkhū’ti alaṃvacanāyā”ti. Dasamaṃ.

Navapurāṇavaggo pañcadasamo.

Tassuddānaṃ –

Kammaṃ cattāri sappāyā, anantevāsi kimatthiyā;

Atthi nu kho pariyāyo, indriyakathikena cāti.

Saḷāyatanavagge tatiyapaṇṇāsako samatto.

Tassa vagguddānaṃ –

Yogakkhemi ca loko ca, gahapati devadahena ca;
Navapurāṇena paṇṇāso, tatiyo tena vuccatīti.

16. Nandikkhayavaggo

1. Ajjhattanandikkhayasuttaṃ

156. “Aniccaṃyeva, bhikkhave, bhikkhu cakkhuṃ aniccanti passati, sāssa [sāyaṃ (pī. ka.)] hoti sammādiṭṭhi. Sammā passaṃ nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccati...pe... aniccaṃyeva, bhikkhave, bhikkhu jivhaṃ aniccanti passati, sāssa hoti sammādiṭṭhi. Sammā passaṃ nibbindati. Nandikkhayā rāgakkhayo; rāgakkhayā... pe... cittaṃ suvimuttanti vuccati...pe... aniccaṃyeva, bhikkhave, bhikkhu manaṃ aniccanti passati, sāssa hoti sammādiṭṭhi. Sammā passaṃ nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccatī”ti. Paṭhamaṃ.

2. Bāhiraanandikkhayasuttaṃ

157. “Anicceyeva, bhikkhave, bhikkhu rūpe aniccāti passati, sāssa hoti sammādiṭṭhi. Sammā passaṃ nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccati. Anicceyeva, bhikkhave, bhikkhu sadde... gandhe... rase... phoṭṭhabbe... dhamme aniccāti passati, sāssa hoti sammādiṭṭhi. Sammā passaṃ nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccatī”ti. Dutiyāṃ.

3. Ajjhattaanandikkhayasuttaṃ

158. “Cakkhuṃ, bhikkhave, yoniso manasi karotha; cakkhāniccataṇca yathābhūtaṃ samanupassatha. Cakkhuṃ, bhikkhave, bhikkhu yoniso manasikaronto, cakkhāniccataṇca yathābhūtaṃ samanupassanto cakkhusmimpi nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccati. Sotaṃ, bhikkhave, yoniso manasi karotha... ghānaṃ... jivhaṃ, bhikkhave, yoniso manasi karotha; jivhāniccataṇca yathābhūtaṃ samanupassatha. Jivhaṃ, bhikkhave, bhikkhu yoniso manasikaronto, jivhāniccataṇca yathābhūtaṃ samanupassanto jivhāyapi nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccati. Kāyaṃ... manaṃ, bhikkhave, yoniso manasi karotha; manāniccataṇca yathābhūtaṃ samanupassatha. Manaṃ, bhikkhave, bhikkhu yoniso manasikaronto, manāniccataṇca yathābhūtaṃ samanupassanto manasmimpi nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccatī”ti. Tatiyāṃ.

4. Bāhiraanandikkhayasuttaṃ

159. “Rūpe, bhikkhave, yoniso manasi karotha; rūpāniccataṇca yathābhūtaṃ samanupassatha. Rūpe, bhikkhave, bhikkhu yoniso manasikaronto, rūpāniccataṇca yathābhūtaṃ samanupassanto rūpesupi nibbindati. Nandikkhayā rāgakkhayo; rāgakkhayā nandikkhayo. Nandirāgakkhayā cittaṃ suvimuttanti vuccati. Sadde... gandhe... rase... phoṭṭhabbe... dhamme, bhikkhave, yoniso manasi karotha; dhammāniccataṇca yathābhūtaṃ samanupassatha. Dhamme, bhikkhave, bhikkhu yoniso manasikaronto, dhammāniccataṇca yathābhūtaṃ samanupassanto dhammesupi nibbindati. Nandikkhayā rāgakkhayo;

rāgakkhayā nandikkhayo. Nandirāgakkhayā cittaṃ suvimuttanti vuccatī”ti. Catuttham.

5. Jīvakambavanasamādhisuttaṃ

160. Ekaṃ samayaṃ bhagavā rājagahe viharati jīvakambavane. Tatra kho bhagavā bhikkhū āmantesi – “bhikkhavo”ti...pe... “samādhim, bhikkhave, bhāvētha. Samāhitassa, bhikkhave, bhikkhuno yathābhūtaṃ okkhāyati. Kiñca yathābhūtaṃ okkhāyati? Cakkhuṃ aniccanti yathābhūtaṃ okkhāyati, rūpā aniccāti yathābhūtaṃ okkhāyati, cakkhuviññāṇaṃ aniccanti yathābhūtaṃ okkhāyati, cakkhusamphasso aniccoti yathābhūtaṃ okkhāyati, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccanti yathābhūtaṃ okkhāyati...pe... jivhā aniccāti yathābhūtaṃ okkhāyati...pe... mano aniccoti yathābhūtaṃ okkhāyati, dhammā aniccāti yathābhūtaṃ okkhāyati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccanti yathābhūtaṃ okkhāyati. Samādhim, bhikkhave, bhāvētha. Samāhitassa, bhikkhave, bhikkhuno yathābhūtaṃ okkhāyati”ti. Pañcamaṃ.

6. Jīvakambavanapaṭisallānasuttaṃ

161. Ekaṃ samayaṃ bhagavā rājagahe viharati jīvakambavane. Tatra kho bhagavā bhikkhū āmantesi...pe... “paṭisallāne, bhikkhave, yogamāpajjatha. Paṭisallānassa, bhikkhave, bhikkhuno yathābhūtaṃ okkhāyati. Kiñca yathābhūtaṃ okkhāyati? Cakkhuṃ aniccanti yathābhūtaṃ okkhāyati, rūpā aniccāti yathābhūtaṃ okkhāyati, cakkhuviññāṇaṃ aniccanti yathābhūtaṃ okkhāyati, cakkhusamphasso aniccoti yathābhūtaṃ okkhāyati, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccanti yathābhūtaṃ okkhāyati...pe... mano aniccoti yathābhūtaṃ okkhāyati, dhammā... manoviññāṇaṃ... manosamphasso... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccanti yathābhūtaṃ okkhāyati. Paṭisallāne bhikkhave, yogamāpajjatha. Paṭisallānassa, bhikkhave, bhikkhuno yathābhūtaṃ okkhāyati”ti. Chaṭṭhaṃ.

7. Koṭṭhikaanicasuttaṃ

162. Atha kho āyasmā mahākoṭṭhiko yena bhagavā tenupasaṅkami...pe... ekamantaṃ nisinno kho āyasmā koṭṭhiko bhagavantaṃ etadavoca – “sādhu me, bhante, bhagavā saṃkhittena dhammaṃ desetu, yamaṃ bhagavato dhammaṃ sutvā eko vūpakaṭṭho appamatto ātāpī pahitatto vihareyya”nti.

“Yaṃ kho, koṭṭhika, aniccaṃ tatra te chando pahātabbo. Kiñca, koṭṭhika, aniccaṃ? Cakkhu kho, koṭṭhika, aniccaṃ; tatra te chando pahātabbo. Rūpā aniccā; tatra te chando pahātabbo. Cakkhuviññāṇaṃ aniccaṃ; tatra te chando pahātabbo. Cakkhusamphasso anicco; tatra te chando pahātabbo. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ; tatra te chando pahātabbo...pe... jivhā aniccā; tatra te chando pahātabbo. Rasā aniccā; tatra te chando pahātabbo. Jivhāviññāṇaṃ aniccaṃ; tatra te chando pahātabbo. Jivhāsamphasso anicco; tatra te chando pahātabbo. Yampidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ; tatra te chando pahātabbo...pe... mano anicco; tatra te chando pahātabbo. Dhammā aniccā; tatra te chando pahātabbo. Manoviññāṇaṃ aniccaṃ; tatra te chando pahātabbo. Manosamphasso anicco; tatra te chando pahātabbo. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ; tatra te chando pahātabbo. Yaṃ kho, koṭṭhika, aniccaṃ tatra te chando pahātabbo”ti. Sattamaṃ.

8. Koṭṭhikadukkhassuttaṃ

163. Atha kho āyasmā mahākoṭṭhiko...pe... bhagavantaṃ etadavoca – “sādhu me, bhante...pe... vihareyya”nti. “Yaṃ kho, koṭṭhika, dukkhaṃ tatra te chando pahātabbo. Kiñca, koṭṭhika, dukkhaṃ?

Cakkhu kho, koṭṭhika, dukkhaṃ; tatra te chando pahātabbo. Rūpā dukkhā; tatra te chando pahātabbo. Cakkhuviññāṇaṃ dukkhaṃ; tatra te chando pahātabbo. Cakkhusamphasso dukkho; tatra te chando pahātabbo. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhaṃ; tatra te chando pahātabbo...pe... jivhā dukkhā; tatra te chando pahātabbo...pe... mano dukkho; tatra te chando pahātabbo. Dhammā dukkhā; tatra te chando pahātabbo. Manoviññāṇaṃ dukkhaṃ; tatra te chando pahātabbo. Manosamphasso dukkho; tatra te chando pahātabbo. Yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhaṃ; tatra te chando pahātabbo. Yaṃ kho, koṭṭhika, dukkhaṃ tatra te chando pahātabbo”ti. Aṭṭhamaṃ.

9. Koṭṭhikaanattasuttaṃ

164. Ekamantaṃ...pe... vihareyyanti. “Yo kho, koṭṭhika, anattā tatra te chando pahātabbo. Ko ca, koṭṭhika, anattā? Cakkhu kho, koṭṭhika, anattā; tatra te chando pahātabbo. Rūpā anattā; tatra te chando pahātabbo. Cakkhuviññāṇaṃ anattā; tatra te chando pahātabbo. Cakkhusamphasso anattā; tatra te chando pahātabbo. Yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattā; tatra te chando pahātabbo ...pe... jivhā anattā; tatra te chando pahātabbo...pe... mano anattā; tatra te chando pahātabbo. Dhammā anattā; tatra te chando pahātabbo. Manoviññāṇaṃ... manosamphasso... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattā; tatra te chando pahātabbo. Yo kho, koṭṭhika, anattā, tatra te chando pahātabbo”ti. Navamaṃ.

10. Micchādiṭṭhipahānasuttaṃ

165. Atha kho aññataro bhikkhu yena bhagavā tenupasaṅkami...pe... ekamantaṃ nisinno so bhikkhu bhagavantaṃ etadavoca – “kathaṃ nu kho, bhante, jānato kathaṃ passato micchādiṭṭhi pahīyati”ti?

“Cakkhuṃ kho, bhikkhu, aniccato jānato passato micchādiṭṭhi pahīyati. Rūpe aniccato jānato passato micchādiṭṭhi pahīyati. Cakkhuviññāṇaṃ aniccato jānato passato micchādiṭṭhi pahīyati. Cakkhusamphassaṃ aniccato jānato passato micchādiṭṭhi pahīyati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccato jānato passato micchādiṭṭhi pahīyati. Evaṃ kho, bhikkhu, jānato evaṃ passato micchādiṭṭhi pahīyati”ti. Dasamaṃ.

11. Sakkāyadiṭṭhipahānasuttaṃ

166. Atha kho aññataro bhikkhu...pe... etadavoca – “kathaṃ nu kho, bhante, jānato kathaṃ passato sakkāyadiṭṭhi pahīyati”ti? “Cakkhuṃ kho, bhikkhu, dukkhato jānato passato sakkāyadiṭṭhi pahīyati. Rūpe dukkhato jānato passato sakkāyadiṭṭhi pahīyati. Cakkhuviññāṇaṃ dukkhato jānato passato sakkāyadiṭṭhi pahīyati. Cakkhusamphassaṃ dukkhato jānato passato sakkāyadiṭṭhi pahīyati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi dukkhato jānato passato sakkāyadiṭṭhi pahīyati. Evaṃ kho, bhikkhu, jānato evaṃ passato sakkāyadiṭṭhi pahīyati”ti. Ekādasamaṃ.

12. Attānudiṭṭhipahānasuttaṃ

167. Atha kho aññataro bhikkhu...pe... etadavoca – “kathaṃ nu kho, bhante, jānato kathaṃ passato attānudiṭṭhi pahīyati”ti? “Cakkhuṃ kho, bhikkhu, anattato jānato passato attānudiṭṭhi pahīyati. Rūpe anattato jānato passato attānudiṭṭhi pahīyati. Cakkhuviññāṇaṃ anattato jānato passato attānudiṭṭhi pahīyati. Cakkhusamphassaṃ anattato jānato passato attānudiṭṭhi pahīyati. Yampidaṃ

cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattato jānato passato attānudiṭṭhi pahīyati...pe... jivhaṃ anattato jānato passato attānudiṭṭhi pahīyati... pe... manañ anattato jānato passato attānudiṭṭhi pahīyati. Dhamme... manoviññāṇaṃ... manosamphassaṃ... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi anattato jānato passato attānudiṭṭhi pahīyatī’’ti. Dvādasamaṃ.

Nandikkhayavaggo soḷasamo.

Tassuddānaṃ –

Nandikkhayena cattāro, jīvakambavane duve;
Koṭṭhikena tayo vuttā, micchā sakkāya attanoti.

17. Saṭṭhipeyyālavaggo

1. Ajjhataaniccachandasuttaṃ

168. “Yaṃ, bhikkhave, aniccaṃ, tatra vo chando pahātabbo. Kiñca, bhikkhave, aniccaṃ? Cakkhu, bhikkhave, aniccaṃ; tatra vo chando pahātabbo...pe... jivhā aniccā; tatra vo chando pahātabbo...pe... mano anicco; tatra vo chando pahātabbo. Yaṃ, bhikkhave, aniccaṃ, tatra vo chando pahātabbo’’ti.

2. Ajjhataaniccarāgasuttaṃ

169. “Yaṃ, bhikkhave, aniccaṃ, tatra vo rāgo pahātabbo. Kiñca, bhikkhave, aniccaṃ? Cakkhu, bhikkhave, aniccaṃ; tatra vo rāgo pahātabbo...pe... jivhā aniccā; tatra vo rāgo pahātabbo...pe... mano anicco; tatra vo rāgo pahātabbo. Yaṃ, bhikkhave, aniccaṃ, tatra vo rāgo pahātabbo’’ti.

3. Ajjhataaniccachandarāgasuttaṃ

170. “Yaṃ, bhikkhave, aniccaṃ, tatra vo chandarāgo pahātabbo. Kiñca, bhikkhave, aniccaṃ? Cakkhu, bhikkhave, aniccaṃ; tatra vo chandarāgo pahātabbo...pe... jivhā aniccā; tatra vo chandarāgo pahātabbo...pe... mano anicco; tatra vo chandarāgo pahātabbo. Yaṃ, bhikkhave, aniccaṃ, tatra vo chandarāgo pahātabbo’’ti.

4-6. Dukkachandādisuttaṃ

171-173. “Yaṃ, bhikkhave, dukkhaṃ, tatra vo chando pahātabbo, rāgo pahātabbo, chandarāgo pahātabbo. Kiñca, bhikkhave, dukkhaṃ? Cakkhu, bhikkhave, dukkhaṃ; tatra vo chando pahātabbo, rāgo pahātabbo, chandarāgo pahātabbo...pe... jivhā dukkhā...pe... mano dukkho; tatra vo chando pahātabbo, rāgo pahātabbo, chandarāgo pahātabbo. Yaṃ, bhikkhave, dukkhaṃ tatra vo chando pahātabbo, rāgo pahātabbo, chandarāgo pahātabbo’’ti.

7-9. Anattachandādisuttaṃ

174-176. “Yo, bhikkhave, anattā, tatra vo chando pahātabbo, rāgo pahātabbo, chandarāgo pahātabbo. Ko ca, bhikkhave, anattā? Cakkhu, bhikkhave, anattā; tatra vo chando pahātabbo, rāgo pahātabbo, chandarāgo pahātabbo...pe... jivhā anattā; tatra vo chando pahātabbo, rāgo pahātabbo, chandarāgo pahātabbo...pe... mano anattā; tatra vo chando pahātabbo, rāgo pahātabbo, chandarāgo pahātabbo. Yo, bhikkhave, anattā tatra vo chando pahātabbo, rāgo pahātabbo, chandarāgo pahātabbo’’ti.

10-12. Bāhirāniccachandādisuttam

177-179. “Yaṃ, bhikkhave, aniccaṃ, tatra vo chando pahātabbo, rāgo pahātabbo, chandarāgo pahātabbo. Kiñca, bhikkhave, aniccaṃ? Rūpā, bhikkhave, aniccā; tatra vo chando pahātabbo, rāgo pahātabbo, chandarāgo pahātabbo. Saddā aniccā; tatra vo chando pahātabbo, rāgo pahātabbo, chandarāgo pahātabbo. Gandhā aniccā; tatra vo chando pahātabbo, rāgo pahātabbo, chandarāgo pahātabbo. Rasā aniccā; tatra vo chando pahātabbo, rāgo pahātabbo, chandarāgo pahātabbo. Phoṭṭhabbā aniccā; tatra vo chando pahātabbo, rāgo pahātabbo, chandarāgo pahātabbo. Dhammā aniccā; tatra vo chando pahātabbo, rāgo pahātabbo, chandarāgo pahātabbo. Yaṃ, bhikkhave, aniccaṃ tatra vo chando pahātabbo, rāgo pahātabbo, chandarāgo pahātabbo”ti.

13-15. Bāhiradukkhachandādisuttam

180-182. “Yaṃ, bhikkhave, dukkhaṃ, tatra vo chando pahātabbo, rāgo pahātabbo, chandarāgo pahātabbo. Kiñca, bhikkhave, dukkhaṃ? Rūpā, bhikkhave, dukkhā; tatra vo chando pahātabbo, rāgo pahātabbo, chandarāgo pahātabbo. Saddā... gandhā... rasā... phoṭṭhabbā... dhammā dukkhā; tatra vo chando pahātabbo, rāgo pahātabbo, chandarāgo pahātabbo. Yaṃ, bhikkhave, dukkhaṃ, tatra vo chando pahātabbo, rāgo pahātabbo, chandarāgo pahātabbo”ti.

16-18. Bāhirānattachandādisuttam

183-185. “Yo, bhikkhave, anattā, tatra vo chando pahātabbo, rāgo pahātabbo, chandarāgo pahātabbo. Ko ca, bhikkhave, anattā? Rūpā, bhikkhave, anattā; tatra vo chando pahātabbo, rāgo pahātabbo, chandarāgo pahātabbo. Saddā... gandhā... rasā... phoṭṭhabbā... dhammā anattā; tatra vo chando pahātabbo, rāgo pahātabbo, chandarāgo pahātabbo. Yo, bhikkhave, anattā tatra vo chando pahātabbo, rāgo pahātabbo, chandarāgo pahātabbo”ti.

19. Ajjhattātītanīccasuttam

186. “Cakkhu, bhikkhave, aniccaṃ atītaṃ...pe... jivhā aniccā atītā...pe... mano anicco atīto. Evaṃ passaṃ, bhikkhave, sutavā ariyasāvako cakkhusmimpi nibbindati...pe... jivhāyapi nibbindati...pe... manasmimpi nibbindati. Nibbindaṃ virajjati; virāgā vimuccati; vimuttasmim vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti”ti.

20. Ajjhattānāgatānīccasuttam

187. “Cakkhu, bhikkhave, aniccaṃ anāgataṃ...pe... jivhā aniccā anāgatā...pe... mano anicco anāgato. Evaṃ passaṃ...pe... nāparaṃ itthattāyāti pajānāti”ti.

21. Ajjhattapaccuppannānīccasuttam

188. “Cakkhu, bhikkhave, aniccaṃ paccuppannaṃ...pe... jivhā aniccā paccuppannā...pe... mano anicco paccuppanno. Evaṃ passaṃ...pe... nāparaṃ itthattāyāti pajānāti”ti.

22-24. Ajjhattātītādidukkhassuttam

189-191. “Cakkhu, bhikkhave, dukkhaṃ atītaṃ anāgataṃ paccuppannaṃ...pe... jivhā dukkhā atītā anāgatā paccuppannā...pe... mano dukkho atīto anāgato paccuppanno. Evaṃ passaṃ, bhikkhave...pe... nāparaṃ itthattāyāti pajānāti”ti.

25-27. Ajjhattātītāḍianattasuttaṃ

192-194. “Cakkhu, bhikkhave, anattā atītaṃ anāgataṃ paccuppannaṃ...pe... jivhā anattā...pe... mano anattā atīto anāgato paccuppanno. Evaṃ passaṃ...pe... nāparaṃ itthattāyāti pajānāti”ti.

28-30. Bāhirātītāḍianiccasuttaṃ

195-197. “Rūpā, bhikkhave, aniccā atīta anāgatā paccuppannā. Saddā... gandhā... rasā... phoṭṭhabbā... dhammā aniccā atīta anāgatā paccuppannā. Evaṃ passaṃ...pe... nāparaṃ itthattāyāti pajānāti”ti.

31-33. Bāhirātītāḍidukkkhasuttaṃ

198-200. “Rūpā, bhikkhave, dukkhā atīta anāgatā paccuppannā. Saddā... gandhā... rasā... phoṭṭhabbā... dhammā dukkhā atīta anāgatā paccuppannā. Evaṃ passaṃ...pe... nāparaṃ itthattāyāti pajānāti”ti.

34-36. Bāhirātītāḍianattasuttaṃ

201-203. “Rūpā, bhikkhave, anattā atīta anāgatā paccuppannā. Saddā... gandhā... rasā... phoṭṭhabbā... dhammā anattā atīta anāgatā paccuppannā. Evaṃ passaṃ...pe... nāparaṃ itthattāyāti pajānāti”ti.

37. Ajjhattātītayadaniccasuttaṃ

204. “Cakkhu, bhikkhave, aniccaṃ atītaṃ. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ...pe... jivhā aniccā atīta. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ...pe... mano anicco atīto. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ. Evaṃ passaṃ...pe... nāparaṃ itthattāyāti pajānāti”ti.

38. Ajjhattānāgatayadaniccasuttaṃ

205. “Cakkhu, bhikkhave, aniccaṃ anāgataṃ. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ...pe... jivhā aniccā anāgatā. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ...pe... mano anicco anāgato. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ. Evaṃ passaṃ, bhikkhave...pe... nāparaṃ itthattāyāti pajānāti”ti.

39. Ajjhattapaccuppannayadaniccasuttaṃ

206. “Cakkhu, bhikkhave, aniccaṃ paccuppannaṃ. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ...pe... jivhā aniccā paccuppannā. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ti evametaṃ yathābhūtaṃ sammappaññāya daṭṭhabbaṃ...pe... mano anicco paccuppanno. Yadaniccaṃ taṃ

dukkhaṃ. Yaṃ dukkhaṃ tadanattā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ ti.

40-42. Ajjhattātītādiyaṃdukkhasuttaṃ

207-209. ‘‘Cakkhu, bhikkhave, dukkhaṃ atītaṃ anāgataṃ paccuppannaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam...pe... jivhā dukkhā...pe... mano dukkho atīto anāgato paccuppanno. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ ti.

43-45. Ajjhattātītādiyanattasuttaṃ

210-212. ‘‘Cakkhu, bhikkhave, anattā atītaṃ anāgataṃ paccuppannaṃ. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam...pe... jivhā anattā...pe... mano anattā atīto anāgato paccuppanno. Yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ ti.

46-48. Bāhirātītādiyanattasuttaṃ

213-215. ‘‘Rūpā, bhikkhave, aniccā atītaṃ anāgatā paccuppannā. Yadaniccaṃ, taṃ dukkhaṃ. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Saddā... gandhā... rasā... phoṭṭhabbā... dhammā aniccā atītaṃ anāgatā paccuppannā. Yadaniccaṃ taṃ dukkhaṃ. Yaṃ dukkhaṃ tadanattā. Yadanattā taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ ti.

49-51. Bāhirātītādiyaṃdukkhasuttaṃ

216-218. ‘‘Rūpā, bhikkhave, dukkhā atītaṃ anāgatā paccuppannā. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Saddā... gandhā... rasā... phoṭṭhabbā... dhammā dukkhā atītaṃ anāgatā paccuppannā. Yaṃ dukkhaṃ, tadanattā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ ti.

52-54. Bāhirātītādiyanattasuttaṃ

219-221. ‘‘Rūpā, bhikkhave, anattā atītaṃ anāgatā paccuppannā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Saddā... gandhā... rasā... phoṭṭhabbā... dhammā anattā atītaṃ anāgatā paccuppannā. Yadanattā, taṃ ‘netam mama, nesohamasmi, na meso attā’ ti evametaṃ yathābhūtaṃ sammappaññāya daṭṭhabbam. Evaṃ passaṃ...pe... nāparaṃ itthattāyāti pajānāti’ ti.

55. Ajjhattāyatanaanattasuttaṃ

222. ‘‘Cakkhu, bhikkhave, aniccaṃ...pe... jivhā aniccā...pe... mano anicco. Evaṃ passaṃ...pe... nāparaṃ itthattāyāti pajānāti’ ti.

56. Ajjhattāyatana dukkhasuttaṃ

223. “Cakkhu, bhikkhave, dukkhaṃ...pe... jivhā dukkhā...pe... mano dukkho. Evaṃ passaṃ...pe... nāparaṃ itthattāyāti pajānāti”’ti.

57. Ajjhattāyatana anattasuttaṃ

224. “Cakkhu, bhikkhave, anattā...pe... jivhā anattā...pe... mano anattā. Evaṃ passaṃ...pe... nāparaṃ itthattāyāti pajānāti”’ti.

58. Bāhirāyatana aniccasuttaṃ

225. “Rūpā, bhikkhave, aniccā. Saddā... gandhā... rasā... phoṭṭhabbā... dhammā aniccā. Evaṃ passaṃ...pe... nāparaṃ itthattāyāti pajānāti”’ti.

59. Bāhirāyatana dukkhasuttaṃ

226. “Rūpā, bhikkhave, dukkhā. Saddā... gandhā... rasā... phoṭṭhabbā... dhammā dukkhā. Evaṃ passaṃ...pe... nāparaṃ itthattāyāti pajānāti”’ti.

60. Bāhirāyatana anattasuttaṃ

227. “Rūpā, bhikkhave, anattā. Saddā... gandhā... rasā... phoṭṭhabbā... dhammā anattā. Evaṃ passaṃ...pe... nāparaṃ itthattāyāti pajānāti”’ti.

Saṭṭhipeyyālavaggo sattarasamo.

Tassuddānaṃ –

Chandenaṭṭhārasa honti, atītena ca dve nava;
Yadaniccāṭṭhārasa vuttā, tayo ajjhatabāhirā;
Peyyālo saṭṭhiko vutto, buddhenādiccabandhunāti.
Suttantāni saṭṭhi.

18. Samuddavaggo

1. Paṭhamasamuddasuttaṃ

228. ““Samuddo, samuddo’ti, bhikkhave, assutavā puthujjano bhāsati. Neso, bhikkhave, ariyassa vinaye samuddo. Mahā eso, bhikkhave, udakarāsi mahāudakaṇṇavo. Cakkhu, bhikkhave, purisassa samuddo; tassa rūpamayo vego. Yo taṃ rūpamayaṃ vegaṃ sahati, ayaṃ vuccati, bhikkhave, atari cakkhusamuddaṃ saūmiṃ sāvaṭṭaṃ sagāhaṃ sarakkhasaṃ; tiṇṇo pāraṅgato thale tiṭṭhati brāhmaṇo...pe... jivhā, bhikkhave, purisassa samuddo; tassa rasamayo vego. Yo taṃ rasamayaṃ vegaṃ sahati, ayaṃ vuccati, bhikkhave, atari jivhāsamuddaṃ saūmiṃ sāvaṭṭaṃ sagāhaṃ sarakkhasaṃ; tiṇṇo pāraṅgato thale tiṭṭhati brāhmaṇo...pe... mano, bhikkhave, purisassa samuddo; tassa dhammamayo vego. Yo taṃ dhammamayaṃ vegaṃ sahati, ayaṃ vuccati, bhikkhave, atari manosamuddaṃ saūmiṃ sāvaṭṭaṃ sagāhaṃ sarakkhasaṃ; tiṇṇo pāraṅgato thale tiṭṭhati brāhmaṇo”’ti. Idamavoca...pe... sathā –

“Yo imaṃ samuddaṃ sagāhaṃ sarakkhasaṃ,
Saūmiṃ sāvaṭṭaṃ sabhayaṃ duttaraṃ accatari;

Sa vedagū vusitabrahmacariyo,
Lokantagū pārāgatoti vuccatī’ ti. paṭhamam;

2. Dutiyasamuddasuttam

229. “Samuddo, samuddo’ ti, bhikkhave, assutavā puthujjano bhāsati. Neso, bhikkhave, ariyassa vinaye samuddo. Mahā eso, bhikkhave, udakarāsi mahāudakaṇṇavo. Santi, bhikkhave, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Ayaṃ vuccati, bhikkhave, ariyassa vinaye samuddo. Etthāyaṃ sadevako loko samārako sabrahmako sassamaṇabrāhmaṇī pajā sadevamanussā yebhuyyena samunnā tantākulakajātā kulagaṇṭhikajātā [gulāguṇṭhikajātā (sī.), kulaguṇḍikajātā (syā. kaṃ.), guṇaguṇikajātā (pī.), kulāguṇḍikajātā (ka.)] muñjapabbajabhūtā, apāyaṃ duggatiṃ vinipātaṃ saṃsāraṃ nātivattati...pe....

“Santi, bhikkhave, jivhāvīññeyyā rasā...pe... santi, bhikkhave, manovīññeyyā dhammā iṭṭhā kantā manāpā piyarūpā kāmūpasamhitā rajanīyā. Ayaṃ vuccati, bhikkhave, ariyassa vinaye samuddo. Etthāyaṃ sadevako loko samārako sabrahmako sassamaṇabrāhmaṇī pajā sadevamanussā yebhuyyena samunnā tantākulakajātā kulagaṇṭhikajātā muñjapabbajabhūtā apāyaṃ duggatiṃ vinipātaṃ saṃsāraṃ nātivattati’ ti.

“Yassa rāgo ca doso ca, avijjā ca virājitā;
So imaṃ samuddaṃ sagāhaṃ sarakkhasaṃ, saūmibhayaṃ duttaraṃ accatari.

“Saṅgātigo maccujaho nirupadhi, pahāsi dukkhaṃ apunabbhavāya;
Atthaṅgato so na puneti [na pamāṇameti (sī. syā. kaṃ. pī.)], amohayī, maccurājanti brūmī’ ti.
dutiyaṃ;

3. Bālisikopamasuttam

230. “Seyyathāpi, bhikkhave, bālisiko āmisagatabāliṣaṃ gambhīre udakarahade pakkhipeyya. Tameṇaṃ aññataro āmisacakkhu maccho gileyya. Evañhi so, bhikkhave, maccho gilitaliṣo bālisikassa anayaṃ āpanno byasanaṃ āpanno yathākāmakaraṇīyo bālisikassa.

Evameva kho, bhikkhave, chayime baḷisā lokasmiṃ anayāya sattānaṃ vadhāya [byābādhāya (sī. pī.)] pāṇinaṃ. Katame cha? Santi, bhikkhave, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce, bhikkhu, abhinandati abhivadati ajjhosāya tiṭṭhati. Ayaṃ vuccati, bhikkhave, bhikkhu gilitaliṣo, mārassa anayaṃ āpanno byasanaṃ āpanno yathākāmakaraṇīyo pāpimato...pe... santi, bhikkhave, jivhāvīññeyyā rasā...pe....

Santi, bhikkhave, manovīññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce, bhikkhu, abhinandati abhivadati ajjhosāya tiṭṭhati. Ayaṃ vuccati, bhikkhave, bhikkhu gilitaliṣo mārassa anayaṃ āpanno byasanaṃ āpanno yathākāmakaraṇīyo pāpimato.

“Santi ca, bhikkhave, cakkhuvīññeyyā rūpā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati. Ayaṃ vuccati, bhikkhave, bhikkhu na gilitaliṣo mārassa abhedi baḷisaṃ paribhedi baḷisaṃ na anayaṃ āpanno na byasanaṃ āpanno na yathākāmakaraṇīyo pāpimato...pe....

“Santi, bhikkhave, jivhāvīññeyyā rasā...pe.... Santi, bhikkhave, manovīññeyyā dhammā iṭṭhā kantā manāpā piyarūpā kāmūpasamhitā rajanīyā. Tañce bhikkhu nābhinandati nābhivadati nājhosāya tiṭṭhati, ayaṃ vuccati, bhikkhave, bhikkhu na gilitaliṣo mārassa abhedi baḷisaṃ paribhedi baḷisaṃ na anayaṃ āpanno na byasanaṃ āpanno na yathākāmakaraṇīyo pāpimato’ ti. Tatiyaṃ.

4. Khīrarukkhopamasuttam

231. “Yassa kassaci, bhikkhave, bhikkhussa vā bhikkhuniyā vā cakkhuviññeyyesu rūpesu yo rāgo so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno tassa parittā cepi cakkhuviññeyyā rūpā cakkhussa āpātham āgacchanti pariyādiyantevassa cittaṃ; ko pana vādo adhimattānaṃ! Taṃ kissa hetu? Yo, bhikkhave, rāgo, so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno...pe....

“Yassa kassaci, bhikkhave, bhikkhussa vā bhikkhuniyā vā jivhāviññeyyesu rasesu yo rāgo so atthi...pe....

“Yassa kassaci, bhikkhave, bhikkhussa vā bhikkhuniyā vā manoviññeyyesu dhammesu yo rāgo so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno, tassa parittā cepi manoviññeyyā dhammā manassa āpātham āgacchanti pariyādiyantevassa cittaṃ; ko pana vādo adhimattānaṃ! Taṃ kissa hetu? Yo, bhikkhave, rāgo, so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno.

“Seyyathāpi, bhikkhave, khīrarukkho assattho vā nigrodho vā pilakkho vā udumbaro vā daharo taruṇo komārako. Tameṇaṃ puriso tiṇhāya kuṭhāriyā yato yato ābhindeyya [bhindeyya (syā. kam. sī. atṭha.), abhindeyya (katthaci)] āgaccheyya khīra’nti? “Evaṃ, bhante”. “Taṃ kissa hetu”? “Yañhi, bhante, khīraṃ taṃ atthi”ti.

“Evameva kho, bhikkhave, yassa kassaci bhikkhussa vā bhikkhuniyā vā cakkhuviññeyyesu rūpesu yo rāgo so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno, tassa parittā cepi cakkhuviññeyyā rūpā cakkhussa āpātham āgacchanti pariyādiyantevassa cittaṃ; ko pana vādo adhimattānaṃ! Taṃ kissa hetu? Yo, bhikkhave, rāgo so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno...pe....

“Yassa kassaci, bhikkhave, bhikkhussa vā bhikkhuniyā vā jivhāviññeyyesu rasesu yo rāgo so atthi...pe....

“Yassa kassaci, bhikkhave, bhikkhussa vā bhikkhuniyā vā manoviññeyyesu dhammesu yo rāgo so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno, tassa parittā cepi manoviññeyyā dhammā manassa āpātham āgacchanti pariyādiyantevassa cittaṃ; ko pana vādo adhimattānaṃ! Taṃ kissa hetu? Yo, bhikkhave, rāgo so atthi, yo doso so atthi, yo moho so atthi, yo rāgo so appahīno, yo doso so appahīno, yo moho so appahīno.

“Yassa kassaci, bhikkhave, bhikkhussa vā bhikkhuniyā vā cakkhuviññeyyesu rūpesu yo rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno, tassa adhimattā cepi cakkhuviññeyyā rūpā cakkhussa āpātham āgacchanti nevassa cittaṃ pariyādiyanti; ko pana vādo parittānaṃ! Taṃ kissa hetu? Yo, bhikkhave, rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno...pe....

“Yassa kassaci, bhikkhave, bhikkhussa vā bhikkhuniyā vā jivhāviññeyyesu rasesu...pe... manoviññeyyesu dhammesu yo rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno, tassa adhimattā cepi manoviññeyyā dhammā manassa āpātham āgacchanti nevassa cittaṃ pariyādiyanti; ko pana vādo parittānaṃ! Taṃ kissa hetu? Yo, bhikkhave, rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno. Seyyathāpi, bhikkhave, khīrarukkho assattho vā nigrodho vā pilakkho vā udumbaro vā sukko kolāpo terovassiko. Tameṇaṃ puriso tiṇhāya kuṭhāriyā yato yato ābhindeyya āgaccheyya khīra’nti? “No hetuṃ, bhante”. “Taṃ kissa hetu”? “Yañhi, bhante, khīraṃ taṃ natthi”ti.

“Evameva kho, bhikkhave, yassa kassaci bhikkhussa vā bhikkhuniyā vā cakkhuviññeyyesu rūpesu yo rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno, tassa adhimattā cepi cakkhuviññeyyā rūpā cakkhussa āpāthaṃ āgacchanti nevassa cittaṃ pariyādiyanti; ko pana vādo parittānaṃ! Taṃ kissa hetu? Yo, bhikkhave, rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno...pe....

“Yassa kassaci, bhikkhave, bhikkhussa vā bhikkhuniyā vā jivhāviññeyyesu rasesu...pe....

“Yassa kassaci, bhikkhave, bhikkhussa vā bhikkhuniyā vā manoviññeyyesu dhammesu yo rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno, tassa adhimattā cepi manoviññeyyā dhammā manassa āpāthaṃ āgacchanti, nevassa cittaṃ pariyādiyanti; ko pana vādo parittānaṃ! Taṃ kissa hetu? Yo, bhikkhave, rāgo so natthi, yo doso so natthi, yo moho so natthi, yo rāgo so pahīno, yo doso so pahīno, yo moho so pahīno’”ti. Catutthaṃ.

5. Koṭṭhikasuttaṃ

232. Ekaṃ samayaṃ āyasmā ca sārīputto āyasmā ca mahākoṭṭhiko bārāṇasiyaṃ viharanti isipatane migadāye. Atha kho āyasmā mahākoṭṭhiko sāyanhasamayaṃ paṭisallānā vuṭṭhito yenāyasmā sārīputto tenupasaṅkami; upasaṅkamitvā āyasmataṃ sārīputtena saddhiṃ sammodi. Sammodanīyaṃ kathaṃ sārāṇīyaṃ vītisāretvā ekamantaṃ nisīdi. Ekamantaṃ nisinno kho āyasmā mahākoṭṭhiko āyasmantaṃ sārīputtaṃ etadavoca –

“Kiṃ nu kho, āvuso sārīputta, cakkhu rūpānaṃ saṃyojanaṃ, rūpā cakkhussa saṃyojanaṃ...pe... jivhā rasānaṃ saṃyojanaṃ, rasā jivhāya saṃyojanaṃ ...pe... mano dhammānaṃ saṃyojanaṃ, dhammā manassa saṃyojana’”nti?

“Na kho, āvuso koṭṭhika, cakkhu rūpānaṃ saṃyojanaṃ, na rūpā cakkhussa saṃyojanaṃ. Yañca tattha tadubhayaṃ paṭicca uppajjati chandarāgo taṃ tattha saṃyojanaṃ...pe... na jivhā rasānaṃ saṃyojanaṃ, na rasā jivhāya saṃyojanaṃ. Yañca tattha tadubhayaṃ paṭicca uppajjati chandarāgo taṃ tattha saṃyojanaṃ...pe... na mano dhammānaṃ saṃyojanaṃ, na dhammā manassa saṃyojanaṃ. Yañca tattha tadubhayaṃ paṭicca uppajjati chandarāgo taṃ tattha saṃyojanaṃ.

“Seyyathāpi, āvuso, kāḷo ca balībaddo [balivaddo (sī. pī.), balibaddo (syā. kaṃ. ka.)] odāto ca balībaddo ekena dāmena vā yottena vā saṃyuttā assu. Yo nu kho evaṃ vadeyya – ‘kāḷo balībaddo odātassa balībaddassa saṃyojanaṃ, odāto balībaddo kāḷassa balībaddassa saṃyojana’nti, sammā nu kho so vadamāno vadeyyā’”ti? “No hetuṃ, āvuso”. “Na kho, āvuso, kāḷo balībaddo odātassa balībaddassa saṃyojanaṃ, na odāto balībaddo kāḷassa balībaddassa saṃyojanaṃ. Yena ca kho te ekena dāmena vā yottena vā saṃyuttā taṃ tattha saṃyojanaṃ.

“Evameva kho, āvuso, na cakkhu rūpānaṃ saṃyojanaṃ, na rūpā cakkhussa saṃyojanaṃ. Yañca tattha tadubhayaṃ paṭicca uppajjati chandarāgo taṃ tattha saṃyojanaṃ...pe... na jivhā rasānaṃ saṃyojanaṃ...pe... na mano dhammānaṃ saṃyojanaṃ, na dhammā manassa saṃyojanaṃ. Yañca tattha tadubhayaṃ paṭicca uppajjati chandarāgo, taṃ tattha saṃyojanaṃ.

“Cakkhu vā, āvuso, rūpānaṃ saṃyojanaṃ abhavissa, rūpā vā cakkhussa saṃyojanaṃ, nayidaṃ brahmacariyavāso paññāyetha [paññāyati (ka.)] sammā dukkhakkhayāya. Yasmā ca kho, āvuso, na cakkhu rūpānaṃ saṃyojanaṃ, na rūpā cakkhussa saṃyojanaṃ; yañca tattha tadubhayaṃ paṭicca uppajjati chandarāgo, taṃ tattha saṃyojanaṃ, tasmā brahmacariyavāso paññāyati sammā dukkhakkhayāya...pe....

“Jivhā, āvuso, rasānaṃ saṃyojanaṃ abhavissa, rasā vā jivhāya saṃyojanaṃ, nayidaṃ

brahmacariyavāso paññāyetha sammā dukkhakkhayāya. Yasmā ca kho, āvuso, na jivhā rasānaṃ saṃyojanaṃ, na rasā jivhāya saṃyojanaṃ; yañca tattha tadubhayaṃ paṭicca uppajjati chandarāgo, taṃ tattha saṃyojanaṃ, tasmā brahmacariyavāso paññāyati sammā dukkhakkhayāya...pe....

“Mano vā, āvuso, dhammānaṃ saṃyojanaṃ abhavissa, dhammā vā manassa saṃyojanaṃ, nayidaṃ brahmacariyavāso paññāyetha sammā dukkhakkhayāya. Yasmā ca kho, āvuso, na mano dhammānaṃ saṃyojanaṃ, na dhammā manassa saṃyojanaṃ; yañca tattha tadubhayaṃ paṭicca uppajjati chandarāgo, taṃ tattha saṃyojanaṃ, tasmā brahmacariyavāso paññāyati sammā dukkhakkhayāya.

“Imināpetam, āvuso, pariyāyena veditabbaṃ yathā na cakkhu rūpānaṃ saṃyojanaṃ, na rūpā cakkhussa saṃyojanaṃ. Yañca tattha tadubhayaṃ paṭicca uppajjati chandarāgo, taṃ tattha saṃyojanaṃ...pe... na jivhā rasānaṃ saṃyojanaṃ...pe... na mano dhammānaṃ saṃyojanaṃ, na dhammā manassa saṃyojanaṃ. Yañca tattha tadubhayaṃ paṭicca uppajjati chandarāgo, taṃ tattha saṃyojanaṃ.

“Saṃvijjati kho, āvuso, bhagavato cakkhu. Passati bhagavā cakkhunā rūpaṃ. Chandarāgo bhagavato natthi. Suvimuttacitto bhagavā. Saṃvijjati kho, āvuso, bhagavato sotam. Suṇāti bhagavā sotena saddaṃ. Chandarāgo bhagavato natthi. Suvimuttacitto bhagavā. Saṃvijjati kho, āvuso, bhagavato ghānaṃ. Ghāyati bhagavā ghānena gandhaṃ. Chandarāgo bhagavato natthi. Suvimuttacitto bhagavā. Saṃvijjati kho, āvuso, bhagavato jivhā. Sāyati bhagavā jivhāya rasaṃ. Chandarāgo bhagavato natthi. Suvimuttacitto bhagavā. Saṃvijjati kho, āvuso, bhagavato kāyo. Phusati bhagavā kāyena phoṭṭhabbaṃ. Chandarāgo bhagavato natthi. Suvimuttacitto bhagavā. Saṃvijjati kho, āvuso, bhagavato mano. Vijānāti bhagavā manasā dhammaṃ. Chandarāgo bhagavato natthi. Suvimuttacitto bhagavā.

“Iminā kho etaṃ, āvuso, pariyāyena veditabbaṃ yathā na cakkhu rūpānaṃ saṃyojanaṃ, na rūpā cakkhussa saṃyojanaṃ; yañca tattha tadubhayaṃ paṭicca uppajjati chandarāgo, taṃ tattha saṃyojanaṃ. Na sotam... na ghānaṃ... na jivhā rasānaṃ saṃyojanaṃ, na rasā jivhāya saṃyojanaṃ; yañca tattha tadubhayaṃ paṭicca uppajjati chandarāgo taṃ tattha saṃyojanaṃ. Na kāyo... na mano dhammānaṃ saṃyojanaṃ, na dhammā manassa saṃyojanaṃ; yañca tattha tadubhayaṃ paṭicca uppajjati chandarāgo, taṃ tattha saṃyojana’nti. Pañcamaṃ.

6. Kāmabhūsuttaṃ

233. Ekam samayaṃ āyasmā ca ānando āyasmā ca kāmabhū kosambiyam viharanti ghositarāme. Atha kho āyasmā kāmabhū sāyanhasamayaṃ paṭisallānā vuṭṭhito yenāyasmā ānando tenupasaṅkami; upasaṅkamitvā āyasmatā ānandena saddhiṃ sammodi. Sammodanīyam kathaṃ saraṇīyam vītisāretvā ekamantaṃ nisīdi. Ekamantaṃ nisinno kho āyasmā kāmabhū āyasmantaṃ ānandaṃ etadavoca –

“Kiṃ nu kho, āvuso ānanda, cakkhu rūpānaṃ saṃyojanaṃ, rūpā cakkhussa saṃyojanaṃ...pe... jivhā rasānaṃ saṃyojanaṃ, rasā jivhāya saṃyojanaṃ...pe... mano dhammānaṃ saṃyojanaṃ, dhammā manassa saṃyojana’nti?”

“Na kho, āvuso kāmabhū [[kāmabhu \(sī.\) moggallāne 65-ge vāti suttaṃ passitabbaṃ](#)], cakkhu rūpānaṃ saṃyojanaṃ, na rūpā cakkhussa saṃyojanaṃ. Yañca tattha tadubhayaṃ paṭicca uppajjati chandarāgo, taṃ tattha saṃyojanaṃ...pe... na jivhā rasānaṃ saṃyojanaṃ, na rasā jivhāya saṃyojanaṃ...pe... na mano dhammānaṃ saṃyojanaṃ, na dhammā manassa saṃyojanaṃ. Yañca tattha tadubhayaṃ paṭicca uppajjati chandarāgo taṃ tattha saṃyojanaṃ.

“Seyyathāpi, āvuso, kāḷo ca balībaddo odāto ca balībaddo ekena dāmena vā yottena vā saṃyuttā assu. Yo nu kho evaṃ vadeyya – ‘kāḷo balībaddo odātassa balībaddassa saṃyojanaṃ, odāto balībaddo kāḷassa balībaddassa saṃyojana’nti, sammā nu kho so vadamāno vadeyyā’”ti? “No hetam, āvuso”. “Na

kho, āvuso, kāḷo balībaddo odātassa balībaddassa saṃyojanam, napi odāto balībaddo kāḷassa balībaddassa saṃyojanam. Yena ca kho te ekena dāmena vā yottena vā saṃyuttā, taṃ tattha saṃyojanam. Evameva kho, āvuso, na cakkhu rūpānam saṃyojanam, na rūpā cakkhussa saṃyojanam... pe... na jivhā...pe... na mano...pe... yañca tattha tadubhayaṃ paṭicca uppajjati chandarāgo, taṃ tattha saṃyojana’’nti. Chaṭṭham.

7. Udāyīsuttam

234. Ekam samayaṃ āyasmā ca ānando āyasmā ca udāyī kosambiyam viharanti ghoṣitārāme. Atha kho āyasmā udāyī sāyanhasamayaṃ paṭisallānā vuṭṭhito yenāyasmā ānando tenupasaṅkami; upasaṅkamitvā āyasmatā ānandena saddhiṃ sammodi. Sammodaniyam katham saraṇiyam vītisāretvā ekamantaṃ nisīdī. Ekamantaṃ nisinno kho āyasmā udāyī āyasmantaṃ ānandaṃ etadavoca –

“Yatheva nu kho, āvuso ānanda, ayaṃ kāyo bhagavatā anekapariyāyena akkhāto vivaṇṇo pakāsito – ‘itipāyam kāyo anattā’ ti, sakkā evameva viññāṇam piḍaṃ ācikkhituṃ desetuṃ paññāpetuṃ paṭṭhapetuṃ vivarituṃ vibhajituṃ uttānīkātuṃ – ‘itipidaṃ viññāṇam anattā’’ ti?

“Yatheva kho, āvuso udāyī, ayaṃ kāyo bhagavatā anekapariyāyena akkhāto vivaṇṇo pakāsito – ‘itipāyam kāyo anattā’ ti, sakkā evameva viññāṇam piḍaṃ ācikkhituṃ desetuṃ paññāpetuṃ paṭṭhapetuṃ vivarituṃ vibhajituṃ uttānīkātuṃ – ‘itipidaṃ viññāṇam anattā’’ ti.

“Cakkhuñca, āvuso, paṭicca rūpe ca uppajjati cakkhuvīññāṇa’’nti? “Evamāvuso’’ti. “Yo cāvuso, hetu, yo ca paccayo cakkhuvīññāṇassa uppādāya, so ca hetu, so ca paccayo sabbena sabbam sabbathā sabbam aparisesaṃ nirujjheyya. Api nu kho cakkhuvīññāṇam paññāyethā’’ti? “No hetam, āvuso’’.” “Imināpi kho etaṃ, āvuso, pariāyena bhagavatā akkhātaṃ vivaṇṇam pakāsitaṃ – ‘itipidaṃ viññāṇam anattā’’ti...pe....

“Jivhañcāvuso, paṭicca rase ca uppajjati jivhāvīññāṇa’’nti? “Evamāvuso’’ti. “Yo cāvuso, hetu yo ca paccayo jivhāvīññāṇassa uppādāya, so ca hetu, so ca paccayo sabbena sabbam sabbathā sabbam aparisesaṃ nirujjheyya, api nu kho jivhāvīññāṇam paññāyethā’’ti? “No hetam, āvuso’’.” “Imināpi kho etaṃ, āvuso, pariāyena bhagavatā akkhātaṃ vivaṇṇam pakāsitaṃ – ‘itipidaṃ viññāṇam anattā’’ti...pe....

“Maññācāvuso, paṭicca dhamme ca uppajjati manovīññāṇa’’nti? “Evamāvuso’’ti. “Yo cāvuso, hetu, yo ca paccayo manovīññāṇassa uppādāya, so ca hetu, so ca paccayo sabbena sabbam sabbathā sabbam aparisesaṃ nirujjheyya, api nu kho manovīññāṇam paññāyethā’’ti? “No hetam, āvuso’’.” “Imināpi kho etaṃ, āvuso, pariāyena bhagavatā akkhātaṃ vivaṇṇam pakāsitaṃ – ‘itipidaṃ viññāṇam anattā’’ti.

“Seyyathāpi, āvuso, puriso sārattiko sārāgavesī sārāpariyesaṇam caramāno tiṇhaṃ kuṭhāriṃ ādāya vanaṃ paviseyya. So tattha passeyya mahantaṃ kadalikkhandhaṃ ujum navaṃ akukkukajātaṃ [akukkukajātaṃ (syā. kaṃ.), akukkukajātaṃ (ka.)]. Tameṇaṃ mūle chindeyya; mūle chetvā agge chindeyya; agge chetvā pattavaṭṭiṃ vinibbhujeyya [vinibbhujeyya (pī.), vinibbhajeyya (syā. kaṃ.)]. So tattha pheggumpi nādhigaccheyya, kuto sāraṃ! Evameva kho, āvuso, bhikkhu chasu phassāyatanesu nevattānaṃ na attaniyam samanupassati. So evaṃ asamanupassanto [evaṃ samanupassanto (syā. kaṃ. ka.)] na kiñci loke upādiyati. Anupādiyam na paritassati. Aparitassaṃ paccattaññeva parinibbāyati. ‘Khīṇā jāti, vusitaṃ brahmacariyam, kataṃ karaṇiyam, nāparaṃ itthattāyā’’ti pajānāti’’ti. Sattamaṃ.

8. Ādittapariyāyasuttam

235. “Ādittapariyāyam vo, bhikkhave, dhammapariyāyam desessāmi. Taṃ suṇātha. Katamo ca,

bhikkhave, ādittapariyāyo, dhammapariyāyo? Varam, bhikkhave, tattāya ayosalākāya ādittāya sampajjalitāya sajotibhūtāya [sañjotibhūtāya (syā. kaṃ.)] cakkhundriyaṃ sampalimaṭṭhaṃ, na tveva cakkhuvīññeyyesu rūpesu anubyañjanaso nimittaggāho. Nimittassādagathitaṃ [nimittassādagadhitaṃ (syā. kaṃ. ka.) ma. ni. 3.316-317] vā, bhikkhave, viññāṇaṃ tiṭṭhamānaṃ tiṭṭheyya, anubyañjanassādagathitaṃ vā tasmīñce samaye kālaṃ kareyya, ṭhānametaṃ vijjati, yaṃ dvinnaṃ gatīnaṃ aññataraṃ gatiṃ gaccheyya – nirayaṃ vā, tiracchānayoṇiṃ vā. Imaṃ khvāhaṃ, bhikkhave, ādīnavaṃ disvā evaṃ vadāmi.

“Varam, bhikkhave, tiṅhena ayosaṅkunā ādittena sampajjalitena sajotibhūtena sotindriyaṃ sampalimaṭṭhaṃ, na tveva sotaviññeyyesu saddesu anubyañjanaso nimittaggāho. Nimittassādagathitaṃ vā, bhikkhave, viññāṇaṃ tiṭṭhamānaṃ tiṭṭheyya, anubyañjanassādagathitaṃ vā tasmīñce samaye kālaṅkareyya, ṭhānametaṃ vijjati, yaṃ dvinnaṃ gatīnaṃ aññataraṃ gatiṃ gaccheyya – nirayaṃ vā tiracchānayoṇiṃ vā. Imaṃ khvāhaṃ, bhikkhave, ādīnavaṃ disvā evaṃ vadāmi.

“Varam, bhikkhave, tiṅhena nakhacchedanena ādittena sampajjalitena sajotibhūtena ghānindriyaṃ sampalimaṭṭhaṃ, na tveva ghānaviññeyyesu gandhesu anubyañjanaso nimittaggāho. Nimittassādagathitaṃ vā, bhikkhave, viññāṇaṃ tiṭṭhamānaṃ tiṭṭheyya, anubyañjanassādagathitaṃ vā tasmīñce samaye kālaṃ kareyya. Ṭhānametaṃ vijjati, yaṃ dvinnaṃ gatīnaṃ aññataraṃ gatiṃ gaccheyya – nirayaṃ vā tiracchānayoṇiṃ vā. Imaṃ khvāhaṃ, bhikkhave, ādīnavaṃ disvā evaṃ vadāmi.

“Varam, bhikkhave, tiṅhena khurena ādittena sampajjalitena sajotibhūtena jivhindriyaṃ sampalimaṭṭhaṃ, na tveva jivhāvīññeyyesu rasesu anubyañjanaso nimittaggāho. Nimittassādagathitaṃ vā, bhikkhave, viññāṇaṃ tiṭṭhamānaṃ tiṭṭheyya, anubyañjanassādagathitaṃ vā tasmīñce samaye kālaṃ kareyya. Ṭhānametaṃ vijjati, yaṃ dvinnaṃ gatīnaṃ aññataraṃ gatiṃ gaccheyya – nirayaṃ vā tiracchānayoṇiṃ vā. Imaṃ khvāhaṃ, bhikkhave, ādīnavaṃ disvā evaṃ vadāmi.

“Varam, bhikkhave, tiṅhāya sattiyā ādittāya sampajjalitāya sajotibhūtāya kāyindriyaṃ sampalimaṭṭhaṃ, na tveva kāyaviññeyyesu phoṭṭhabbesu anubyañjanaso nimittaggāho. Nimittassādagathitaṃ vā, bhikkhave, viññāṇaṃ tiṭṭhamānaṃ tiṭṭheyya, anubyañjanassādagathitaṃ vā tasmīñce samaye kālaṃ kareyya. Ṭhānametaṃ vijjati, yaṃ dvinnaṃ gatīnaṃ aññataraṃ gatiṃ gaccheyya – nirayaṃ vā tiracchānayoṇiṃ vā. Imaṃ khvāhaṃ, bhikkhave, ādīnavaṃ disvā evaṃ vadāmi.

“Varam, bhikkhave, sottaṃ. Sottaṃ kho panāhaṃ, bhikkhave, vañjhaṃ jīvitānaṃ vadāmi, aphalaṃ jīvitānaṃ vadāmi, momūhaṃ jīvitānaṃ vadāmi, na tveva tathārūpe vitakke vitakkeyya yathārūpānaṃ vitakkānaṃ vasaṃ gato saṅghaṃ bhindeyya. Imaṃ khvāhaṃ, bhikkhave, vañjhaṃ jīvitānaṃ ādīnavaṃ disvā evaṃ vadāmi.

“Tattha, bhikkhave, sutavā ariyasāvako iti paṭisañcikkhati – ‘tiṭṭhatu tāva tattāya ayosalākāya ādittāya sampajjalitāya sajotibhūtāya cakkhundriyaṃ sampalimaṭṭhaṃ. Handāhaṃ idameva manasi karomi – iti cakkhu aniccaṃ, rūpā aniccā, cakkhuvīññāṇaṃ aniccaṃ, cakkhusamphasso anicco, yampidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ’” [anicca’nti (?)].

“Tiṭṭhatu tāva tiṅhena ayosaṅkunā ādittena sampajjalitena sajotibhūtena sotindriyaṃ sampalimaṭṭhaṃ. Handāhaṃ idameva manasi karomi – iti sotaṃ aniccaṃ, saddā aniccā, sotaviññāṇaṃ aniccaṃ, sotasamphasso anicco, yampidaṃ sotasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ.

“Tiṭṭhatu tāva tiṅhena nakhacchedanena ādittena sampajjalitena sajotibhūtena ghānindriyaṃ sampalimaṭṭhaṃ. Handāhaṃ idameva manasi karomi – iti ghānaṃ aniccaṃ, gandhā aniccā, ghānaviññāṇaṃ aniccaṃ, ghānasamphasso anicco, yampidaṃ ghānasamphassapaccayā uppajjati

vedayitaṃ...pe... tampi aniccaṃ.

“Tiṭṭhatu tāva tiṅhena khurena ādittena sampajjalitena sajotibhūtena jivhindriyaṃ sampalimaṭṭhaṃ. Handāhaṃ idameva manasi karomi – iti jivhā aniccā, rasā aniccā, jivhāviññāṇaṃ aniccaṃ, jivhāsamphasso anicco, yampidaṃ jivhāsamphassapaccayā uppajjati...pe... tampi aniccaṃ.

“Tiṭṭhatu tāva tiṅhāya sattiya ādittāya sampajjalitāya sajotibhūtāya kāyindriyaṃ sampalimaṭṭhaṃ. Handāhaṃ idameva manasi karomi – iti kāyo anicco, phoṭṭhabbā aniccā, kāyaviññāṇaṃ aniccaṃ, kāyasamphasso anicco, yampidaṃ kāyasamphassapaccayā uppajjati vedayitaṃ...pe... tampi aniccaṃ.

“Tiṭṭhatu tāva sottaṃ. Handāhaṃ idameva manasi karomi – iti mano anicco, dhammā aniccā, manoviññāṇaṃ aniccaṃ, manosamphasso anicco, yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi aniccaṃ”.

“Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuvīññāṇepi nibbindati, cakkhusamphassepi nibbindati...pe... yampidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti. Ayaṃ kho, bhikkhave, ādittapariyāyo, dhammapariyāyo” ti. Aṭṭhamāṃ.

9. Paṭhamahatthapādopamasuttaṃ

236. “Hatthesu, bhikkhave, sati ādānanikkhepanaṃ paññāyati; pādesu sati abhikkamapaṭikkamo paññāyati; pabbesu sati samiñjanapasāraṇaṃ paññāyati; kucchismiṃ sati jighacchā pipāsā paññāyati. Evameva kho, bhikkhave, cakkhusmiṃ sati cakkhusamphassapaccayā uppajjati ajjhataṃ sukhaṃ dukkhaṃ...pe... jivhāya sati jivhāsamphassapaccayā uppajjati ajjhataṃ sukhaṃ dukkhaṃ...pe... manasmimṃ sati manosamphassapaccayā uppajjati ajjhataṃ sukhaṃ dukkhaṃ...pe....

“Hatthesu, bhikkhave, asati ādānanikkhepanaṃ na paññāyati; pādesu asati abhikkamapaṭikkamo na paññāyati; pabbesu asati samiñjanapasāraṇaṃ na paññāyati; kucchismiṃ asati jighacchā pipāsā na paññāyati. Evameva kho, bhikkhave, cakkhusmiṃ asati cakkhusamphassapaccayā nuppajjati ajjhataṃ sukhaṃ dukkhaṃ...pe... jivhāya asati jivhāsamphassapaccayā nuppajjati...pe... manasmimṃ asati manosamphassapaccayā nuppajjati ajjhataṃ sukhaṃ dukkha” nti. Navamaṃ.

10. Dutiyahatthapādopamasuttaṃ

237. “Hatthesu, bhikkhave, sati ādānanikkhepanaṃ hoti; pādesu sati abhikkamapaṭikkamo hoti; pabbesu sati samiñjanapasāraṇaṃ hoti; kucchismiṃ sati jighacchā pipāsā hoti. Evameva kho, bhikkhave, cakkhusmiṃ sati cakkhusamphassapaccayā uppajjati ajjhataṃ sukhaṃ dukkhaṃ...pe... jivhāya sati... pe... manasmimṃ sati manosamphassapaccayā uppajjati ajjhataṃ sukhaṃ dukkhaṃ...pe....

“Hatthesu, bhikkhave, asati ādānanikkhepanaṃ na hoti; pādesu asati abhikkamapaṭikkamo na hoti; pabbesu asati samiñjanapasāraṇaṃ na hoti; kucchismiṃ asati jighacchā pipāsā na hoti. Evameva kho, bhikkhave, cakkhusmiṃ asati cakkhusamphassapaccayā nuppajjati ajjhataṃ sukhaṃ dukkhaṃ...pe... jivhāya asati jivhāsamphassapaccayā nuppajjati...pe... manasmimṃ asati manosamphassapaccayā nuppajjati ajjhataṃ sukhaṃ dukkha” nti. Dasamaṃ.

Samuddavaggo aṭṭharasamo.

Tassuddānaṃ –

Dve samuddā bāḷisiko, khīrarukkhena koṭṭhiko;
Kāmbhū udāyī ceva, ādittena ca aṭṭhamam;
Hatthapādūpamā dveti, vaggo tena pavuccaṭṭi.

19. Āsīvisavaggo

1. Āsīvisopamasuttaṃ

238. “Seyyathāpi, bhikkhave, cattāro āsīvisā uggatejā ghoravisā. Atha puriso āgaccheyya jīvitukāmo amaritukāmo sukhakāmo dukkhappaṭikūlo. Tamenam evam vadeyyum – ‘ime te, ambho purisa, cattāro āsīvisā uggatejā ghoravisā kālena kālam vuṭṭhāpetabbā, kālena kālam nhāpetabbā, kālena kālam bhojetabbā, kālena kālam saṃvesetabbā [pavesetabbā (syā. kaṃ. pī. ka.)]. Yadā ca kho te, ambho purisa, imesam catunnam āsīvisānam uggatejānam ghoravisānam aññataro vā aññataro vā kuppissati, tato tvam, ambho purisa, maraṇam vā nigacchasi, maraṇamattam vā dukkham. Yam te, ambho purisa, karaṇīyam tam karohi’”ti.

“Atha kho so, bhikkhave, puriso bhīto catunnam āsīvisānam uggatejānam ghoravisānam yena vā tena vā palāyetha. Tamenam evam vadeyyum – ‘ime kho, ambho purisa, pañca vadhakā paccatthikā piṭṭhito piṭṭhito anubandhā, yattheva nam passissāma tattheva jīvitā voropessāmāti. Yam te, ambho purisa, karaṇīyam tam karohi’”ti.

“Atha kho so, bhikkhave, puriso bhīto catunnam āsīvisānam uggatejānam ghoravisānam, bhīto pañcannam vadhakānam paccatthikānam yena vā tena vā palāyetha. Tamenam evam vadeyyum – ‘ayam te, ambho purisa, chaṭṭho antaracaro vadhako ukkhittāsiko piṭṭhito piṭṭhito anubandho yattheva nam passissāmi tattheva siro pātesāmāti. Yam te, ambho purisa, karaṇīyam tam karohi’”ti.

“Atha kho so, bhikkhave, puriso bhīto catunnam āsīvisānam uggatejānam ghoravisānam, bhīto pañcannam vadhakānam paccatthikānam, bhīto chaṭṭhassa antaracarassa vadhakassa ukkhittāsikassa yena vā tena vā palāyetha. So passeyya suññaṃ gāmaṃ. Yaññadeva gharam paviseyya rittakaññeva paviseyya tucchakaññeva paviseyya suññakaññeva paviseyya. Yaññadeva bhājanam parimaseyya rittakaññeva parimaseyya tucchakaññeva parimaseyya suññakaññeva parimaseyya. Tamenam evam vadeyyum – ‘idāni, ambho purisa, imam suññaṃ gāmaṃ corā gāmaghātakā pavisanti [vadhissanti (sī. pī.)]. Yam te, ambho purisa, karaṇīyam tam karohi’”ti.

“Atha kho so, bhikkhave, puriso bhīto catunnam āsīvisānam uggatejānam ghoravisānam, bhīto pañcannam vadhakānam paccatthikānam, bhīto chaṭṭhassa antaracarassa vadhakassa ukkhittāsikassa, bhīto corānam gāmaghātakānam yena vā tena vā palāyetha. So passeyya mahantaṃ udakaṇṇavam orimaṃ tīraṃ sāsaṅkaṃ sappatibhayam, pārimaṃ tīraṃ khemaṃ appatibhayam. Na cassa nāvā santāraṇī uttarasetu vā apārā pāraṃ gamanāya. Atha kho, bhikkhave, tassa purisassa evamassa – ‘ayam kho mahāudakaṇṇavo orimaṃ tīraṃ sāsaṅkaṃ sappatibhayam, pārimaṃ tīraṃ khemaṃ appatibhayam, natthi ca [na cassa (sī. ka.), natthassa (syā. kaṃ.)] nāvā santāraṇī uttarasetu vā apārā pāraṃ gamanāya. Yamnūnāham tiṇakaṭṭhasākhāpalāsam saṃkaḍḍhitvā kullam bandhitvā tam kullam nissāya hatthehi ca pādehi ca vāyamamāno sotthinā pāraṃ gaccheyya’”nti.

“Atha kho so, bhikkhave, puriso tiṇakaṭṭhasākhāpalāsam saṃkaḍḍhitvā kullam bandhitvā tam kullam nissāya hatthehi ca pādehi ca vāyamamāno sotthinā pāraṃ gaccheyya, tiṇṇo pāraṅgato [pāragato (sī. syā. kaṃ.)] thale tiṭṭhati brāhmaṇo.

“Upamā kho myāyam, bhikkhave, katā atthassa viññāpanāya. Ayañcetha [ayam cevettha (sī.)] attho – cattāro āsīvisā uggatejā ghoravisāti kho, bhikkhave, catunnetam mahābhūtānam adhivacanam – pathavīdhātuyā, āpodhātuyā, tejodhātuyā, vāyodhātuyā.

“Pañca vadhakā paccatthikāti kho, bhikkhave, pañcannetaṃ upādānakkhandhānaṃ adhivacanaṃ, seyyathidaṃ – rūpupādānakkhandhassa, vedanupādānakkhandhassa, saññupādānakkhandhassa, saṅkhārupādānakkhandhassa, viññāṇupādānakkhandhassa.

“Chaṭṭho antaracaro vadhako ukkhittāsikoti kho, bhikkhave, nandīrāgassetāṃ adhivacanaṃ.

“Suñño gāmoti kho, bhikkhave, channetaṃ ajjhattikānaṃ āyatanānaṃ adhivacanaṃ. Cakkhuto cepi naṃ, bhikkhave, paṇḍito byatto medhāvī upaparikkhati rittakaññeva khāyati, tucchakaññeva khāyati, suññakaññeva khāyati...pe... jivhāto cepi naṃ, bhikkhave...pe... manato cepi naṃ, bhikkhave, paṇḍito byatto medhāvī upaparikkhati rittakaññeva khāyati, tucchakaññeva khāyati, suññakaññeva khāyati.

“Corā gāmaghātakāti kho, bhikkhave, channetaṃ bāhirānaṃ āyatanānaṃ adhivacanaṃ. Cakkhu, bhikkhave, haññati manāpāmanāpesu rūpesu; sotāṃ, bhikkhave...pe... ghānaṃ, bhikkhave...pe... jivhā, bhikkhave, haññati manāpāmanāpesu rasesu; kāyo, bhikkhave...pe... mano, bhikkhave, haññati manāpāmanāpesu dhammesu.

“Mahā udakaṇṇavoti kho, bhikkhave, catunnetāṃ oghānaṃ adhivacanaṃ – kāmoghassa, bhavoghassa, diṭṭhoghassa, avijjoghassa.

“Orimaṃ tīraṃ sāsaṅkaṃ sappaṭibhayanti kho, bhikkhave, sakkāyassetāṃ adhivacanaṃ.

“Pārimaṃ tīraṃ khemaṃ appaṭibhayanti kho, bhikkhave, nibbānassetāṃ adhivacanaṃ.

“Kullanti kho, bhikkhave, ariyassetāṃ aṭṭhaṅgikassa maggassa adhivacanaṃ, seyyathidaṃ – sammādiṭṭhi...pe... sammāsamādhī.

“Tassa hatthehi ca pādehi ca vāyāmoti kho, bhikkhave, vīriyārambhassetāṃ adhivacanaṃ.

“Tiṇṇo pāraṅgato thale tiṭṭhati brāhmaṇoti kho, bhikkhave, arahato etaṃ adhivacana”’nti. Paṭhamaṃ.

2. Rathopamasuttaṃ

239. “Tīhi, bhikkhave, dhammehi samannāgato bhikkhu diṭṭheva dhamme sukhasomanassabahulo viharati, yoni cassa āradhā hoti āsavānaṃ khayāya. Katamehi tīhi? Indriyesu guttadvāro hoti, bhojane mattaññū, jāgariyaṃ anuyutto.

“Kathaṅca, bhikkhave, bhikkhu indriyesu guttadvāro hoti? Idha, bhikkhave, bhikkhu cakkhunā rūpaṃ dīsvā na nimittaggāhī hoti, nānubyañjanaggāhī; yatvādhikaraṇaṃ cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ. Tassa saṃvarāya paṭipajjati; rakkhati cakkhundriyaṃ; cakkhundriye saṃvaramā āpajjati. Sotena saddaṃ sutvā... ghānena gandhaṃ ghāyitvā... jivhāya rasaṃ sāyitvā... kāyena phoṭṭhabbaṃ phusitvā... manasā dhammaṃ viññāya na nimittaggāhī hoti nānubyañjanaggāhī; yatvādhikaraṇaṃ manindriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjati; rakkhati manindriyaṃ; manindriye saṃvaramā āpajjati. Seyyathāpi, bhikkhave, subhūmiyaṃ cātumahāpathe ājaññaratho yutto assa ṭhito odhastapatodo [odhatapatodo (syā. kaṃ.), odhasatapatodo (pī.)]. Tameṃ dakkho yoggācariyo assadammasārathi abhiruhitvā vāmena hatthena rasmiyo gahetvā, dakkhiṇena hatthena patodaṃ gahetvā, yenicchakaṃ yadicchakaṃ sāreyyapi paccāsāreyyapi. Evameva kho, bhikkhave, bhikkhu imesaṃ channaṃ indriyānaṃ ārakkhāya sikkhati, saṃyamāya sikkhati, damāya sikkhati, upasamāya sikkhati. Evaṃ kho, bhikkhave, bhikkhu indriyesu guttadvāro hoti.

“Kathañca, bhikkhave, bhikkhu bhojane mattaññū hoti? Idha, bhikkhave, bhikkhu paṭisañkhā yoniso āhāraṃ āhāreti – ‘neva davāya, na madāya, na mañḍanāya, na vibhūsanāya, yāvadeva imassa kāyassa ṭhitiyā, yāpanāya, vihiṃsūparatiyā, brahmacariyānuggahāya, iti purāṇaṇca vedanaṃ paṭihañkhāmi, navañca vedanaṃ na uppādessāmi, yātrā ca me bhavissati, anavajjatā ca phāsuvihāro cā’ti. Seyyathāpi, bhikkhave, puriso vaṇaṃ ālimpeyya yāvadeva rohanatthāya [ropanatthāya (sī. pī.), sevanatthāya (syā. kaṃ.), gopanatthāya (ka.)], seyyathā vā pana akkhaṃ abbhañjeyya yāvadeva bhārassa nittharaṇatthāya; evaṃ kho, bhikkhave, bhikkhu paṭisañkhā yoniso āhāraṃ āhāreti – ‘neva davāya, na madāya, na mañḍanāya, na vibhūsanāya, yāvadeva imassa kāyassa ṭhitiyā, yāpanāya, vihiṃsūparatiyā, brahmacariyānuggahāya, iti purāṇaṇca vedanaṃ paṭihañkhāmi, navañca vedanaṃ na uppādessāmi, yātrā ca me bhavissati, anavajjatā ca phāsuvihāro cā’ti. Evaṃ kho, bhikkhave, bhikkhu bhojane mattaññū hoti.

“Kathañca, bhikkhave, bhikkhu jāgariyaṃ anuyutto hoti? Idha, bhikkhave, bhikkhu divasaṃ caṅkamaṇa nisajjāya āvaraṇīyehi dhammehi cittaṃ parisodheti. Rattiyā paṭhamaṃ yāmaṃ caṅkamaṇa nisajjāya āvaraṇīyehi dhammehi cittaṃ parisodheti. Rattiyā majjhimaṃ yāmaṃ dakkhiṇena passena sihaseyyaṃ kappeti pāde pādaṃ accādhāya sato sampajāno uttāhāsaññaṃ manasi karitvā. Rattiyā pacchimaṃ yāmaṃ paccuṭṭhāya caṅkamaṇa nisajjāya āvaraṇīyehi dhammehi cittaṃ parisodheti. Evaṃ kho, bhikkhave, bhikkhu jāgariyaṃ anuyutto hoti. Imehi kho, bhikkhave, tīhi dhammehi samannāgato bhikkhu diṭṭheva dhamme sukhasomanassabahulo viharati, yoni cassa āraddhā hoti āsavānaṃ khayāyā’ti. Dutiyāṃ.

3. Kummopamasuttaṃ

240. “Bhūtapubbaṃ, bhikkhave, kummo kacchapo sāyanhasamayaṃ anunadītīre gocarapasuto ahoṣi. Siṅgālopi [siṅgālopi (sī. syā. kaṃ. pī.)] kho, bhikkhave, sāyanhasamayaṃ anunadītīre gocarapasuto ahoṣi. Addasā kho, bhikkhave, kummo kacchapo siṅgālaṃ dūratova gocarapasutaṃ. Disvāna soṇḍipaṇcamāni aṅgāni sake kapāle samodahitvā appossukko tuṅhībhūto sañkasāyati. Siṅgālopi kho, bhikkhave, addasa kummaṃ kacchapaṃ dūratova gocarapasutaṃ. Disvāna yena kummo kacchapo tenupasaṅkami; upasaṅkamitvā kummaṃ kacchapaṃ paccupaṭṭhito ahoṣi – ‘yadāyaṃ kummo kacchapo soṇḍipaṇcamānaṃ aṅgānaṃ aññataraṃ vā aññataraṃ vā aṅgaṃ abhininnāmessati, tattheva naṃ gahetvā uddālītva khādissāmi’ti. Yadā kho, bhikkhave, kummo kacchapo soṇḍipaṇcamānaṃ aṅgānaṃ aññataraṃ vā aññataraṃ vā aṅgaṃ na abhininnāmi, atha siṅgālo kummamhā nibbijja pakkāmi, otāraṃ alabhamāno.

“Evameva kho, bhikkhave, tumhepi māro pāpimā satataṃ samitaṃ paccupaṭṭhito – ‘appeva nāmāhaṃ imesaṃ cakkhuto vā otāraṃ labheyyaṃ...pe... jivhāto vā otāraṃ labheyyaṃ...pe... manato vā otāraṃ labheyya’nti. Tasmātiha, bhikkhave, indriyesu guttadvārā viharatha. Cakkhunā rūpaṃ disvā mā nimittaggāhino ahuvattha, mā anubyañjanaggāhino. Yatvādhikaraṇameṇaṃ cakkhundriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjatha, rakkhatha cakkhundriyaṃ, cakkhundriye saṃvaram āpajjatha. Sotena saddaṃ sutvā... ghānena gandhaṃ ghāyitvā... jivhāya rasaṃ sāyitvā... kāyena phoṭṭhabbaṃ phusitvā... manasā dhammaṃ viññāya mā nimittaggāhino ahuvattha, mā anubyañjanaggāhino. Yatvādhikaraṇameṇaṃ manindriyaṃ asaṃvutaṃ viharantaṃ abhijjhādomanassā pāpakā akusalā dhammā anvāssaveyyuṃ, tassa saṃvarāya paṭipajjatha, rakkhatha manindriyaṃ, manindriye saṃvaram āpajjatha. Yato tumhe, bhikkhave, indriyesu guttadvārā viharissatha, atha tumhepi māro pāpimā nibbijja pakkamissati, otāraṃ alabhamāno – kummamhāva siṅgālo’ti.

“Kummo aṅgāni sake kapāle,
Samodahaṃ bhikkhu manovitaṅke;
Anissito aññamahetṭhāyāno,
Parinibbuto nūpavadeyya kañcī’ti. tatiyaṃ;

4. Paṭhamadārukkhandhopamasuttaṃ

241. Ekaṃ samayaṃ bhagavā kosambiyaṃ viharati gaṅgāya nadiyā tīre. Addasā kho bhagavā mahantaṃ dārukkhandhaṃ gaṅgāya nadiyā sotena vuyhamānaṃ. Disvāna bhikkhū āmantesi – “passatha no tumhe, bhikkhave, amuṃ mahantaṃ dārukkhandhaṃ gaṅgāya nadiyā sotena vuyhamāna”nti? “Evaṃ, bhante”. “Sace so, bhikkhave, dārukkhandho na orimaṃ tīraṃ upagacchati, na pārimaṃ tīraṃ upagacchati, na majjhe saṃsīdissati, na thale ussīdissati, na manussaggāho gahessati, na amanussaggāho gahessati, na āvaṭṭaggāho gahessati, na antopūti bhavissati; evañhi so, bhikkhave, dārukkhandho samuddaninno bhavissati samuddapoṇo samuddapabbhāro. Taṃ kissa hetu? Samuddaninno, bhikkhave, gaṅgāya nadiyā soto samuddapoṇo samuddapabbhāro.

“Evameva kho, bhikkhave, sace tumhepi na orimaṃ tīraṃ upagacchatha, na pārimaṃ tīraṃ upagacchatha; na majjhe saṃsīdissatha, na thale ussīdissatha, na manussaggāho gahessati, na amanussaggāho gahessati, na āvaṭṭaggāho gahessati, na antopūti bhavissatha; evaṃ tumhe, bhikkhave, nibbānaninnā bhavissatha nibbānaṇa nibbānapabbhārā. Taṃ kissa hetu? Nibbānaninnā, bhikkhave, sammādiṭṭhi nibbānaṇa nibbānapabbhārā”ti. Evaṃ vutte, aññataro bhikkhu bhagavantaṃ etadavoca – “kiṃ nu kho, bhante, orimaṃ tīraṃ, kiṃ pārimaṃ tīraṃ, ko majjhe saṃsādo [samsādo (ka.), saṃsādito (syā. kaṃ.)], ko thale ussādo, ko manussaggāho, ko amanussaggāho, ko āvaṭṭaggāho, ko antopūtibhāvo”ti?

““Orimaṃ tīra”nti kho, bhikkhu, channaṃ aṅgharikaṃ āyatanānaṃ adhivacanaṃ. ‘Pārimaṃ tīra’nti kho, bhikkhu, channaṃ bāhirānaṃ āyatanānaṃ adhivacanaṃ. ‘Majjhe saṃsādo’ti kho, bhikkhu, nandīrāgassetānaṃ adhivacanaṃ. ‘Thale ussādo’ti kho, bhikkhu, asmimānassetānaṃ adhivacanaṃ.

“Katamo ca, bhikkhu, manussaggāho? Idha, bhikkhu, gihīhi saṃsaṭṭho [gihisaṃsaṭṭho (ka.)] viharati, sahanandī sahasokī, sukhitesu sukhitō, dukkhitesu dukkhito, uppannesu kiccakaraṇīyesu attanā tesu yogaṃ āpajjati. Ayaṃ vuccati, bhikkhu, manussaggāho.

“Katamo ca, bhikkhu, amanussaggāho? Idha, bhikkhu, ekacco aññataraṃ devanikāyaṃ paṇidhāya brahmacariyaṃ carati – ‘imināhaṃ sīlena vā vatena vā tapena vā brahmacariyena vā devo vā bhavissāmi devaññataro vā’ti. Ayaṃ vuccati, bhikkhu, amanussaggāho. ‘Āvaṭṭaggāho’ti kho, bhikkhu, pañcannaṃ kāmagaṇānaṃ adhivacanaṃ.

“Katamo ca, bhikkhu, antopūtibhāvo? Idha, bhikkhu, ekacco dussīlo hoti pāpadhammo asucisaṅkassarasamācāro paṭicchannakammanto assamaṇo samaṇapaṭiñño abrahmacārī brahmacāripaṭiñño antopūti avassuto kasambujāto. Ayaṃ vuccati, bhikkhu, ‘antopūtibhāvo’”ti.

Tena kho pana samayena nando gopālako bhagavato avidūre ṭhito hoti. Atha kho nando gopālako bhagavantaṃ etadavoca – “ahaṃ kho, bhante, na orimaṃ tīraṃ upagacchāmi, na pārimaṃ tīraṃ upagacchāmi, na majjhe saṃsīdissāmi, na thale ussīdissāmi, na maṃ manussaggāho gahessati, na amanussaggāho gahessati, na āvaṭṭaggāho gahessati, na antopūti bhavissāmi. Labheyyāhaṃ, bhante, bhagavato santike pabbajjaṃ, labheyyaṃ upasampada”nti. “Tena hi tvam, nanda, sāmikānaṃ gāvo niyyātehi”ti [niyyādehīti (sī.), niyyādehīti (syā. kaṃ. pī.)]. “Gamissanti, bhante, gāvo vacchagiddhīniyo”ti. “Niyāteheva tvam, nanda, sāmikānaṃ gāvo”ti. Atha kho nando gopālako sāmikānaṃ gāvo niyyāteṭvā yena bhagavā tenupasaṅkami; upasaṅkamitvā bhagavantaṃ etadavoca – “niyyātītā [niyyātī (syā. kaṃ. ka. sī. aṭṭha.)], bhante, sāmikānaṃ gāvo. Labheyyāhaṃ, bhante, bhagavato santike pabbajjaṃ, labheyyaṃ upasampada”nti. Alatta kho nando gopālako bhagavato santike pabbajjaṃ, alatta upasampadaṃ. Acirūpasampanno ca panāyasmā nando eko vūpakaṭṭho... pe... aññataro ca panāyasmā nando arahataṃ ahoṣīti. Catutthaṃ.

5. Dutiyadārukkhandhopamasuttaṃ

242. Ekaṃ samayaṃ bhagavā kimilāyaṃ [kimbilāyaṃ (sī. pī.), kimmilāyaṃ (syā. kaṃ.)] viharati

gaṅgāya nadiyā tīre. Addasā kho bhagavā mahantaṃ dārukkhandhaṃ gaṅgāya nadiyā sotena vuyhamānaṃ. Disvāna bhikkhū āmantesi – “passatha no tumhe, bhikkhave, amuṃ mahantaṃ dārukkhandhaṃ gaṅgāya nadiyā sotena vuyhamāna”nti? “Evaṃ bhante”...pe... evaṃ vutte, āyasmā kimilo bhagavantaṃ etadavoca – kiṃ nu kho, bhante, orimaṃ tīraṃ...pe... katamo ca, kimila, antopūtibhāvo. Idha, kimila, bhikkhu aññataraṃ saṃkiliṭṭhaṃ āpattiṃ āpanno hoti yathārūpāya āpattiyā na vuṭṭhānaṃ paññāyati. Ayaṃ vuccati, kimila, antopūtibhāvoti. Pañcamaṃ.

6. Avassutapariyāyasuttaṃ

243. Ekaṃ samayaṃ bhagavā sakkesu viharati kapilavatthusmiṃ nigrodhārāme. Tena kho pana samayena kāpilavattavānaṃ sakyānaṃ navamaṃ santhāgāraṃ [sandhāgāraṃ (ka.)] acirakāritaṃ hoti anajjhāvutṭhaṃ [anajjhāvutṭhaṃ (sī. syā. kaṃ. pī.)] samaṇena vā brāhmaṇena vā kenaci vā manussabhūtena. Atha kho kāpilavattavā sakyā yena bhagavā tenupasaṅkamiṃsu; upasaṅkamitvā bhagavantaṃ abhivādetvā ekamantaṃ nisīdiṃsu. Ekamantaṃ nisinnā kho kāpilavattavā sakyā bhagavantaṃ etadavocaṃ – “idha, bhante, kāpilavattavānaṃ sakyānaṃ navamaṃ santhāgāraṃ acirakāritaṃ [acirakāritaṃ hoti (ka.)] anajjhāvutṭhaṃ samaṇena vā brāhmaṇena vā kenaci vā manussabhūtena. Taṃ, bhante, bhagavā paṭhamaṃ paribhuñjatu. Bhagavatā paṭhamaṃ paribhuttaṃ pacchā kāpilavattavā sakyā paribhuñjissanti. Tadassa kāpilavattavānaṃ sakyānaṃ dīgharattaṃ hitāya sukhāyā”ti. Adhivāsesi bhagavā tuṇhībhāvena.

Atha kho kāpilavattavā sakyā bhagavato adhivāsaṇaṃ viditvā utṭhāyāsanaṃ bhagavantaṃ abhivādetvā padakkhiṇaṃ katvā yena navamaṃ santhāgāraṃ tenupasaṅkamiṃsu; upasaṅkamitvā sabbasanthariṃ [sabbasanthariṃ santhataṃ (ka.)] santhāgāraṃ santharivā āsanāni paññāpetvā udakamaṇikaṃ patiṭṭhāpetvā telappadīpaṃ āropetvā yena bhagavā tenupasaṅkamiṃsu; upasaṅkamitvā bhagavantaṃ etadavocaṃ – “sabbasantharisanthataṃ [sabbasanthariṃ santhataṃ (sī. pī. ka.)], bhante, santhāgāraṃ, āsanāni paññattāni, udakamaṇiko patiṭṭhāpito, telappadīpo āropito. Yassa dāni, bhante, bhagavā kālaṃ maññati”ti. Atha kho bhagavā nivāsetvā pattacīvaramādāya saddhiṃ bhikkhusaṅghena yena navamaṃ santhāgāraṃ tenupasaṅkami; upasaṅkamitvā pāde pakkhāletvā santhāgāraṃ pavisitvā majjhimaṃ thambhaṃ nissāya puratthābhimukho nisīdi. Bhikkhusaṅghopi kho pāde pakkhāletvā santhāgāraṃ pavisitvā pacchimaṃ bhittiṃ nissāya puratthābhimukho nisīdi bhagavantaṃ ye va purakkhatvā. Kāpilavattavā sakyā pāde pakkhāletvā santhāgāraṃ pavisitvā puratthimaṃ bhittiṃ nissāya pacchimābhimukhā nisīdiṃsu bhagavantaṃ ye va purakkhatvā. Atha kho bhagavā kāpilavattave sakye bahudeva rattiṃ dhammiyā kathāya sandassetvā samādapetvā samuttejetvā sampahaṃsetvā uyyojesi – “abhikkantā kho, gotamā, ratti. Yassa dāni kālaṃ maññathā”ti. “Evaṃ, bhante”ti kho kāpilavattavā sakyā bhagavato paṭissutvā utṭhāyāsanaṃ bhagavantaṃ abhivādetvā padakkhiṇaṃ katvā pakkamiṃsu.

Atha kho bhagavā acirapakkantesu kāpilavattavesu sakyesu āyasmantaṃ mahāmoggallānaṃ āmantesi – “vigatathinamidhho kho, moggallāna, bhikkhusaṅgho. Paṭibhātu taṃ, moggallāna, bhikkhūnaṃ dhammī kathā. Piṭṭhi me āgilāyati; tamahaṃ āyamissāmi”ti. “Evaṃ, bhante”ti kho āyasmā mahāmoggallāno bhagavato paccassosi. Atha kho bhagavā catugguṇaṃ saṅghātiṃ paññāpetvā dakkhiṇena passena sīhaseyyaṃ kappesi, pāde pādaṃ accādhāya, sato sampajāno utṭhānasaññaṃ manasi karitvā. Tatra kho āyasmā mahāmoggallāno bhikkhū āmantesi – “āvuso bhikkhave”ti. “Āvuso”ti kho te bhikkhū āyasmato mahāmoggallānassa paccassosum. Āyasmā mahāmoggallāno etadavoca – “avassutapariyāyaṇca vo, āvuso, desessāmi, anavassutapariyāyaṇca. Taṃ suṇātha, sādhukaṃ manasi karotha; bhāsissāmi”ti. “Evaṃāvuso”ti kho te bhikkhū āyasmato mahāmoggallānassa paccassosum. Āyasmā mahāmoggallāno etadavoca –

“Kathaṃ, āvuso, avassuto hoti? Idhāvuso, bhikkhu cakkhunā rūpaṃ disvā piyarūpe rūpe adhimuccati, appiyarūpe rūpe byāpajjati, anupatṭhitakāyassati viharati parittacetaso, taṇca cetovimuttiṃ paññāvimuttiṃ yathābhūtaṃ nappajānāti yathassa te uppānā pāpakā akusalā dhammā aparisesā

nirujjhanti ...pe... jivhāya rasaṃ sāyitvā...pe... manasā dhammaṃ viññāya piyarūpe dhamme adhimuccati, appiyarūpe dhamme byāpajjati, anupaṭṭhitakāyassati ca viharati parittacetaso, tañca cetovimuttiṃ paññāvimuttiṃ yathābhūtaṃ nappajānāti yatthassa te uppannā pāpakā akusalā dhammā aparisesā nirujjhanti. Ayaṃ vuccati, āvuso, bhikkhu avassuto cakkhuvīññeyyesu rūpesu...pe... avassuto jivhāvīññeyyesu rasesu...pe... avassuto manovīññeyyesu dhammesu. Evaṃvihāriṇīcāvuso, bhikkhuṃ cakkhuto cepi naṃ māro upasaṅkamati labhateva māro otāraṃ, labhati māro ārammaṇaṃ...pe... jivhāto cepi naṃ māro upasaṅkamati, labhateva [labhetha (ka.)] māro otāraṃ, labhati [labhetha (ka.)] māro ārammaṇaṃ...pe... manato cepi naṃ māro upasaṅkamati, labhateva māro otāraṃ, labhati māro ārammaṇaṃ.

“Seyyathāpi, āvuso, naḷāgāraṃ vā tiṇāgāraṃ vā sukkhaṃ kolāpaṃ terovassikaṃ. Puratthimāya cepi naṃ disāya puriso ādittāya tiṇukkāya upasaṅkameyya, labhetha [labhetha (ka.)] aggi otāraṃ, labhetha aggi ārammaṇaṃ; pacchimāya cepi naṃ disāya puriso ādittāya tiṇukkāya upasaṅkameyya...pe... uttarāya cepi naṃ disāya...pe... dakkhiṇāya cepi naṃ disāya...pe... heṭṭhimato cepi naṃ...pe... uparimato cepi naṃ... yato kutoci cepi naṃ puriso ādittāya tiṇukkāya upasaṅkameyya, labhetha aggi otāraṃ labhetha aggi ārammaṇaṃ. Evameva kho, āvuso, evaṃvihāriṇī bhikkhuṃ cakkhuto cepi naṃ māro upasaṅkamati, labhateva māro otāraṃ, labhati māro ārammaṇaṃ...pe... jivhāto cepi naṃ māro upasaṅkamati...pe... manato cepi naṃ māro upasaṅkamati, labhateva māro otāraṃ, labhati māro ārammaṇaṃ. Evaṃvihāriṇīcāvuso, bhikkhuṃ rūpā adhibhaṃsu, na bhikkhu rūpe adhibhosi; saddā bhikkhuṃ adhibhaṃsu, na bhikkhu sadde adhibhosi; gandhā bhikkhuṃ adhibhaṃsu, na bhikkhu gandhe adhibhosi; rasā bhikkhuṃ adhibhaṃsu, na bhikkhu rase adhibhosi; phoṭṭhabbā bhikkhuṃ adhibhaṃsu, na bhikkhu phoṭṭhabbe adhibhosi; dhammā bhikkhuṃ adhibhaṃsu, na bhikkhu dhamme adhibhosi. Ayaṃ vuccatāvuso, bhikkhu rūpādhibhūto, saddādhibhūto, gandhādhibhūto, rasādhibhūto, phoṭṭhabbādhibhūto, dhammādhibhūto, adhibhūto, anadhibhū, [anadhibhūto (sī. syā. kaṃ. ka.)] adhibhaṃsu naṃ pāpakā akusalā dhammā saṃkilesikā ponobbhavikā sadarā dukkhavipākā āyatim jātijarāmarañiyā. Evaṃ kho, āvuso, avassuto hoti.

“Kathaṇīcāvuso, anavassuto hoti? Idhāvuso, bhikkhu cakkhunā rūpaṃ disvā piyarūpe rūpe nādhimuccati, appiyarūpe rūpe na byāpajjati, upaṭṭhitakāyassati ca viharati appamañacetaso, tañca cetovimuttiṃ paññāvimuttiṃ yathābhūtaṃ pajānāti yatthassa te uppannā pāpakā akusalā dhammā aparisesā nirujjhanti...pe... jivhāya rasaṃ sāyitvā...pe... manasā dhammaṃ viññāya piyarūpe dhamme nādhimuccati, appiyarūpe dhamme na byāpajjati, upaṭṭhitakāyassati ca viharati appamañacetaso, tañca cetovimuttiṃ paññāvimuttiṃ yathābhūtaṃ pajānāti yatthassa te uppannā pāpakā akusalā dhammā aparisesā nirujjhanti. Ayaṃ vuccatāvuso, bhikkhu anavassuto cakkhuvīññeyyesu rūpesu...pe... anavassuto manovīññeyyesu dhammesu. Evaṃvihāriṇīcāvuso, bhikkhuṃ cakkhuto cepi naṃ māro upasaṅkamati, neva labhati māro otāraṃ, na labhati māro ārammaṇaṃ...pe... jivhāto cepi naṃ māro upasaṅkamati...pe... manato cepi naṃ māro upasaṅkamati, neva labhati māro otāraṃ, na labhati māro ārammaṇaṃ.

“Seyyathāpi, āvuso, kūṭāgāraṃ vā sālā vā bahalamattikā addāvalepanā. Puratthimāya cepi naṃ disāya puriso ādittāya tiṇukkāya upasaṅkameyya, neva labhetha aggi otāraṃ, na labhetha aggi ārammaṇaṃ...pe... pacchimāya cepi naṃ... uttarāya cepi naṃ... dakkhiṇāya cepi naṃ... heṭṭhimato cepi naṃ... uparimato cepi naṃ... yato kutoci cepi naṃ puriso ādittāya tiṇukkāya upasaṅkameyya, neva labhetha aggi otāraṃ, na labhetha aggi ārammaṇaṃ. Evameva kho, āvuso, evaṃvihāriṇī bhikkhuṃ cakkhuto cepi naṃ māro upasaṅkamati, neva labhati māro otāraṃ, na labhati māro ārammaṇaṃ...pe... manato cepi naṃ māro upasaṅkamati, neva labhati māro otāraṃ, na labhati māro ārammaṇaṃ. Evaṃvihāri cāvuso, bhikkhu rūpe adhibhosi, na rūpā bhikkhuṃ adhibhaṃsu; sadde bhikkhu adhibhosi, na saddā bhikkhuṃ adhibhaṃsu; gandhe bhikkhu adhibhosi, na gandhā bhikkhuṃ adhibhaṃsu; rase bhikkhu adhibhosi, na rasā bhikkhuṃ adhibhaṃsu; phoṭṭhabbe bhikkhu adhibhosi, na phoṭṭhabbā bhikkhuṃ adhibhaṃsu; dhamme bhikkhu adhibhosi, na dhammā bhikkhuṃ adhibhaṃsu. Ayaṃ vuccatāvuso, bhikkhu rūpādhibhū, saddādhibhū, gandhādhibhū, rasādhibhū, phoṭṭhabbādhibhū,

dhammādhībū, adhibhū, anadhībūto [\[anadhībūto kehici kilesehi \(ka.\)\]](#), adhibhosi te pāpake akusale dhamme saṃkilesike ponobbhavike sadare dukkhavipāke āyatim jātijarāmaṇiye. Evaṃ kho, āvuso, anavassuto hotī”ti.

Atha kho bhagavā vuṭṭhahitvā āyasmantaṃ mahāmoggallānaṃ āmantesi – “sādhu sādhu, moggallāna! Sādhu kho tvaṃ, moggallāna, bhikkhūnaṃ avassutapariyāyaṇca anavassutapariyāyaṇca abhāsī”ti.

Idamavoca āyasmā mahāmoggallāno. Samanuñño satthā ahoṣi. Attamanā te bhikkhū āyasmato mahāmoggallānassa bhāsitaṃ abhinandunti. Chaṭṭhaṃ.

7. Dukkhadhammasuttaṃ

244. Yato kho, bhikkhave, bhikkhu sabbesaṃyeva dukkhadhammānaṃ samudayaṇca atthaṅgamaṇca yathābhūtaṃ pajānāti. Tathā kho panassa kāmā diṭṭhā honti, yathāssa kāme passato, yo kāmesu kāmacchando kāmasneho kāmamucchā kāmāpariḷāho, so nānuseti. Tathā kho panassa cāro ca vihāro ca anubuddho hoti, yathā carantaṃ viharantaṃ abhijjhādomanassā pāpakā akusalā dhammā nānuseti.

“Kathaṇca, bhikkhave, bhikkhu sabbesaṃyeva dukkhadhammānaṃ samudayaṇca atthaṅgamaṇca yathābhūtaṃ pajānāti? ‘Iti rūpaṃ, iti rūpassa samudayo, iti rūpassa atthaṅgamo; iti vedanā... iti saññā... iti saṅkhārā... iti viññānaṃ, iti viññānaṃ samudayo, iti viññānaṃ atthaṅgamo’ti – evaṃ kho, bhikkhave, bhikkhu sabbesaṃyeva dukkhadhammānaṃ samudayaṇca atthaṅgamaṇca yathābhūtaṃ pajānāti.

“Kathaṇca, bhikkhave, bhikkhuno kāmā diṭṭhā honti? Yathāssa kāme passato, yo kāmesu kāmacchando kāmasneho kāmamucchā kāmāpariḷāho, so nānuseti. Seyyathāpi, bhikkhave, āṅgārakāsu sādhipaporisā puṇṇā āṅgārānaṃ vītaccikānaṃ vītadhūmānaṃ. Atha puriso āgaccheyya jīvitukāmo amaritukāmo sukhakāmo dukkhapaṭikūlo. Tameṇaṃ dve balavanto purisā nānābhāsu gahetvā, taṃ āṅgārakāsuṃ upakaḍḍheyyaṃ. So iticīteva kāyaṃ sannāmeyya. Taṃ kissa hetu? Ñāta [\[ñānaṃ \(ka.\)\]](#) ñhi, bhikkhave, tassa purisassa [\[purisassa hoti \(sī. syā. kaṃ. pī.\)\]](#), [\[purisassa hetu hoti \(ka.\) ma. ni. 2.45\]](#) imaṃ cāhaṃ āṅgārakāsuṃ papatissāmi, tatonidānaṃ maraṇaṃ vā nigacchissāmi maraṇamattaṃ vā dukkhanti. Evameva kho, bhikkhave, bhikkhuno āṅgārakāsūpamā kāmā diṭṭhā honti, yathāssa kāme passato, yo kāmesu kāmacchando kāmasneho kāmamucchā kāmāpariḷāho, so nānuseti.

“Kathaṇca, bhikkhave, bhikkhuno cāro ca vihāro ca anubuddho hoti, yathā carantaṃ viharantaṃ abhijjhādomanassā pāpakā akusalā dhammā nānuseti [\[nānuseti \(ka.\)\]](#)? Seyyathāpi, bhikkhave, puriso bahukaṇṭakaṃ dāyaṃ paviseyya. Tassa puratopi kaṇṭako, pacchatopi kaṇṭako, uttaratopi kaṇṭako, dakkhiṇatopi kaṇṭako, heṭṭhatopi kaṇṭako, uparitopi kaṇṭako. So satova abhikkameyya, satova paṭikkameyya – ‘mā maṃ kaṇṭako’ti. Evameva kho, bhikkhave, yaṃ loke piyarūpaṃ sātārūpaṃ, ayaṃ vuccati ariyassa vinaye kaṇṭako”ti. Iti viditvā [\[kaṇḍako. taṃ kaṇḍakoti iti viditvā \(sī.\)\]](#) saṃvaro ca asaṃvaro ca vedītabbo.

“Kathaṇca, bhikkhave, asaṃvaro hoti? Idha, bhikkhave, bhikkhu cakkhunā rūpaṃ disvā piyarūpe rūpe adhimuccati, appiyarūpe rūpe byāpajjati, anupaṭṭhitakāyassati ca viharati parittacetaso, taṇca cetovimuttiṃ paññāvimuttiṃ yathābhūtaṃ nappajānāti, yatthassa te uppannā pāpakā akusalā dhammā aparisesā nirujjhanti...pe... jivhāya rasaṃ sāyitvā...pe... manasā dhammaṃ viññāya piyarūpe dhamme adhimuccati, appiyarūpe dhamme byāpajjati, anupaṭṭhitakāyassati ca viharati parittacetaso, taṇca cetovimuttiṃ paññāvimuttiṃ yathābhūtaṃ nappajānāti yatthassa te uppannā pāpakā akusalā dhammā aparisesā nirujjhanti. Evaṃ kho, bhikkhave, asaṃvaro hoti.

“Kathañca, bhikkhave, saṃvaro hoti? Idha, bhikkhave, bhikkhu cakkhunā rūpaṃ disvā piyarūpe rūpe nādhimuccati, appiyarūpe rūpe na byāpajjati, upaṭṭhitakāyassati ca viharati appamañacetaso, tañca cetovimuttiṃ paññāvimuttiṃ yathābhūtaṃ pajānāti, yatthassa te uppannā pāpakā akusalā dhammā aparisesā nirujjhanti...pe... jivhā rasaṃ sāyitvā...pe... manasā dhammaṃ viññāya piyarūpe dhamme nādhimuccati, appiyarūpe dhamme na byāpajjati, upaṭṭhitakāyassati ca viharati appamañacetaso, tañca cetovimuttiṃ paññāvimuttiṃ yathābhūtaṃ pajānāti, yatthassa te uppannā pāpakā akusalā dhammā aparisesā nirujjhanti. Evaṃ kho, bhikkhave, saṃvaro hoti.

“Tassa ce, bhikkhave, bhikkhuno evaṃ carato evaṃ viharato kadāci karahaci satisammosā uppajjanti, pāpakā akusalā sarasaṅkappā saṃyojanīyā, dandho, bhikkhave, satuppādo. Atha kho naṃ khippameva pajahati vinodeti byantīkaroti anabhāvaṃ gameti.

“Seyyathāpi, bhikkhave, puriso divasaṃsantatte [divasasantatte (sī.)] ayokaṭāhe dve vā tīṇi vā udakaphusitāni nipāteyya. Dandho, bhikkhave, udakaphusitānaṃ nipāto, atha kho naṃ khippameva parikkhayaṃ pariyādānaṃ gaccheyya. Evameva kho, bhikkhave, tassa ce bhikkhuno evaṃ carato, evaṃ viharato kadāci karahaci satisammosā uppajjanti pāpakā akusalā sarasaṅkappā saṃyojanīyā, dandho, bhikkhave, satuppādo. Atha kho naṃ khippameva pajahati vinodeti byantīkaroti anabhāvaṃ gameti. Evaṃ kho, bhikkhave, bhikkhuno cāro ca vihāro ca anubuddho hoti; yathā carantaṃ viharantaṃ abhihādomanassā pāpakā akusalā dhammā nānussavanti. Tañce, bhikkhave, bhikkhuṃ evaṃ carantaṃ evaṃ viharantaṃ rājāno vā rājamahāmatā vā mittā vā amaccā vā ñātī vā sālohitā vā, bhogehi abhihaṭṭhuṃ pavāreyyuṃ – ‘ehi [evaṃ (sī.)], bho purisa, kiṃ te ime kāsāvā anudahanti, kiṃ muṇḍo kapālanucarasi, ehi hīnāyāvattitvā bhoge ca bhuñjassu, puññāni ca karohī’ ti. So vata, bhikkhave, bhikkhu evaṃ caranto evaṃ viharanto sikkhaṃ paccakkhāya hīnāyāvattissatīti netam ṭhānaṃ vijjati.

“Seyyathāpi, bhikkhave, gaṅgā nadī pācīnaninnā pācīnapoṇā pācīnapabbhārā. Atha mahājanakāyo āgaccheyya kuddāla-pīṭakaṃ ādāya – ‘mayaṃ imaṃ gaṅgaṃ nadiṃ pacchāninnaṃ karissāma pacchāpoṇaṃ pacchāpabbhārā’nti. Taṃ kiṃ maññatha, bhikkhave, api nu kho so mahājanakāyo gaṅgaṃ nadiṃ pacchāninnaṃ kareyya pacchāpoṇaṃ pacchāpabbhārā’nti? “No hetam, bhante”. “Taṃ kissa hetu”? “Gaṅgā, bhante, nadī pācīnaninnā pācīnapoṇā pācīnapabbhārā; sā na sukarā pacchāninnā kātuṃ pacchāpoṇā pacchāpabbhārā. Yāvadeva ca pana so mahājanakāyo kilamathassa vighātassa bhāgī assā’ ti. “Evameva kho, bhikkhave, tañce bhikkhuṃ evaṃ carantaṃ evaṃ viharantaṃ rājāno vā rājamahāmatā vā mittā vā amaccā vā ñātī vā sālohitā vā bhogehi abhihaṭṭhuṃ pavāreyyuṃ – ‘ehi, bho purisa, kiṃ te ime kāsāvā anudahanti, kiṃ muṇḍo kapālanucarasi, ehi hīnāyāvattitvā bhoge ca bhuñjassu, puññāni ca karohī’ ti. So vata, bhikkhave, bhikkhu evaṃ caranto evaṃ viharanto sikkhaṃ paccakkhāya hīnāyāvattissatīti netam ṭhānaṃ vijjati. Taṃ kissa hetu? Yañhi taṃ, bhikkhave, cittaṃ dīgharattaṃ vivekaninnaṃ vivekaṇaṃ vivekapabbhāraṃ, tathā [kañca (syā. kaṃ. ka.)] hīnāyāvattissatīti netam ṭhānaṃ vijjati’ ti. Sattamaṃ.

8. Kiṃsukopamasuttaṃ

245. Atha kho aññataro bhikkhu yenaññataro bhikkhu tenupasaṅkami; upasaṅkamtivā taṃ bhikkhuṃ etadavoca – “kittāvatā nu kho, āvuso, bhikkhuno dassanaṃ suvisuddhaṃ hotī’ ti? “Yato kho, āvuso, bhikkhu channaṃ phassāyatanānaṃ samudayañca atthaṅgamañca yathābhūtaṃ pajānāti, ettāvatā kho, āvuso, bhikkhuno dassanaṃ suvisuddhaṃ hotī’ ti.

Atha kho so bhikkhu asantuṭṭho tassa bhikkhussa pañhaveyyākaraṇena [pañhāveyyākaraṇena (syā. kaṃ. ka.)], yenaññataro bhikkhu tenupasaṅkami; upasaṅkamtivā taṃ bhikkhuṃ etadavoca – “kittāvatā nu kho, āvuso, bhikkhuno dassanaṃ suvisuddhaṃ hotī’ ti? “Yato kho, āvuso, bhikkhu pañcannaṃ upādānakkhandhānaṃ samudayañca atthaṅgamañca yathābhūtaṃ pajānāti, ettāvatā kho, āvuso, bhikkhuno dassanaṃ suvisuddhaṃ hotī’ ti.

Atha kho so bhikkhu asantuṭṭho tassa bhikkhussa pañhaveyyākaraṇena, yenaññataro bhikkhu tenupasaṅkami; upasaṅkamitvā taṃ bhikkhuṃ etadavoca – “kittāvatā nu kho, āvuso, bhikkhuno dassanaṃ suvisuddhaṃ hotī”ti? “Yato kho, āvuso, bhikkhu catunnaṃ mahābhūtānaṃ samudayañca atthaṅgamañca yathābhūtaṃ pajānāti, ettāvatā kho, āvuso, bhikkhuno dassanaṃ suvisuddhaṃ hotī”ti.

Atha kho so bhikkhu asantuṭṭho tassa bhikkhussa pañhaveyyākaraṇena, yenaññataro bhikkhu tenupasaṅkami; upasaṅkamitvā taṃ bhikkhuṃ etadavoca – “kittāvatā nu kho, āvuso, bhikkhuno dassanaṃ suvisuddhaṃ hotī”ti? “Yato kho, āvuso, bhikkhu yaṃ kiñci samudayadhammaṃ, sabbamaṃ taṃ nirodhadhammanti yathābhūtaṃ pajānāti, ettāvatā, kho, āvuso, bhikkhuno dassanaṃ suvisuddhaṃ hotī”ti.

Atha kho so bhikkhu asantuṭṭho tassa bhikkhussa pañhaveyyākaraṇena, yena bhagavā tenupasaṅkami; upasaṅkamitvā bhagavantaṃ etadavoca – “idhāhaṃ, bhante, yenaññataro bhikkhu tenupasaṅkamim; upasaṅkamitvā taṃ bhikkhuṃ etadavocaṃ – kittāvatā nu kho, āvuso, bhikkhuno dassanaṃ suvisuddhaṃ hotī”ti? Evaṃ vutte, bhante, so bhikkhu maṃ etadavoca – ‘yato kho, āvuso, bhikkhu channaṃ phassāyatanānaṃ samudayañca atthaṅgamañca yathābhūtaṃ pajānāti, ettāvatā kho, āvuso, bhikkhuno dassanaṃ suvisuddhaṃ hotī’ti. Atha khvāhaṃ, bhante, asantuṭṭho tassa bhikkhussa pañhaveyyākaraṇena, yenaññataro bhikkhu tenupasaṅkamim; upasaṅkamitvā taṃ bhikkhuṃ etadavocaṃ – ‘kittāvatā nu kho, āvuso, bhikkhuno dassanaṃ suvisuddhaṃ hotī’ti? Evaṃ vutte, bhante, so bhikkhu maṃ etadavoca – ‘yato kho, āvuso, bhikkhu pañcannaṃ upādānakkhandhānaṃ...pe... catunnaṃ mahābhūtānaṃ samudayañca atthaṅgamañca yathābhūtaṃ pajānāti...pe... yaṃ kiñci samudayadhammaṃ, sabbamaṃ taṃ nirodhadhammanti yathābhūtaṃ pajānāti, ettāvatā kho, āvuso, bhikkhuno dassanaṃ suvisuddhaṃ hotī’ti. Atha khvāhaṃ, bhante, asantuṭṭho tassa bhikkhussa pañhaveyyākaraṇena yena bhagavā tenupasaṅkamim () [(upasaṅkamitvā bhagavantaṃ etadavocaṃ) (ka.)]. Kittāvatā nu kho, bhante, bhikkhuno dassanaṃ suvisuddhaṃ hotī”ti?

“Seyyathāpi, bhikkhu, purisassa kiṃsuko adiṭṭhapubbo assa. So yenaññataro puriso kiṃsukassa dassāvī tenupasaṅkameyya. Upasaṅkamitvā taṃ purisaṃ evaṃ vadeyya – ‘kīdiso, bho purisa, kiṃsuko’ti? So evaṃ vadeyya – ‘kāḷako kho, ambho purisa, kiṃsuko – seyyathāpi jhāmakhāṇū’ti. Tena kho pana, bhikkhu, samayena tādisovassa kiṃsuko yathāpi [yathā (sī. syā. kaṃ.) dutiyavārādīsu pana “yathāpi”tveva dissati] tassa purisassa dassanaṃ. Atha kho, so bhikkhu, puriso asantuṭṭho tassa purisassa pañhaveyyākaraṇena, yenaññataro puriso kiṃsukassa dassāvī tenupasaṅkameyya; upasaṅkamitvā taṃ purisaṃ evaṃ vadeyya – ‘kīdiso, bho purisa, kiṃsuko’ti? So evaṃ vadeyya – ‘lohitako kho, ambho purisa, kiṃsuko – seyyathāpi maṃsapesī’ti. Tena kho pana, bhikkhu, samayena tādisovassa kiṃsuko yathāpi tassa purisassa dassanaṃ. Atha kho so bhikkhu puriso asantuṭṭho tassa purisassa pañhaveyyākaraṇena, yenaññataro puriso kiṃsukassa dassāvī tenupasaṅkameyya; upasaṅkamitvā taṃ purisaṃ evaṃ vadeyya – ‘kīdiso, bho purisa, kiṃsuko’ti? So evaṃ vadeyya – ‘ocīrakajāto [ojīrakajāto (sī.), odīrakajāto (pī.)] kho, ambho purisa, kiṃsuko ādinnasipāṭiko – seyyathāpi sirīso’ti. Tena kho pana, bhikkhu, samayena tādisovassa kiṃsuko, yathāpi tassa purisassa dassanaṃ. Atha kho so bhikkhu puriso asantuṭṭho tassa purisassa pañhaveyyākaraṇena, yenaññataro puriso kiṃsukassa dassāvī tenupasaṅkameyya; upasaṅkamitvā taṃ purisaṃ evaṃ vadeyya – ‘kīdiso, bho purisa, kiṃsuko’ti? So evaṃ vadeyya – ‘bahalapattapalāso sandacchāyo [saṇḍacchāyo (syā. kaṃ.)] kho, ambho purisa, kiṃsuko – seyyathāpi nigrodho’ti. Tena kho pana, bhikkhu, samayena tādisovassa kiṃsuko, yathāpi tassa purisassa dassanaṃ. Evameva kho, bhikkhu, yathā yathā adhimuttānaṃ tesamaṃ sappurisānaṃ dassanaṃ suvisuddhaṃ hoti, tathā tathā kho tehi sappurisehi byākataṃ.

“Seyyathāpi, bhikkhu, rañño paccantimaṃ nagaraṃ daḷhuddhāpaṃ [daḷhuddhāpaṃ (sī. pī.)] daḷhapākāratorānaṃ chadvāraṃ. Tatrassa dovāriko paṇḍito byatto medhāvī, aññātānaṃ nivāretā, ñātānaṃ pavasetā. Puratthimāya disāya āgantvā sīghaṃ dūtayugaṃ taṃ dovārikaṃ evaṃ vadeyya – ‘kahaṃ, bho purisa, imassa nagarassa nagarassāmī’ti? So evaṃ vadeyya – ‘eso, bhante, majjhe sīghātake nisinnō’ti. Atha kho taṃ sīghaṃ dūtayugaṃ nagarassāmikassa yathābhūtaṃ vacanaṃ

niyyātetvā yathāgatamaggaṃ paṭipajjeyya. Pacchimāya disāya āgantvā sīghaṃ dūtayugaṃ...pe...
uttarāya disāya... dakkhiṇāya disāya āgantvā sīghaṃ dūtayugaṃ taṃ dovārikaṃ evaṃ vadeyya –
'kahaṃ, bho purisa, imassa nagarassāmī'ti? So evaṃ vadeyya – 'eso, bhante, majjhe sīghātake
nisinno'ti. Atha kho taṃ sīghaṃ dūtayugaṃ nagarassāmikassa yathābhūtaṃ vacanaṃ niyyātetvā
yathāgatamaggaṃ paṭipajjeyya.

“Upamā kho myāyaṃ, bhikkhu, katā atthassa viññāpanāya. Ayañcetha attho – 'nagara'nti kho,
bhikkhu, imassetam cātumahābhūtikassa kāyassa adhivacanaṃ mātāpettikasambhavassa
odanakummāsūpacayassa aniccucchādanaparimaddanabhedanaviddhamsanadhammassa. 'Cha dvārā'ti
kho, bhikkhu, channetaṃ ajjhattikānaṃ āyatanānaṃ adhivacanaṃ. 'Dovāriko'ti kho, bhikkhu, satiyā
etaṃ adhivacanaṃ. 'Sīghaṃ dūtayuga'nti kho, bhikkhu, samathavipassanānetam adhivacanaṃ.
'Nagarassāmī'ti kho, bhikkhu, viññānassetam adhivacanaṃ. 'Majjhe sīghātake'ti kho, bhikkhu,
catunnetam mahābhūtānaṃ adhivacanaṃ – pathavīdhātuyā, āpodhātuyā, tejodhātuyā, vāyodhātuyā.
'Yathābhūtaṃ vacana'nti kho, bhikkhu, nibbānassetam adhivacanaṃ. 'Yathāgatamaggo'ti kho, bhikkhu,
ariyassetam aṭṭhaṅgikassa maggassa adhivacanaṃ, seyyathidaṃ – sammādiṭṭhiyā...pe...
sammāsamādhissā'ti. Aṭṭhamam.

9. Vīṇopamasuttaṃ

246. “Yassa kassaci, bhikkhave, bhikkhussa vā bhikkhuniyā vā cakkhuvīññeyyesu rūpesu
uppajjeyya chando vā rāgo vā doso vā moho vā paṭighaṃ vāpi [paṭighaṃ vā (sī.)] cetaso, tato cittaṃ
nivāreyya. Sabhayo ceso maggo sappatībhayo ca sakaṅtako ca sagahano ca ummaggo ca kummaggo ca
duhitiko ca. Asappurisasevito ceso maggo, na ceso maggo sappurisehi sevito. Na tvaṃ etaṃ arahasīti.
Tato cittaṃ nivāraye cakkhuvīññeyyehi rūpehi...pe... yassa kassaci, bhikkhave, bhikkhussa vā
bhikkhuniyā vā jivhāvīññeyyesu rasesu...pe... manovīññeyyesu dhammesu uppajjeyya chando vā rāgo
vā doso vā moho vā paṭighaṃ vāpi cetaso tato cittaṃ nivāreyya. Sabhayo ceso maggo sappatībhayo ca
sakaṅtako ca sagahano ca ummaggo ca kummaggo ca duhitiko ca. Asappurisasevito ceso maggo, na
ceso maggo sappurisehi sevito. Na tvaṃ etaṃ arahasīti. Tato cittaṃ nivāraye manovīññeyyehi
dhammehi.

“Seyyathāpi, bhikkhave, kiṭṭhaṃ sampannaṃ. Kiṭṭhārakkho [kiṭṭhārakkhako (sī.)] ca pamatto, goṇo
ca kiṭṭhādo aduṃ kiṭṭhaṃ otarivā yāvadatthaṃ madam āpajjeyya pamādam āpajjeyya; evameva kho,
bhikkhave, assutavā puthujjano chasu phassāyatanesu asaṃvutakārī pañcasu kāmaguṇesu yāvadatthaṃ
madam āpajjati pamādam āpajjati.

“Seyyathāpi, bhikkhave, kiṭṭhaṃ sampannaṃ kiṭṭhārakkho ca appamatto goṇo ca kiṭṭhādo aduṃ
kiṭṭhaṃ otareyya. Tamenam kiṭṭhārakkho nāsāyaṃ suggahitaṃ gaṇheyya. Nāsāyaṃ suggahitaṃ gahetvā
uparighaṭāyaṃ suniggahitaṃ niggaṇheyya. Uparighaṭāyaṃ suniggahitaṃ niggaṇhetvā daṇḍena sutāḷitaṃ
tāleyya. Daṇḍena sutāḷitaṃ tāletvā osajjeyya. Dutiyampi kho, bhikkhave ...pe... tatiyampi kho,
bhikkhave, goṇo kiṭṭhādo aduṃ kiṭṭhaṃ otareyya. Tamenam kiṭṭhārakkho nāsāyaṃ suggahitaṃ
gaṇheyya. Nāsāyaṃ suggahitaṃ gahetvā uparighaṭāyaṃ suniggahitaṃ niggaṇheyya. Uparighaṭāyaṃ
suniggahitaṃ niggaṇhetvā daṇḍena sutāḷitaṃ tāleyya. Daṇḍena sutāḷitaṃ tāletvā osajjeyya. Evañhi so,
bhikkhave, goṇo kiṭṭhādo gāmagato vā araṇṇagato vā, thānabahulo vā assa nisajjabahulo vā na taṃ
kiṭṭhaṃ puna otareyya – tameva purimaṃ daṇḍasamphassaṃ samanussaranto. Evameva kho, bhikkhave,
yato kho bhikkhuno chasu phassāyatanesu cittaṃ udujitaṃ hoti sudujitaṃ, ajjhattameva santiṭṭhati,
sannisīdati, ekodi hoti, samādhivati.

“Seyyathāpi, bhikkhave, rañño vā rājamahāmattassa vā vīṇāya saddo assutapubbo assa. So
vīṇāsaddaṃ suṇeyya. So evaṃ vadeyya – 'ambho, kassa [kissa (sī. pī.)] nu kho eso saddo evaṃrajanīyo
evaṃkamanīyo evaṃmadanīyo evaṃmucchanīyo evaṃbandhanīyo'ti? Tamenam evaṃ vadeyyuṃ –
'esā, kho, bhante, vīṇā nāma, yassā eso saddo evaṃrajanīyo evaṃkamanīyo evaṃmadanīyo

evaṃmucchanīyo evaṃbandhanīyo'ti. So evaṃ vadeyya – ‘gacchatha me, bho, taṃ vīṇaṃ āharathā'ti. Tassa taṃ vīṇaṃ āhareyyuṃ. Tamevaṃ evaṃ vadeyyuṃ – ‘ayaṃ kho sā, bhante, vīṇā yassā eso saddo evaṃrajanīyo evaṃkamanīyo evaṃmadanīyo evaṃmucchanīyo evaṃbandhanīyo'ti. So evaṃ vadeyya – ‘alaṃ me, bho, tāya vīṇāya, tameva me saddaṃ āharathā'ti. Tamevaṃ evaṃ vadeyyuṃ – ‘ayaṃ kho, bhante, vīṇā nāma anekasambhārā mahāsambhārā. Anekehi sambhārehi samāraddhā vadati, seyyathidaṃ – doṇiṅca paṭicca cammaṅca paṭicca daṇḍaṅca paṭicca upadhāraṇe ca paṭicca tantiyo ca paṭicca koṇaṅca paṭicca purisassa ca tajjaṃ vāyāmaṃ paṭicca evāyaṃ, bhante, vīṇā nāma anekasambhārā mahāsambhārā. Anekehi sambhārehi samāraddhā vadati'ti. So taṃ vīṇaṃ dasadhā vā satadhā vā phāleyya, dasadhā vā satadhā vā taṃ phāletvā sakalikaṃ sakalikaṃ kareyya. Sakalikaṃ sakalikaṃ karitvā agginā ḍaheyya, agginā ḍahitvā masiṃ kareyya. Masiṃ karitvā mahāvāte vā ophuneyya [opuneyya (sī. pī.), ophuṇeyya (?)], nadiyā vā sīghasotāya pavāheyya. So evaṃ vadeyya – ‘asatī kirāyaṃ, bho, vīṇā nāma, yathevaṃ yaṃ [yathevāyaṃ (sī.), yathevayaṃ (pī.)] kiñci vīṇā nāma ettha ca paṇāyaṃ jano [ettha paṇāyaṃ jano (syā. kaṃ.), ettha ca mahājano (pī. ka.)] ativeḷaṃ pamatto palaḷito'ti. Evameva kho, bhikkhave, bhikkhu rūpaṃ samanvesati [samannesati (sī. syā. kaṃ.), samanesati (pī.)] yāvata rūpassa gati, vedanaṃ samanvesati yāvata vedanāya gati, saññaṃ samanvesati yāvata saññāya gati, saṅkhāre samanvesati yāvata saṅkhārānaṃ gati, viññānaṃ samanvesati yāvata viññāṇassa gati. Tassa rūpaṃ samanvesato yāvata rūpassa gati, vedanaṃ samanvesato...pe... saññaṃ... saṅkhāre... viññānaṃ samanvesato yāvata viññāṇassa gati. Yampissa taṃ hoti ahanti vā mamanti vā asmīti vā tampi tassa na hoti'ti. Navamaṃ.

10. Chappāṇakopamasuttaṃ

247. “Seyyathāpi, bhikkhave, puriso arugatto pakkagatto saravanaṃ paviseyya. Tassa kusakaṅṭakā ceva pāde vijjheyyuṃ, sarapattāni ca gattāni [sarapattāni pakkagattāni (syā. kaṃ.), arupakkāni gattāni (pī. ka.)] vilekheyyuṃ. Evañhi so, bhikkhave, puriso bhiiyosomattāya tatonidānaṃ dukkhaṃ domanassaṃ paṭisaṃvediyetha. Evameva kho, bhikkhave, idhekacco bhikkhu gāmagato vā araṇṇagato vā labhati vattāraṃ – ‘ayaṅca so [ayaṅca kho (pī. ka.), ayaṃ so (?)] āyasmā evaṃkāri evaṃsamācāro asucigāmaṅṭako'ti. Taṃ kaṅṭakoti [taṃ “asucigāmaṅṭato”ti (ka.)] iti viditvā saṃvaro ca asaṃvaro ca veditabbo.

“Kathaṅca, bhikkhave, asaṃvaro hoti? Idha, bhikkhave, bhikkhu cakkhunā rūpaṃ disvā piyarūpe rūpe adhimuccati, appiyarūpe rūpe byāpajjati, anupaṭṭhitakāyassati ca viharati parittacetaso. Taṅca cetovimuttiṃ paññāvimuttiṃ yathābhūtaṃ nappajānāti, yatthassa te uppannā pāpakā akusalā dhammā aparisesā nirujjhanti. Sotena saddaṃ sutvā... ghānena gandhaṃ ghāyitvā... jivhāya rasaṃ sāyitvā... kāyena phoṭṭhabbaṃ phusitvā... manasā dhammaṃ viññāya piyarūpe dhamme adhimuccati, appiyarūpe dhamme byāpajjati, anupaṭṭhitakāyassati ca viharati parittacetaso, taṅca cetovimuttiṃ paññāvimuttiṃ yathābhūtaṃ nappajānāti, yatthassa te uppannā pāpakā akusalā dhammā aparisesā nirujjhanti.

“Seyyathāpi, bhikkhave, puriso chappāṇake gahetvā nānāvisaye nānāgocare daḷhāya rajjuyā bandheyya. Ahiṃ gahetvā daḷhāya rajjuyā bandheyya. Susumāraṃ [sumsumāraṃ (sī. syā. kaṃ. pī.)] gahetvā daḷhāya rajjuyā bandheyya. Pakkhiṃ gahetvā daḷhāya rajjuyā bandheyya. Kukкураṃ gahetvā daḷhāya rajjuyā bandheyya. Siṅgālaṃ gahetvā daḷhāya rajjuyā bandheyya. Makkaṭaṃ gahetvā daḷhāya rajjuyā bandheyya. Daḷhāya rajjuyā bandhitvā majjhe gaṅṭhiṃ karitvā ossajjeyya. Atha kho, te, bhikkhave, chappāṇakā nānāvisayā nānāgocarā sakaṃ sakaṃ gocaravisayaṃ āviñcheyyuṃ [āviñjeyyūṃ (sī.)] – ahi āviñcheyya ‘vammikaṃ pavekkhāmi'ti, susumāro āviñcheyya ‘udakaṃ pavekkhāmi'ti, pakkhī āviñcheyya ‘ākāsaṃ ḍessāmi'ti, kukkuro āviñcheyya ‘gāmaṃ pavekkhāmi'ti, siṅgālo āviñcheyya ‘sivathikaṃ [sivathikaṃ (ka.)] pavekkhāmi'ti, makkaṭo āviñcheyya ‘vanaṃ pavekkhāmi'ti. Yadā kho te, bhikkhave, chappāṇakā jhattā assu kilantā, atha kho yo nesamaṃ paṇakānaṃ balavatāro assa tassa te anuvatteyyuṃ, anuvidhāyeyyūṃ vasaṃ gaccheyyuṃ. Evameva kho, bhikkhave, yassa kassaci bhikkhuno kāyagatāsati abhāvitā abahulikatā, taṃ cakkhu āviñchati manāpiyesu rūpesu, amanāpiyā rūpā paṭikūlā honti...pe... mano āviñchati manāpiyesu dhammesu, amanāpiyā dhammā paṭikūlā honti. Evaṃ

kho, bhikkhave, asaṃvaro hoti.

“Kathaṅca, bhikkhave, saṃvaro hoti? Idha, bhikkhave, bhikkhu cakkhunā rūpaṃ disvā piyarūpe rūpe nādhimuccati, appiyarūpe rūpe na byāpajjati, upaṭṭhitakāyassati ca viharati appamañacetaso, taṅca cetovimuttiṃ paññāvimuttiṃ yathābhūtaṃ pajānāti, yatthassa te uppannā pāpakā akusalā dhammā aparisesā nirujjhanti...pe... jivhā rasaṃ sāyitvā...pe... manasā dhammaṃ viññāya piyarūpe dhamme nādhimuccati, appiyarūpe dhamme na byāpajjati, upaṭṭhitakāyassati ca viharati appamañacetaso, taṅca cetovimuttiṃ paññāvimuttiṃ yathābhūtaṃ pajānāti yatthassa te uppannā pāpakā akusalā dhammā aparisesā nirujjhanti.

“Seyyathāpi, bhikkhave, puriso chappāṇake gahetvā nānāvisaye nānāgocare daḥhāya rajjuyā bandheyya. Ahiṃ gahetvā daḥhāya rajjuyā bandheyya. Susumāraṃ gahetvā daḥhāya rajjuyā bandheyya. Pakkhiṃ gahetvā...pe... kukkuraṃ gahetvā... siṅgālaṃ gahetvā... makkaṭaṃ gahetvā daḥhāya rajjuyā bandheyya. Daḥhāya rajjuyā bandhitvā daḥhe khīle vā thambhe vā upanibandheyya. Atha kho te, bhikkhave, chappāṇakā nānāvisayā nānāgocarā sakaṃ sakaṃ gocaravisayaṃ āviñcheyyūṃ – ahi āviñcheyya ‘vammikaṃ pavekkhāmī’ ti, susumāro āviñcheyya ‘udakaṃ pavekkhāmī’ ti, pakkhī āviñcheyya ‘ākāsaṃ ḍessāmī’ ti, kukkuro āviñcheyya ‘gāmaṃ pavekkhāmī’ ti, siṅgālo āviñcheyya ‘sīvathikaṃ pavekkhāmī’ ti, makkaṭo āviñcheyya ‘vanaṃ pavekkhāmī’ ti. Yadā kho te, bhikkhave, chappāṇakā jhattā assu kilantā, atha tameva khīlaṃ vā thambhaṃ vā upatiṭṭheyyūṃ, upanisīdeyyūṃ, upanipajjeyyūṃ. Evameva kho, bhikkhave, yassa kassaci bhikkhuno kāyagatāsati bhāvitā bahulikatā, taṃ cakkhu nāviñchati manāpiyesu rūpesu, amanāpiyā rūpā nappaṭikūlā hontī...pe... jivhā nāviñchati manāpiyesu rasesu...pe... mano nāviñchati manāpiyesu dhammesu, amanāpiyā dhammā nappaṭikūlā hontī. Evaṃ kho, bhikkhave, saṃvaro hoti.

“Daḥhe khīle vā thambhe vā’ ti kho, bhikkhave, kāyagatāya satiyā etaṃ adhivacanaṃ. Tasmātiha vo, bhikkhave, evaṃ sikkhitabbaṃ – ‘kāyagatā no sati bhāvitā bhavissati bahulikatā yānikatā vatthukatā anuṭṭhitā paricītā susamāraddhā’ ti. Evañhi kho, bhikkhave, sikkhitabba’ nti. Dasamaṃ.

11. Yavakalāpisuttaṃ

248. “Seyyathāpi, bhikkhave, yavakalāpī cātumahāpathe nikkhattā assa. Atha cha purisā āgaccheyyūṃ byābhaṅgihatthā. Te yavakalāpiṃ chahi byābhaṅgīhi haneyyūṃ. Evañhi sā, bhikkhave, yavakalāpī suhatā assa chahi byābhaṅgīhi haññamānā. Atha sattamo puriso āgaccheyya byābhaṅgihattho. So taṃ yavakalāpiṃ sattamāya byābhaṅgiyā haneyya. Evañhi sā bhikkhave, yavakalāpī suhatatārā assa, sattamāya byābhaṅgiyā haññamānā. Evameva kho, bhikkhave, assutavā puthujjano cakkhusmiṃ haññati manāpāmanāpehi rūpehi...pe... jivhāya haññati manāpāmanāpehi rasehi...pe... manasmim haññati manāpāmanāpehi dhammehi. Sace so, bhikkhave, assutavā puthujjano āyatim punabbhavāya ceteti, evañhi so, bhikkhave, moghapuriso suhatataro hoti, seyyathāpi sā yavakalāpī sattamāya byābhaṅgiyā haññamānā.

“Bhūtapubbaṃ, bhikkhave, devāsurasāṅgāmo samupabyūḥho [samupabbūḥho (sī. pī.)] ahoṣi. Atha kho, bhikkhave, vepacitti asurindo asure āmantesi – ‘sace, mārisā, devāsurasāṅgāme samupabyūḥhe asurā jineyyūṃ devā parājineyyūṃ, yena naṃ sakkam devānamindaṃ kaṅṭhapañcamehi bandhanehi bandhitvā mama santike āneyyātha asurapura’ nti. Sakkopi kho, bhikkhave, devānamindo deve tāvatimse āmantesi – ‘sace, mārisā, devāsurasāṅgāme samupabyūḥhe devā jineyyūṃ asurā parājineyyūṃ, yena naṃ vepacittim asurindaṃ kaṅṭhapañcamehi bandhanehi bandhitvā mama santike āneyyātha sudhammaṃ devasabha’ nti. Tasmim kho pana, bhikkhave, sāṅgāme devā jiniṃsu, asurā parājiniṃsu. Atha kho, bhikkhave, devā tāvatimsā vepacittim asurindaṃ kaṅṭhapañcamehi bandhanehi bandhitvā sakkassa devānamindassa santike ānesuṃ sudhammaṃ devasabhaṃ. Tatra sudam, bhikkhave, vepacitti asurindo kaṅṭhapañcamehi bandhanehi baddho [bandho (sī. syā. kaṃ. ka.)] hoti. Yadā kho, bhikkhave, vepacittissa asurindassa evaṃ hoti – ‘dhammikā kho devā, adhammikā asurā, idheva dānāhaṃ

devapuraṃ gacchāmi'ti. Atha kaṅṭhapañcamehi bandhanehi muttaṃ attānaṃ samanupassati, dibbehi ca pañcahi kāmaguṇehi samappito samaṅgībhūto paricāreti. Yadā ca kho, bhikkhave, vepacittissa asurindassa evaṃ hoti – ‘dhammikā kho asurā, adhammikā devā, tattheva dānāhaṃ asurapuraṃ gamissāmi'ti, atha kaṅṭhapañcamehi bandhanehi baddhaṃ attānaṃ samanupassati. Dibbehi ca pañcahi kāmaguṇehi parihāyati. Evaṃ sukhumaṃ kho, bhikkhave, vepacittibandhanaṃ. Tato sukhumataṃ mārabandhanaṃ. Maññaṃāno kho, bhikkhave, baddho māraṃsa, amaññaṃāno mutto pāpimato.

“‘Asmī'ti, bhikkhave, maññaṃāmettaṃ, ‘ayamahasmaṃ'ti maññaṃāmettaṃ, ‘bhavissa'nti maññaṃāmettaṃ, ‘na bhavissa'nti maññaṃāmettaṃ, ‘rūpī bhavissa'nti maññaṃāmettaṃ, ‘arūpī bhavissa'nti maññaṃāmettaṃ, ‘saññaṃā bhavissa'nti maññaṃāmettaṃ, ‘asaññaṃā bhavissa'nti maññaṃāmettaṃ, ‘nevasaññaṃāsaññaṃā bhavissa'nti maññaṃāmettaṃ. Maññaṃā, bhikkhave, rogo, maññaṃā gaṇḍo, maññaṃā sallaṃ. Tasmātiha, bhikkhave, ‘amaññaṃānena [amaññaṃānena (pī. ka.)] cetasā viharissāma'ti – evaṃhi vo, bhikkhave, sikkhitabbaṃ.

“‘Asmī'ti, bhikkhave, iññaṃāmettaṃ, ‘ayamahasmaṃ'ti iññaṃāmettaṃ, ‘bhavissa'nti iññaṃāmettaṃ, ‘na bhavissa'nti iññaṃāmettaṃ, ‘rūpī bhavissa'nti iññaṃāmettaṃ, ‘arūpī bhavissa'nti iññaṃāmettaṃ, ‘saññaṃā bhavissa'nti iññaṃāmettaṃ, ‘asaññaṃā bhavissa'nti iññaṃāmettaṃ, ‘nevasaññaṃāsaññaṃā bhavissa'nti iññaṃāmettaṃ. Iññaṃā, bhikkhave, rogo, iññaṃā gaṇḍo, iññaṃā sallaṃ. Tasmātiha, bhikkhave, ‘aniññaṃānena [aniññaṃānena (syā. ka. ka.)] cetasā viharissāma'ti – evaṃhi vo, bhikkhave, sikkhitabbaṃ.

“‘Asmī'ti, bhikkhave, phanditaṃmettaṃ, ‘ayamahasmaṃ'ti phanditaṃmettaṃ, ‘bhavissa'nti...pe... ‘na bhavissa'nti... ‘rūpī bhavissa'nti... ‘arūpī bhavissa'nti... ‘saññaṃā bhavissa'nti... ‘asaññaṃā bhavissa'nti... ‘nevasaññaṃāsaññaṃā bhavissa'nti phanditaṃmettaṃ. Phanditaṃ, bhikkhave, rogo, phanditaṃ gaṇḍo, phanditaṃ sallaṃ. Tasmātiha, bhikkhave, ‘aphanditaṃmettaṃ [aphanditaṃmettaṃ (syā. ka. ka.)] cetasā viharissāma'ti – evaṃhi vo, bhikkhave, sikkhitabbaṃ.

“‘Asmī'ti, bhikkhave, papañcitaṃmettaṃ, ‘ayamahasmaṃ'ti papañcitaṃmettaṃ, ‘bhavissa'nti...pe... ‘na bhavissa'nti... ‘rūpī bhavissa'nti... ‘arūpī bhavissa'nti... ‘saññaṃā bhavissa'nti... ‘asaññaṃā bhavissa'nti... ‘nevasaññaṃāsaññaṃā bhavissa'nti papañcitaṃmettaṃ. Papañcitaṃ, bhikkhave, rogo, papañcitaṃ gaṇḍo, papañcitaṃ sallaṃ. Tasmātiha, bhikkhave, ‘nippapañcena cetasā viharissāma'ti – evaṃhi vo, bhikkhave, sikkhitabbaṃ.

“‘Asmī'ti, bhikkhave, mānagataṃmettaṃ, ‘ayamahasmaṃ'ti mānagataṃmettaṃ, ‘bhavissa'nti mānagataṃmettaṃ, ‘na bhavissa'nti mānagataṃmettaṃ, ‘rūpī bhavissa'nti mānagataṃmettaṃ, ‘arūpī bhavissa'nti mānagataṃmettaṃ, ‘saññaṃā bhavissa'nti mānagataṃmettaṃ, ‘asaññaṃā bhavissa'nti mānagataṃmettaṃ, ‘nevasaññaṃāsaññaṃā bhavissa'nti mānagataṃmettaṃ. Mānagataṃ, bhikkhave, rogo, mānagataṃ gaṇḍo, mānagataṃ sallaṃ. Tasmātiha, bhikkhave, ‘nihatamānena cetasā viharissāma'ti – evaṃhi vo, bhikkhave, sikkhitabba'ti. Ekādasamaṃ.

Āsīvisavaggo ekūnavīsatiṃ.

Tassuddānaṃ –

Āsīviso ratho kummo, dve dārukkhandhā avassuto;
Dukkhadhammā kiṃsukā vīṇā, chappāṇā yavakalāpīti.

Saḷāyatanavagge catutthapaṇṇāsako samatto.

Tassa vagguddānaṃ –

Nandikkhayo saṭṭhinayo, samuddo uragena ca;
Catupaṇṇāsakā ete, nipātesu pakāsītāti.

Saḷāyatanasamṃyuttaṃ samattaṃ.

2. Vedanāsamṃyuttaṃ

1. Sagāthāvaggo

1. Samādhisuttaṃ

249. “Tisso imā, bhikkhave, vedanā. Katamā tisso? Sukhā vedanā, dukkhā vedanā, adukkhamasukhā vedanā – imā kho, bhikkhave, tisso vedanāti.

“Samāhito sampajāno, sato buddhassa sāvako;
Vedanā ca pajānāti, vedanānañca sambhavaṃ.

“Yattha cetā nirujjhanti, maggañca khayagāminam;
Vedanānaṃ khayā bhikkhu, nicchāto parinibbuto”ti. paṭhamam;

2. Sukhasuttaṃ

250. “Tisso imā, bhikkhave, vedanā. Katamā tisso? Sukhā vedanā, dukkhā vedanā, adukkhamasukhā vedanā – imā kho, bhikkhave, tisso vedanāti.

“Sukham vā yadi vā dukkham, adukkhamasukham saha;
Ajjhatañca bahiddhā ca, yaṃ kiñci atthi veditaṃ.

“Etaṃ dukkhanti ñatvāna, mosadhammaṃ palokinaṃ;
Phussa phussa vayaṃ passaṃ, evaṃ tattha virajjati”ti. dutiyam;

3. Pahānasuttaṃ

251. “Tisso imā, bhikkhave, vedanā. Katamā tisso? Sukhā vedanā, dukkhā vedanā, adukkhamasukhā vedanā. Sukhāya, bhikkhave, vedanāya rāgānusayo pahātabbo, dukkhāya vedanāya paṭighānusayo pahātabbo, adukkhamasukhāya vedanāya avijjānusayo pahātabbo. Yato kho, bhikkhave, bhikkhuno sukhāya vedanāya rāgānusayo pahīno hoti, dukkhāya vedanāya paṭighānusayo pahīno hoti, adukkhamasukhāya vedanāya avijjānusayo pahīno hoti, ayaṃ vuccati, bhikkhave, ‘bhikkhu niranusayo sammaddaso acchecchi [acchejji (bahūsu)] taṇham, vivattayi [vāvattayi (sī.)] saṃyojanaṃ, sammā mānābhisamayā antamakāsi dukkhassā”ti.

“Sukham vedayamānassa [vediyamānassa (sī. pī.)], vedanaṃ appajānato;
So rāgānusayo hoti, anissaraṇadassino.

“Dukkham vedayamānassa, vedanaṃ appajānato;
Paṭighānusayo hoti, anissaraṇadassino.

“Adukkhamasukham santam, bhūripaññena desitam;
Tañcāpi abhinandati, neva dukkhā pamuccati.

“Yato ca bhikkhu ātāpī, sampajaññaṃ na riñcati;
Tato so vedanā sabbā, parijānāti paṇḍito.

“So vedanā pariññāya, diṭṭhe dhamme anāsavo;
Kāyassa bheda dhammaṭṭho, saṅkhyam nopeti vedagū”ti. tatiyaṃ;

4. Pātālasuttaṃ

252. “Assutavā, bhikkhave, puthujjano yaṃ vācam bhāsati – ‘atthi mahāsamudde pātālo’ti. Taṃ kho panetaṃ, bhikkhave, assutavā puthujjano asantaṃ avijjamānaṃ evaṃ vācam bhāsati – ‘atthi mahāsamudde pātālo’ti. Sārīrikānaṃ kho etaṃ, bhikkhave, dukkhānaṃ vedanānaṃ adhivacanaṃ yadidaṃ ‘pātālo’ti. Assutavā, bhikkhave, puthujjano sārīrikāya dukkhāya vedanāya phuṭṭho samāno socati kilamati paridevati urattāḷiṃ kandati sammohaṃ āpajjati. Ayaṃ vuccati, bhikkhave, ‘assutavā puthujjano pātāle na paccuṭṭhāsi, gādhañca nājjhagā’. Sutavā ca kho, bhikkhave, ariyasāvako sārīrikāya dukkhāya vedanāya phuṭṭho samāno neva socati, na kilamati, na paridevati, na urattāḷiṃ kandati, na sammohaṃ āpajjati. Ayaṃ vuccati, bhikkhave, ‘sutavā ariyasāvako pātāle paccuṭṭhāsi, gādhañca ajjhagā’”ti.

“Yo etā nādhivāseti, uppannā vedanā dukhā;
Sārīrikā paṇaharā, yāhi phuṭṭho pavedhati.

“Akkandati parodati, dubbalo appathāmako;
Na so pātāle paccuṭṭhāsi, atho gādhampi nājjhagā.

“Yo cetā adhivāseti, uppannā vedanā dukhā;
Sārīrikā paṇaharā, yāhi phuṭṭho na vedhati;
Sa ve pātāle paccuṭṭhāsi, atho gādhampi ajjhagā”ti. catuttham;

5. Daṭṭhabbasuttaṃ

253. “Tisso imā, bhikkhave, vedanā. Katamā tisso? Sukhā vedanā, dukkhā vedanā, adukkhamasukhā vedanā. Sukhā, bhikkhave, vedanā dukkhato daṭṭhabbā, dukkhā vedanā sallato daṭṭhabbā, adukkhamasukhā vedanā aniccato daṭṭhabbā. Yato kho, bhikkhave, bhikkhuno sukhā vedanā dukkhato diṭṭhā hoti, dukkhā vedanā sallato diṭṭhā hoti, adukkhamasukhā vedanā aniccato diṭṭhā hoti – ayaṃ vuccati, bhikkhave, ‘bhikkhu sammaddaso acchecchi taṇhaṃ, vivattayi saṃyojanaṃ, sammā mānābhisamayā antamakāsi dukkhassā’”ti.

“Yo sukhaṃ dukkhato adda, dukkhamaddakkhi sallato;
Adukkhamasukhaṃ santaṃ, addakkhi naṃ aniccato.

“Sa ve sammaddaso bhikkhu, parijānāti vedanā;
So vedanā pariññāya, diṭṭhe dhamme anāsavo;
Kāyassa bheda dhammaṭṭho, saṅkhyam nopeti vedagū”ti. pañcamaṃ;

6. Sallasuttaṃ

254. “Assutavā, bhikkhave, puthujjano sukhampi vedanaṃ vedayati [vediyati (sī. pī.)], dukkhampi vedanaṃ vedayati, adukkhamasukhampi vedanaṃ vedayati. Sutavā, bhikkhave, ariyasāvako sukhampi vedanaṃ vedayati, dukkhampi vedanaṃ vedayati, adukkhamasukhampi vedanaṃ vedayati. Tatra, bhikkhave, ko viseso ko adhippayāso [adhippāyo (sī. ka.), adhippāyaso (syā. kaṃ.), adhippāyoso (pī.)] kiṃ nānākaraṇaṃ sutavato ariyasāvakassa assutavatā puthujjanenā”ti? Bhagavaṃmūlakā no, bhante,

dhammā...pe... assutavā. Bhikkhave, puthujjano dukkhāya vedanāya phuṭṭho samāno socati kilamati paridevati urattāḷiṃ kandati sammohaṃ āpajjati. So dve vedanā vedayati – kāyikañca, cetasikañca. Seyyathāpi, bhikkhave, purisaṃ sallena vijjheyya [sallena anuvijjheyyuṃ (sī. syā. kaṃ. pī.)]. Tamenam dutiyena sallena anuvedham vijjheyya [sallena anuvijjheyyuṃ (sī.), sallena anuvedham vijjheyyuṃ (syā. kaṃ.), sallena vijjheyyuṃ (pī.)]. Evañhi so, bhikkhave, puriso dvisallena vedanam vedayati. Evameva kho, bhikkhave, assutavā puthujjano dukkhāya vedanāya phuṭṭho samāno socati kilamati paridevati urattāḷiṃ kandati sammohaṃ āpajjati. So dve vedanā vedayati – kāyikañca, cetasikañca. Tassāyeva kho pana dukkhāya vedanāya phuṭṭho samāno paṭighavā hoti. Tamenam dukkhāya vedanāya paṭighavantam, yo dukkhāya vedanāya paṭighānusayo, so anuseti. So dukkhāya vedanāya phuṭṭho samāno kāmasukham abhinandati. Tam kissa hetu? Na hi so, bhikkhave, pajānāti assutavā puthujjano aññatra kāmasukhā dukkhāya vedanāya nissaraṇam, tassa kāmasukhañca abhinandato, yo sukhāya vedanāya rāgānusayo, so anuseti. So tāsam vedanānam samudayañca atthaṅgamañca assādañca ādīnavañca nissaraṇañca yathābhūtam nappajānāti. Tassa tāsam vedanānam samudayañca atthaṅgamañca assādañca ādīnavañca nissaraṇañca yathābhūtam appajānato, yo adukkhamasukhāya vedanāya avijjānusayo, so anuseti. So sukhañce vedanam vedayati, saññutto nam vedayati. Dukkhañce vedanam vedayati, saññutto nam vedayati. Adukkhamasukhañce vedanam vedayati, saññutto nam vedayati. Ayam vuccati, bhikkhave, ‘assutavā puthujjano saññutto jātiyā jarāya maraṇena sokehi paridevehi dukkhehi domanassehi upāyāsehi, saññutto dukkhasmā’ ti vadāmi.

“Sutavā ca kho, bhikkhave, ariyasāvako dukkhāya vedanāya phuṭṭho samāno na socati, na kilamati, na paridevati, na urattāḷiṃ kandati, na sammohaṃ āpajjati. So ekaṃ vedanam vedayati – kāyikaṃ, na cetasikaṃ.

“Seyyathāpi, bhikkhave, purisaṃ sallena vijjheyya. Tamenam dutiyena sallena anuvedham na vijjheyya. Evañhi so, bhikkhave, puriso ekasallena vedanam vedayati. Evameva kho, bhikkhave, sutavā ariyasāvako dukkhāya vedanāya phuṭṭho samāno na socati, na kilamati, na paridevati, na urattāḷiṃ kandati, na sammohaṃ āpajjati. So ekaṃ vedanam vedayati – kāyikaṃ, na cetasikaṃ. Tassāyeva kho pana dukkhāya vedanāya phuṭṭho samāno paṭighavā na hoti. Tamenam dukkhāya vedanāya appaṭighavantam, yo dukkhāya vedanāya paṭighānusayo, so nānuseti. So dukkhāya vedanāya phuṭṭho samāno kāmasukham nābhinandati. Tam kissa hetu? Pajānāti hi so, bhikkhave, sutavā ariyasāvako aññatra kāmasukhā dukkhāya vedanāya nissaraṇam. Tassa kāmasukham nābhinandato yo sukhāya vedanāya rāgānusayo, so nānuseti. So tāsam vedanānam samudayañca atthaṅgamañca assādañca ādīnavam ca nissaraṇañca yathābhūtam pajānāti. Tassa tāsam vedanānam samudayañca atthaṅgamañca assādañca ādīnavañca nissaraṇañca yathābhūtam pajānato, yo adukkhamasukhāya vedanāya avijjānusayo, so nānuseti. So sukhañce vedanam vedayati, visaññutto nam vedayati. Dukkhañce vedanam vedayati, visaññutto nam vedayati. Adukkhamasukhañce vedanam vedayati, visaññutto nam vedayati. Ayam vuccati, bhikkhave, ‘sutavā ariyasāvako visaññutto jātiyā jarāya maraṇena sokehi paridevehi dukkhehi domanassehi upāyāsehi, visaññutto dukkhasmā’ ti vadāmi. Ayam kho, bhikkhave, viseso, ayam adhippayāso, idaṃ nānākaraṇam sutavato ariyasāvakassa assutavatā puthujjanenā’ ti.

“Na vedanam vedayati sapañño,
Sukhampi dukkhampi bahussutopi;
Ayañca dhīrassa puthujjanena,
Mahā [ayam (syā. kaṃ. ka.)] viseso kusalassa hoti.

“Saṅkhātadhammassa bahussutassa,
Vipassato [sampassato (sī. pī.)] lokamimam parañca;
Iṭṭhassa dhammā na mathenti cittaṃ,
Aniṭṭhato no paṭighātameti.

“Tassānurodhā athavā virodhā,

Vidhūpitā atthagatā na santi;
 Padañca ñatvā virajaṃ asokaṃ,
 Sammā pajānāti bhavassa pāragū’’ti. chaṭṭhaṃ;

7. Paṭhamagelaññasuttam

255. Ekaṃ samayaṃ bhagavā vesāliyaṃ viharati mahāvane kūṭāgārasālāyaṃ. Atha kho bhagavā sāyanhasamayaṃ paṭisallānā vuṭṭhito yena gilānasālā tenupasaṅkami; upasaṅkamitvā paññatte āsane nisīdi. Nisajja kho bhagavā bhikkhū āmantesi –

“Sato, bhikkhave, bhikkhu sampajāno kālaṃ āgameyya. Ayaṃ vo amhākaṃ anusāsani.

“Kathaṅca, bhikkhave, bhikkhu sato hoti? Idha, bhikkhave, bhikkhu kāye kāyānupassī viharati ātāpī sampajāno satimā, vineyya loke abhijjhādomanassaṃ; vedanāsu vedanānupassī viharati...pe... citte cittānupassī viharati...pe... dhammesu dhammānupassī viharati ātāpī sampajāno satimā, vineyya loke abhijjhādomanassaṃ. Evaṃ kho, bhikkhave, bhikkhu sato hoti.

“Kathaṅca, bhikkhave, bhikkhu sampajāno hoti? Idha, bhikkhave, bhikkhu abhikkante paṭikkante sampajānakārī hoti, ālokite vilokite sampajānakārī hoti, samiñjite pasārīte sampajānakārī hoti, saṅghāṭipattacīvaradhāraṇe sampajānakārī hoti, asite pīte khāyite sāyite sampajānakārī hoti, uccārapassāvakamme sampajānakārī hoti, gate ṭhite nisinne sutte jāgarite bhāsīte tuṅhībhāve sampajānakārī hoti. Evaṃ kho, bhikkhave, bhikkhu sampajānakārī hoti. Sato, bhikkhave, bhikkhu sampajāno kālaṃ āgameyya. Ayaṃ vo amhākaṃ anusāsani.

“Tassa ce, bhikkhave, bhikkhuno evaṃ satassa sampajānassa appamattassa ātāpino pahitattassa viharato uppajjati sukhā vedanā, so evaṃ pajānāti – ‘uppannā kho myāyaṃ sukhā vedanā. Sā ca kho paṭicca, no appaṭicca. Kiṃ paṭicca? Imameva kāyaṃ paṭicca. Ayaṃ kho pana kāyo anicco saṅkhato paṭiccasamuppanno. Aniccaṃ kho pana saṅkhatam paṭiccasamuppannam kāyaṃ paṭicca uppannā sukhā vedanā kuto niccā bhavissati’’ti! So kāye ca sukhāya ca vedanāya aniccānupassī viharati, vayānupassī viharati, virāgānupassī viharati, nirodhānupassī viharati, paṭinissaggānupassī viharati. Tassa kāye ca sukhāya ca vedanāya aniccānupassino viharato, vayānupassino viharato, virāgānupassino viharato, nirodhānupassino viharato, paṭinissaggānupassino viharato, yo kāye ca sukhāya ca vedanāya rāgānusayo, so pahīyati.

“Tassa ce, bhikkhave, bhikkhuno evaṃ satassa sampajānassa appamattassa ātāpino pahitattassa viharato uppajjati dukkhā vedanā. So evaṃ pajānāti – ‘uppannā kho myāyaṃ dukkhā vedanā. Sā ca kho paṭicca, no appaṭicca. Kiṃ paṭicca? Imameva kāyaṃ paṭicca. Ayaṃ kho pana kāyo anicco saṅkhato paṭiccasamuppanno. Aniccaṃ kho pana saṅkhatam paṭiccasamuppannam kāyaṃ paṭicca uppannā dukkhā vedanā kuto niccā bhavissati’’ti! So kāye ca dukkhāya vedanāya aniccānupassī viharati, vayānupassī viharati, virāgānupassī viharati, nirodhānupassī viharati, paṭinissaggānupassī viharati. Tassa kāye ca dukkhāya ca vedanāya aniccānupassino viharato...pe... paṭinissaggānupassino viharato, yo kāye ca dukkhāya ca vedanāya paṭighānusayo, so pahīyati.

“Tassa ce, bhikkhave, bhikkhuno evaṃ satassa sampajānassa appamattassa ātāpino pahitattassa viharato uppajjati adukkhamasukhā vedanā, so evaṃ pajānāti – ‘uppannā kho myāyaṃ adukkhamasukhā vedanā. Sā ca kho paṭicca, no appaṭicca. Kiṃ paṭicca? Imameva kāyaṃ paṭicca. Ayaṃ kho pana kāyo anicco saṅkhato paṭiccasamuppanno. Aniccaṃ kho pana saṅkhatam paṭiccasamuppannam kāyaṃ paṭicca uppannā adukkhamasukhā vedanā kuto niccā bhavissati’’ti! So kāye ca adukkhamasukhāya ca vedanāya aniccānupassī viharati, vayānupassī viharati, virāgānupassī viharati, nirodhānupassī viharati, paṭinissaggānupassī viharati. Tassa kāye ca adukkhamasukhāya ca vedanāya aniccānupassino viharato...pe... paṭinissaggānupassino viharato, yo kāye ca adukkhamasukhāya ca vedanāya avijjānusayo, so

pahīyati.

“So sukhañce vedanaṃ vedayati, sā aniccāti pajānāti, anajjhositāti pajānāti, anabhinanditāti pajānāti; dukkhañce vedanaṃ vedayati, sā aniccāti pajānāti, anajjhositāti pajānāti, anabhinanditāti pajānāti; adukkhamasukhañce vedanaṃ vedayati, sā aniccāti pajānāti, anajjhositāti pajānāti, anabhinanditāti pajānāti. So sukhañce vedanaṃ vedayati, visaññutto naṃ vedayati; dukkhañce vedanaṃ vedayati, visaññutto naṃ vedayati; adukkhamasukhañce vedanaṃ vedayati, visaññutto naṃ vedayati. So kāyapariyantikaṃ vedanaṃ vedayamāno ‘kāyapariyantikaṃ vedanaṃ vedayāmī’ ti pajānāti, jīvitapariyantikaṃ vedanaṃ vedayamāno ‘jīvitapariyantikaṃ vedanaṃ vedayāmī’ ti pajānāti. ‘Kāyassa bheda uddhaṃ jīvitapariyādānā idheva sabbavedayitāni anabhinanditāni sītībhavissantī’ ti [sītībhavissantīti (sī. pī. ka.)] pajānāti.

“Seyyathāpi, bhikkhave, telañca paṭicca vaṭṭiñca paṭicca telappadīpo jhāyeyya, tasseva telassa ca vaṭṭiyā ca pariyādānā anāhāro nibbāyeyya; evameva kho, bhikkhave, bhikkhu kāyapariyantikaṃ vedanaṃ vedayamāno ‘kāyapariyantikaṃ vedanaṃ vedayāmī’ ti pajānāti. Jīvitapariyantikaṃ vedanaṃ vedayamāno ‘jīvitapariyantikaṃ vedanaṃ vedayāmī’ ti pajānāti. ‘Kāyassa bheda uddhaṃ jīvitapariyādānā idheva sabbavedayitāni anabhinanditāni sītībhavissantī’ ti pajānāti” ti. Sattamaṃ.

8. Dutiyagelaññasuttaṃ

256. Ekaṃ samayaṃ bhagavā vesāliyaṃ viharati mahāvane kūṭāgārasālāyaṃ. Atha kho bhagavā sāyanhasamayaṃ paṭisallānā vuṭṭhito yena gilānasālā tenupasaṅkami; upasaṅkamitvā paññatte āsane nisīdi. Nisajja kho bhagavā bhikkhū āmantesi –

“Sato, bhikkhave, bhikkhu sampajāno kālaṃ āgameyya. Ayaṃ vo amhākaṃ anusāsanī.

“Kathañca, bhikkhave, bhikkhu sato hoti? Idha, bhikkhave, bhikkhu kāye kāyānupassī viharati ātāpī sampajāno satimā, vineyya loke abhijjhādomanassaṃ; vedanāsu vedanānupassī viharati... citte cittānupassī viharati... dhammesu dhammānupassī viharati ātāpī sampajāno satimā, vineyya loke abhijjhādomanassaṃ. Evaṃ kho, bhikkhave, bhikkhu sato hoti.

“Kathañca, bhikkhave, bhikkhu sampajāno hoti? Idha, bhikkhave, bhikkhu abhikkante paṭikkante sampajānakārī hoti...pe... bhāsīte tuñhībhāve sampajānakārī hoti. Evaṃ kho, bhikkhave, bhikkhu sampajāno hoti. Sato, bhikkhave, bhikkhu sampajāno kālaṃ āgameyya. Ayaṃ vo amhākaṃ anusāsanī.

“Tassa ce, bhikkhave, bhikkhuno evaṃ satassa sampajānassa appamattassa ātāpino pahitattassa viharato uppajjati sukhā vedanā. So evaṃ pajānāti – ‘uppannā kho myāyaṃ sukhā vedanā; sā ca kho paṭicca, no appaṭicca. Kiṃ paṭicca? Imameva phassaṃ paṭicca. Ayaṃ kho pana phasso anicco saṅkhatō paṭiccasamuppanno. Aniccaṃ kho pana saṅkhatam paṭiccasamuppannam phassaṃ paṭicca uppannā sukhā vedanā kuto niccā bhavissatī’ ti! So phasse ca sukhāya ca vedanāya aniccānupassī viharati, vayānupassī viharati, virāgānupassī viharati, nirodhānupassī viharati, paṭinissaggānupassī viharati. Tassa phasse ca sukhāya ca vedanāya aniccānupassino viharato, vayānupassino viharato, virāgānupassino viharato, nirodhānupassino viharato, paṭinissaggānupassino viharato yo phasse ca sukhāya ca vedanāya rāgānusayo, so pahīyati.

“Tassa ce, bhikkhave, bhikkhuno evaṃ satassa...pe... viharato uppajjati dukkhā vedanā...pe... uppajjati adukkhamasukhā vedanā. So evaṃ pajānāti – ‘uppannā kho myāyaṃ adukkhamasukhā vedanā; sā ca kho paṭicca, no appaṭicca. Kiṃ paṭicca? Imameva phassaṃ paṭicca...pe... kāyassa bheda uddhaṃ jīvitapariyādānā idheva sabbavedayitāni anabhinanditāni sītībhavissantī’ ti pajānāti”.

“Seyyathāpi, bhikkhave, telañca paṭicca vaṭṭiñca paṭicca telappadīpo jhāyeyya, tasseva telassa ca

vaṭṭiyā ca pariyādānā anāhāro nibbāyeyya; evameva kho, bhikkhave, bhikkhu kāyapariyantikaṃ vedanaṃ vedayamāno ‘kāyapariyantikaṃ vedanaṃ vedayāmi’ ti pajānāti. Jīvitapariyantikaṃ vedanaṃ vedayamāno ‘jīvitapariyantikaṃ vedanaṃ vedayāmi’ ti pajānāti. ‘Kāyassa bheda uddhaṃ jīvitapariyādānā idheva sabbavedayitāni anabhinanditāni sītībhavissantī’ ti pajānāti’ ti. Aṭṭhamam.

9. Aniccassuttaṃ

257. “Tisso imā, bhikkhave, vedanā aniccā saṅkhatā paṭiccasamuppannā khayadhammā vayadhammā virāgadhammā nirodhadhammā. Katamā tisso? Sukhā vedanā, dukkhā vedanā, adukkhamasukhā vedanā – imā kho, bhikkhave, tisso vedanā aniccā saṅkhatā paṭiccasamuppannā khayadhammā vayadhammā virāgadhammā nirodhadhammā” ti. Navamam.

10. Phassamūlakassuttaṃ

258. “Tisso imā, bhikkhave, vedanā phassajā phassamūlakā phassanidānā phassapaccayā. Katamā tisso? Sukhā vedanā, dukkhā vedanā, adukkhamasukhā vedanā. Sukhavedaniyam, bhikkhave, phassaṃ paṭicca uppajjati sukhā vedanā. Tasseva sukhavedaniyassa phassassa nirodhā, yaṃ tājjaṃ vedayitaṃ sukhavedaniyam phassaṃ paṭicca uppannā sukhā vedanā, sā nirujjhati, sā vūpasammati. Dukkavedaniyam, bhikkhave, phassaṃ paṭicca uppajjati dukkhā vedanā. Tasseva dukkhavedaniyassa phassassa nirodhā, yaṃ tājjaṃ vedayitaṃ dukkhavedaniyam phassaṃ paṭicca uppannā dukkhā vedanā, sā nirujjhati, sā vūpasammati. Adukkhamasukhavedaniyam, bhikkhave, phassaṃ paṭicca uppajjati adukkhamasukhā vedanā. Tasseva adukkhamasukhavedaniyassa phassassa nirodhā, yaṃ tājjaṃ vedayitaṃ adukkhamasukhavedaniyam phassaṃ paṭicca uppannā adukkhamasukhā vedanā, sā nirujjhati, sā vūpasammati. Seyyathāpi, bhikkhave, dvinnam kaṭṭhānaṃ saṅghaṭṭanasamodhānā [saṅkhattā tassa samodhānā (syā. kam.) saṅghattā tassa samodhānā (ka.) sam. ni. 2.62 passitabbam] usmā jāyati, tejo abhinibbattati. Tesamyeva kaṭṭhānaṃ nānābhāvā vinikkhepā, yā tājja usmā, sā nirujjhati, sā vūpasammati. Evameva kho, bhikkhave, imā tisso vedanā phassajā phassamūlakā phassanidānā phassapaccayā. Tājjaṃ phassaṃ paṭicca tājja vedanā uppajjanti. Tājjaṃ phassassa nirodhā tājja vedanā nirujjhanti’ ti. Dasamam.

Sagāthāvaggo paṭhamo.

Tassuddānam –

Samādhi sukhaṃ pahānena, pātālam daṭṭhabbena ca;
Sallena ceva gelaṅṅā, anicca phassamūlakāti.

2. Rahogatavaggo

1. Rahogatasuttaṃ

259. Atha kho aññataro bhikkhu yena bhagavā tenupasaṅkami; upasaṅkamtvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – “idha mayham, bhante, rahogatassa paṭisallīnassa evaṃ cetaso parivitakko udapādi – ‘tisso vedanā vuttā bhagavatā. Sukhā vedanā, dukkhā vedanā, adukkhamasukhā vedanā – imā tisso vedanā vuttā bhagavatā. Vuttaṃ kho panetaṃ bhagavatā – ‘yaṃ kiñci vedayitaṃ taṃ dukkhasmi’ nti. Kiṃ nu kho etaṃ bhagavatā sandhāya bhāsitaṃ – ‘yaṃ kiñci vedayitaṃ taṃ dukkhasmi’” nti?

“Sādhu sādhu, bhikkhu! Tisso imā, bhikkhu, vedanā vuttā mayā. Sukhā vedanā, dukkhā vedanā, adukkhamasukhā vedanā – imā tisso vedanā vuttā mayā. Vuttaṃ kho panetaṃ, bhikkhu, mayā – ‘yaṃ kiñci vedayitaṃ, taṃ dukkhasmi’ nti. Taṃ kho panetaṃ, bhikkhu, mayā saṅkhārānaṃ yeveva aniccatam

sandhāya bhāsitaṃ – ‘yaṃ kiñci vedayitaṃ taṃ dukkhasmi’nti. Taṃ kho panetaṃ, bhikkhu, mayā saṅkhārānaṃyeva khayadhammataṃ...pe... vayadhammataṃ...pe... virāgadhammataṃ ...pe... nirodhadhammataṃ...pe... vipariṇāmadhammataṃ sandhāya bhāsitaṃ – ‘yaṃ kiñci vedayitaṃ taṃ dukkhasmi’nti. Atha kho pana, bhikkhu, mayā anupubbasaṅkhārānaṃ nirodho akkhāto. Paṭhamaṃ jhānaṃ samāpannassa vācā niruddhā hoti. Dutiyamaṃ jhānaṃ samāpannassa vitakkavicārā niruddhā honti. Tatiyamaṃ jhānaṃ samāpannassa pīti niruddhā hoti. Catutthamaṃ jhānaṃ samāpannassa assāsapassāsā niruddhā honti. Ākāśānañcāyatanaṃ samāpannassa rūpasāññā niruddhā hoti. Viññānañcāyatanaṃ samāpannassa ākāśānañcāyatanaññā niruddhā hoti. Ākiñcaññāyatanaṃ samāpannassa viññānañcāyatanaññā niruddhā hoti. Nevasāññānāsāññāyatanaṃ samāpannassa ākiñcaññāyatanaññā niruddhā hoti. Saññāvedayitanirodhaṃ samāpannassa saññā ca vedanā ca niruddhā honti. Khīṇāsavassa bhikkhuno rāgo niruddho hoti, doso niruddho hoti, moho niruddho hoti. Atha kho, bhikkhu, mayā anupubbasaṅkhārānaṃ vūpasamo akkhāto. Paṭhamaṃ jhānaṃ samāpannassa vācā vūpasantā hoti. Dutiyamaṃ jhānaṃ samāpannassa vitakkavicārā vūpasantā honti...pe... saññāvedayitanirodhaṃ samāpannassa saññā ca vedanā ca vūpasantā honti. Khīṇāsavassa bhikkhuno rāgo vūpasanto hoti, doso vūpasanto hoti, moho vūpasanto hoti. Chayimā, bhikkhu, passaddhiyo. Paṭhamaṃ jhānaṃ samāpannassa vācā paṭippassaddhā hoti. Dutiyamaṃ jhānaṃ samāpannassa vitakkavicārā paṭippassaddhā honti. Tatiyamaṃ jhānaṃ samāpannassa pīti paṭippassaddhā hoti. Catutthamaṃ jhānaṃ samāpannassa assāsapassāsā paṭippassaddhā honti. Saññāvedayitanirodhaṃ samāpannassa saññā ca vedanā ca paṭippassaddhā honti. Khīṇāsavassa bhikkhuno rāgo paṭippassaddho hoti, doso paṭippassaddho hoti, moho paṭippassaddho hoti’ ti. Paṭhamaṃ.

2. Paṭhamaākāsasuttaṃ

260. “Seyyathāpi, bhikkhave, ākāse vividhā vātā vāyanti. Puratthimāpi vātā vāyanti, pacchimāpi vātā vāyanti, uttarāpi vātā vāyanti, dakkhiṇāpi vātā vāyanti, sarajāpi vātā vāyanti, arajāpi vātā vāyanti, sītāpi vātā vāyanti, uṇhāpi vātā vāyanti, parittāpi vātā vāyanti, adhimattāpi vātā vāyanti. Evameva kho, bhikkhave, imasmimṃ kāyasmimṃ vividhā vedanā uppajjanti, sukhāpi vedanā uppajjati, dukkhāpi vedanā uppajjati, adukkhamasukhāpi vedanā uppajjati’ ti.

“Yathāpi vātā ākāse, vāyanti vividhā puthū;
Puratthimā pacchimā cāpi, uttarā atha dakkhiṇā.

“Sarajā arajā capi, sītā uṇhā ca ekadā;
Adhimattā parittā ca, puthū vāyanti mālutā.

“Tathevismimṃ kāyasmimṃ, samuppajjanti vedanā;
Sukhadukkhasamuppattī, adukkhamasukhā ca yā.

“Yato ca bhikkhu ātāpī, sampajaññaṃ na riñcati [[sompajāno nirūpadhi \(ka.\)](#)];
Tato so vedanā sabbā, parijānāti paṇḍīto.

“So vedanā pariññāya, diṭṭhe dhamme anāsavo;
Kāyassa bhedaṃ dhammaṭṭho, saṅkhyamaṃ nopeti vedagū’ ti. dutiyamaṃ;

3. Dutiyāākāsasuttaṃ

261. “Seyyathāpi, bhikkhave, ākāse vividhā vātā vāyanti. Puratthimāpi vātā vāyanti...pe... adhimattāpi vātā vāyanti. Evameva kho, bhikkhave, imasmimṃ kāyasmimṃ vividhā vedanā uppajjanti, sukhāpi vedanā uppajjati, dukkhāpi vedanā uppajjati, adukkhamasukhāpi vedanā uppajjati’ ti. Tatiyamaṃ.

4. Agārasuttaṃ

262. “Seyyathāpi, bhikkhave, āgantukāgāraṃ. Tattha puratthimāyapi disāya āgantvā vāsaṃ kappenti, pacchimāyapi disāya āgantvā vāsaṃ kappenti, uttarāyapi disāya āgantvā vāsaṃ kappenti, dakkhiṇāyapi disāya āgantvā vāsaṃ kappenti. Khattiyāpi āgantvā vāsaṃ kappenti, brāhmaṇāpi āgantvā vāsaṃ kappenti, vessāpi āgantvā vāsaṃ kappenti, suddāpi āgantvā vāsaṃ kappenti. Evameva kho, bhikkhave, imasmiṃ kāyasmīṃ vividhā vedanā uppajjanti. Sukhāpi vedanā uppajjati, dukkhāpi vedanā uppajjati, adukkhamasukhāpi vedanā uppajjati. Sāmisāpi sukhā vedanā uppajjati, sāmisāpi dukkhā vedanā uppajjati, sāmisāpi adukkhamasukhā vedanā uppajjati. Nirāmisāpi sukhā vedanā uppajjati, nirāmisāpi dukkhā vedanā uppajjati, nirāmisāpi adukkhamasukhā vedanā uppajjati”ti. Catutthaṃ.

5. Paṭhamaānandasuttaṃ

263. Atha kho āyasmā ānando yena bhagavā tenupasaṅkhami; upasaṅkhamitvā ekamantaṃ nisīdi, ekamantaṃ nisinnō kho āyasmā ānando bhagavantaṃ etadavoca – “katamā nu kho, bhante, vedanā, katamo vedanāsamudayo, katamo vedanānirodho, katamā vedanānirodhagāminī paṭipadā? Ko vedanāya assādo, ko ādīnavo, kiṃ nissaraṇanti? Tisso imā, ānanda, vedanā – sukhā vedanā, dukkhā vedanā, adukkhamasukhā vedanā – imā vuccanti, ānanda, vedanā. Phassasamudayā vedanāsamudayo; phassanirodhā vedanānirodho. Ayameva ariyo aṭṭhaṅgiko maggo vedanānirodhagāminī paṭipadā, seyyathidaṃ – sammādiṭṭhi...pe... sammāsamādhi. Yaṃ vedanaṃ paṭicca uppajjati sukhaṃ somanassaṃ, ayaṃ vedanāya assādo. Yā vedanā aniccā dukkhā vipariṇāmadhammā, ayaṃ vedanāya ādīnavo. Yo vedanāya chandarāgavinayo chandarāgappahānaṃ, idaṃ vedanāya nissaraṇaṃ. Atha kho panānanda, mayā anupubbasaṅkhārānaṃ nirodho akkhāto. Paṭhamaṃ jhānaṃ samāpannassa vācā niruddhā hoti...pe... saññāvedayitanirodhaṃ samāpannassa saññā ca vedanā ca niruddhā hoti. Khīṇāsavassa bhikkhuno rāgo niruddho hoti, doso niruddho hoti, moho niruddho hoti. Atha kho panānanda, mayā anupubbasaṅkhārānaṃ vūpasamo akkhāto. Paṭhamaṃ jhānaṃ samāpannassa vācā vūpasantā hoti...pe... saññāvedayitanirodhaṃ samāpannassa saññā ca vedanā ca vūpasantā hoti. Khīṇāsavassa bhikkhuno rāgo vūpasanto hoti, doso vūpasanto hoti, moho vūpasanto hoti. Atha kho panānanda, mayā anupubbasaṅkhārānaṃ paṭippassaddhi akkhātā. Paṭhamaṃ jhānaṃ samāpannassa vācā paṭippassaddhā hoti...pe... ākāsaṇācāyatanaṃ samāpannassa rūpasaññā paṭippassaddhā hoti. Viññāṇācāyatanaṃ samāpannassa ākāsaṇācāyatanaṃ saññā paṭippassaddhā hoti. Ākiñcaṇṇāyatanaṃ samāpannassa viññāṇācāyatanaṃ saññā paṭippassaddhā hoti. Nevasaññānāsaññāyatanaṃ samāpannassa ākiñcaṇṇāyatanaṃ saññā paṭippassaddhā hoti. Saññāvedayitanirodhaṃ samāpannassa saññā ca vedanā ca paṭippassaddhā hoti. Khīṇāsavassa bhikkhuno rāgo paṭippassaddho hoti, doso paṭippassaddho hoti, moho paṭippassaddho hoti”ti. Pañcamaṃ.

6. Dutiyaānandasuttaṃ

264. Atha kho āyasmā ānando yena bhagavā tenupasaṅkhami; upasaṅkhamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ ānantaṃ bhagavā etadavoca – “katamā nu kho, ānanda, vedanā, katamo vedanāsamudayo, katamo vedanānirodho, katamā vedanānirodhagāminī paṭipadā? Ko vedanāya assādo, ko ādīnavo, kiṃ nissaraṇa’nti? “Bhagavaṃmūlakā no, bhante, dhammā bhagavannettikā bhagavampaṭisaraṇā. Sādhu, bhante, bhagavantaññeva paṭibhātu etassa bhāsitassa attho. Bhagavato sutvā bhikkhū dhāressanti”ti. “Tena hi, ānanda, suṇohi, sādhukaṃ manasi karohi; bhāsissāmi”ti. “Evaṃ, bhante”ti kho āyasmā ānando bhagavato paccassosi. Bhagavā etadavoca – “tisso imā, ānanda, vedanā – sukhā vedanā, dukkhā vedanā, adukkhamasukhā vedanā – imā vuccanti, ānanda, vedanā...pe... phassasamudayā...pe... khīṇāsavassa bhikkhuno rāgo paṭippassaddho hoti, doso paṭippassaddho hoti, moho paṭippassaddho hoti”ti. Chaṭṭhaṃ.

7. Paṭhamasambahulasuttaṃ

265. Atha kho sambahulā bhikkhū yena bhagavā tenupasaṅkhamiṃsu; upasaṅkhamitvā bhagavantaṃ abhivādetvā ekamantaṃ nisīdiṃsu. Ekamantaṃ nisinnā kho te bhikkhū bhagavantaṃ etadavocum –

“katamā nu kho, bhante, vedanā, katamo vedanāsamudayo, katamo vedanānirodho, katamā vedanānirodhagāminī paṭipadā? Ko vedanāya assādo, ko ādīnavo, kiṃ nissaraṇa’nti? “Tisso imā, bhikkhave, vedanā – sukhā vedanā, dukkhā vedanā, adukkhamasukhā vedanā – imā vuccanti, bhikkhave, vedanā. Phassasamudayā vedanāsamudayo; phassanirodhā vedanānirodho. Ayameva ariyo aṭṭhaṅgiko maggo vedanānirodhagāminī paṭipadā, seyyathidaṃ – sammādiṭṭhi...pe... sammāsamādhī. Yaṃ vedanaṃ paṭicca uppajjati sukhaṃ somanassaṃ, ayaṃ vedanāya assādo. Yā vedanā aniccā dukkhā vipariṇāmadhammā, ayaṃ vedanāya ādīnavo. Yo vedanāya chandarāgavinayo chandarāgappahānaṃ, idaṃ vedanāya nissaraṇaṃ.

“Atha kho pana, bhikkhave, mayā anupubbasaṅkhārānaṃ nirodho akkhāto. Paṭhamaṃ jhānaṃ samāpannaṃ vācā niruddhā hoti...pe... khīṇāsavassa bhikkhuno rāgo niruddho hoti, doso niruddho hoti, moho niruddho hoti. Atha kho pana, bhikkhave, mayā anupubbasaṅkhārānaṃ vūpasamo akkhāto. Paṭhamaṃ jhānaṃ samāpannaṃ vācā vūpasantaṃ hoti...pe... khīṇāsavassa bhikkhuno rāgo vūpasanto hoti, doso vūpasanto hoti, moho vūpasanto hoti. Chayimā, bhikkhave, passaddhiyo. Paṭhamaṃ jhānaṃ samāpannaṃ vācā paṭippassaddhā hoti. Dutiyamaṃ jhānaṃ samāpannaṃ vitakkavicārā paṭippassaddhā honti. Tatiyamaṃ jhānaṃ samāpannaṃ pīti paṭippassaddhā hoti. Catutthamaṃ jhānaṃ samāpannaṃ assāsapassāsā paṭippassaddhā honti. Saññāvedayitanirodhaṃ samāpannaṃ saññā ca vedanā ca paṭippassaddhā honti. Khīṇāsavassa bhikkhuno rāgo paṭippassaddho hoti, doso paṭippassaddho hoti, moho paṭippassaddho hoti”ti. Sattamaṃ.

8. Dutiyasambahulasuttaṃ

266. Atha kho sambahulā bhikkhū yena bhagavā tenupasaṅkamiṃsu...pe... ekamantaṃ nisinnā kho te bhikkhū bhagavā etadavoca – “katamā nu kho, bhikkhave, vedanā, katamo vedanāsamudayo, katamo vedanānirodho, katamā vedanānirodhagāminī paṭipadā? Ko vedanāya assādo, ko ādīnavo, kiṃ nissaraṇa’nti? “Bhagavaṃmūlakā no, bhante, dhammā...pe...” “tisso imā, bhikkhave, vedanā – sukhā vedanā, dukkhā vedanā, adukkhamasukhā vedanā – imā vuccanti, bhikkhave, vedanā...pe... phassasamudayā...pe... (Yathā purimasuttante, tathā vitthāretabbo.) Aṭṭhamaṃ.

9. Pañcakaṅgasuttaṃ

267. Atha kho pañcakaṅgo thapati yenāyasmā udāyī tenupasaṅkami; upasaṅkamitvā āyasmantaṃ udāyimaṃ abhivādetvā ekamantaṃ nisīdi. Ekamantaṃ nisinna kho pañcakaṅgo thapati āyasmantaṃ udāyimaṃ etadavoca – “kati nu kho, bhante udāyī, vedanā vuttā bhagavatā”ti? “Tisso kho, thapati, vedanā vuttā bhagavatā. Sukhā vedanā, dukkhā vedanā, adukkhamasukhā vedanā – imā kho, thapati, tisso vedanā vuttā bhagavatā”ti. Evaṃ vutte, pañcakaṅgo thapati āyasmantaṃ udāyimaṃ etadavoca – “na kho, bhante udāyī, tisso vedanā vuttā bhagavatā. Dve vedanā vuttā bhagavatā – sukhā vedanā, dukkhā vedanā. Yāyamaṃ, bhante, adukkhamasukhā vedanā, santasmiṃ esā paṇīte sukhe vuttā bhagavatā”ti. Dutiyampi kho āyasmā udāyī pañcakaṅgaṃ thapatimaṃ etadavoca – “na kho, thapati, dve vedanā vuttā bhagavatā. Tisso vedanā vuttā bhagavatā. Sukhā vedanā, dukkhā vedanā, adukkhamasukhā vedanā – imā tisso vedanā vuttā bhagavatā”ti. Dutiyampi kho pañcakaṅgo thapati āyasmantaṃ udāyimaṃ etadavoca – “na kho, bhante udāyī, tisso vedanā vuttā bhagavatā. Dve vedanā vuttā bhagavatā – sukhā vedanā, dukkhā vedanā. Yāyamaṃ, bhante, adukkhamasukhā vedanā, santasmiṃ esā paṇīte sukhe vuttā bhagavatā”ti. Tatiyampi kho āyasmā udāyī pañcakaṅgaṃ thapatimaṃ etadavoca – “na kho, thapati, dve vedanā vuttā bhagavatā. Tisso vedanā vuttā bhagavatā. Sukhā vedanā, dukkhā vedanā, adukkhamasukhā vedanā – imā tisso vedanā vuttā bhagavatā”ti. Tatiyampi kho pañcakaṅgo thapati āyasmantaṃ udāyimaṃ etadavoca – “na kho, bhante udāyī, tisso vedanā vuttā bhagavatā. Dve vedanā vuttā bhagavatā – sukhā vedanā, dukkhā vedanā. Yāyamaṃ, bhante, adukkhamasukhā vedanā, santasmiṃ esā paṇīte sukhe vuttā bhagavatā”ti. Neva sakkhi āyasmā udāyī pañcakaṅgaṃ thapatimaṃ saññāpetuṃ, na panāsakkhi pañcakaṅgo thapati āyasmantaṃ udāyimaṃ saññāpetuṃ. Assosi kho āyasmā ānando āyasmato udāyissa pañcakaṅgena thapatinā saddhimaṃ imaṃ kathāsallāpaṃ.

Atha kho āyasmā ānando yena bhagavā tenupasaṅkami; upasaṅkamitvā ekamantaṃ nisīdi. Ekamantaṃ nisinno kho āyasmā ānando yāvatako āyasmato udāyissa pañcakaṅgena thapatinā saddhiṃ ahoṣi kathāsallāpo taṃ sabbaṃ bhagavato ārocesi.

“Santameva, ānanda, pariyāyaṃ pañcakaṅgo thapati udāyissa bhikkhuno nābbhanumodi; santañca panānanda, pariyāyaṃ udāyī bhikkhu pañcakaṅgassa thapatino nābbhanumodi. Dvepi mayā, ānanda, vedanā vuttā pariyāyena. Tisso pi mayā vedanā vuttā pariyāyena. Pañcapi mayā vedanā vuttā pariyāyena. Chapī mayā vedanā vuttā pariyāyena. Aṭṭhārasāpi mayā vedanā vuttā pariyāyena. Chattimsāpi mayā vedanā vuttā pariyāyena. Aṭṭhasatampmppi mayā vedanā vuttā pariyāyena. Evaṃ pariyāyadesīto kho, ānanda, mayā dhammo. Evaṃ pariyāyadesīto kho, ānanda, mayā dhamme ye aññamaññaṃ subhāsitaṃ sulapitaṃ, na samanumaññissanti, na samanujānissanti, na samanumodissanti, tesāṃ etaṃ pāṭikaṅkhaṃ – bhaṇḍanañjātā kalahajātā vivādāpannā aññamaññaṃ mukhasattīhi vitudantā viharissanti [viharissanti (sī. pī. ka.)]. Evaṃ pariyāyadesīto kho, ānanda, mayā dhammo. Evaṃ pariyāyadesīto kho, ānanda, mayā dhamme ye aññamaññaṃ subhāsitaṃ sulapitaṃ samanumaññissanti samanujānissanti samanumodissanti, tesāṃ etaṃ pāṭikaṅkhaṃ – samaggā sammodamānā avivadamaññā khīrodakābhūtā aññamaññaṃ piyacakkhūhi sampassantā viharissanti’ ti.

“Pañcime, ānanda, kāmaguṇā. Katame pañca? Cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā... pe... kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā. Ime kho, ānanda, pañca kāmaguṇā. Yaṃ kho, ānanda, ime pañca kāmaguṇe paṭicca uppajjati sukhaṃ somanassaṃ – idaṃ vuccati kāmasukhaṃ. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ ti – idaṃ nesāhaṃ nānujānāmi. Taṃ kissa hetu? Atthānanda, etaṃhā sukhā aññaṃ sukhaṃ abhikkantatarañca pañītataarañca.

“Katamañcānanda, etaṃhā sukhā aññaṃ sukhaṃ abhikkantatarañca pañītataarañca? Idhānanda, bhikkhu vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharati. Idaṃ kho, ānanda, etaṃhā sukhā aññaṃ sukhaṃ abhikkantatarañca pañītataarañca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ ti – idaṃ nesāhaṃ nānujānāmi. Taṃ kissa hetu? Atthānanda, etaṃhā sukhā aññaṃ sukhaṃ abhikkantatarañca pañītataarañca.

“Katamañcānanda, etaṃhā sukhā aññaṃ sukhaṃ abhikkantatarañca pañītataarañca? Idhānanda, bhikkhu, vitakkavicārānaṃ vūpasamā ajjhattaṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharati. Idaṃ kho, ānanda, etaṃhā sukhā aññaṃ sukhaṃ abhikkantatarañca pañītataarañca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ ti – idaṃ nesāhaṃ nānujānāmi. Taṃ kissa hetu? Atthānanda, etaṃhā sukhā aññaṃ sukhaṃ abhikkantatarañca pañītataarañca.

“Katamañcānanda, etaṃhā sukhā aññaṃ sukhaṃ abhikkantatarañca pañītataarañca? Idhānanda, bhikkhu pītiyā ca virāgā upekkhako ca viharati sato ca sampajāno, sukhañca kāyena paṭisaṃvedeti, yaṃ taṃ ariyā ācikkhanti – ‘upekkhako satimā sukhavihārī’ ti tatiyaṃ jhānaṃ upasampajja viharati. Idaṃ kho, ānanda, etaṃhā sukhā aññaṃ sukhaṃ abhikkantatarañca pañītataarañca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ ti – idaṃ nesāhaṃ nānujānāmi. Taṃ kissa hetu? Atthānanda, etaṃhā sukhā aññaṃ sukhaṃ abhikkantatarañca pañītataarañca.

“Katamañcānanda, etaṃhā sukhā aññaṃ sukhaṃ abhikkantatarañca pañītataarañca? Idhānanda, bhikkhu sukhasa ca pahānā dukkhasa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharati. Idaṃ kho, ānanda, etaṃhā sukhā aññaṃ sukhaṃ abhikkantatarañca pañītataarañca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ ti – idaṃ nesāhaṃ nānujānāmi. Taṃ kissa

hetu? Atthānanda, etamhā sukhā aññaṃ sukhaṃ abhikkantataraṇca paṇītataraṇca.

“Katamañcānanda, etamhā sukhā aññaṃ sukhaṃ abhikkantataraṇca paṇītataraṇca? Idhānanda, bhikkhu sabbaso rūpasaññaṇaṃ samatikkamā, paṭighasaññaṇaṃ atthaṅgamā, nānattasaññaṇaṃ amanasikārā, ‘ananto ākāso’ti ākāsañcāyatanaṃ upasampajja viharati. Idaṃ kho, ānanda, etamhā sukhā aññaṃ sukhaṃ abhikkantataraṇca paṇītataraṇca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ti – idaṃ nesāhaṃ nānujānāmi. Taṃ kissa hetu? Atthānanda, etamhā sukhā aññaṃ sukhaṃ abhikkantataraṇca paṇītataraṇca.

“Katamañcānanda, etamhā sukhā aññaṃ sukhaṃ abhikkantataraṇca paṇītataraṇca? Idhānanda, bhikkhu sabbaso ākāsañcāyatanaṃ samatikkamma, ‘anantaṃ viññāṇa’nti viññāṇañcāyatanaṃ upasampajja viharati. Idaṃ kho, ānanda, etamhā sukhā aññaṃ sukhaṃ abhikkantataraṇca paṇītataraṇca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ti – idaṃ nesāhaṃ nānujānāmi. Taṃ kissa hetu? Atthānanda, etamhā sukhā aññaṃ sukhaṃ abhikkantataraṇca paṇītataraṇca.

“Katamañcānanda, etamhā sukhā aññaṃ sukhaṃ abhikkantataraṇca paṇītataraṇca? Idhānanda, bhikkhu sabbaso viññāṇañcāyatanaṃ samatikkamma, ‘natthi kiñcī’ti ākiñcaññāyatanaṃ upasampajja viharati. Idaṃ kho, ānanda, etamhā sukhā aññaṃ sukhaṃ abhikkantataraṇca paṇītataraṇca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ti – idaṃ nesāhaṃ nānujānāmi. Taṃ kissa hetu? Atthānanda, etamhā sukhā aññaṃ sukhaṃ abhikkantataraṇca paṇītataraṇca.

“Katamañcānanda, etamhā sukhā aññaṃ sukhaṃ abhikkantataraṇca paṇītataraṇca? Idhānanda, bhikkhu sabbaso ākiñcaññāyatanaṃ samatikkamma nevasaññānāsaññāyatanaṃ upasampajja viharati. Idaṃ kho, ānanda, etamhā sukhā aññaṃ sukhaṃ abhikkantataraṇca paṇītataraṇca. Ye kho, ānanda, evaṃ vadeyyuṃ – ‘etaṃparamaṃ santaṃ sukhaṃ somanassaṃ paṭisaṃvedentī’ti – idaṃ nesāhaṃ nānujānāmi. Taṃ kissa hetu? Atthānanda, etamhā sukhā aññaṃ sukhaṃ abhikkantataraṇca paṇītataraṇca.

“Katamañcānanda, etamhā sukhā aññaṃ sukhaṃ abhikkantataraṇca paṇītataraṇca? Idhānanda, bhikkhu sabbaso nevasaññānāsaññāyatanaṃ samatikkamma saññāvedayitanirodhaṃ upasampajja viharati. Idaṃ kho, ānanda, etamhā sukhā aññaṃ sukhaṃ abhikkantataraṇca paṇītataraṇca.

“Thānaṃ kho panetaṃ, ānanda, vijjati yaṃ aññatitthiyā paribbājakā evaṃ vadeyyuṃ – ‘saññāvedayitanirodhaṃ samaṇo gotamo āha, taṇca sukhasmiṃ paññapeti. Tayidaṃ kiṃsu, tayidaṃ kathaṃsū’ti? Evaṃvādino, ānanda, aññatitthiyā paribbājakā evamassu vacanīyā – ‘na kho, āvuso, bhagavā sukhaññeva vedanaṃ sandhāya sukhasmiṃ paññapeti. Yattha yattha, āvuso, sukhaṃ upalabbhati, yaṃ yaṃ [yaṃ hiyaṃ hi sukhaṃ (sī. pī.), yaṃ yaṃ sukhaṃ (syā. kaṃ. ka.) ma. ni. 2.91], taṃ taṃ tathāgato sukhasmiṃ paññapeti’”ti. Navamaṃ.

10. Bhikkhusuttaṃ

268. “Dvepi mayā, bhikkhave, vedanā vuttā pariyāyena, tissopi mayā vedanā vuttā pariyāyena, pañcapi mayā vedanā vuttā pariyāyena, chapī mayā vedanā vuttā pariyāyena, aṭṭhārasāpi mayā vedanā vuttā pariyāyena, chattimsāpi mayā vedanā vuttā pariyāyena, aṭṭhasatampi mayā vedanā vuttā pariyāyena. Evaṃ pariyāyadesito, bhikkhave, mayā dhammo. Evaṃ pariyāyadesite kho, bhikkhave, mayā dhamme ye aññamaññassa subhāsitaṃ sulapitaṃ na samanumaññissanti, na samanujānissanti, na samanumodissanti, tesam etaṃ pāṭikaṅkhaṃ – bhaṇḍanaṅgātā kalahajātā vivādāpannā aññamaññaṃ mukhasattīhi vitudantā viharissantīti. Evaṃ pariyāyadesito, bhikkhave, mayā dhammo. Evaṃ pariyāyadesite kho, bhikkhave, mayā dhamme ye aññamaññassa subhāsitaṃ sulapitaṃ

samanumaññissanti samanujānissanti samanumodissanti, tesam etaṃ pāṭikaṅkhaṃ – samaggā sammodamānā avivadamānā khīrodakībhūtā aññaṃamaññaṃ piyacakkhūhi sampassantā viharissantīti.

“Pañcime, bhikkhave, kāmagaṇā...pe... ṭhānaṃ kho panetaṃ, bhikkhave, vijjati yaṃ aññatitthiyā paribbājakā evaṃ vadeyyuṃ – ‘saññāvedayitanirodhaṃ samaṇo gotamo āha, tañca sukhasmiṃ paññāpeti. Tayidaṃ kiṃsu, tayidaṃ kathaṃsū’ti? Evaṃvādino, bhikkhave, aññatitthiyā paribbājakā evamassu vacanīyā – ‘na kho, āvuso, bhagavā sukhaññeva vedanaṃ sandhāya sukhasmiṃ paññāpeti. Yattha yattha, āvuso, sukhaṃ upalabbhati yaṃ yaṃ [yaṃ hi yaṃ hi (sī. pī.)], taṃ taṃ tathāgato sukhasmiṃ paññāpeti’”ti. Dasamaṃ.

Rahogatavaggo dutiyo.

Tassuddānaṃ –

Rahogaṭaṃ dve ākāsaṃ, agāraṃ dve ca ānandā;
Sambahulā duve vuttā, pañcakaṅgo ca bhikkhunāti.

3. Aṭṭhasatapariyāyavaggo

1. Sīvakasuttaṃ

269. Ekam samayaṃ bhagavā rājagahe viharati veḷuvane kalandakanivāpe. Atha kho moḷiyasīvako paribbājako yena bhagavā tenupasaṅkami; upasaṅkamtīvā bhagavatā saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho moḷiyasīvako paribbājako bhagavantaṃ etadavoca – “santi, bho gotama, eke samaṇabrāhmaṇā evaṃvādino evaṃdiṭṭhino – ‘yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā sabbaṃ taṃ pubbekatahetū’ti. Idha [idha pana (syā. kaṃ. pī. ka.)] bhavaṃ gotamo kimāhā’”ti?

“Pittasamuṭṭhānānīpi kho, sīvaka, idhekaccāni vedayitāni uppajjanti. Sāmampi kho etaṃ, sīvaka, veditabbaṃ [evaṃ veditabbaṃ (syā. kaṃ. ka.)] yathā pittasamuṭṭhānānīpi idhekaccāni vedayitāni uppajjanti; lokassapi kho etaṃ, sīvaka, saccasammataṃ yathā pittasamuṭṭhānānīpi idhekaccāni vedayitāni uppajjanti. Tatra, sīvaka, ye te samaṇabrāhmaṇā evaṃvādino evaṃdiṭṭhino – ‘yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā sabbaṃ taṃ pubbekatahetū’ti. Yañca sāmaṃ ñātaṃ tañca atidhāvanti, yañca loke saccasammataṃ tañca atidhāvanti. Tasmā tesam samaṇabrāhmaṇānaṃ micchāti vadāmi.

“Semhasamuṭṭhānānīpi kho, sīvaka...pe... vātasamuṭṭhānānīpi kho, sīvaka...pe... sannipātikānīpi kho, sīvaka...pe... utupariṇāmajānīpi kho, sīvaka...pe... visamaparihārajānīpi kho, sīvaka...pe... opakkamikānīpi kho, sīvaka...pe... kammavipākajānīpi kho, sīvaka, idhekaccāni vedayitāni uppajjanti. Sāmampi kho etaṃ, sīvaka, veditabbaṃ. Yathā kammavipākajānīpi idhekaccāni vedayitāni uppajjanti; lokassapi kho etaṃ, sīvaka, saccasammataṃ. Yathā kammavipākajānīpi idhekaccāni vedayitāni uppajjanti; tatra, sīvaka, ye te samaṇabrāhmaṇā evaṃvādino evaṃdiṭṭhino – ‘yaṃ kiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā sabbaṃ taṃ pubbekatahetū’ti. Yañca sāmaṃ ñātaṃ tañca atidhāvanti yañca loke saccasammataṃ tañca atidhāvanti. Tasmā tesam samaṇabrāhmaṇānaṃ micchāti vadāmīti. Evaṃ vutte, moḷiyasīvako paribbājako bhagavantaṃ etadavoca – ‘abhikkantaṃ, bho gotama, abhikkantaṃ, bho gotama ...pe... upāsakaṃ maṃ bhavaṃ gotamo dhāretu ajjatagge pāṇupetaṃ saraṇaṃ gata’”nti.

“Pittaṃ semhañca vāto ca, sannipātā utūni ca;
Visamaṃ opakkamikaṃ, kammavipākena aṭṭhamī’”ti. paṭhamaṃ;

2. Aṭṭhasatasuttam

270. “Aṭṭhasatapariyāyaṃ vo, bhikkhave, dhammapariyāyaṃ desessāmi. Taṃ suṇātha. Katamo ca, bhikkhave, aṭṭhasatapariyāyo, dhammapariyāyo? Dvepi mayā, bhikkhave, vedanā vuttā pariyāyena; tissopi mayā vedanā vuttā pariyāyena; pañcapi mayā vedanā vuttā pariyāyena; chapi mayā vedanā vuttā pariyāyena; aṭṭhārasāpi mayā vedanā vuttā pariyāyena; chattimsāpi mayā vedanā vuttā pariyāyena; aṭṭhasatampi mayā vedanā vuttā pariyāyena. “Katamā ca, bhikkhave, dve vedanā? Kāyikā ca cetasikā ca – imā vuccanti, bhikkhave, dve vedanā. Katamā ca, bhikkhave, tisso vedanā? Sukhā vedanā, dukkhā vedanā, adukkhamasukhā vedanā – imā vuccanti, bhikkhave, tisso vedanā. Katamā ca, bhikkhave, pañca vedanā? Sukhindriyaṃ, dukkhindriyaṃ, somanassindriyaṃ, domanassindriyaṃ, upekkhindriyaṃ – imā vuccanti, bhikkhave, pañca vedanā. Katamā ca, bhikkhave, cha vedanā? Cakkhusamphassajā vedanā... pe... manosamphassajā vedanā – imā vuccanti, bhikkhave, cha vedanā. Katamā ca, bhikkhave, aṭṭhārasa vedanā? Cha somanassūpavicārā, cha domanassūpavicārā, cha upekkhūpavicārā – imā vuccanti, bhikkhave, aṭṭhārasa vedanā. Katamā ca, bhikkhave, chattimsa vedanā? Cha gehasitāni [gehasitāni (aṭṭha.)] somanassāni, cha nekkhammasitāni [nekkhammassitāni (aṭṭha.)] somanassāni, cha gehasitāni domanassāni, cha nekkhammasitāni domanassāni, cha gehasitā upekkhā, cha nekkhammasitā upekkhā – imā vuccanti, bhikkhave, chattimsa vedanā. Katamañca, bhikkhave, aṭṭhasataṃ vedanā? Atītā chattimsa vedanā, anāgatā chattimsa vedanā, paccuppannā chattimsa vedanā – imā vuccanti, bhikkhave, aṭṭhasataṃ vedanā. Ayaṃ, bhikkhave, aṭṭhasatapariyāyo dhammapariyāyo”ti. Dutiyaṃ.

3. Aññatarabhikkhusuttam

271. Atha kho aññataro bhikkhu yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – “katamā nu kho, bhante, vedanā, katamo vedanāsamudayo, katamā vedanāsamudayaḡāminī paṭipadā? Katamo vedanānirodho, katamā vedanānirodhagāminī paṭipadā? Ko vedanāya assādo, ko ādīnavo, kiṃ nissaraṇa”nti?

“Tisso imā, bhikkhu, vedanā – sukhā vedanā, dukkhā vedanā, adukkhamasukhā vedanā. Imā vuccanti, bhikkhu, vedanā. Phassasamudayā vedanāsamudayo. Taṇhā vedanāsamudayaḡāminī paṭipadā. Phassanirodhā vedanānirodho. Ayameva ariyo aṭṭhaṅgiko maggo vedanānirodhagāminī paṭipadā, seyyathidaṃ – sammādiṭṭhi...pe... sammāsamādhi. Yaṃ vedanaṃ paṭicca uppajjati sukhaṃ somanassaṃ, ayaṃ vedanāya assādo; yā vedanā aniccā dukkhā vipariṇāmadhammā, ayaṃ vedanāya ādīnavo; yo vedanāya chandarāḡavinayo chandarāḡappahānaṃ, idaṃ vedanāya nissaraṇa”nti. Tatiyaṃ.

4. Pubbasuttam

272. “Pubbeva me, bhikkhave, sambodhā anabhisambuddhassa bodhisattasseva sato etadahosi – ‘katamā nu kho vedanā, katamo vedanāsamudayo, katamā vedanāsamudayaḡāminī paṭipadā, katamo vedanānirodho, katamā vedanānirodhagāminī paṭipadā? Ko vedanāya assādo, ko ādīnavo, kiṃ nissaraṇa’nti? Tassa mayhaṃ, bhikkhave, etadahosi – ‘tisso imā vedanā – sukhā vedanā, dukkhā vedanā, adukkhamasukhā vedanā. Imā vuccanti vedanā. Phassasamudayā vedanāsamudayo. Taṇhā vedanāsamudayaḡāminī paṭipadā...pe... yo vedanāya chandarāḡavinayo chandarāḡappahānaṃ. Idaṃ vedanāya nissaraṇa’”nti. Catutthaṃ.

5. Nāṇasuttam

273. “‘Imā vedanā’ti me, bhikkhave, pubbe ananussutesu dhammesu cakkhuṃ udapādi, nāṇaṃ udapādi, paññā udapādi, vijjā udapādi, āloko udapādi. ‘Ayaṃ vedanāsamudayo’ti me, bhikkhave, pubbe ananussutesu dhammesu cakkhuṃ udapādi...pe... āloko udapādi. ‘Ayaṃ vedanāsamudayaḡāminī paṭipadā’ti me, bhikkhave, pubbe ananussutesu dhammesu cakkhuṃ udapādi...pe... ‘ayaṃ

vedanānirodho'ti me, bhikkhave, pubbe ananussutesu dhammesu cakkhuṃ udapādi ...pe... 'ayaṃ vedanānirodhagāminī paṭipadā'ti me, bhikkhave, pubbe ananussutesu dhammesu cakkhuṃ udapādi... pe... 'ayaṃ vedanāya assādo'ti me, bhikkhave, pubbe ananussutesu dhammesu...pe... 'ayaṃ vedanāya ādīnavo'ti me, bhikkhave, pubbe ananussutesu dhammesu...pe... 'idaṃ kho nissaraṇa'nti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi'ti. Pañcamamaṃ.

6. Sambahulabhikkhusuttaṃ

274. Atha kho sambahulā bhikkhū yena bhagavā tenupasaṅkamimsu; upasaṅkamitvā...pe... ekamantaṃ nisinnā kho te bhikkhū bhagavantaṃ etadavocum – ‘katamā nu kho, bhante, vedanā, katamo vedanāsamudayo, katamā vedanāsamudayagāminī paṭipadā? Katamo vedanānirodho, katamā vedanānirodhagāminī paṭipadā? Ko vedanāya assādo, ko ādīnavo, kiṃ nissaraṇa'nti? ‘Tisso imā, bhikkhave, vedanā – sukhā vedanā, dukkhā vedanā, adukkhamasukhā vedanā. Imā vuccanti, bhikkhave, vedanā. Phassasamudayā vedanāsamudayo. Taṇhā vedanāsamudayagāminī paṭipadā. Phassanirodhā... pe... yo vedanāya chandarāgavinayo chandarāgappahānaṃ. Idaṃ vedanāya nissaraṇa'nti. Chaṭṭhamaṃ.

7. Paṭthamasamaṇabrāhmaṇasuttaṃ

275. ‘Tisso imā, bhikkhave, vedanā. Katamā tisso? Sukhā vedanā, dukkhā vedanā, adukkhamasukhā vedanā. Ye hi keci, bhikkhave, samaṇā vā brāhmaṇā vā imāsaṃ tissannaṃ vedanānaṃ samudayaṅca atthaṅgamaṅca assādaṅca ādīnavaṅca nissaraṇaṅca yathābhūtaṃ nappajānanti. Na me te, bhikkhave, samaṇā vā brāhmaṇā vā samaṇesu vā samaṇasammatā brāhmaṇesu vā brāhmaṇasammatā, na ca pana te āyasmanto sāmāññatthaṃ vā brahmaññatthaṃ vā diṭṭheva dhamme sayamaṃ abhiññā sacchikatvā upasampajja viharanti. Ye ca kho keci, bhikkhave, samaṇā vā brāhmaṇā vā imāsaṃ tissannaṃ vedanānaṃ samudayaṅca atthaṅgamaṅca assādaṅca ādīnavaṃ ca nissaraṇaṅca yathābhūtaṃ pajānanti. Te kho me, bhikkhave, samaṇā vā brāhmaṇā vā samaṇesu ceva samaṇasammatā brāhmaṇesu ca brāhmaṇasammatā. Te ca panāyasmanto sāmāññatthaṅca brahmaññatthaṅca, diṭṭheva dhamme sayamaṃ abhiññā sacchikatvā upasampajja viharanti'ti. Sattamaṃ.

8. Dutiyasamaṇabrāhmaṇasuttaṃ

276. ‘Tisso imā, bhikkhave, vedanā. Katamā tisso? Sukhā vedanā, dukkhā vedanā, adukkhamasukhā vedanā. Ye hi keci, bhikkhave, samaṇā vā brāhmaṇā vā imāsaṃ tissannaṃ vedanānaṃ samudayaṅca atthaṅgamaṅca assādaṅca ādīnavaṅca nissaraṇaṅca yathābhūtaṃ nappajānanti...pe... pajānanti...pe... sayamaṃ abhiññā sacchikatvā upasampajja viharanti'ti. Aṭṭhamaṃ.

9. Tatiyasamaṇabrāhmaṇasuttaṃ

277. ‘Ye hi keci, bhikkhave, samaṇā vā brāhmaṇā vā vedanaṃ nappajānanti, vedanāsamudayaṃ nappajānanti, vedanānirodhaṃ nappajānanti, vedanānirodhagāminiṃ paṭipadaṃ nappajānanti...pe... pajānanti...pe... sayamaṃ abhiññā sacchikatvā upasampajja viharanti'ti. Navamaṃ.

10. Suddhikasuttaṃ

278. ‘Tisso imā, bhikkhave, vedanā. Katamā tisso? Sukhā vedanā, dukkhā vedanā, adukkhamasukhā vedanā – imā kho, bhikkhave, tisso vedanā'ti. Dasamaṃ.

11. Nirāmisasuttaṃ

279. ‘Atthi, bhikkhave, sāmīsā pīti, atthi nirāmisā pīti, atthi nirāmisā nirāmisatarā pīti; atthi

sāmisam sukham, atthi nirāmisam sukham, atthi nirāmisā nirāmisataram sukham; atthi sāmisa upekkhā, atthi nirāmisā upekkhā, atthi nirāmisā nirāmisatarā upekkhā; atthi sāmiso vimokkho, atthi nirāmisō vimokkho, atthi nirāmisā nirāmisataro vimokkho. Katamā ca, bhikkhave, sāmisa pīti? Pañcime, bhikkhave, kāmaguṇā. Katame pañca? Cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā...pe... kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā. Ime kho, bhikkhave, pañca kāmaguṇā. Yā kho, bhikkhave, ime pañca kāmaguṇe paṭicca uppajjati pīti, ayaṃ vuccati, bhikkhave, sāmisa pīti.

“Katamā ca, bhikkhave, nirāmisā pīti? Idha, bhikkhave, bhikkhu vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamam jhānaṃ upasampajja viharati. Vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharati. Ayaṃ vuccati, bhikkhave, nirāmisā pīti.

“Katamā ca, bhikkhave, nirāmisā nirāmisatarā pīti? Yā kho, bhikkhave, khīṇāsavassa bhikkhuno rāgā cittaṃ vimuttaṃ paccavekkhato, dosā cittaṃ vimuttaṃ paccavekkhato, mohā cittaṃ vimuttaṃ paccavekkhato uppajjati pīti, ayaṃ vuccati, bhikkhave, nirāmisā nirāmisatarā pīti.

“Katamañca, bhikkhave, sāmisaṃ sukhaṃ? Pañcime, bhikkhave, kāmaguṇā. Katame pañca? Cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā...pe... kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā. Ime kho, bhikkhave, pañca kāmaguṇā. Yaṃ kho, bhikkhave, ime pañca kāmaguṇe paṭicca uppajjati sukhaṃ somanassaṃ, idaṃ vuccati, bhikkhave, sāmisaṃ sukhaṃ.

“Katamañca, bhikkhave, nirāmisam sukhaṃ? Idha, bhikkhave, bhikkhu vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamam jhānaṃ upasampajja viharati. Vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānaṃ upasampajja viharati. Pītiyā ca virāgā upekkhako ca viharati sato ca sampajāno sukhañca kāyena paṭisaṃvedeti, yaṃ taṃ ariyā ācikkhanti – ‘upekkhako satimā sukhavihārī’ ti tatiyaṃ jhānaṃ upasampajja viharati. Idaṃ vuccati, bhikkhave, nirāmisam sukhaṃ.

“Katamañca, bhikkhave, nirāmisā nirāmisataram sukhaṃ? Yaṃ kho, bhikkhave, khīṇāsavassa bhikkhuno rāgā cittaṃ vimuttaṃ paccavekkhato, dosā cittaṃ vimuttaṃ paccavekkhato, mohā cittaṃ vimuttaṃ paccavekkhato uppajjati sukhaṃ somanassaṃ, idaṃ vuccati, bhikkhave, nirāmisā nirāmisataram sukhaṃ.

“Katamā ca, bhikkhave, sāmisa upekkhā? Pañcime, bhikkhave, kāmaguṇā. Katame pañca? Cakkhaviññeyyā rūpā iṭṭhā kantā manāpā piyarūpā kāmūpasamhitā rajanīyā...pe... kāyaviññeyyā phoṭṭhabbā iṭṭhā kantā manāpā piyarūpā kāmūpasamhitā rajanīyā. Ime kho, bhikkhave, pañca kāmaguṇā. Yā kho, bhikkhave, ime pañca kāmaguṇe paṭicca uppajjati upekkhā, ayaṃ vuccati, bhikkhave, sāmisa upekkhā.

“Katamā ca, bhikkhave, nirāmisā upekkhā? Idha, bhikkhave, bhikkhu sukhasa ca pahānā, dukkhasa ca pahānā, pubbeva somanassadomanassānaṃ atthaṅgamā, adukkhamasukhaṃ upekkhāsati pārisuddhiṃ catutthaṃ jhānaṃ upasampajja viharati. Ayaṃ vuccati, bhikkhave, nirāmisā upekkhā.

“Katamā ca, bhikkhave, nirāmisā nirāmisatarā upekkhā? Yā kho, bhikkhave, khīṇāsavassa bhikkhuno rāgā cittaṃ vimuttaṃ paccavekkhato, dosā cittaṃ vimuttaṃ paccavekkhato, mohā cittaṃ vimuttaṃ paccavekkhato uppajjati upekkhā, ayaṃ vuccati, bhikkhave, nirāmisā nirāmisatarā upekkhā.

“Katamo ca, bhikkhave, sāmiso vimokkho? Rūpappaṭisaṃyutto vimokkho sāmiso vimokkho.

“Katamo ca, bhikkhave, nirāmiso vimokkho? Arūpappaṭisaṃyutto vimokkho nirāmiso vimokkho.

“Katamo ca, bhikkhave, nirāmisā nirāmisataro vimokkho? Yo kho, bhikkhave, khīṇāsavassa bhikkhuno rāgā cittaṃ vimuttaṃ paccavekkhato, dosā cittaṃ vimuttaṃ paccavekkhato, mohā cittaṃ vimuttaṃ paccavekkhato uppajjati vimokkho, ayaṃ vuccati, bhikkhave, nirāmisā nirāmisataro vimokkho”ti. Ekādasamaṃ.

Aṭṭhasatapariyāyavaggo tatiyo.

Tassuddānaṃ –

Sīvakaatṭhasataṃ bhikkhu, pubbe ñāṇaṅca bhikkhunā;
Samaṇabrāhmaṇā tīṇi, suddhikaṅca nirāmisanti.

Vedanāsaṃyuttaṃ samattaṃ.

3. Mātugāmasaṃyuttaṃ

1. Paṭhamapeyyālavaggo

1. Mātugāmasuttaṃ

280. “Pañcahi, bhikkhave, aṅgehi samannāgato mātugāmo ekantaamanāpo hoti purisassa. Katamehi pañcahi? Na ca rūpavā hoti, na ca bhogavā hoti, na ca sīlavā hoti, alaso ca hoti, pajañcassa na labhati – imehi kho, bhikkhave, pañcahi aṅgehi samannāgato mātugāmo ekantaamanāpo hoti purisassa. Pañcahi, bhikkhave, aṅgehi samannāgato mātugāmo ekantamanāpo hoti purisassa. Katamehi pañcahi? Rūpavā ca hoti, bhogavā ca hoti, sīlavā ca hoti, dakkho ca hoti analaso, pajañcassa labhati – imehi kho, bhikkhave, pañcahi aṅgehi samannāgato mātugāmo ekantamanāpo hoti purisassā”ti. Paṭhamaṃ.

2. Purisasuttaṃ

281. “Pañcahi, bhikkhave, aṅgehi samannāgato puriso ekantaamanāpo hoti mātugāmassa. Katamehi pañcahi? Na ca rūpavā hoti, na ca bhogavā hoti, na ca sīlavā hoti, alaso ca hoti, pajañcassa na labhati – imehi kho, bhikkhave, pañcahi aṅgehi samannāgato puriso ekantaamanāpo hoti mātugāmassa. Pañcahi, bhikkhave, aṅgehi samannāgato puriso ekantamanāpo hoti mātugāmassa. Katamehi pañcahi? Rūpavā ca hoti, bhogavā ca hoti, sīlavā ca hoti, dakkho ca hoti analaso, pajañcassa labhati – imehi kho, bhikkhave, pañcahi aṅgehi samannāgato puriso ekantamanāpo hoti mātugāmassā”ti. Dutiyamaṃ.

3. Āveṇikadukkhasuttaṃ

282. “Pañcimāni, bhikkhave, mātugāmassa āveṇikāni dukkhāni, yāni mātugāmo paccanubhoti, aññatreva purisehi. Katamāni pañca? Idha, bhikkhave, mātugāmo daharova samāno patikulaṃ gacchati, ñātakehi vinā hoti. Idamaṃ, bhikkhave, mātugāmassa paṭhamaṃ āveṇikaṃ dukkhaṃ, yaṃ mātugāmo paccanubhoti, aññatreva purisehi. Puna caparaṃ, bhikkhave, mātugāmo utunī hoti. Idamaṃ, bhikkhave, mātugāmassa dutiyamaṃ āveṇikaṃ dukkhaṃ, yaṃ mātugāmo paccanubhoti, aññatreva purisehi. Puna caparaṃ, bhikkhave, mātugāmo gabbhinī hoti. Idamaṃ, bhikkhave, mātugāmassa tatiyamaṃ āveṇikaṃ dukkhaṃ, yaṃ mātugāmo paccanubhoti, aññatreva purisehi. Puna caparaṃ, bhikkhave, mātugāmo vijāyati. Idamaṃ, bhikkhave, mātugāmassa catutthamaṃ āveṇikaṃ dukkhaṃ, yaṃ mātugāmo paccanubhoti,

aññatreva purisehi. Puna caparaṃ, bhikkhave, mātugāmo purisassa pāricariyaṃ upeti. Idaṃ kho, bhikkhave, mātugāmassa pañcamaṃ āveṇikaṃ dukkhaṃ, yaṃ mātugāmo paccanubhoti, aññatreva purisehi. Imāni kho, bhikkhave, pañca mātugāmassa āveṇikāni dukkhāni, yāni mātugāmo paccanubhoti, aññatreva purisehī’’ti. Tatiyaṃ.

4. Tīhidhammehisuttaṃ

283. ‘‘Tīhi, bhikkhave, dhammehi samannāgato mātugāmo yebhuyyena kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati. Katamehi tīhi? Idha, bhikkhave, mātugāmo pubbaṅhasamayaṃ maccheramalapariyuṭṭhitena cetasā agāraṃ ajjhāvasati. Majjhanhikasamayaṃ issāpariyuṭṭhitena cetasā agāraṃ ajjhāvasati. Sāyanhasamayaṃ kāmarāgapariyuṭṭhitena cetasā agāraṃ ajjhāvasati. Imehi kho, bhikkhave, tīhi dhammehi samannāgato mātugāmo yebhuyyena kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati’’ti. Catutthaṃ.

5. Kodhanasuttaṃ

284. Atha kho āyasmā anuruddho yena bhagavā tenupasaṅkami; upasaṅkamitvā ekamantaṃ nisīdi. Ekamantaṃ nisinnō kho āyasmā anuruddho bhagavantaṃ etadavoca – ‘‘idhāhaṃ, bhante, mātugāmaṃ passāmi dibbena cakkhunā visuddhena atikkantamānusakena kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjantaṃ. Katīhi nu kho, bhante, dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati’’ti?

‘‘Pañcahi kho, anuruddha, dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, kodhano ca hoti, duppañño ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati’’ti. Pañcamaṃ.

6. Upanāhīsuttaṃ

285. ‘‘Pañcahi, anuruddha, dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, upanāhī ca hoti, duppañño ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati’’ti. Chaṭṭhaṃ.

7. Issukīsuttaṃ

286. ‘‘Pañcahi, anuruddha, dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, issukī ca hoti, duppañño ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati’’ti. Sattamaṃ.

8. Maccharīsuttaṃ

287. ‘‘Pañcahi, anuruddha, dhammehi samannāgato mātugāmo kāyassa bhedaṃ paraṃ marañā apāyaṃ duggatiṃ vinipātaṃ nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, maccharī ca hoti, duppañño ca hoti – imehi kho, anuruddha, pañcahi dhammehi samannāgato mātugāmo...pe... apāyaṃ duggatiṃ vinipātaṃ nirayaṃ upapajjati’’ti. Aṭṭhamaṃ.

9. Aticārīsuttam

288. “Pañcahi, anuruddha, dhammehi samannāgato mātugāmo...pe... apāyaṃ duggatiṃ vinipātaṃ nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, aticārī ca hoti, duppañño ca hoti – imehi kho, anuruddha, pañcahi dhammehi samannāgato mātugāmo...pe... upapajjati”’ti. Navamaṃ.

10. Dussīlasuttam

289. “Pañcahi, anuruddha, dhammehi samannāgato mātugāmo...pe... nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, dussīlo ca hoti, duppañño ca hoti – imehi kho, anuruddha, pañcahi dhammehi samannāgato mātugāmo...pe... nirayaṃ upapajjati”’ti. Dasamaṃ.

11. Appassutasuttam

290. “Pañcahi, anuruddha, dhammehi samannāgato mātugāmo...pe... nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, appassuto ca hoti, duppañño ca hoti – imehi kho, anuruddha, pañcahi dhammehi samannāgato mātugāmo...pe... nirayaṃ upapajjati”’ti. Ekādasamaṃ.

12. Kusītasuttam

291. “Pañcahi, anuruddha, dhammehi samannāgato mātugāmo...pe... nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, kusīto ca hoti, duppañño ca hoti – imehi kho, anuruddha, pañcahi dhammehi samannāgato mātugāmo...pe... apāyaṃ duggatiṃ vinipātaṃ nirayaṃ upapajjati”’ti. Dvādasamaṃ.

13. Muṭṭhassatisuttam

292. “Pañcahi, anuruddha, dhammehi samannāgato mātugāmo...pe... nirayaṃ upapajjati. Katamehi pañcahi? Assaddho ca hoti, ahiriko ca hoti, anottappī ca hoti, muṭṭhassati ca hoti, duppañño ca hoti – imehi kho, anuruddha, pañcahi dhammehi samannāgato mātugāmo...pe... nirayaṃ upapajjati”’ti. Terasamaṃ.

14. Pañcaverasuttam

293. “Pañcahi, anuruddha, dhammehi samannāgato mātugāmo...pe... nirayaṃ upapajjati. Katamehi pañcahi? Pāṇātipātī ca hoti, adinnādāyī ca hoti, kāmesumicchācārī ca hoti, musāvādī ca hoti, surāmerayamajjappamādaṭṭhāyī ca hoti – imehi kho, anuruddha, pañcahi dhammehi samannāgato mātugāmo kāyassa bhedā paraṃ maraṇā apāyaṃ duggatiṃ vinipātaṃ nirayaṃ upapajjati”’ti. Cuddasamaṃ.

Paṭhamapeyyālavaggo.

Tassuddānaṃ –

Mātugāmo puriso ca, āveṇikā tidhammo ca [[dve manāpāmanāpāca, āveṇikā tīhi anuruddho \(sabbattha\)](#)];
Kodhano upanāhī ca, issukī maccharena ca;

Aticārī ca dussīlo, appassuto ca kusīto;
Mutṭhassati pañcaveram, kaṇhapakkhe pakāsīto.

2. Dutiyapeyyālavaggo

1. Akkodhanasuttaṃ

294. Atha kho āyasmā anuruddho yena bhagavā tenupasaṅkami; upasaṅkamitvā...pe... ekamantaṃ nisinno kho āyasmā anuruddho bhagavantaṃ etadavoca – “idhāham, bhante, mātugāmaṃ passāmi dibbena cakkhunā visuddhena atikkantaṃānusakena kāyassa bhedaṃ paraṃ marañā sugatiṃ saggam lokaṃ upapajjantaṃ. Katīhi nu kho, bhante, dhammehi samannāgato mātugāmo kāyassa bhedaṃ paraṃ marañā sugatiṃ saggam lokaṃ upapajjati”’ti?

“Pañcahi kho, anuruddha, dhammehi samannāgato mātugāmo kāyassa bhedaṃ paraṃ marañā sugatiṃ saggam lokaṃ upapajjati. Katamehi pañcahi? Saddho ca hoti, hirimā ca hoti, ottappī ca hoti, akkodhano ca hoti, paññavā ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā sugatiṃ saggam lokaṃ upapajjati”’ti. Paṭhamam.

2. Anupanāhīsuttaṃ

295. “Pañcahi, anuruddha, dhammehi samannāgato mātugāmo kāyassa bhedaṃ paraṃ marañā sugatiṃ saggam lokaṃ upapajjati. Katamehi pañcahi? Saddho ca hoti, hirimā ca hoti, ottappī ca hoti, anupanāhī ca hoti, paññavā ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā sugatiṃ saggam lokaṃ upapajjati”’ti. Dutiyam.

3. Anissukīsuttaṃ

296. “Pañcahi, anuruddha, dhammehi samannāgato mātugāmo kāyassa bhedaṃ paraṃ marañā sugatiṃ saggam lokaṃ upapajjati. Katamehi pañcahi? Saddho ca hoti, hirimā ca hoti, ottappī ca hoti, anissukī ca hoti, paññavā ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā sugatiṃ saggam lokaṃ upapajjati”’ti. Tatiyam.

4. Amaccharīsuttaṃ

297. Amaccharī ca hoti, paññavā ca hoti...pe.... Catuttham.

5. Anaticārīsuttaṃ

298. Anaticārī ca hoti, paññavā ca hoti...pe.... Pañcamam.

6. Susīlasuttaṃ

299. Sīlavā ca hoti, paññavā ca hoti...pe.... Chaṭṭham.

7. Bahussutasuttaṃ

300. Bahussuto ca hoti, paññavā ca hoti...pe.... Sattamam.

8. Āraddhavīriyasuttaṃ

301. Āraddhavīriyo ca hoti, paññavā ca hoti...pe.... Aṭṭhamaṃ.

9. Upaṭṭhitassatisuttaṃ

302. “Upaṭṭhitassati ca hoti, paññavā ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā sugatiṃ saggamaṃ lokaṃ upapajjati”ti. Navamaṃ.

Ime aṭṭha suttantaṃ khipā.

10. Pañcasīlasuttaṃ

303. “Pañcahi, anuruddha, dhammehi samannāgato mātugāmo kāyassa bhedaṃ paraṃ marañā sugatiṃ saggamaṃ lokaṃ upapajjati. Katamehi pañcahi? Pāṇātipātā paṭivirato ca hoti, adinnādānā paṭivirato ca hoti, kāmesumicchācārā paṭivirato ca hoti, musāvādā paṭivirato ca hoti, surāmerayamajjappamādaṭṭhānā paṭivirato ca hoti – imehi kho, anuruddha, pañcahi dhammehi samannāgato mātugāmo kāyassa bhedaṃ paraṃ marañā sugatiṃ saggamaṃ lokaṃ upapajjati”ti. Dasamaṃ.

Dutiyaṃ peyyālavaggo.

Tassuddānaṃ –

Dutiye ca [anuruddho (sabbattha)] akkodhano, anupanāhī anissukī;
Amaccharī anaticārī, sīlavā ca bahussuto;
Vīriyaṃ sati sīlañca, sukkapakkhe pakāsito.

3. Balavaggo

1. Visāradasuttaṃ

304. “Pañcimāni, bhikkhave, mātugāmassa balāni. Katamāni pañca? Rūpabalaṃ, bhogabalaṃ, ñātibalaṃ, puttabalaṃ, sīlabalaṃ – imāni kho, bhikkhave, pañca mātugāmassa balāni. Imehi kho, bhikkhave, pañcahi balehi samannāgato mātugāmo visārado agāraṃ ajjhāvasatī”ti. Paṭhamaṃ.

2. Pasayhasuttaṃ

305. “Pañcimāni, bhikkhave, mātugāmassa balāni. Katamāni pañca? Rūpabalaṃ, bhogabalaṃ, ñātibalaṃ, puttabalaṃ, sīlabalaṃ – imāni kho, bhikkhave, pañca mātugāmassa balāni. Imehi kho, bhikkhave, pañcahi balehi samannāgato mātugāmo sāmikaṃ pasayha agāraṃ ajjhāvasatī”ti. Dutiyaṃ.

3. Abhibhuyyasuttaṃ

306. “Pañcimāni, bhikkhave, mātugāmassa balāni. Katamāni pañca? Rūpabalaṃ, bhogabalaṃ, ñātibalaṃ, puttabalaṃ, sīlabalaṃ – imāni kho, bhikkhave, pañca mātugāmassa balāni. Imehi kho, bhikkhave, pañcahi balehi samannāgato mātugāmo sāmikaṃ abhibhuyya vattatī”ti. Tatiyaṃ.

4. Ekasuttaṃ

307. “Ekena ca kho, bhikkhave, balena samannāgato puriso mātugāmaṃ abhibhuyya vattati. Katamena ekena balena? Issariyabalena abhibhūtaṃ mātugāmaṃ neva rūpabalaṃ tāyati, na bhogabalaṃ tāyati, na ñātibalaṃ tāyati, na puttabalaṃ tāyati, na sīlabalaṃ tāyati”ti. Catutthaṃ.

5. Aṅgasuttam

308. “Pañcimāni, bhikkhave, mātugāmassa balāni. Katamāni pañca? Rūpabalaṃ, bhogabalaṃ, ñātibalaṃ, puttabalaṃ, sīlabalaṃ. Rūpabalena ca, bhikkhave, mātugāmo samannāgato hoti, na ca bhogabalena – evaṃ so tenaṅgena aparipūro hoti. Yato ca kho, bhikkhave, mātugāmo rūpabalena ca samannāgato hoti, bhogabalena ca – evaṃ so tenaṅgena paripūro hoti. Rūpabalena ca, bhikkhave, mātugāmo samannāgato hoti, bhogabalena ca, na ca ñātibalena – evaṃ so tenaṅgena aparipūro hoti. Yato ca kho, bhikkhave, mātugāmo rūpabalena ca samannāgato hoti, bhogabalena ca, ñātibalena ca – evaṃ so tenaṅgena paripūro hoti. Rūpabalena ca, bhikkhave, mātugāmo samannāgato hoti, bhogabalena ca, ñātibalena ca, na ca puttabalena – evaṃ so tenaṅgena aparipūro hoti. Yato ca kho, bhikkhave, mātugāmo rūpabalena ca samannāgato hoti, bhogabalena ca, ñātibalena ca, puttabalena ca – evaṃ so tenaṅgena paripūro hoti. Rūpabalena ca, bhikkhave, mātugāmo samannāgato hoti, bhogabalena ca, ñātibalena ca, puttabalena ca, na ca sīlabalena – evaṃ so tenaṅgena aparipūro hoti. Yato ca kho, bhikkhave, mātugāmo rūpabalena ca samannāgato hoti, bhogabalena ca, ñātibalena ca, puttabalena ca, sīlabalena ca – evaṃ so tenaṅgena paripūro hoti. Imāni kho, bhikkhave, pañca mātugāmassa balāni’ ti. Pañcamam.

6. Nāsentsuttam

309. “Pañcimāni, bhikkhave, mātugāmassa balāni. Katamāni pañca? Rūpabalaṃ, bhogabalaṃ, ñātibalaṃ, puttabalaṃ, sīlabalaṃ. Rūpabalena ca, bhikkhave, mātugāmo samannāgato hoti, na ca sīlabalena, nāsenteva naṃ, kule na vāsenti. Rūpabalena ca, bhikkhave, mātugāmo samannāgato hoti, bhogabalena ca, na ca sīlabalena, nāsenteva naṃ, kule na vāsenti. Rūpabalena ca, bhikkhave, mātugāmo samannāgato hoti, bhogabalena ca, ñātibalena ca, na ca sīlabalena, nāsenteva naṃ, kule na vāsenti. Rūpabalena ca, bhikkhave, mātugāmo samannāgato hoti, bhogabalena ca, ñātibalena ca, puttabalena ca, na ca sīlabalena, nāsenteva naṃ, kule na vāsenti. Sīlabalena ca, bhikkhave, mātugāmo samannāgato hoti, na ca rūpabalena, vāsenteva naṃ, kule na nāsenti. Sīlabalena ca, bhikkhave, mātugāmo samannāgato hoti, na ca bhogabalena, vāsenteva naṃ, kule na nāsenti. Sīlabalena ca, bhikkhave, mātugāmo samannāgato hoti, na ca ñātibalena, vāsenteva naṃ, kule na nāsenti. Sīlabalena ca, bhikkhave, mātugāmo samannāgato hoti, na ca puttabalena, vāsenteva naṃ, kule na nāsenti. Imāni kho, bhikkhave, pañca mātugāmassa balāni’ ti. Chaṭṭham.

7. Hetusuttam

310. “Pañcimāni, bhikkhave, mātugāmassa balāni. Katamāni pañca? Rūpabalaṃ, bhogabalaṃ, ñātibalaṃ, puttabalaṃ, sīlabalaṃ. Na, bhikkhave, mātugāmo rūpabalahetu vā bhogabalahetu vā ñātibalahetu vā puttabalahetu vā kāyassa bhedaṃ paraṃ marañā sugatiṃ saggam lokam upapajjati. Sīlabalahetu kho, bhikkhave, mātugāmo kāyassa bhedaṃ paraṃ marañā sugatiṃ saggam lokam upapajjati. Imāni kho, bhikkhave, pañca mātugāmassa balāni’ ti. Sattamam.

8. Thānasuttam

311. “Pañcimāni, bhikkhave, thānāni dullabhāni akatapuññaṃ mātugāmena. Katamāni pañca? Patirūpe kule jāyeyyanti – idaṃ, bhikkhave, paṭhamam thānam dullabham akatapuññaṃ mātugāmena. Patirūpe kule jāyivā patirūpaṃ kulam gaccheyyanti – idaṃ, bhikkhave, dutiyam thānam dullabham akatapuññaṃ mātugāmena. Patirūpe kule jāyivā, patirūpaṃ kulam gantvā, asapatti agāram ajjhāvaseyyanti – idaṃ, bhikkhave, tatiyam thānam dullabham akatapuññaṃ mātugāmena. Patirūpe kule jāyivā, patirūpaṃ kulam gantvā, asapatti agāram ajjhāvasantī puttavatī assanti – idaṃ, bhikkhave, catuttham thānam dullabham akatapuññaṃ mātugāmena. Patirūpe kule jāyivā, patirūpaṃ kulam gantvā, asapatti agāram ajjhāvasantī puttavatī samānā sāmikam abhibhuyya vatteyyanti – idaṃ, bhikkhave, pañcamam thānam dullabham akatapuññaṃ mātugāmena. Imāni kho, bhikkhave, pañca thānāni

dullabhāni akatapuññaena mātugāmenāti.

“Pañcimāni, bhikkhave, ṭhānāni sulabhāni katapuññaena mātugāmena. Katamāni pañca? Patirūpe kule jāyeyyanti – idaṃ, bhikkhave, paṭhamam ṭhānam sulabham katapuññaena mātugāmena. Patirūpe kule jāyitvā patirūpaṃ kulaṃ gaccheyyanti – idaṃ, bhikkhave, dutiyam ṭhānam sulabham katapuññaena mātugāmena. Patirūpe kule jāyitvā patirūpaṃ kulaṃ gantvā asapatti agāram ajjhāvaseyyanti – idaṃ, bhikkhave, tatiyam ṭhānam sulabham katapuññaena mātugāmena. Patirūpe kule jāyitvā patirūpaṃ kulaṃ gantvā asapatti agāram ajjhāvasantī puttavatī assanti – idaṃ, bhikkhave, catuttham ṭhānam sulabham katapuññaena mātugāmena. Patirūpe kule jāyitvā patirūpaṃ kulaṃ gantvā asapatti agāram ajjhāvasantī puttavatī samānā sāmikam abhibhuyya vatteyyanti – idaṃ, bhikkhave, pañcamaṃ ṭhānam sulabham katapuññaena mātugāmena. Imāni kho, bhikkhave, pañca ṭhānāni sulabhāni katapuññaena mātugāmenā”ti. Aṭṭhamam.

9. Pañcasīlavīsāradasuttam

312. “Pañcahi, bhikkhave, dhammehi samannāgato mātugāmo visārado agāram ajjhāvasati. Katamehi pañcahi? Pañātipātā paṭivirato ca hoti, adinnādānā paṭivirato ca hoti, kāmesumicchācārā paṭivirato ca hoti, musāvādā paṭivirato ca hoti, surāmerayamajjappamādaṭṭhānā paṭivirato ca hoti – imehi kho, bhikkhave, pañcahi dhammehi samannāgato mātugāmo visārado agāram ajjhāvasatī”ti. Navamaṃ.

10. Vaḍḍhīsuttam

313. “Pañcahi, bhikkhave, vaḍḍhīhi vaḍḍhamānā ariyasāvīkā ariyāya vaḍḍhiyā vaḍḍhati sārādāyini ca hoti varādāyini ca kāyassa. Katamehi pañcahi? Saddhāya vaḍḍhati, sīlena vaḍḍhati, sutena vaḍḍhati, cāgena vaḍḍhati, paññāya vaḍḍhati – imehi kho, bhikkhave, pañcahi vaḍḍhīhi vaḍḍhamānā ariyasāvīkā ariyāya vaḍḍhiyā vaḍḍhati, sārādāyini ca hoti, varādāyini ca kāyassā”ti.

“Saddhāya sīlena ca yādha vaḍḍhati,
Paññāya cāgena sutena cūbhayaṃ;
Sā tādisī sīlavatī upāsikā,
Ādīyati sāramidheva attano”ti. dasamaṃ;

Balavaggo tatiyo.

Tassuddānam –

Visārādā pasayha abhibhuyya, ekaṃ aṅgena pañcamaṃ;
Nāsenti hetu ṭhānañca, visārado vaḍḍhinā dasāti.

Mātugāmasaṃyuttam samattam.

4. Jambukhādakasamṃyuttam

1. Nibbānapañhāsuttam

314. Ekaṃ samayaṃ āyasmā sārīputto magadhesu viharati nālakagāmake. Atha kho jambukhādako paribbājako yenāyasmā sārīputto tenupasaṅkami; upasaṅkamitvā āyasmatā sārīputtena saddhim sammodi. Sammodanīyaṃ katham saraṇīyaṃ vītisāretvā ekamantaṃ nisīdi. Ekamantaṃ nisinno kho jambukhādako paribbājako āyasmantaṃ sārīputtaṃ etadavoca –

“Nibbānaṃ, nibbāna’nti, āvuso sārīputta, vuccati. Katamaṃ nu kho, āvuso, nibbāna’nti? “Yo kho, āvuso, rāgakkhaya dosakkhaya mohakkhaya – idaṃ vuccati nibbāna’nti. “Atthi panāvuso, maggo atthi paṭipadā etassa nibbānassa sacchikiriyāyā”ti? “Atthi kho, āvuso, maggo atthi paṭipadā etassa nibbānassa sacchikiriyāyā”ti. “Katamo panāvuso, maggo katamā paṭipadā etassa nibbānassa sacchikiriyāyā”ti? “Ayameva kho, āvuso, ariyo aṭṭhaṅgiko maggo etassa nibbānassa sacchikiriyāyā, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhī. Ayaṃ kho, āvuso, maggo ayaṃ paṭipadā etassa nibbānassa sacchikiriyāyā”ti. “Bhaddako, āvuso, maggo bhaddikā paṭipadā etassa nibbānassa sacchikiriyāyā. Alaṅca panāvuso sārīputta, appamādayā”ti. Paṭhamaṃ.

2. Arahattapañhāsuttaṃ

315. “Arahattaṃ, arahatta’nti, āvuso sārīputta, vuccati. Katamaṃ nu kho, āvuso, arahatta’nti? “Yo kho, āvuso, rāgakkhaya dosakkhaya mohakkhaya – idaṃ vuccati arahatta’nti. “Atthi panāvuso, maggo atthi paṭipadā etassa arahattassa sacchikiriyāyā”ti? “Atthi kho, āvuso, maggo atthi paṭipadā etassa arahattassa sacchikiriyāyā”ti. “Katamo panāvuso, maggo katamā paṭipadā etassa arahattassa sacchikiriyāyā”ti? “Ayameva kho, āvuso, ariyo aṭṭhaṅgiko maggo etassa arahattassa sacchikiriyāyā, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhī. Ayaṃ kho āvuso, maggo, ayaṃ paṭipadā etassa arahattassa sacchikiriyāyā”ti. “Bhaddako, āvuso, maggo bhaddikā paṭipadā etassa arahattassa sacchikiriyāyā. Alaṅca panāvuso sārīputta, appamādayā”ti. Duttiyaṃ.

3. Dhammavādīpañhāsuttaṃ

316. “Ke nu kho, āvuso sārīputta, loke dhammavādino, ke loke suppaṭipannā, ke loke sugatā”ti? “Ye kho, āvuso, rāgappahānāya dhammaṃ desenti, dosappahānāya dhammaṃ desenti, mohappahānāya dhammaṃ desenti, te loke dhammavādino. Ye kho, āvuso, rāgassa pahānāya paṭipannā, dosassa pahānāya paṭipannā, mohassa pahānāya paṭipannā, te loke suppaṭipannā. Yesaṃ kho, āvuso, rāgo pahīno ucchinnamūlo tālavatthukato anabhāvaṅkato āyatīṃ anuppādadhammo, doso pahīno ucchinnamūlo tālavatthukato anabhāvaṅkato āyatīṃ anuppādadhammo, moho pahīno ucchinnamūlo tālavatthukato anabhāvaṅkato āyatīṃ anuppādadhammo, te loke sugatā”ti.

“Atthi panāvuso, maggo atthi paṭipadā etassa rāgassa dosassa mohassa pahānāyā”ti? “Atthi kho, āvuso, maggo atthi paṭipadā etassa rāgassa dosassa mohassa pahānāyā”ti. “Katamo, panāvuso, maggo katamā paṭipadā etassa rāgassa dosassa mohassa pahānāyā”ti? “Ayameva kho, āvuso, ariyo aṭṭhaṅgiko maggo etassa rāgassa dosassa mohassa pahānāyā, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhī. Ayaṃ kho, āvuso, maggo ayaṃ paṭipadā etassa rāgassa dosassa mohassa pahānāyā”ti. “Bhaddako, āvuso, maggo bhaddikā paṭipadā, etassa rāgassa dosassa mohassa pahānāyā. Alaṅca panāvuso sārīputta, appamādayā”ti. Tatiyaṃ.

4. Kimatthiyasuttaṃ

317. “Kimatthiyaṃ, āvuso sārīputta, samaṇe gotame brahmacariyaṃ vussatī”ti? “Dukkassa kho, āvuso, pariññatthaṃ bhagavati brahmacariyaṃ vussatī”ti. “Atthi panāvuso, maggo atthi paṭipadā etassa dukkhassa pariññāyā”ti? “Atthi kho, āvuso, maggo atthi paṭipadā, etassa dukkhassa pariññāyā”ti? “Katamo panāvuso, maggo katamā paṭipadā, etassa dukkhassa pariññāyā”ti?

“Ayameva kho, āvuso, ariyo aṭṭhaṅgiko maggo, etassa dukkhassa pariññāyā, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhī. Ayaṃ kho, āvuso, maggo ayaṃ paṭipadā etassa dukkhassa pariññāyā”ti. “Bhaddako,

āvuso, maggo bhaddikā paṭipadā, etassa dukkhassa pariññāya. Alañca panāvuso sārīputta, appamādāyā”ti. Catuttham.

5. Assāsappattasuttam

318. “Assāsappatto, assāsappatto’ti, āvuso sārīputta, vuccati. Kittāvatā nu kho, āvuso, assāsappatto hoti”ti? “Yato kho, āvuso, bhikkhu channaṃ phassāyatanānaṃ samudayañca atthaṅgamañca assādañca ādīnavañca nissaraṇaṇca yathābhūtaṃ pajānāti, ettāvatā kho, āvuso, assāsappatto hoti”ti. “Atthi panāvuso, maggo atthi paṭipadā, etassa assāsassa sacchikiriyāyā”ti? “Atthi kho, āvuso, maggo atthi paṭipadā, etassa assāsassa sacchikiriyāyā”ti. “Katamo panāvuso, maggo katamā paṭipadā, etassa assāsassa sacchikiriyāyā”ti? “Ayameva kho, āvuso, ariyo aṭṭhaṅgiko maggo etassa assāsassa sacchikiriyāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etassa assāsassa sacchikiriyāyā”ti. “Bhaddako, āvuso, maggo bhaddikā paṭipadā, etassa assāsassa sacchikiriyāya. Alañca panāvuso sārīputta, appamādāyā”ti. Pañcamaṃ.

6. Paramassāsappattasuttam

319. “Paramassāsappatto, paramassāsappatto’ti, āvuso sārīputta, vuccati. Kittāvatā nu kho, āvuso, paramassāsappatto hoti”ti? “Yato kho, āvuso, bhikkhu channaṃ phassāyatanānaṃ samudayañca atthaṅgamañca assādañca ādīnavañca nissaraṇaṇca yathābhūtaṃ viditvā anupādāvimutto hoti, ettāvatā kho, āvuso, paramassāsappatto hoti”ti. “Atthi panāvuso, maggo atthi paṭipadā, etassa paramassāsassa sacchikiriyāyā”ti? “Atthi kho, āvuso, maggo atthi paṭipadā, etassa paramassāsassa sacchikiriyāyā”ti. “Katamo pana, āvuso, maggo katamā paṭipadā, etassa paramassāsassa sacchikiriyāyā”ti? “Ayameva kho, āvuso, ariyo aṭṭhaṅgiko maggo etassa paramassāsassa sacchikiriyāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etassa paramassāsassa sacchikiriyāyā”ti. “Bhaddako, āvuso, maggo bhaddikā paṭipadā, etassa paramassāsassa sacchikiriyāya. Alañca panāvuso sārīputta, appamādāyā”ti. Chaṭṭham.

7. Vedanāpañhāsuttam

320. “Vedanā, vedanā’ti, āvuso sārīputta, vuccati. Katamā nu kho, āvuso, vedanā”ti? “Tisso imāvuso, vedanā. Katamā tisso? Sukhā vedanā, dukkhā vedanā, adukkhamasukhā vedanā – imā kho, āvuso, tisso vedanā”ti. “Atthi panāvuso, maggo atthi paṭipadā, etāsaṃ tissannaṃ vedanānaṃ pariññāyā”ti? “Atthi kho, āvuso, maggo atthi paṭipadā, etāsaṃ tissannaṃ vedanānaṃ pariññāyā”ti. “Katamo panāvuso, maggo katamā paṭipadā, etāsaṃ tissannaṃ vedanānaṃ pariññāyā”ti? “Ayameva kho, āvuso, ariyo aṭṭhaṅgiko maggo, etāsaṃ tissannaṃ vedanānaṃ pariññāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etāsaṃ tissannaṃ vedanānaṃ pariññāyā”ti. “Bhaddako, āvuso, maggo bhaddikā paṭipadā, etāsaṃ tissannaṃ vedanānaṃ pariññāya. Alañca panāvuso sārīputta, appamādāyā”ti. Sattamaṃ.

8. Āsavapañhāsuttam

321. “Āsavo, āsavo’ti, āvuso sārīputta, vuccati. Katamo nu kho, āvuso, āsavo”ti? “Tayo me, āvuso, āsavā. Kāmāsavo, bhavāsavo, avijjāsavo – ime kho, āvuso, tayo āsavā”ti. “Atthi panāvuso, maggo atthi paṭipadā etesaṃ āsavānaṃ pahānāyā”ti? “Atthi kho, āvuso, maggo atthi paṭipadā etesaṃ āsavānaṃ pahānāyā”ti. “Katamo panāvuso, maggo katamā paṭipadā etesaṃ āsavānaṃ pahānāyā”ti? “Ayameva kho, āvuso, ariyo aṭṭhaṅgiko maggo etesaṃ āsavānaṃ pahānāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi.

Ayaṃ kho, āvuso, maggo ayaṃ paṭipadā, etesaṃ āsavānaṃ pahānāyā’’ti. ‘‘Bhaddako, āvuso, maggo bhaddikā paṭipadā, etesaṃ āsavānaṃ pahānāya. Alañca panāvuso sārīputta, appamādāyā’’ti. Aṭṭhamaṃ.

9. Avijjāpañhāsuttaṃ

322. ‘‘Avijjā, avijjā’’ti, āvuso sārīputta, vuccati. Katamā nu kho, āvuso, avijjā’’ti? ‘‘Yaṃ kho, āvuso, dukkhe aññānaṃ, dukkhasamudaye aññānaṃ, dukkhanirodhe aññānaṃ, dukkhanirodhagāminiyā paṭipadāya aññānaṃ – ayaṃ vuccatāvuso, avijjā’’ti. ‘‘Atthi panāvuso, maggo atthi paṭipadā, etissā avijjāya pahānāyā’’ti? ‘‘Atthi kho, āvuso, maggo atthi paṭipadā, etissā avijjāya pahānāyā’’ti. ‘‘Katamo panāvuso, maggo katamā paṭipadā, etissā avijjāya pahānāyā’’ti? ‘‘Ayameva kho, āvuso, ariyo aṭṭhaṅgiko maggo, etissā avijjāya pahānāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etissā avijjāya pahānāyā’’ti. ‘‘Bhaddako, āvuso, maggo bhaddikā paṭipadā, etissā avijjāya pahānāya. Alañca panāvuso sārīputta, appamādāyā’’ti. Navamaṃ.

10. Taṇhāpañhāsuttaṃ

323. ‘‘Taṇhā, taṇhā’’ti, āvuso sārīputta, vuccati. Katamā nu kho, āvuso, taṇhā’’ti? ‘‘Tisso imā, āvuso, taṇhā. Kāmatāṇhā, bhavataṇhā, vibhavataṇhā – imā kho, āvuso, tisso taṇhā’’ti. ‘‘Atthi panāvuso, maggo atthi paṭipadā, etesaṃ taṇhānaṃ pahānāyā’’ti? ‘‘Atthi kho, āvuso, maggo atthi paṭipadā, etesaṃ taṇhānaṃ pahānāyā’’ti. ‘‘Katamo panāvuso, maggo katamā paṭipadā, etesaṃ taṇhānaṃ pahānāyā’’ti? ‘‘Ayameva kho, āvuso, ariyo aṭṭhaṅgiko maggo, etesaṃ taṇhānaṃ pahānāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etesaṃ taṇhānaṃ pahānāyā’’ti. ‘‘Bhaddako, āvuso, maggo bhaddikā paṭipadā, etesaṃ taṇhānaṃ pahānāya. Alañca panāvuso sārīputta, appamādāyā’’ti. Dasamaṃ.

11. Oghapañhāsuttaṃ

324. ‘‘Ogho, ogho’’ti, āvuso sārīputta, vuccati. Katamo nu kho, āvuso, ogho’’ti? ‘‘Cattārome, āvuso, oghā. Kāmogho, bhavogho, diṭṭhogho, avijjogho – ime kho, āvuso, cattāro oghā’’ti. ‘‘Atthi panāvuso, maggo atthi paṭipadā, etesaṃ oghānaṃ pahānāyā’’ti? ‘‘Atthi kho, āvuso, maggo atthi paṭipadā, etesaṃ oghānaṃ pahānāyā’’ti. ‘‘Katamo panāvuso, maggo katamā paṭipadā, etesaṃ oghānaṃ pahānāyā’’ti? ‘‘Ayameva kho, āvuso, ariyo aṭṭhaṅgiko maggo, etesaṃ oghānaṃ pahānāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etesaṃ oghānaṃ pahānāyā’’ti. ‘‘Bhaddako, āvuso, maggo bhaddikā paṭipadā, etesaṃ oghānaṃ pahānāya. Alañca panāvuso sārīputta, appamādāyā’’ti. Ekādasamaṃ.

12. Upādānapañhāsuttaṃ

325. ‘‘Upādānaṃ, upādāna’’nti, āvuso sārīputta, vuccati. Katamaṃ nu kho, āvuso, upādāna’’nti? ‘‘Cattārimāni, āvuso, upādānāni. Kāmupādānaṃ, diṭṭhupādānaṃ sīlabbatupādānaṃ, attavādupādānaṃ – imāni kho, āvuso, cattāri upādānāni’’ti. ‘‘Atthi panāvuso, maggo atthi paṭipadā, etesaṃ upādānaṃ pahānāyā’’ti? ‘‘Atthi kho, āvuso, maggo atthi paṭipadā, etesaṃ upādānaṃ pahānāyā’’ti. ‘‘Katamo panāvuso, maggo katamā paṭipadā, etesaṃ upādānaṃ pahānāyā’’ti? ‘‘Ayameva kho, āvuso, ariyo aṭṭhaṅgiko maggo, etesaṃ upādānaṃ pahānāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etesaṃ upādānaṃ pahānāyā’’ti. ‘‘Bhaddako, āvuso, maggo bhaddikā paṭipadā, etesaṃ upādānaṃ pahānāya. Alañca panāvuso sārīputta, appamādāyā’’ti. Dvādasamaṃ.

13. Bhavapañhāsuttam

326. “‘Bhavo, bhavo’ti, āvuso sārīputta, vuccati. Katamo nu kho, āvuso, bhavo’ti? ‘Tayo me, āvuso, bhavā. Kāmabhavo, rūpabhavo, arūpabhavo – ime kho, āvuso, tayo bhavā’ti. ‘Atthi panāvuso, maggo atthi paṭipadā, etesaṃ bhavānaṃ pariññāyā’ti? ‘Atthi kho, āvuso, maggo atthi paṭipadā, etesaṃ bhavānaṃ pariññāyā’ti. ‘Katamo, panāvuso, maggo katamā paṭipadā, etesaṃ bhavānaṃ pariññāyā’ti? ‘Ayameva kho, āvuso, ariyo aṭṭhaṅgiko maggo, etesaṃ bhavānaṃ pariññāyā, seyyathidaṃ – sammādiṭṭhi sammāsaṅkappo sammāvācā sammākammanto sammājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etesaṃ bhavānaṃ pariññāyā’ti. ‘Bhaddako, āvuso, maggo bhaddikā paṭipadā, etesaṃ bhavānaṃ pariññāyā. Alañca panāvuso sārīputta, appamādāyā’ti. Terasamaṃ.

14. Dukkhapañhāsuttam

327. “‘Dukkhaṃ, dukkha’nti, āvuso sārīputta, vuccati. Katamaṃ nu kho, āvuso, dukkha’nti? ‘Tisso imā, āvuso, dukkhatā. Dukkhadukkhatā, saṅkhāradukkhatā, vipariṇāmadukkhatā – imā kho, āvuso, tisso dukkhatā’ti. ‘Atthi panāvuso maggo atthi paṭipadā, etesaṃ dukkhatānaṃ pariññāyā’ti? ‘Atthi kho, āvuso, maggo atthi paṭipadā, etesaṃ dukkhatānaṃ pariññāyā’ti. ‘Katamo panāvuso, maggo katamā paṭipadā, etesaṃ dukkhatānaṃ pariññāyā’ti? ‘Ayameva kho, āvuso, ariyo aṭṭhaṅgiko maggo, etesaṃ dukkhatānaṃ pariññāyā, seyyathidaṃ – sammādiṭṭhi sammāsaṅkappo sammāvācā sammākammanto sammājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etesaṃ dukkhatānaṃ pariññāyā’ti. ‘Bhaddako, āvuso, maggo bhaddikā paṭipadā, etesaṃ dukkhatānaṃ pariññāyā. Alañca panāvuso sārīputta, appamādāyā’ti. Cuddasamaṃ.

15. Sakkāyapañhāsuttam

328. “‘Sakkāyo, sakkāyo’ti, āvuso sārīputta, vuccati. Katamo nu kho, āvuso, sakkāyo’ti? ‘Pañcime, āvuso, upādānakkhandhā sakkāyo vutto bhagavatā, seyyathidaṃ – rūpupādānakkhandho, vedanupādānakkhandho, saññupādānakkhandho, saṅkhārupādānakkhandho, viññānupādānakkhandho. Ime kho, āvuso, pañcupādānakkhandhā sakkāyo vutto bhagavatā’ti. ‘Atthi panāvuso, maggo atthi paṭipadā, etassa sakkāyassa pariññāyā’ti? ‘Atthi kho, āvuso, maggo atthi paṭipadā, etassa sakkāyassa pariññāyā’ti. ‘Katamo panāvuso, maggo katamā paṭipadā, etassa sakkāyassa pariññāyā’ti? ‘Ayameva kho, āvuso, ariyo aṭṭhaṅgiko maggo, etassa sakkāyassa pariññāyā, seyyathidaṃ – sammādiṭṭhi sammāsaṅkappo sammāvācā sammākammanto sammājīvo sammāvāyāmo sammāsati sammāsamādhi. Ayaṃ kho, āvuso, maggo ayaṃ paṭipadā, etassa sakkāyassa pariññāyā’ti. ‘Bhaddako, āvuso, maggo bhaddikā paṭipadā, etassa sakkāyassa pariññāyā. Alañca panāvuso sārīputta, appamādāyā’ti. Pannarasamaṃ.

16. Dukkarapañhāsuttam

329. “‘Kiṃ nu kho, āvuso sārīputta, imasmiṃ dhammavinaye dukkara’nti? ‘Pabbajjā kho, āvuso, imasmiṃ dhammavinaye dukkarā’nti. ‘Pabbajitena panāvuso, kiṃ dukkara’nti? ‘Pabbajitena kho, āvuso, abhirati dukkarā’nti. ‘Abhiratena panāvuso, kiṃ dukkara’nti? ‘Abhiratena kho, āvuso, dhammānudhammapaṭipatti dukkarā’nti. ‘Kīvaciraṃ panāvuso, dhammānudhammapaṭipanno bhikkhu arahamaṃ assā’nti? ‘Naciraṃ, āvuso’nti. Soḷasamaṃ.

Jambukhādakasamyuttaṃ samattaṃ.

Tassuddānaṃ –

Nibbānaṃ arahattañca, dhammavādī kimatthiyaṃ;

Assāso paramassāso, vedanā āsavāvijjā;
Taṇhā oghā upādānaṃ, bhavo dukkhañca sakkāyo.
Imasmiṃ dhammavinaye dukkaranti.

5. Sāmaṇḍakasamyuttaṃ

1. Sāmaṇḍakasuttaṃ

330. Ekaṃ samayaṃ āyasmā sārīputto vajjīsu viharati ukkacelāyaṃ gaṅgāya nadiyā tīre. Atha kho sāmaṇḍako [sāmaṇḍakāni (sī.)] paribbājako yenāyasmā sārīputto tenupasaṅkami; upasaṅkamitvā āyasmatā sārīputtena saddhiṃ sammodi. Sammodaniyaṃ kathaṃ sāraṇiyaṃ vītisāretvā ekamantaṃ nisīdi. Ekamantaṃ nisinno kho sāmaṇḍako paribbājako āyasmantaṃ sārīputtaṃ etadavoca –

“Nibbānaṃ, nibbāna’nti, āvuso sārīputta, vuccati. Katamaṃ nu kho, āvuso, nibbāna’nti? “Yo kho, āvuso, rāgakkhayo dosakkhayo mohakkhayo – idaṃ vuccati nibbāna’nti. “Atthi panāvuso, maggo atthi paṭipadā, etassa nibbānassa sacchikiriyāyā’nti? “Atthi kho, āvuso, maggo atthi paṭipadā, etassa nibbānassa sacchikiriyāyā’nti.

“Katamo panāvuso, maggo katamā paṭipadā etassa nibbānassa sacchikiriyāyā’nti? “Ayameva kho, āvuso, ariyo aṭṭhaṅgiko maggo, etassa nibbānassa sacchikiriyāya, seyyathidaṃ – sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammāsati sammāsamādhī. Ayaṃ kho, āvuso, maggo ayaṃ paṭipadā, etassa nibbānassa sacchikiriyāyā’nti. “Bhaddako, āvuso, maggo bhaddikā paṭipadā, etassa nibbānassa sacchikiriyāya. Alañca panāvuso sārīputta, appamādāyā’nti. Paṭhamaṃ.

(Yathā jambukhādakasamyuttaṃ, tathā vitthāretabbaṃ).

2. Dukkarasuttaṃ

331. “Kiṃ nu kho, āvuso sārīputta, imasmiṃ dhammavinaye dukkara’nti? “Pabbajjā kho, āvuso, imasmiṃ dhammavinaye dukkarā’nti. “Pabbajitena panāvuso, kiṃ dukkara’nti? “Pabbajitena kho, āvuso, abhirati dukkarā’nti. “Abhiratena panāvuso, kiṃ dukkara’nti? “Abhiratena kho, āvuso, dhammānudhammappaṭipatti dukkarā’nti. “Kīvaciraṃ panāvuso, dhammānudhammappaṭipanno bhikkhu arahaṃ assā’nti? “Naciraṃ, āvuso’nti. Soḷasamaṃ.

(Purimakasadisamaṃ uddānaṃ.)

Sāmaṇḍakasamyuttaṃ samattaṃ.

6. Moggallānasamyuttaṃ

1. Paṭhamajhānapañhāsuttaṃ

332. Ekaṃ samayaṃ āyasmā mahāmoggallāno sāvattihyaṃ viharati jetavane anāthapiṇḍikassa ārāme. Tatra kho āyasmā mahāmoggallāno bhikkhū āmantesi – “āvuso, bhikkhave’nti. “Āvuso’nti kho te bhikkhū āyasmato mahāmoggallānassa paccassosumaṃ. Āyasmā mahāmoggallāno etadavoca –

“Idha mayhaṃ, āvuso, rahogatassa paṭisallīnassa evaṃ cetaso parivitaṅko udapādi – ‘paṭhamaṃ jhānaṃ, paṭhamaṃ jhāna’nti vuccati. Katamaṃ nu kho paṭhamaṃ jhānanti? Tassa mayhaṃ, āvuso,

etadahosi – ‘idha bhikkhu vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamañ jhānaṃ upasampajja viharati. Idaṃ vuccati paṭhamañ jhāna’nti. So khvāhaṃ, āvuso, vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamañ jhānaṃ upasampajja viharāmi. Tassa mayhaṃ, āvuso, iminā vihārena viharato kāmasahagatā saññāmanasikārā samudācaranti.

‘‘Atha kho maṃ, āvuso, bhagavā iddhiyā upasaṅkamitvā etadavoca – ‘moggallāna, moggallāna! Mā, brāhmaṇa, paṭhamañ jhānaṃ pamādo, paṭhame jhāne cittaṃ saṅṭhapehi, paṭhame jhāne cittaṃ ekodiṃ karohi [ekodikarohi (pī.)], paṭhame jhāne cittaṃ samādahā’ti. So khvāhaṃ, āvuso, aparena samayena vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamañ jhānaṃ upasampajja vihāsim. Yañhi taṃ, āvuso, sammā vadamāno vadeyya – ‘sathārānuggahito sāvako mahābhiññataṃ patto’ti, mamaṃ taṃ sammā vadamāno vadeyya – ‘sathārānuggahito sāvako mahābhiññataṃ patto’’ti. Paṭhamañ.

2. Dutiyajhānapañhāsuttaṃ

333. ‘‘Dutiyañ jhānaṃ, dutiyañ jhāna’nti vuccati. Katamaṃ nu kho dutiyañ jhānanti? Tassa mayhaṃ, āvuso, etadahosi – ‘idha bhikkhu vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyañ jhānaṃ upasampajja viharati. Idaṃ vuccati dutiyañ jhāna’nti. So khvāhaṃ, āvuso, vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyañ jhānaṃ upasampajja viharāmi. Tassa mayhaṃ, āvuso, iminā vihārena viharato vitakkasahagatā saññāmanasikārā samudācaranti.

‘‘Atha kho maṃ, āvuso, bhagavā iddhiyā upasaṅkamitvā etadavoca – ‘moggallāna, moggallāna! Mā, brāhmaṇa, dutiyañ jhānaṃ pamādo, dutiye jhāne cittaṃ saṅṭhapehi, dutiye jhāne cittaṃ ekodiṃ karohi, dutiye jhāne cittaṃ samādahā’ti. So khvāhaṃ, āvuso, aparena samayena vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyañ jhānaṃ upasampajja vihāsim. Yañhi taṃ, āvuso, sammā vadamāno vadeyya – ‘sathārānuggahito sāvako mahābhiññataṃ patto’ti, mamaṃ taṃ sammā vadamāno vadeyya – ‘sathārānuggahito sāvako mahābhiññataṃ patto’’ti. Dutiyañ.

3. Tatiyajhānapañhāsuttaṃ

334. ‘‘Tatiyaṃ jhānaṃ, tatiyaṃ jhāna’nti vuccati. Katamaṃ nu kho tatiyaṃ jhānanti? Tassa mayhaṃ, āvuso, etadahosi – idha bhikkhu pītiyā ca virāgā upekkhako ca viharati sato ca sampajāno sukhañca kāyena paṭisaṃvedeti, yaṃ taṃ ariyā ācikkhanti – ‘upekkhako satimā sukhavihārī’ti tatiyaṃ jhānaṃ upasampajja viharati. Idaṃ vuccati tatiyaṃ jhānanti. So khvāhaṃ, āvuso, pītiyā ca virāgā upekkhako ca viharāmi sato ca sampajāno sukhañca kāyena paṭisaṃvedemi. Yaṃ taṃ ariyā ācikkhanti – ‘upekkhako satimā sukhavihārī’ti tatiyaṃ jhānaṃ upasampajja viharāmi. Tassa mayhaṃ, āvuso, iminā vihārena viharato pītisahagatā saññāmanasikārā samudācaranti.

‘‘Atha kho maṃ, āvuso, bhagavā iddhiyā upasaṅkamitvā etadavoca – ‘moggallāna, moggallāna! Mā, brāhmaṇa, tatiyaṃ jhānaṃ pamādo, tatiye jhāne cittaṃ saṅṭhapehi, tatiye jhāne cittaṃ ekodiṃ karohi, tatiye jhāne cittaṃ samādahā’ti. So khvāhaṃ, āvuso, aparena samayena pītiyā ca virāgā upekkhako ca viharāmi sato ca sampajāno sukhañca kāyena paṭisaṃvedemi, yaṃ taṃ ariyā ācikkhanti – ‘upekkhako satimā sukhavihārī’ti tatiyaṃ jhānaṃ upasampajja vihāsim. Yañhi taṃ āvuso sammā vadamāno vadeyya...pe... mahābhiññataṃ patto’ti. Tatiyaṃ.

4. Catutthajhānapañhāsuttaṃ

335. “‘Catutthaṃ jhānaṃ, catutthaṃ jhāna’nti vuccati. Katamaṃ nu kho catutthaṃ jhānanti? Tassa mayhaṃ, āvuso, etadahosi – ‘idha bhikkhu sukhassa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsatiṃpārisuddhiṃ catutthaṃ jhānaṃ upasampajja viharati. Idaṃ vuccati catutthaṃ jhāna’nti. So khvāhaṃ, āvuso, sukhassa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsatiṃpārisuddhiṃ catutthaṃ jhānaṃ upasampajja viharāmi. Tassa mayhaṃ, āvuso, iminā vihārena viharato sukhasahagatā saññāmanasikārā samudācaranti.

“‘Atha kho maṃ, āvuso, bhagavā iddhiyā upasaṅkamitvā etadavoca – ‘moggallāna, moggallāna! Mā, brāhmaṇa, catutthaṃ jhānaṃ pamādo, catutthe jhāne cittaṃ saṅghapehi, catutthe jhāne cittaṃ ekodiṃ karohi, catutthe jhāne cittaṃ samādahā’ti. So khvāhaṃ, āvuso, aparena samayena sukhassa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsatiṃpārisuddhiṃ catutthaṃ jhānaṃ upasampajja vihāsiṃ. Yañhi taṃ, āvuso, sammā vadamāno vadeyya...pe... mahābhiññataṃ patto’”ti. Catutthaṃ.

5. Ākāsānañcāyatanapañhāsuttaṃ

336. “‘Ākāsānañcāyatanam, ākāsānañcāyatana’nti vuccati. Katamaṃ nu kho ākāsānañcāyatananti? Tassa mayhaṃ, āvuso, etadahosi – ‘idha bhikkhu sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ananto ākāsoti ākāsānañcāyatanam upasampajja viharati. Idaṃ vuccati ākāsānañcāyatana’nti. So khvāhaṃ, āvuso, sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ananto ākāsoti ākāsānañcāyatanam upasampajja viharāmi. Tassa mayhaṃ, āvuso, iminā vihārena viharato rūpasahagatā saññāmanasikārā samudācaranti.

“‘Atha kho maṃ, āvuso, bhagavā iddhiyā upasaṅkamitvā etadavoca – ‘moggallāna, moggallāna! Mā, brāhmaṇa, ākāsānañcāyatanam pamādo, ākāsānañcāyatane cittaṃ saṅghapehi, ākāsānañcāyatane cittaṃ ekodiṃ karohi, ākāsānañcāyatane cittaṃ samādahā’ti. So khvāhaṃ, āvuso, aparena samayena sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ananto ākāsoti ākāsānañcāyatanam upasampajja vihāsiṃ. Yañhi taṃ, āvuso, sammā vadamāno vadeyya...pe... mahābhiññataṃ patto’”ti. Pañcamaṃ.

6. Viññāṇaṇcāyatanapañhāsuttaṃ

337. “‘Viññāṇaṇcāyatanam, viññāṇaṇcāyatana’nti vuccati. Katamaṃ nu kho viññāṇaṇcāyatananti? Tassa mayhaṃ, āvuso, etadahosi – ‘idha bhikkhu sabbaso ākāsānañcāyatanam samatikkamma anantaṃ viññāṇanti viññāṇaṇcāyatanam upasampajja viharati. Idaṃ vuccati viññāṇaṇcāyatana’nti. So khvāhaṃ, āvuso, sabbaso ākāsānañcāyatanam samatikkamma anantaṃ viññāṇanti viññāṇaṇcāyatanam upasampajja viharāmi. Tassa mayhaṃ, āvuso, iminā vihārena viharato ākāsānañcāyatanasahagatā saññāmanasikārā samudācaranti.

“‘Atha kho maṃ, āvuso, bhagavā iddhiyā upasaṅkamitvā etadavoca – ‘moggallāna, moggallāna! Mā, brāhmaṇa, viññāṇaṇcāyatanam pamādo, viññāṇaṇcāyatane cittaṃ saṅghapehi, viññāṇaṇcāyatane cittaṃ ekodiṃ karohi, viññāṇaṇcāyatane cittaṃ samādahā’ti. So khvāhaṃ, āvuso, aparena samayena sabbaso ākāsānañcāyatanam samatikkamma anantaṃ viññāṇanti viññāṇaṇcāyatanam upasampajja vihāsiṃ. Yañhi taṃ, āvuso, sammā vadamāno vadeyya...pe... mahābhiññataṃ patto’”ti. Chaṭṭhaṃ.

7. Ākiñcaññāyatanapañhāsuttaṃ

338. “‘Ākiñcaññāyatanam, ākiñcaññāyatana’nti vuccati. Katamaṃ nu kho ākiñcaññāyatananti? Tassa mayhaṃ, āvuso, etadahosi – ‘idha bhikkhu sabbaso viññāṇaṇcāyatanam samatikkamma natthi

kiñcīti ākiñcaññāyatanaṃ upasampajja viharati. Idaṃ vuccati ākiñcaññāyatana’nti. So khvāhaṃ, āvuso, sabbaso viññāṇañcāyatanaṃ samatikkamma natthi kiñcīti ākiñcaññāyatanaṃ upasampajja viharāmi. Tassa mayhaṃ, āvuso, iminā vihārena viharato viññāṇañcāyatanaśahagatā saññāmanasikārā samudācaranti.

“Atha kho maṃ, āvuso, bhagavā iddhiyā upasaṅkamtivā etadavoca – ‘moggallāna, moggallāna! Mā, brāhmaṇa, ākiñcaññāyatanaṃ pamādo, ākiñcaññāyatane cittaṃ saṅghapehi, ākiñcaññāyatane cittaṃ ekodiṃ karohi, ākiñcaññāyatane cittaṃ samādahā’ti. So khvāhaṃ, āvuso, aparena samayena sabbaso viññāṇañcāyatanaṃ samatikkamma natthi kiñcīti ākiñcaññāyatanaṃ upasampajja vihāsiṃ. Yañhi taṃ, āvuso, sammā vadamāno vadeyya...pe... mahābhiññataṃ patto’ti. Sattamaṃ.

8. Nevasaññānāsaññāyatanaṃ pañhāsuttaṃ

339. ““Nevasaññānāsaññāyatanaṃ, nevasaññānāsaññāyatana’nti vuccati. Katamaṃ nu kho nevasaññānāsaññāyatanaṃ? Tassa mayhaṃ, āvuso, etadahosi – ‘idha bhikkhu sabbaso ākiñcaññāyatanaṃ samatikkamma nevasaññānāsaññāyatanaṃ upasampajja viharati. Idaṃ vuccati nevasaññānāsaññāyatana’nti. So khvāhaṃ, āvuso, sabbaso ākiñcaññāyatanaṃ samatikkamma nevasaññānāsaññāyatanaṃ upasampajja viharāmi. Tassa mayhaṃ, āvuso, iminā vihārena viharato ākiñcaññāyatanaśahagatā saññāmanasikārā samudācaranti.

“Atha kho maṃ, āvuso, bhagavā iddhiyā upasaṅkamtivā etadavoca – ‘moggallāna, moggallāna! Mā, brāhmaṇa, nevasaññānāsaññāyatanaṃ pamādo, nevasaññānāsaññāyatane cittaṃ saṅghapehi, nevasaññānāsaññāyatane cittaṃ ekodiṃ karohi, nevasaññānāsaññāyatane cittaṃ samādahā’ti. So khvāhaṃ, āvuso, aparena samayena sabbaso ākiñcaññāyatanaṃ samatikkamma nevasaññānāsaññāyatanaṃ upasampajja vihāsiṃ. Yañhi taṃ, āvuso, sammā vadamāno vadeyya...pe... mahābhiññataṃ patto’ti. Aṭṭhamaṃ.

9. Animittapañhāsuttaṃ

340. ““Animitto cetosamādhī, animitto cetosamādhī’ti vuccati. Katamo nu kho animitto cetosamādhīti? Tassa mayhaṃ, āvuso, etadahosi – ‘idha bhikkhu sabbanimittānaṃ amanasikārā animittaṃ cetosamādhīṃ upasampajja viharati. Ayaṃ vuccati animitto cetosamādhī’ti. So khvāhaṃ, āvuso, sabbanimittānaṃ amanasikārā animittaṃ cetosamādhīṃ upasampajja viharāmi. Tassa mayhaṃ, āvuso, iminā vihārena viharato nimittānusāri viññāṇaṃ hoti.

“Atha kho maṃ, āvuso, bhagavā iddhiyā upasaṅkamtivā etadavoca – ‘moggallāna, moggallāna! Mā, brāhmaṇa, animittaṃ cetosamādhīṃ pamādo, animitte cetosamādhīṃ cittaṃ saṅghapehi, animitte cetosamādhīṃ cittaṃ ekodiṃ karohi, animitte cetosamādhīṃ cittaṃ samādahā’ti. So khvāhaṃ, āvuso, aparena samayena sabbanimittānaṃ amanasikārā animittaṃ cetosamādhīṃ upasampajja vihāsiṃ. Yañhi taṃ, āvuso, sammā vadamāno vadeyya – ‘sathārānuggahito sāvako mahābhiññataṃ patto’ti, mamaṃ taṃ sammā vadamāno vadeyya – ‘sathārānuggahito sāvako mahābhiññataṃ patto’ti. Navamaṃ.

10. Sakkasuttaṃ

341. Atha kho āyasmā mahāmoggallāno – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya; evameva – jētavane antarahito devesu tāvatimśesu pāturahosi. Atha kho sakko devānamindo pañcahi devatāsatehi saddhiṃ yenāyasmā mahāmoggallāno tenupasaṅkami; upasaṅkamtivā āyasmantaṃ mahāmoggallānaṃ abhivādetvā ekamantaṃ aṭṭhāsi. Ekamantaṃ ṭhitaṃ kho sakkaṃ devānamindaṃ āyasmā mahāmoggallāno etadavoca –

“Sādhu kho, devānaminda, buddhasaraṇagamaṇaṃ [buddhaṃ saraṇagamaṇaṃ (sī.)] hoti. Buddhasaraṇagamaṇaṃ [buddhaṃ saraṇagamaṇaṃ (sī.)] kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti. Sādhu kho, devānaminda, dhammasaraṇagamaṇaṃ hoti. Dhammasaraṇagamaṇaṃ kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti. Sādhu kho, devānaminda, saṅghasaraṇagamaṇaṃ hoti. Saṅghasaraṇagamaṇaṃ kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti”’ti.

“Sādhu kho, mārisa moggallāna, buddhasaraṇagamaṇaṃ hoti. Buddhasaraṇagamaṇaṃ kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti. Sādhu kho, mārisa moggallāna, dhammasaraṇagamaṇaṃ hoti. Dhammasaraṇagamaṇaṃ kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti. Sādhu kho, mārisa moggallāna, saṅgha...pe... sugatiṃ saggam lokaṃ upapajjanti”’ti.

Atha kho sakko devānamindo chahi devatāsatehi saddhiṃ...pe... atha kho sakko devānamindo sattahi devatāsatehi saddhiṃ...pe... atha kho sakko devānamindo aṭṭhahi devatāsatehi saddhiṃ...pe... atha kho sakko devānamindo asītiyā devatāsahashehi saddhiṃ yenāyasmā mahāmoggallāno tenupasaṅkami; upasaṅkamitvā āyasmantaṃ mahāmoggallānaṃ abhivādetvā ekamantaṃ aṭṭhāsi. Ekamantaṃ ṭhitaṃ kho sakkaṃ devānamindaṃ āyasmā mahāmoggallāno etadavoca –

“Sādhu kho, devānaminda, buddhasaraṇagamaṇaṃ hoti. Buddhasaraṇagamaṇaṃ kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti. Sādhu kho, devānaminda, dhammasaraṇagamaṇaṃ hoti. Dhammasaraṇagamaṇaṃ kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti. Sādhu kho, devānaminda, saṅghasaraṇagamaṇaṃ hoti. Saṅghasaraṇagamaṇaṃ kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti”’ti.

“Sādhu kho, mārisa moggallāna, buddhasaraṇagamaṇaṃ hoti. Buddhasaraṇagamaṇaṃ kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti. Sādhu kho, mārisa moggallāna, dhammasaraṇagamaṇaṃ hoti...pe... sādhu kho, mārisa moggallāna, saṅghasaraṇagamaṇaṃ hoti. Saṅghasaraṇagamaṇaṃ kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti”’ti.

Atha kho sakko devānamindo pañcahi devatāsatehi saddhiṃ yenāyasmā mahāmoggallāno tenupasaṅkami; upasaṅkamitvā āyasmantaṃ mahāmoggallānaṃ abhivādetvā ekamantaṃ aṭṭhāsi. Ekamantaṃ ṭhitaṃ kho sakkaṃ devānamindaṃ āyasmā mahāmoggallāno etadavoca –

“Sādhu kho, devānaminda, buddhe aveccappasādena samannāgamaṇaṃ hoti – ‘itipi so bhagavā arahaṃ sammāsambuddho vijjācaraṇasampanno sugato lokavidū anuttaro purisadammasārathi satthā devamanussānaṃ buddho bhagavā’ ti. Buddhe aveccappasādena samannāgamaṇaṃ kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti.

“Sādhu kho, devānaminda, dhamme aveccappasādena samannāgamaṇaṃ hoti – ‘svākkhāto bhagavatā dhammo sandiṭṭhiko akāliko ehipassiko opaneyyiko paccattaṃ veditabbo viññūhī’ ti. Dhamme aveccappasādena samannāgamaṇaṃ kho, devānaminda, evamidhekacce sattā kāyassa bhedaṃ paraṃ marañā sugatiṃ saggam lokaṃ upapajjanti.

“Sādhu kho, devānaminda, saṅghe aveccappasādena samannāgamaṇaṃ hoti – ‘suppaṭipanno bhagavato sāvakaṅghe, ujuṇṇaṭipanno bhagavato sāvakaṅghe, ñāyappaṭipanno bhagavato sāvakaṅghe, sāmīcippaṭipanno bhagavato sāvakaṅghe, yadidaṃ cattāri purisayugāni aṭṭha purisapuggalā esa bhagavato sāvakaṅghe āhuneyyo pāhuneyyo dakkhiṇeyyo añjalikaraṇīyo anuttaraṃ

puññakkhettaṃ lokassā'ti. Saṅghe aveccappasādena samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti.

“Sādhu kho, devānaminda, ariyakantehi sīlehi samannāgamaṇaṃ hoti akhaṇḍehi acchiddehi asabalehi akammāsehi bhujissehi viññuppasatthehi aparāmaṭṭhehi samādhisaṃvattanikehi. Ariyakantehi sīlehi samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti”’ti.

“Sādhu kho, mārisa moggallāna, buddhe aveccappasādena samannāgamaṇaṃ hoti – ‘itipi so... pe... sathā devamanussānaṃ buddho bhagavā’ti. Buddhe aveccappasādena samannāgamaṇaṃ hoti kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti.

“Sādhu kho, mārisa moggallāna, dhamme aveccappasādena samannāgamaṇaṃ hoti – ‘svākkhāto bhagavatā dhammo...pe... paccattaṃ vedītabbo viññūhī’ti. Dhamme aveccappasādena samannāgamaṇaṃ hoti kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti.

“Sādhu kho, mārisa moggallāna, saṅghe aveccappasādena samannāgamaṇaṃ hoti – ‘suppaṭipanno bhagavato sāvakaṃsaṅgho...pe... anuttaraṃ puññakkhettaṃ lokassā’ti. Saṅghe aveccappasādena samannāgamaṇaṃ hoti kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti.

“Sādhu kho, mārisa moggallāna, ariyakantehi sīlehi samannāgamaṇaṃ hoti akhaṇḍehi...pe... samādhisaṃvattanikehi. Ariyakantehi sīlehi samannāgamaṇaṃ hoti kho, mārisa moggallāna, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti”’ti.

Atha kho sakko devānamindo chahi devatāsatehi saddhiṃ...pe... Atha kho sakko devānamindo sattahi devatāsatehi saddhiṃ...pe... Atha kho sakko devānamindo aṭṭhahi devatāsatehi saddhiṃ...pe... Atha kho sakko devānamindo asītiyā devatāsahashehi saddhiṃ yenāyasmā mahāmogallāno tenupasaṅkamaṃ; upasaṅkamaṃ āyasmantaṃ mahāmogallānaṃ abhivādetvā ekamantaṃ aṭṭhāsi. Ekamantaṃ ṭhitaṃ kho sakkaṃ devānamindaṃ āyasmā mahāmogallāno etadavoca –

“Sādhu kho, devānaminda, buddhe aveccappasādena samannāgamaṇaṃ hoti – ‘itipi so bhagavā... pe... sathā devamanussānaṃ buddho bhagavā’ti. Buddhe aveccappasādena samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti.

“Sādhu kho, devānaminda, dhamme aveccappasādena samannāgamaṇaṃ hoti – ‘svākkhāto bhagavatā dhammo...pe... paccattaṃ vedītabbo viññūhī’ti. Dhamme aveccappasādena samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti.

“Sādhu kho, devānaminda, saṅghe aveccappasādena samannāgamaṇaṃ hoti – ‘suppaṭipanno bhagavato sāvakaṃsaṅgho...pe... anuttaraṃ puññakkhettaṃ lokassā’ti. Saṅghe aveccappasādena samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti.

“Sādhu kho, devānaminda, ariyakantehi sīlehi samannāgamaṇaṃ hoti akhaṇḍehi...pe... samādhisaṃvattanikehi. Ariyakantehi sīlehi samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggāṃ lokaṃ upapajjanti”’ti.

“Sādhu kho, mārīsa moggallāna, buddhe aveccappasādena samannāgamaṇaṃ hoti – ‘itipi so bhagavā...pe... satthā devamanussānaṃ buddho bhagavā’ti. Buddhe aveccappasādena samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti.

“Sādhu kho, mārīsa moggallāna, dhamme aveccappasādena samannāgamaṇaṃ hoti – ‘svākkhāto bhagavatā dhammo...pe... paccattaṃ veditaṃ viññūhi’ti. Dhamme aveccappasādena samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti.

“Sādhu kho, mārīsa moggallāna, saṅghe aveccappasādena samannāgamaṇaṃ hoti – ‘suppaṭipanno bhagavato sāvakaṃsaṅgho...pe... anuttaraṃ puññakkhettaṃ lokassa’ti. Saṅghe aveccappasādena samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti.

“Sādhu kho, mārīsa moggallāna, ariyakantehi sīlehi samannāgamaṇaṃ hoti akhaṇḍehi...pe... samādhisaṃvattanikehi. Ariyakantehi sīlehi samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti’ti.

Atha kho sakko devānamindo pañcahi devatāsatehi saddhiṃ yenāyasmā mahāmoggallāno tenupasaṅkami ...pe... ekamantaṃ ṭhitaṃ kho sakkaṃ devānamindaṃ āyasmā mahāmoggallāno etadavoca –

“Sādhu kho, devānaminda, buddhasaraṇagamaṇaṃ hoti. Buddhasaraṇagamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi.

“Sādhu kho, devānaminda, dhammasaraṇagamaṇaṃ hoti. Dhammasaraṇagamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi.

“Sādhu kho, devānaminda, saṅghasaraṇagamaṇaṃ hoti. Saṅghasaraṇagamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi’ti.

“Sādhu kho, mārīsa moggallāna, buddhasaraṇagamaṇaṃ hoti. Buddhasaraṇagamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā...pe... dibbehi phoṭṭhabbehi.

“Sādhu kho, mārīsa moggallāna, dhammasaraṇagamaṇaṃ hoti...pe....

“Sādhu kho, mārīsa moggallāna, saṅghasaraṇagamaṇaṃ hoti. Saṅghasaraṇagamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi,

dibbehi rasehi, dibbehi phoṭṭhabbehi’ ti.

Atha kho sakko devānamindo chahi devatāsatehi saddhiṃ...pe... atha kho sakko devānamindo sattahi devatāsatehi saddhiṃ...pe... atha kho sakko devānamindo aṭṭhahi devatāsatehi saddhiṃ...pe... atha kho sakko devānamindo asītiyā devatāsahashehi saddhiṃ yenāyasmā mahāmoggallāno tenupasaṅkami; upasaṅkamitvā āyasmantaṃ mahāmoggallānaṃ abhivādetvā ekamantaṃ aṭṭhāsi. Ekamantaṃ ṭhitaṃ kho sakkaṃ devānamindaṃ āyasmā mahāmoggallāno etadavoca –

“Sādhu kho, devānaminda, buddhasaraṇagamaṇaṃ hoti. Buddhasaraṇagamaṇaṃ hetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggāṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā...pe... dibbehi phoṭṭhabbehi.

“Sādhu kho, devānaminda, dhammasaraṇagamaṇaṃ hoti...pe....

“Sādhu kho, devānaminda, saṅghasaraṇagamaṇaṃ hoti. Saṅghasaraṇagamaṇaṃ hetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggāṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi’ ti.

“Sādhu kho, mārisa moggallāna, buddhasaraṇagamaṇaṃ hoti...pe... sādhu kho, mārisa moggallāna, dhammasaraṇagamaṇaṃ hoti...pe... sādhu kho mārisa moggallāna, saṅghasaraṇagamaṇaṃ hoti. Saṅghasaraṇagamaṇaṃ hetu kho, mārisa moggallāna, evamidhekacce sattā kāyassa bhedaṃ paraṃ maraṇā sugatiṃ saggāṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi’ ti.

Atha kho sakko devānamindo pañcahi devatāsatehi saddhiṃ yenāyasmā mahāmoggallāno tenupasaṅkami; upasaṅkamitvā āyasmantaṃ mahāmoggallānaṃ abhivādetvā ekamantaṃ aṭṭhāsi. Ekamantaṃ ṭhitaṃ kho sakkaṃ devānamindaṃ āyasmā mahāmoggallāno etadavoca –

“Sādhu kho, devānaminda, buddhe aveccappasādena samannāgamaṇaṃ hoti – ‘itipi so bhagavā...pe... sattā devamanussānaṃ buddho bhagavā’ ti. Buddhe aveccappasādena samannāgamaṇaṃ hetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggāṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā...pe... dibbehi phoṭṭhabbehi.

“Sādhu kho, devānaminda, dhamme aveccappasādena samannāgamaṇaṃ hoti – ‘svākkhāto bhagavatā dhammo...pe... paccattaṃ veditabbo viññūhī’ ti. Dhamme aveccappasādena samannāgamaṇaṃ hetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggāṃ lokaṃ upapajjanti...pe....

“Sādhu kho, devānaminda, saṅghe aveccappasādena samannāgamaṇaṃ hoti – ‘suppaṭipanno bhagavato sāvakaṃ saṅgho...pe... lokassā’ ti. Saṅghe aveccappasādena samannāgamaṇaṃ hetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggāṃ lokaṃ upapajjanti...pe....

“Sādhu kho, devānaminda, ariyakantehi sīlehi samannāgamaṇaṃ hoti akhaṇḍehi...pe... samādhisaṃvattanikehi. Ariyakantehi sīlehi samannāgamaṇaṃ hetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggāṃ lokaṃ upapajjanti. Te aññe deve dasahi ṭhānehi adhigaṇhanti – dibbena āyunā...pe... dibbehi phoṭṭhabbehi’ ti.

“Sādhu kho, mārīsa moggallāna, buddhe aveccappasādena samannāgamaṇaṃ hoti – ‘itipi so bhagavā...pe... satthā devamanussānaṃ buddho bhagavā’ ti. Buddhe aveccappasādena samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokamaṃ upapajjanti. Te aññe deve dasahi tñānehi adhigaṇhanti – dibbena āyuna...pe... dibbehi phoṭṭhabbehi.

“Sādhu kho, mārīsa moggallāna, dhamme aveccappasādena samannāgamaṇaṃ hoti – ‘svākkhāto bhagavatā dhammo...pe... paccattaṃ veditaṃ viññūhī’ ti. Dhamme aveccappasādena samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokamaṃ upapajjanti. Te aññe deve dasahi tñānehi adhigaṇhanti – dibbena āyuna...pe... dibbehi phoṭṭhabbehi.

“Sādhu kho, mārīsa moggallāna, saṅghe aveccappasādena samannāgamaṇaṃ hoti – ‘suppaṭipanno bhagavato sāvakaṅgho...pe... lokassā’ ti. Saṅghe aveccappasādena samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokamaṃ upapajjanti... pe....

“Sādhu kho, mārīsa moggallāna, ariyakantehi sīlehi samannāgamaṇaṃ hoti akhaṇḍehi...pe... samādhisaṃvattanikehi. Ariyakantehi sīlehi samannāgamaṇaṃ hoti kho, mārīsa moggallāna, evamidhekacce sattā kāyassa bhedaṃ paraṃ marañā sugatiṃ saggamaṃ lokamaṃ upapajjanti. Te aññe deve dasahi tñānehi adhigaṇhanti – dibbena āyuna...pe... dibbehi phoṭṭhabbehi’ ti.

Atha kho sakko devānamindo chaṃhi devatāsatehi saddhiṃ...pe... atha kho sakko devānamindo sattahi devatāsatehi saddhiṃ...pe... atha kho sakko devānamindo aṭṭhahi devatāsatehi saddhiṃ...pe... atha kho sakko devānamindo asītiyā devatāsahasāhehi saddhiṃ yenāyasmā mahāmogallāno tenupasaṅkamaṃ; upasaṅkamaṃ vā āyasmantaṃ mahāmogallānaṃ abhivādetvā ekamantaṃ aṭṭhāsi. Ekamantaṃ tñānehi kho sakkaṃ devānamindaṃ āyasmā mahāmogallāno etadavoca –

“Sādhu kho, devānaminda, buddhe aveccappasādena samannāgamaṇaṃ hoti – ‘itipi so bhagavā arahaṃ sammāsambuddho vijjācaraṇasampanno sugato lokavidū anuttaro purisadammasārathi satthā devamanussānaṃ buddho bhagavā’ ti. Buddhe aveccappasādena samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggamaṃ lokamaṃ upapajjanti. Te aññe deve dasahi tñānehi adhigaṇhanti – dibbena āyuna, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi.

“Sādhu kho, devānaminda, dhamme aveccappasādena samannāgamaṇaṃ hoti – ‘svākkhāto bhagavatā dhammo sandiṭṭhiko akāliko ehipassiko opaneyyiko paccattaṃ veditaṃ viññūhī’ ti. Dhamme aveccappasādena samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggamaṃ lokamaṃ upapajjanti. Te aññe deve dasahi tñānehi adhigaṇhanti – dibbena āyuna...pe... dibbehi phoṭṭhabbehi.

“Sādhu kho, devānaminda, saṅghe aveccappasādena samannāgamaṇaṃ hoti – ‘suppaṭipanno bhagavato sāvakaṅgho, ujuṇṇapaṭipanno bhagavato sāvakaṅgho, ñāyappaṭipanno bhagavato sāvakaṅgho, sāmīcippaṭipanno bhagavato sāvakaṅgho, yadidaṃ cattāri purisayugāni aṭṭha purisapuggalā esa bhagavato sāvakaṅgho āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassā’ ti. Saṅghe aveccappasādena samannāgamaṇaṃ hoti kho, devānaminda, evamidhekacce sattā kāyassa bhedaṃ paraṃ marañā sugatiṃ saggamaṃ lokamaṃ upapajjanti. Te aññe deve dasahi tñānehi adhigaṇhanti – dibbena āyuna...pe... dibbehi phoṭṭhabbehi.

“Sādhu kho, devānaminda, ariyakantehi sīlehi samannāgamaṇaṃ hoti akhaṇḍehi acchiddehi

asabalehi akammāsehi bhujissehi viññuppasatthehi aparāmaṭṭhehi samādhisaṃvattanikehi. Ariyakantehi sīlehi samannāgamanahetu kho, devānaminda, evamidhekacce sattā kāyassa bhedaṃ paraṃ maraṇā sugatiṃ saggam lokam upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi’ ti.

“Sādhu kho, mārisa moggallāna, buddhe aveccappasādena samannāgamanam hoti – ‘itipi so bhagavā...pe... sathā devamanussānam buddho bhagavā’ ti. Buddhe aveccappasādena samannāgamanahetu kho, mārisa moggallāna, evamidhekacce sattā kāyassa bhedaṃ paraṃ maraṇā sugatiṃ saggam lokam upapajjanti. Te aññe deve dasahi ṭhānehi adhigaṇhanti – dibbena āyunā...pe... dibbehi phoṭṭhabbehi.

“Sādhu kho, mārisa moggallāna, dhamme aveccappasādena samannāgamanam hoti – ‘svākkhāto bhagavatā dhammo...pe... paccattam vedītabbo viññūhī’ ti. Dhamme aveccappasādena samannāgamanahetu kho, mārisa moggallāna, evamidhekacce sattā kāyassa bhedaṃ paraṃ maraṇā sugatiṃ saggam lokam upapajjanti. Te aññe deve dasahi ṭhānehi adhigaṇhanti – dibbena āyunā...pe... dibbehi phoṭṭhabbehi.

“Sādhu kho, mārisa moggallāna, saṅghe aveccappasādena samannāgamanam hoti – ‘suppaṭipanno bhagavato sāvakaṅgho...pe... anuttaram puññakkhetam lokassā’ ti. Saṅghe aveccappasādena samannāgamanahetu kho, mārisa moggallāna, evamidhekacce sattā kāyassa bhedaṃ paraṃ maraṇā sugatiṃ saggam lokam upapajjanti. Te aññe deve dasahi ṭhānehi adhigaṇhanti – dibbena āyunā...pe... dibbehi phoṭṭhabbehi.

“Sādhu kho, mārisa moggallāna, ariyakantehi sīlehi samannāgamanam hoti akhaṇḍehi...pe... samādhisaṃvattanikehi. Ariyakantehi sīlehi samannāgamanahetu kho, mārisa moggallāna, evamidhekacce sattā kāyassa bhedaṃ paraṃ maraṇā sugatiṃ saggam lokam upapajjanti. Te aññe deve dasahi ṭhānehi adhigaṇhanti – dibbena āyunā, dibbena vaṇṇena, dibbena sukkena, dibbena yasena, dibbena ādhipateyyena, dibbehi rūpehi, dibbehi saddehi, dibbehi gandhehi, dibbehi rasehi, dibbehi phoṭṭhabbehi’ ti. Dasamam.

11. Candanasuttam

342. Atha kho candano [nandano (sī.)] devaputto...pe....

Atha kho suyāmo devaputto...pe....

Atha kho santusito devaputto...pe....

Atha kho sunimmito devaputto...pe....

Atha kho vasavatti devaputto...pe....

(Yathā sakkasuttam tathā ime pañca peyyālā vitthāretabbā). Ekādasamam.

Moggallānasamuyuttam samattam.

Tassuddānam –

Savitakkāvitakkaṇca, sukkena ca upekkhako;

Ākāsañceva viññāṇaṃ, ākiñcaṃ nevasaññinā;
Animitto ca sakko ca, candanekādasena cāti.

7. Cittasaṃyuttaṃ

1. Saṃyojanasuttaṃ

343. Ekaṃ samayaṃ sambahulā therā bhikkhū macchikāsaṇḍe viharanti ambāṭakavane. Tena kho pana samayena sambahulānaṃ therānaṃ bhikkhūnaṃ pacchābhattaṃ piṇḍapātapaṭikkantānaṃ maṇḍalamāle sannisinnānaṃ sannipatitānaṃ ayamantarākathā udapādi – “saṃyojana’nti vā, āvuso, ‘saṃyojaniyā dhammā’ti vā ime dhammā nānatthā nānābyañjanā udāhu ekatthā byañjanameva nāna’nti? Tatrekaccehi therehi bhikkhūhi evaṃ byākataṃ hoti – “saṃyojana’nti vā, āvuso, ‘saṃyojaniyā dhammā’ti vā ime dhammā nānatthā ceva nānābyañjanā cā’ti. Ekaccehi therehi bhikkhūhi evaṃ byākataṃ hoti – “saṃyojana’nti vā, āvuso, ‘saṃyojaniyā dhammā’ti vā ime dhammā ekatthā byañjanameva nāna’nti.

Tena kho pana samayena citto gahapati migapathakaṃ anuppatto hoti kenacideva karaṇīyena. Assosi kho citto gahapati sambahulānaṃ kira therānaṃ bhikkhūnaṃ pacchābhattaṃ piṇḍapātapaṭikkantānaṃ maṇḍalamāle sannisinnānaṃ sannipatitānaṃ ayamantarākathā udapādi – “saṃyojana’nti vā, āvuso, ‘saṃyojaniyā dhammā’ti vā ime dhammā nānatthā nānābyañjanā udāhu ekatthā byañjanameva nāna’nti? Tatrekaccehi therehi bhikkhūhi evaṃ byākataṃ – “saṃyojana’nti vā, āvuso, ‘saṃyojaniyā dhammā’ti vā ime dhammā nānatthā ceva nānābyañjanā cā’ti. Ekaccehi therehi bhikkhūhi evaṃ byākataṃ ‘saṃyojana’nti vā, āvuso ‘saṃyojaniyā dhammā’ti vā ime dhammā ekatthā byañjanameva nānanti. Atha kho citto gahapati yena therā bhikkhū tenupasānkami; upasānkamivā there bhikkhū abhivādetvā ekamantaṃ nisīdi. Ekamantaṃ nisinno kho citto gahapati there bhikkhū etadavoca – “sutaṃ metaṃ, bhante, sambahulānaṃ kira therānaṃ bhikkhūnaṃ pacchābhattaṃ piṇḍapātapaṭikkantānaṃ maṇḍalamāle sannisinnānaṃ sannipatitānaṃ ayamantarākathā udapādi – ‘saṃyojana’nti vā, āvuso, ‘saṃyojaniyā dhammā’ti vā ime dhammā nānatthā nānābyañjanā udāhu ekatthā byañjanameva nāna’nti? Ekaccehi therehi bhikkhūhi evaṃ byākataṃ – “saṃyojana’nti vā, āvuso, ‘saṃyojaniyā dhammā’ti vā ime dhammā nānatthā ceva nānābyañjanā cā’ti. Ekaccehi therehi bhikkhūhi evaṃ byākataṃ “saṃyojana’nti vā, āvuso, ‘saṃyojaniyā dhammā’ti vā ime dhammā ekatthā byañjanameva nāna’nti. “Evaṃ, gahapati’ti.

“Saṃyojana’nti vā, bhante, ‘saṃyojaniyā dhammā’ti vā ime dhammā nānatthā ceva nānābyañjanā ca. Tena hi, bhante, upamaṃ vo karissāmi. Upamāyapidhekacce viññū purisā bhāsitassa atthaṃ ājananti. Seyyathāpi, bhante, kāḷo ca balībaddo odāto ca balībaddo ekena dāmena vā yottena vā saṃyuttā assu. Yo nu kho evaṃ vadeyya – ‘kāḷo balībaddo odātassa balībaddassa saṃyojanaṃ, odāto balībaddo kāḷassa balībaddassa saṃyojana’nti, sammā nu kho so vadamāno vadeyyā’ti? “No hetamaṃ, gahapati! Na kho, gahapati, kāḷo balībaddo odātassa balībaddassa saṃyojanaṃ, napi odāto balībaddo kāḷassa balībaddassa saṃyojanaṃ; yena kho te ekena dāmena vā yottena vā saṃyuttā taṃ tattha saṃyojana’nti. “Evameva kho, bhante, na cakkhu rūpānaṃ saṃyojanaṃ, na rūpā cakkhussa saṃyojanaṃ; yañca tattha tadubhayaṃ paṭicca uppajjati chandarāgo taṃ tattha saṃyojanaṃ. Na sotaṃ saddānaṃ... na ghānaṃ gandhānaṃ... na jivhā rasānaṃ... na kāyo phoṭṭhabbānaṃ saṃyojanaṃ, na phoṭṭhabbā kāyassa saṃyojanaṃ; yañca tattha tadubhayaṃ paṭicca uppajjati chandarāgo taṃ tattha saṃyojanaṃ. Na mano dhammānaṃ saṃyojanaṃ, na dhammā manassa saṃyojanaṃ; yañca tattha tadubhayaṃ paṭicca uppajjati chandarāgo taṃ tattha saṃyojana’nti. “Lābhā te, gahapati, suladdhaṃ te, gahapati, yassa te gambhīre buddhavacane paññācakkhu kamatī’ti. Paṭhamaṃ.

2. Paṭhamaisidattasuttaṃ

344. Ekaṃ samayaṃ sambahulā therā bhikkhū macchikāsaṇḍe viharanti ambāṭakavane. Atha kho

citto gahapati yena therā bhikkhū tenupasaṅkami; upasaṅkamtivā there bhikkhū abhivādetvā ekamantaṃ nisīdi. Ekamantaṃ nisinno kho citto gahapati there bhikkhū etadavoca – “adhivāsentu me, bhante, therā svātanāya bhatta”nti. Adhivāsesuṃ kho therā bhikkhū tuṅhībhāvena. Atha kho citto gahapati therānaṃ bhikkhūnaṃ adhivāsaṃ viditvā uṭṭhāyāsanā there bhikkhū abhivādetvā padakkhiṇaṃ katvā pakkāmi. Atha kho therā bhikkhū tassā rattiyā accayena pubbaṅhasamayāṃ nivāsetvā pattacīvaramādāya yena cittassa gahapatissa nivesanaṃ tenupasaṅkamimsu; upasaṅkamtivā paññatte āsane nisīdimsu.

Atha kho citto gahapati yena therā bhikkhū tenupasaṅkami; upasaṅkamtivā there bhikkhū abhivādetvā ekamantaṃ nisīdi. Ekamantaṃ nisinno kho citto gahapati āyasmantaṃ therāṃ etadavoca – “dhātunānattaṃ, dhātunānatta”nti, bhante therā, vuccati. Kittāvatā nu kho, bhante, dhātunānattaṃ vuttaṃ bhagavatā”ti? Evaṃ vutte āyasmā thero tuṅhī ahoṣi. Dutiyampi kho citto gahapati āyasmantaṃ therāṃ etadavoca – “dhātunānattaṃ, dhātunānatta”nti, bhante therā, vuccati. Kittāvatā nu kho, bhante, dhātunānattaṃ vuttaṃ bhagavatā”ti? Dutiyampi kho āyasmā thero tuṅhī ahoṣi. Tatiyampi kho citto gahapati āyasmantaṃ therāṃ etadavoca – “dhātunānattaṃ, dhātunānatta”nti, bhante therā, vuccati. Kittāvatā nu kho, bhante, dhātunānattaṃ vuttaṃ bhagavatā”ti? Tatiyampi kho āyasmā thero tuṅhī ahoṣi.

Tena kho pana samayena āyasmā isidatto tasmim bhikkhusaṅghe sabbanavako hoti. Atha kho āyasmā isidatto āyasmantaṃ therāṃ etadavoca – “byākaromaṃ, bhante therā, cittassa gahapatino etaṃ pañha”nti? “Byākarohi tvaṃ, āvuso isidatta, cittassa gahapatino etaṃ pañha”nti. “Evañhi tvaṃ, gahapati, pucchasi – ‘dhātunānattaṃ, dhātunānattanti, bhante therā, vuccati. Kittāvatā nu kho, bhante, dhātunānattaṃ, vuttaṃ bhagavatā’”ti? “Evaṃ, bhante”. “Idaṃ kho, gahapati, dhātunānattaṃ vuttaṃ bhagavatā – cakkhudhātu, rūpadhātu, cakkhuvīññādhātu...pe... manodhātu, dhammadhātu, manovīññādhātu. Ettāvatā kho, gahapati, dhātunānattaṃ vuttaṃ bhagavatā”ti.

Atha kho citto gahapati āyasmato isidattassa bhāsitaṃ abhinanditvā anumoditvā there bhikkhū paṇītena khādanīyena bhojanīyena sahatthā santappesi sampavāresi. Atha kho therā bhikkhū bhuttāvino onītapattapaṇino uṭṭhāyāsanā pakkamimsu. Atha kho āyasmā thero āyasmantaṃ isidattaṃ etadavoca – “sādhu kho taṃ, āvuso isidatta, eso pañho paṭibhāsi, neso pañho maṃ paṭibhāsi. Tenahāvuso isidatta, yadā aññathāpi [yadā aññadāpi (sī. pī.) aññadāpi (?)] evarūpo pañho āgaccheyya, taññevetha paṭibhāseyyā”ti. Dutiyāṃ.

3. Dutiyaisidattasuttaṃ

345. Ekam samayaṃ sambahulā therā bhikkhū macchikāsaṅde viharanti ambātakavane. Atha kho citto gahapati yena therā bhikkhū tenupasaṅkami; upasaṅkamtivā there bhikkhū abhivādetvā ekamantaṃ nisīdi. Ekamantaṃ nisinno kho citto gahapati there bhikkhū etadavoca – “adhivāsentu me, bhante therā, svātanāya bhatta”nti. Adhivāsesuṃ kho therā bhikkhū tuṅhībhāvena. Atha kho citto gahapati therānaṃ bhikkhūnaṃ adhivāsaṃ viditvā uṭṭhāyāsanā there bhikkhū abhivādetvā padakkhiṇaṃ katvā pakkāmi. Atha kho therā bhikkhū tassā rattiyā accayena pubbaṅhasamayāṃ nivāsetvā pattacīvaramādāya yena cittassa gahapatissa nivesanaṃ tenupasaṅkamimsu; upasaṅkamtivā paññatte āsane nisīdimsu.

Atha kho citto gahapati yena therā bhikkhū tenupasaṅkami; upasaṅkamtivā there bhikkhū abhivādetvā ekamantaṃ nisīdi. Ekamantaṃ nisinno kho citto gahapati āyasmantaṃ therāṃ etadavoca – “yā imā, bhante therā, anekavihitā diṭṭhiyo loke uppajjanti – ‘sassato lokoti vā, asassato lokoti vā, antavā lokoti vā, anantavā lokoti vā, taṃ jīvaṃ taṃ sarīranti vā, aññaṃ jīvaṃ aññaṃ sarīranti vā, hoti tathāgato paraṃ maraṇāti vā, na hoti tathāgato paraṃ maraṇāti vā, hoti ca na ca hoti tathāgato paraṃ maraṇāti vā, neva hoti na na hoti tathāgato paraṃ maraṇāti vā. Yāni cimāni dvāsattā diṭṭhigatāni brahmajāle bhaṇitāni; imā nu kho, bhante, diṭṭhiyo kismiṃ sati honti, kismiṃ asati na hontī”ti?

Evaṃ vutte, āyasmā thero tuṅhī ahoṣi. Dutiyampi kho citto gahapati...pe... tatiyampi kho citto

gahapati āyasmantaṃ therā etadavoca – ‘yā imā, bhante therā, anekavihitā diṭṭhiyo loke uppajjanti – sassato lokoti vā, asassato lokoti vā, antavā lokoti vā, anantavā lokoti vā, taṃ jīvaṃ taṃ sarīranti vā, aññaṃ jīvaṃ aññaṃ sarīranti vā, hoti tathāgato paraṃ maraṇāti vā, na hoti tathāgato paraṃ maraṇāti vā, hoti ca na ca hoti tathāgato paraṃ maraṇāti vā, neva hoti na na hoti tathāgato paraṃ maraṇāti vā. Yāni cimāni dvāsaṭṭhi diṭṭhigatāni brahmajāle bhaṇitāni; imā nu kho, bhante, diṭṭhiyo kismiṃ sati honti, kismiṃ asati na hontī’ ti? Tatiyampi kho āyasmā therō tuṅhī ahoṣi.

Tena kho pana samayena āyasmā isidatto tasmim bhikkhusaṅghe sabbanavako hoti. Atha kho āyasmā isidatto āyasmantaṃ therā etadavoca – ‘byākaramahaṃ, bhante therā, cittaṃ gahapatino etaṃ paṇha’ nti? ‘Byākaroḥi tvaṃ, āvuso isidatta, cittaṃ gahapatino etaṃ paṇha’ nti. ‘Evañhi tvaṃ, gahapati, pucchasi – ‘yā imā, bhante therā, anekavihitā diṭṭhiyo loke uppajjanti – sassato lokoti vā... pe...; imā nu kho, bhante, diṭṭhiyo kismiṃ sati honti, kismiṃ asati na hontī’ ti? ‘Evaṃ, bhante’. ‘Yā imā, gahapati, anekavihitā diṭṭhiyo loke uppajjanti – ‘sassato lokoti vā, asassato lokoti vā, antavā lokoti vā anantavā lokoti vā, taṃ jīvaṃ taṃ sarīranti vā, aññaṃ jīvaṃ aññaṃ sarīranti vā, hoti tathāgato paraṃ maraṇāti vā, na hoti tathāgato paraṃ maraṇāti vā, hoti ca na ca hoti tathāgato paraṃ maraṇāti vā, neva hoti na na hoti tathāgato paraṃ maraṇāti vā. Yāni cimāni dvāsaṭṭhi diṭṭhigatāni brahmajāle bhaṇitāni; imā kho, gahapati, diṭṭhiyo sakkāyadiṭṭhiyā sati honti, sakkāyadiṭṭhiyā asati na hontī’ ti.

‘Kathaṃ pana, bhante, sakkāyadiṭṭhi hotī’ ti? ‘Idha, gahapati, assutavā puthujjano ariyānaṃ adassāvī ariyadhammassa akovido ariyadhamme avinīto, sappurisānaṃ adassāvī sappurisdhammassa akovido sappurisdhamme avinīto rūpaṃ attato samanupassati, rūpavantaṃ vā attānaṃ, attani vā rūpaṃ, rūpasmim vā attānaṃ; vedanaṃ attato samanupassati... pe... saññaṃ... saṅkhāre... viññānaṃ attato samanupassati, viññānavantaṃ vā attānaṃ, attani vā viññānaṃ, viññānasmim vā attānaṃ. Evaṃ kho, gahapati, sakkāyadiṭṭhi hotī’ ti.

‘Kathaṃ pana, bhante, sakkāyadiṭṭhi na hotī’ ti? ‘Idha, gahapati, sutavā ariyasāvako ariyānaṃ dassāvī ariyadhammassa kovido ariyadhamme suvinīto sappurisānaṃ dassāvī sappurisdhammassa kovido sappurisdhamme suvinīto na rūpaṃ attato samanupassati, na rūpavantaṃ vā attānaṃ, na attani vā rūpaṃ, na rūpasmim vā attānaṃ; na vedanaṃ... na saññaṃ... na saṅkhāre... na viññānaṃ attato samanupassati, na viññānavantaṃ vā attānaṃ, na attani vā viññānaṃ, na viññānasmim vā attānaṃ. Evaṃ kho, gahapati, sakkāyadiṭṭhi na hotī’ ti.

‘Kuto, bhante, ayyo isidatto āgacchatī’ ti? ‘Avantiyā kho, gahapati, āgacchāmi’ ti. ‘Atthi, bhante, avantiyā isidatto nāma kulaputto amhākaṃ adiṭṭhasahāyo pabbajito? Diṭṭho so āyasmātā’ ti? ‘Evaṃ, gahapati’ ti. ‘Kahaṃ nu kho so, bhante, āyasmā etarāhi viharatī’ ti? Evaṃ vutte, āyasmā isidatto tuṅhī ahoṣi. ‘Ayyo no, bhante, isidatto’ ti? ‘Evaṃ, gahapati’ ti. ‘Abhiramatu, bhante, ayyo isidatto macchikāsaṅḍe. Ramaṇīyaṃ ambāṭakavanaṃ. Ahaṃ ayyassa isidattassa ussukkaṃ karissāmi cīvarapiṇḍapātasenāsanagilānappaccayabhesajjaparikkhārāna’ nti. ‘Kalyāṇaṃ vuccati, gahapati’ ti.

Atha kho citto gahapati āyasmato isidattassa bhāsitaṃ abhinanditvā anumoditvā there bhikkhū paṇītena khādanīyena bhojanīyena sahatthā santappesi sampavāresi. Atha kho therā bhikkhū bhuttāvino onītapattapaṇīno utthāyāsanaṃ pakkamimsu. Atha kho āyasmā therō āyasmantaṃ isidattaṃ etadavoca – ‘sādhu kho taṃ, āvuso isidatta, eso paṇho paṭibhāsi. Neso paṇho maṃ paṭibhāsi. Tenahāvuso isidatta, yadā aññathāpi evarūpo paṇho āgaccheyya, taññevettha paṭibhāseyyā’ ti. Atha kho āyasmā isidatto senāsanāṃ saṃsāmetvā pattacīvaramādāya macchikāsaṅḍamhā pakkāmi. Yaṃ macchikāsaṅḍamhā pakkāmi, tathā pakkantova ahoṣi, na puna paccāgacchīti. Tatiyaṃ.

4. Mahakapāṭihāriyasuttaṃ

346. Ekaṃ samayaṃ sambahulā therā bhikkhū macchikāsaṅḍe viharanti ambāṭakavane. Atha kho citto gahapati yena therā bhikkhū tenupasaṅkami; upasaṅkamtvā there bhikkhū abhivādetvā ekamantaṃ

nisīdi. Ekamantaṃ nisinno kho citto gahapati there bhikkhū etadavoca – “adhivāsentu me, bhante therā, svātanāya gokule bhatta”nti. Adhivāsesuṃ kho therā bhikkhū tuṅhībhāvena. Atha kho citto gahapati therānaṃ bhikkhūnaṃ adhivāsaṇaṃ viditvā uṭṭhāyāsanā there bhikkhū abhivādetvā padakkhiṇaṃ katvā pakkāmi. Atha kho therā bhikkhū tassā rattiyā accayena pubbaṅhasamayāṃ nivāsetvā pattacīvaramādāya yena cittassa gahapatino gokulaṃ tenupasaṅkamimṃsu; upasaṅkamitvā paññatte āsane nisīdimṃsu.

Atha kho citto gahapati there bhikkhū pañitena sappipāyāsena sahatthā santappesi sampavāresi. Atha kho therā bhikkhū bhuttāvino onītapattapaṇino uṭṭhāyāsanā pakkamimṃsu. Cītopi kho gahapati ‘sesakaṃ vissajjethā’ti vatvā there bhikkhū piṭṭhito piṭṭhito anubandhi. Tena kho pana samayena uṇhaṃ hoti kuthitaṃ [kuṭṭhitaṃ (sī. syā. kaṃ. pī.)]; te ca therā bhikkhū paveliyamānena maññe kāyena gacchanti, yathā taṃ bhojanaṃ bhuttāvino.

Tena kho pana samayena āyasmā mahako tasmim bhikkhusaṅghe sabbanavako hoti. Atha kho āyasmā mahako āyasmantaṃ therāṃ etadavoca – “sādhu khvassa, bhante therā, sītako ca vāto vāyeyya, abbasampilāpo [abbhasaṃbilāpo (sī.), abbasaṃvilāpo (pī.)] ca assa, devo ca ekamekaṃ phusāyeyyā”ti.

“Sādhu khvassa, āvuso mahaka, yaṃ sītako ca vāto vāyeyya, abbasampilāpo ca assa, devo ca ekamekaṃ phusāyeyyā”ti. Atha kho āyasmā mahako tathārūpaṃ iddhābhisaṅkhāraṃ abhisāṅkhari [abhisāṅkhāsi (sī.)] yathā sītako ca vāto vāyi, abbasampilāpo ca assa [āsi (?)], devo ca ekamekaṃ phusi. Atha kho cittassa gahapatino etadahosi – “yo kho imasmim bhikkhusaṅghe sabbanavako bhikkhu tassāyaṃ evarūpo iddhānubhāvo”ti. Atha kho āyasmā mahako ārāmaṃ sampāpuṇitvā āyasmantaṃ therāṃ etadavoca – “alamettāvatā, bhante therā”ti? “Alamettāvatā, āvuso mahaka! Katamettāvatā, āvuso mahaka! Pūjitamettāvatā, āvuso mahako”ti. Atha kho therā bhikkhū yathāvihāraṃ agamaṃsu. Āyasmāpi mahako sakaṃ vihāraṃ agamāsi.

Atha kho citto gahapati yenāyasmā mahako tenupasaṅkami; upasaṅkamitvā āyasmantaṃ mahakaṃ abhivādetvā ekamantaṃ nisīdi. Ekamantaṃ nisinno kho citto gahapati āyasmantaṃ mahakaṃ etadavoca – “sādhu me, bhante, ayyo mahako uttarimanussadhammaṃ iddhipāṭihāriyaṃ dassetū”ti. “Tena hi tvaṃ, gahapati, ālinde uttarāsaṅgaṃ paññapetvā tiṇakalāpaṃ okāsehi”ti. “Evaṃ, bhante”ti kho citto gahapati āyasmato mahakassa paṭissutvā ālinde uttarāsaṅgaṃ paññapetvā tiṇakalāpaṃ okāsesi. Atha kho āyasmā mahako vihāraṃ pavisitvā sūciḥaṭṭikaṃ datvā tathārūpaṃ iddhābhisaṅkhāraṃ abhisāṅkhari yathā tālacchiggaḷena ca aggaḷantarikāya ca acci nikkhamitvā tiṇāni jhāpesi, uttarāsaṅgaṃ na jhāpesi. Atha kho citto gahapati uttarāsaṅgaṃ papphoṭetvā saṃviggo lomahaṭṭhajāto ekamantaṃ aṭṭhāsi. Atha kho āyasmā mahako vihārā nikkhamitvā cittaṃ gahapatiṃ etadavoca – “alamettāvatā, gahapati”ti?

“Alamettāvatā, bhante mahaka! Katamettāvatā, bhante, mahaka! Pūjitamettāvatā, bhante mahaka! Abhiramatu, bhante, ayyo mahako macchikāsaṅḍe. Ramaṇīyaṃ ambāṭakavanaṃ. Ahaṃ ayyassa mahakassa ussukkaṃ karissāmi cīvarapiṇḍapātasenāsanagilānappaccayabhesajjaparikkhārāna”nti. “Kalyāṇaṃ vuccati, gahapati”ti. Atha kho āyasmā mahako senāsaṇaṃ saṃsāmetvā pattacīvaramādāya macchikāsaṅḍamhā pakkāmi. Yaṃ macchikāsaṅḍamhā pakkāmi, tathā pakkantova ahoṣi; na puna paccāgacchīti. Catutthaṃ.

5. Paṭhamakāmbhūsuttaṃ

347. Ekaṃ samayaṃ āyasmā kāmbhū macchikāsaṅḍe viharati ambāṭakavane. Atha kho citto gahapati yenāyasmā kāmbhū tenupasaṅkami; upasaṅkamitvā āyasmantaṃ kāmbhuṃ abhivādetvā ekamantaṃ nisīdi. Ekamantaṃ nisinnaṃ kho cittaṃ gahapatiṃ āyasmā kāmbhū etadavoca –

“Vuttamidaṃ, gahapati –

“Nelaṅgo setapacchādo, ekāro vattatī ratho;
Anīghaṃ passa āyantam [appattam (syā. kam. ka.)], chinnasotam abandhana”nti.

“Imassa nu kho, gahapati, saṃkhittena bhāsītassa katham vitthārena attho daṭṭhabbo”ti? “Kiṃ nu kho etaṃ, bhante, bhagavatā bhāsita”nti? “Evaṃ, gahapati”ti. “Tena hi, bhante, muhuttaṃ āgamehi yāvassa attham pekkhāmi”ti. Atha kho citto gahapati muhuttaṃ tuṅhī hutvā āyasmantaṃ kāmabhum etadavoca –

““Nelaṅga”nti kho, bhante, silānametaṃ adhivacanaṃ. ‘Setapacchādo’ti kho, bhante, vimuttiyā etaṃ adhivacanaṃ. ‘Ekāro’ti kho, bhante, satiyā etaṃ adhivacanaṃ. ‘Vattatī’ti kho, bhante, abhikkamaṃ abhikkamaṃ adhivacanaṃ. ‘Ratho’ti kho, bhante, imassetam cātumahābhūtikassa kāyassa adhivacanaṃ mātāpettikasambhavassa odanakummāsūpacayassa aniccucchādanaparimaddanabhedanavidhamsanadhammassa. Rāgo kho, bhante, nīgho, doso nīgho, moho nīgho. Te khīṇāsavassa bhikkhuno pahīnā ucchinnamūlā tālāvatthukatā anabhāvaṅkatā āyatim anuppādadhama. Tasmā khīṇāsavo bhikkhu ‘anīgho’ti vuccati. ‘Āyanta’nti kho, bhante, arahato etaṃ adhivacanaṃ. ‘Soto’ti kho, bhante, taṅhāyetaṃ adhivacanaṃ. Sā khīṇāsavassa bhikkhuno pahīnā ucchinnamūlā tālāvatthukatā anabhāvaṅkatā āyatim anuppādadhama. Tasmā khīṇāsavo bhikkhu ‘chinnasoto’ti vuccati. Rāgo kho, bhante, bandhanaṃ, doso bandhanaṃ, moho bandhanaṃ. Te khīṇāsavassa bhikkhuno pahīnā ucchinnamūlā tālāvatthukatā anabhāvaṅkatā āyatim anuppādadhama. Tasmā khīṇāsavo bhikkhu ‘abandhana’ti vuccati. Iti kho, bhante, yaṃ taṃ bhagavatā vuttaṃ –

“Nelaṅgo setapacchādo, ekāro vattatī ratho;
Anīghaṃ passa āyantam, chinnasotam abandhana”nti.

“Imassa kho, bhante, bhagavatā saṃkhittena bhāsītassa evaṃ vitthārena attham ājānāmi”ti. “Lābhā te, gahapati, suladdhaṃ te, gahapati! Yassa te gambhīre buddhavacane paññācakkhu kamaṭī”ti. Pañcamam.

6. Dutiyakāmabhūsuttaṃ

348. Ekaṃ samayaṃ āyasmā kāmabhū macchikāsaṅḍe viharati ambāṭakavane. Atha kho citto gahapati yenāyasmā kāmabhū tenupasaṅkami; upasaṅkamitvā ekamantaṃ nisīdi. Ekamantaṃ nisīno kho citto gahapati āyasmantaṃ kāmabhum etadavoca – “kati nu kho, bhante, saṅkhārā”ti? “Tayo kho, gahapati, saṅkhārā – kāyasaṅkhāro, vacīsaṅkhāro, cittasaṅkhāro”ti. “Sādhu, bhante”ti kho citto gahapati āyasmato kāmabhussa bhāsitaṃ abhinanditvā anumoditvā āyasmantaṃ kāmabhum uttariṃ pañham apucchi – “katamo pana, bhante, kāyasaṅkhāro, katamo vacīsaṅkhāro, katamo cittasaṅkhāro”ti? “Assāpassāsā kho, gahapati, kāyasaṅkhāro, vitakkavicārā vacīsaṅkhāro, saññā ca vedanā ca cittasaṅkhāro”ti.

“Sādhu, bhante”ti kho citto gahapati...pe... uttariṃ pañham apucchi – “kasmā pana, bhante, assāpassāsā kāyasaṅkhāro, kasmā vitakkavicārā vacīsaṅkhāro, kasmā saññā ca vedanā ca cittasaṅkhāro”ti? “Assāpassāsā kho, gahapati, kāyikā. Ete dhammā kāyappaṭibaddhā, tasmā assāpassāsā kāyasaṅkhāro. Pubbe kho, gahapati, vitakketvā vicāretvā pacchā vācaṃ bhindati, tasmā vitakkavicārā vacīsaṅkhāro. Saññā ca vedanā ca cetasikā. Ete dhammā cittappaṭibaddhā, tasmā saññā ca vedanā ca cittasaṅkhāro”ti.

Sādhu...pe... uttariṃ pañham apucchi – “katham pana, bhante, saññāvedayitanirodhasamāpatti hotī”ti? “Na kho, gahapati, saññāvedayitanirodhaṃ samāpajjantassa bhikkhuno evaṃ hoti – ‘ahaṃ saññāvedayitanirodhaṃ samāpajjissa’nti vā ‘ahaṃ saññāvedayitanirodhaṃ samāpajjāmi’nti vā ‘ahaṃ saññāvedayitanirodhaṃ samāpanno’nti vā. Atha khvassa pubbeva tathā cittaṃ bhāvitaṃ hoti yaṃ taṃ tathattāya upaneti”ti.

Sādhu ...pe... uttarim pañham apucchi – “saññāvedayitanirodham samāpajantassa pana, bhante, bhikkhuno katame dhammā paṭhamam nirujjhanti, yadi vā kāyasaṅkhāro, yadi vā vacīsaṅkhāro, yadi vā cittasaṅkhāro”ti? “Saññāvedayitanirodham samāpajantassa kho, gahapati, bhikkhuno vacīsaṅkhāro paṭhamam nirujjhati, tato kāyasaṅkhāro, tato cittasaṅkhāro”ti.

Sādhu...pe... uttarim pañham apucchi – “yvāyam, bhante, mato kālaṅkato, yo cāyam bhikkhu saññāvedayitanirodham samāpanno, imesaṃ kiṃ nānākaraṇa”nti? “Yvāyam gahapati, mato kālaṅkato tassa kāyasaṅkhāro niruddho paṭippassaddho, vacīsaṅkhāro niruddho paṭippassaddho, cittasaṅkhāro niruddho paṭippassaddho, āyu parikkhīṇo, usmā vūpasantā, indriyāni viparibhinnāni. Yo ca khvāyam, gahapati, bhikkhu saññāvedayitanirodham samāpanno, tassapi kāyasaṅkhāro niruddho paṭippassaddho, vacīsaṅkhāro niruddho paṭippassaddho, cittasaṅkhāro niruddho paṭippassaddho, āyu aparikkhīṇo, usmā avūpasantā, indriyāni vipassannāni. Yvāyam, gahapati, mato kālaṅkato, yo cāyam bhikkhu saññāvedayitanirodham samāpanno, idaṃ nesaṃ nānākaraṇa”nti.

Sādhu...pe... uttarim pañham apucchi – “katham pana, bhante, saññāvedayitanirodhasamāpattiyā vuṭṭhānaṃ hotī”ti? “Na kho, gahapati, saññāvedayitanirodhasamāpattiyā vuṭṭhahantassa bhikkhuno evaṃ hoti – ‘ahaṃ saññāvedayitanirodhasamāpattiyā vuṭṭhahissa’nti vā ‘ahaṃ saññāvedayitanirodhasamāpattiyā vuṭṭhahāmi’ti vā ‘ahaṃ saññāvedayitanirodhasamāpattiyā vuṭṭhito’ti vā. Atha khvassa pubbeva tathā cittaṃ bhāvitaṃ hoti, yaṃ taṃ tathattāya upaneti”ti.

Sādhu, bhante...pe... uttarim pañham apucchi – “saññāvedayitanirodhasamāpattiyā vuṭṭhahantassa pana, bhante, bhikkhuno katame dhammā paṭhamam uppajanti, yadi vā kāyasaṅkhāro, yadi vā vacīsaṅkhāro, yadi vā cittasaṅkhāro”ti? “Saññāvedayitanirodhasamāpattiyā vuṭṭhahantassa, gahapati, bhikkhuno cittasaṅkhāro paṭhamam uppajati, tato kāyasaṅkhāro, tato vacīsaṅkhāro”ti.

Sādhu...pe... uttarim pañham apucchi – “saññāvedayitanirodhasamāpattiyā vuṭṭhitaṃ pana, bhante, bhikkhuṃ kati phassā phusanti”? “Saññāvedayitanirodhasamāpattiyā vuṭṭhitaṃ kho, gahapati, bhikkhuṃ tayo phassā phusanti – suññato phasso, animitto phasso, appaṇihito phasso”ti.

Sādhu...pe... uttarim pañham apucchi – “saññāvedayitanirodhasamāpattiyā vuṭṭhitassa pana, bhante, bhikkhuno kiṃninaṃ cittaṃ hoti, kiṃpoṇaṃ, kiṃpabbhāra”nti? “Saññāvedayitanirodhasamāpattiyā vuṭṭhitassa kho, gahapati, bhikkhuno vivekaninnaṃ cittaṃ hoti vivekapaṇaṃ vivekapabbhāra”nti.

“Sādhu, bhante”ti kho citto gahapati āyasmato kāmabhussa bhāsitaṃ abhinanditvā anumoditvā āyasmantaṃ kāmabhuṃ uttarim pañham apucchi – “saññāvedayitanirodhasamāpattiyā pana, bhante, kati dhammā bahūpakārā”ti? “Addhā kho tvam, gahapati, yaṃ paṭhamam pucchitabbaṃ taṃ pucchasi. Api ca tyāham byākarissāmi. Saññāvedayitanirodhasamāpattiyā kho, gahapati, dve dhammā bahūpakārā – samatho ca vipassanā cā”ti. Chaṭṭham.

7. Godattasuttaṃ

349. Ekam samayaṃ āyasmā godatto macchikāsaṅḍe viharati ambāṭakavane. Atha kho citto gahapati yenāyasmā godatto tenupasaṅkami; upasaṅkamitvā āyasmantaṃ godattaṃ abhivādetvā ekamantaṃ nisīdi. Ekamantaṃ nisinnaṃ kho cittaṃ gahapatiṃ āyasmā godatto etadavoca – “yā cāyam, gahapati, appamaṇā cetovimutti, yā ca ākiṇcaññā cetovimutti, yā ca suññatā cetovimutti, yā ca animittā cetovimutti, ime dhammā nānatthā nānābyañjanā udāhu ekatthā byañjanameva nāna”nti? “Atthi, bhante, pariyāyo yaṃ pariyāyam āgamma ime dhammā nānatthā ceva nānābyañjanā ca. Atthi pana, bhante, pariyāyo yaṃ pariyāyam āgamma ime dhammā ekatthā byañjanameva nāna”nti.

“Katamo ca, bhante, pariyāyo yaṃ pariyāyam āgamma ime dhammā nānatthā ceva nānābyañjanā

ca? Idha, bhante, bhikkhu mettāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ [catutthiṃ (?)]. Iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena abyāpajjena [abyāpajjhena (sī. syā. kaṃ. pī.), abyābajjhena (?)] pharivā viharati. Karuṇāsahagatena cetasā...pe... muditāsahagatena cetasā...pe... upekkhāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ. Iti uddhamadho tiriyaṃ sabbadhi sabbattatāya sabbāvantaṃ lokaṃ upekkhāsahagatena cetasā vipulena mahaggatena appamāṇena averena abyāpajjena pharivā viharati. Ayaṃ vuccati, bhante, appamāṇā cetovimutti.

“Katamā ca, bhante, ākiñcaññā cetovimutti? Idha, bhante, bhikkhu sabbaso viññāṇaṅcāyatanam samatikkamma, ‘natthi kiñcī’ ti ākiñcaññāyatanam upasampajja viharati. Ayaṃ vuccati, bhante, ākiñcaññā cetovimutti.

“Katamā ca, bhante, suññatā cetovimutti? Idha, bhante, bhikkhu araññagato vā rukkhamaḷagato vā suññāgāragato vā iti paṭisaṅcikkhati – ‘suññamidaṃ attena vā attaniyena vā’ ti. Ayaṃ vuccati, bhante, suññatā cetovimutti.

“Katamā ca, bhante, animittā cetovimutti? Idha, bhante, bhikkhu sabbanimittānaṃ amanasikārā animittaṃ cetosamādhim upasampajja viharati. Ayaṃ vuccati, bhante, animittā cetovimutti. Ayaṃ kho, bhante, pariyāyo yaṃ pariyāyaṃ āgamma ime dhammā nānatthā ceva nānābyañjanā ca.

“Katamo ca, bhante, pariyāyo yaṃ pariyāyaṃ āgamma ime dhammā ekatthā byañjanameva nānaṃ? Rāgo, bhante, pamāṇakaraṇo, doso pamāṇakaraṇo, moho pamāṇakaraṇo. Te khīṇāsavassa bhikkhuno pahīnā ucchinnamūlā tālavatthukatā anabhāvaṅkatā āyatim anuppādadhammā. Yāvatā kho, bhante, appamāṇā cetovimuttiyo, akuppā tāsāṃ cetovimutti aggamaḅbhāyati. Sā kho pana akuppā cetovimutti suññā rāgena, suññā dosena, suññā mohena. Rāgo kho, bhante, kiñcanaṃ, doso kiñcanaṃ, moho kiñcanaṃ. Te khīṇāsavassa bhikkhuno pahīnā ucchinnamūlā tālavatthukatā anabhāvaṅkatā āyatim anuppādadhammā. Yāvatā kho, bhante, ākiñcaññā cetovimuttiyo, akuppā tāsāṃ cetovimutti aggamaḅbhāyati. Sā kho pana akuppā cetovimutti suññā rāgena, suññā dosena, suññā mohena. Rāgo kho, bhante, nimittakaraṇo, doso nimittakaraṇo, moho nimittakaraṇo. Te khīṇāsavassa bhikkhuno pahīnā ucchinnamūlā tālavatthukatā anabhāvaṅkatā āyatim anuppādadhammā. Yāvatā kho, bhante, animittā cetovimuttiyo, akuppā tāsāṃ cetovimutti aggamaḅbhāyati. Sā kho pana akuppā cetovimutti suññā rāgena, suññā dosena, suññā mohena. Ayaṃ kho, bhante, pariyāyo yaṃ pariyāyaṃ āgamma ime dhammā ekatthā byañjanameva nāna’nti. ‘Lābhā te, gahapati, suladdhaṃ te, gahapati! Yassa te gambhīre buddhavaḅcane paññācakkhu kamati’ ti. Sattamaṃ.

8. Nigaṅṅhanāṅaputtasuttaṃ

350. Tena kho pana samayena nigaṅṅho nāṅaputto [nāṅaputto (sī.)] macchikāsaṅḅaṃ anuppatto hoti mahatiyā nigaṅṅhapaṅisāya saddhim. Assosi kho citto gahapati – ‘nigaṅṅho kira nāṅaputto macchikāsaṅḅaṃ anuppatto mahatiyā nigaṅṅhapaṅisāya saddhi’nti. Atha kho citto gahapati sambahulehi upāsaḅehi saddhim yena nigaṅṅho nāṅaputto tenupasaṅkami; upasaṅkamitvā nigaṅṅhena nāṅaputtena saddhim sammodi. Sammodanīyaṃ kathaṃ sāraṅīyaṃ vītisaṅretvā ekamantaṃ nisīdi. Ekamantaṃ nisinnaṃ kho cittaṃ gahapatiṃ nigaṅṅho nāṅaputto etadavoca – ‘saddahaṅi tvam, gahapati, samaṅassa gotamassa – atthi avitakko avicāro samādhī, atthi vitakkavicārānaṃ nirodho’ ti?

“Na khvāhaṃ ettha, bhante, bhagavato saddhāya gacchāmi. Atthi avitakko avicāro samādhī, atthi vitakkavicārānaṃ nirodho’ ti. Evaṃ vutte, nigaṅṅho nāṅaputto ulloketvā [sakaṃ paṅisaṃ apaloketvā (sī. syā. kaṃ.), oloketvā (sī. aṅṅha. syā. aṅṅha.)] etadavoca – ‘idaṃ bhavanto passantu, yāva ujuko cāyaṃ citto gahapati, yāva asaṅḅo cāyaṃ citto gahapati, yāva amāyāvī cāyaṃ citto gahapati, vātaṃ vā so jālena bādhetaḅbaṃ maññeyya, yo vitakkavicāre nirodhetabaṃ maññeyya, sakamuṅṅhinā vā so gaṅḅāya sotaṃ

āvāretabbam maññeyya, yo vitakkavicāre nirodhetabbam maññeyyā”ti.

“Taṃ kiṃ maññasi, bhante, katamaṃ nu kho pañītataṃ – ñāṇaṃ vā saddhā vā”ti? “Saddhāya kho, gahapati, ñāṇaṃyeva pañītata”nti. “Ahaṃ kho, bhante, yāvadeva ākaṅkhāmi, vivicceva kāmehi vivicca akusalehi dhammehi savitakkaṃ savicāraṃ vivekaṃ pītisukhaṃ paṭhamaṃ jhānaṃ upasampajja viharāmi. Ahaṃ kho, bhante, yāvadeva ākaṅkhāmi, vitakkavicārānaṃ vūpasamā...pe... dutiyaṃ jhānaṃ upasampajja viharāmi. Ahaṃ kho, bhante, yāvadeva ākaṅkhāmi, pītiyā ca virāgā...pe... tatiyaṃ jhānaṃ upasampajja viharāmi. Ahaṃ kho, bhante, yāvadeva ākaṅkhāmi, sukhasa ca pahānā... pe... catutthaṃ jhānaṃ upasampajja viharāmi. Na so khvāhaṃ, bhante, evaṃ jānanto evaṃ passanto kassa aññaṃ samaṇassa vā brāhmaṇassa vā saddhāya gamissāmi? Atthi avitakko avicāro samādhi, atthi vitakkavicārānaṃ nirodho”ti.

Evaṃ vutte, nigaṇṭho nāṭaputto sakaṃ paraṃ apaloketvā etadavoca – “idaṃ bhavanto passantu, yāva anujuko cāyaṃ citto gahapati, yāva saṭho cāyaṃ citto gahapati, yāva māyāvī cāyaṃ citto gahapati”ti.

“Idāneva kho te [idāneva ca pana (syā. kaṃ. ka.)] mayaṃ, bhante, bhāsitaṃ – ‘evaṃ ājānāma idaṃ bhavanto passantu, yāva ujuko cāyaṃ citto gahapati, yāva asaṭho cāyaṃ citto gahapati, yāva amāyāvī cāyaṃ citto gahapati’ti. Idāneva ca pana mayaṃ, bhante, bhāsitaṃ – ‘evaṃ ājānāma idaṃ bhavanto passantu, yāva anujuko cāyaṃ citto gahapati, yāva saṭho cāyaṃ citto gahapati, yāva māyāvī cāyaṃ citto gahapati’ti. Sace te, bhante, purimaṃ saccaṃ, pacchimaṃ te micchā. Sace pana te, bhante, purimaṃ micchā, pacchimaṃ te saccaṃ. Ime kho pana, bhante, dasa sahadhammikā pañhā āgacchanti. Yadā nesam atthaṃ ājāneyyāsi, atha maṃ paṭihareyyāsi saddhiṃ nigaṇṭhapaṇḍita. Eko pañho, eko uddeṣo, ekaṃ veyyākaraṇaṃ. Dve pañhā, dve uddeṣā, dve veyyākaraṇāni. Tayo pañhā, tayo uddeṣā, tīṇi veyyākaraṇāni. Cattāro pañhā, cattāro uddeṣā, cattāri veyyākaraṇāni. Pañca pañhā, pañca uddeṣā, pañca veyyākaraṇāni. Cha pañhā, cha uddeṣā, cha veyyākaraṇāni. Satta pañhā, satta uddeṣā, satta veyyākaraṇāni. Aṭṭha pañhā, aṭṭha uddeṣā, aṭṭha veyyākaraṇāni. Nava pañhā, nava uddeṣā, nava veyyākaraṇāni. Dasa pañhā, dasa uddeṣā, dasa veyyākaraṇāni”ti. Atha kho citto gahapati nigaṇṭhaṃ nāṭaputtaṃ ime dasa sahadhammike pañhe āpucchitvā utṭhāyāsanā pakkāmiti. Aṭṭhamāṃ.

9. Acelakassapasuttaṃ

351. Tena kho pana samayena acelo kassapo macchikāsaṇḍaṃ anupatto hoti cittassa gahapatino purāṇagihisahāyo. Assosi kho citto gahapati – “acelo kira kassapo macchikāsaṇḍaṃ anupatto amhākaṃ purāṇagihisahāyo”ti. Atha kho citto gahapati yena acelo kassapo tenupasaṅkami; upasaṅkamitvā acelena kassapena saddhiṃ sammodī. Sammodanīyaṃ kathaṃ sāraṇīyaṃ vītisāretvā ekamantaṃ nisīdī. Ekamantaṃ nisīno kho citto gahapati acelaṃ kassapaṃ etadavoca – “kīvaciraṃ pabbajitassa, bhante, kassapā”ti? “Tiṃsamattāni kho me, gahapati, vassāni pabbajitassā”ti. “Imehi pana te, bhante, tiṃsamattehi vassehi atthi koci uttarimanussadhammā [uttarimanussadhammo (syā. kaṃ.)] alamariyañāṇadassanaviseso adhigato phāsuvihāro”ti? “Imehi kho me, gahapati, tiṃsamattehi vassehi pabbajitassa natthi koci uttarimanussadhammā alamariyañāṇadassanaviseso adhigato phāsuvihāro, aññaṃtra naggeyyā ca muṇḍeyyā ca pāvaṇanipphoṭanāya cā”ti. Evaṃ vutte, citto gahapati acelaṃ kassapaṃ etadavoca – “acchariyaṃ vata, bho, abbhutaṃ vata, bho! Dhammassa svākkhātā [sabbatthapi evameva dissati] yatra hi nāma tiṃsamattehi vassehi na koci uttarimanussadhammā alamariyañāṇadassanaviseso adhigato abhaviṣṣa phāsuvihāro, aññaṃtra naggeyyā ca muṇḍeyyā ca pāvaṇanipphoṭanāya cā”ti!

“Tuyhaṃ pana, gahapati, kīvaciraṃ upāsakattaṃ upagatassā”ti? “Mayhampi kho pana, bhante, tiṃsamattāni vassāni upāsakattaṃ upagatassā”ti. “Imehi pana te, gahapati, tiṃsamattehi vassehi atthi koci uttarimanussadhammā alamariyañāṇadassanaviseso adhigato phāsuvihāro”ti? “Gihinopi siyā, bhante. Ahañhi, bhante, yāvadeva ākaṅkhāmi, vivicceva kāmehi vivicca akusalehi dhammehi

savitakkaṃ savicāraṃ vivekaṃ pītisukhaṃ paṭhamam jhānaṃ upasampajja viharāmi. Ahañhi, bhante, yāvadeva ākaṅkhāmi, vitakkavicārānaṃ vūpasamā ...pe... dutiyaṃ jhānaṃ upasampajja viharāmi. Ahañhi, bhante, yāvadeva ākaṅkhāmi, pītiyā ca virāgā...pe... tatiyaṃ jhānaṃ upasampajja viharāmi. Ahañhi, bhante, yāvadeva ākaṅkhāmi, sukhasa ca pahānā...pe... catutthaṃ jhānaṃ upasampajja viharāmi. Sace kho panāhaṃ, bhante, bhagavato [bhagavatā (syā. kaṃ.)] paṭhamataraṃ kālaṃ kareyyaṃ, anacchariyaṃ kho panetaṃ yaṃ maṃ bhagavā evaṃ byākareyya – ‘natthi taṃ saṃyojanaṃ yena saṃyojanena saṃyutto citto gahapati puna imaṃ lokaṃ āgaccheyyā’”ti. Evaṃ vutte, acelo kassapo cittaṃ gahapatiṃ etadavoca – “acchariyaṃ vata bho, abbhutaṃ vata bho! Dhammassa svākkhātā, yatra hi nāma giḥi odātavasano [giḥi odātavanā (sī. pī.)] evarūpaṃ uttarimanussadhammā alamariyañānadassanavisesaṃ adhigamissati [adhigamissanti (sī. pī.)] phāsuvihāraṃ. Labheyyāhaṃ, gahapati, imasmiṃ dhammavinaye pabbajjaṃ, labheyyaṃ upasampada’”nti.

Atha kho citto gahapati acelaṃ kassapaṃ ādāya yena therā bhikkhū tenupasaṅkami; upasaṅkamitvā there bhikkhū etadavoca – “ayaṃ, bhante, acelo kassapo amhākaṃ purāṇagihisahāyo. Imaṃ therā pabbājentu upasampādentu. Ahamassa ussukkaṃ karissāmi cīvarapiṇḍapātasenāsanagilānappaccayabhesajjaparikkhārāna’”nti. Alatta kho acelo kassapo imasmiṃ dhammavinaye pabbajjaṃ, alatta upasampadaṃ. Acirūpasampanno ca panāyasmā kassapo eko vūpakaṭṭho appamatto ātāpī pahitatto viharanto nacirasseva – yassathāya kulaputtā sammadeva agārasmā anagāriyaṃ pabbajanti, tadanuttaraṃ brahmacariyapariyosānaṃ diṭṭheva dhamme sayāṃ abhiññā sacchikatvā upasampajja vihāsi. “Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’”ti abbhāññāsi. Aññataro ca panāyasmā kassapo arahataṃ ahoṣīti. Navamaṃ.

10. Gilānadassanasuttaṃ

352. Tena kho pana samayena citto gahapati ābādhiko hoti dukkhito bālḥgilāno. Atha kho sambahulā ārāmadevatā vanadevatā rukkadevatā osadhitiṇavanappatīsu adhivatthā devatā saṅgama samāgama cittaṃ gahapatiṃ etadavoca – “paṇidhehi, gahapati, anāgatamaddhānaṃ rājā assaṃ cakkavattī’”ti.

Evaṃ vutte, citto gahapati tā ārāmadevatā vanadevatā rukkadevatā osadhitiṇavanappatīsu adhivatthā devatā etadavoca – “tampi aniccaṃ, tampi addhavaṃ, tampi pahāya gamanīya’”nti. Evaṃ vutte, cittassa gahapatino mittāmaccā ñātisālohitā cittaṃ gahapatiṃ etadavoca – “satim, ayyaputta, upaṭṭhapehi, mā vipalāpī’”ti. “Kiṃ tāhaṃ vadāmi yaṃ maṃ tumhe evaṃ vadetha – ‘satim, ayyaputta, upaṭṭhapehi, mā vipalāpī’”ti? “Evaṃ kho tvaṃ, ayyaputta, vadesi – ‘tampi aniccaṃ, tampi addhavaṃ, tampi pahāya gamanīya’”nti. “Tathā hi pana maṃ ārāmadevatā vanadevatā rukkadevatā osadhitiṇavanappatīsu adhivatthā devatā evamāhaṃsu – ‘paṇidhehi, gahapati, anāgatamaddhānaṃ rājā assaṃ cakkavattī’”ti. Tāhaṃ evaṃ vadāmi – ‘tampi aniccaṃ...pe... tampi pahāya gamanīya’”nti. “Kiṃ pana tā, ayyaputta, ārāmadevatā vanadevatā rukkadevatā osadhitiṇavanappatīsu adhivatthā devatā atthavaṃsaṃ sampassamānā evamāhaṃsu – ‘paṇidhehi, gahapati, anāgatamaddhānaṃ rājā assaṃ cakkavattī’”ti? “Tāsaṃ kho ārāmadevatānaṃ vanadevatānaṃ rukkadevatānaṃ osadhitiṇavanappatīsu adhivatthānaṃ devatānaṃ evaṃ hoti – ‘ayaṃ kho citto gahapati, sīlavā [sīlavanto (ka.)] kalyāṇadhammo. Sace paṇidahissati – anāgatamaddhānaṃ rājā assaṃ cakkavattī’”ti, ‘tassa kho ayaṃ ijjhissati, sīlavato cetopaṇidhi visuddhattā dhammiko dhammikaṃ phalaṃ anupassati’”ti. Imaṃ kho tā ārāmadevatā vanadevatā rukkadevatā osadhitiṇavanappatīsu adhivatthā devatā atthavaṃsaṃ sampassamānā evamāhaṃsu – ‘paṇidhehi, gahapati, anāgatamaddhānaṃ rājā assaṃ cakkavattī’”ti. Tāhaṃ evaṃ vadāmi – ‘tampi aniccaṃ, tampi addhavaṃ, tampi pahāya gamanīya’”nti.

“Tena hi, ayyaputta, amhepi ovadhāhi’”ti. “Tasmā hi vo evaṃ sikkhitabbaṃ – buddhe aveccappasādena samannāgatā bhavissāma – ‘itipi so bhagavā arahaṃ sammāsambuddho vijjācaraṇasampanno sugato lokavidū anuttaro purisadammasārathi satthā devamanussānaṃ buddho bhagavā’”ti. Dhamme aveccappasādena samannāgatā bhavissāma – ‘svākkhāto bhagavatā dhammo

sanditṭhiko akāliko ehipassiko opaneyyiko paccattaṃ veditabbo viññūhī'ti. Saṅghe aveccappasādena samannāgatā bhavissāma – ‘suppaṭipanno bhagavato sāvakaṅgho, ujuppaṭipanno bhagavato sāvakaṅgho, ñāyappaṭipanno bhagavato sāvakaṅgho, sāmīcippaṭipanno bhagavato sāvakaṅgho, yadidaṃ cattāri purisayugāni aṭṭha purisapuggalā esa bhagavato sāvakaṅgho āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassā'ti. Yaṃ kho pana kiñci kule deyyadhammaṃ sabbaṃ taṃ appaṭivibhattaṃ bhavissati sīlavantehi kalyāṇadhammehīti evañhi vo sikkhitabba'nti. Atha kho citto gahapati mittāmacce ñātisālohite buddhe ca dhamme ca saṅghe ca cāge ca samādapetvā kālamakāsīti. Dasamaṃ.

Cittasaṃyuttaṃ samattaṃ.

Tassuddānaṃ –

Samyojanaṃ dve isidattā, mahako kāmabhūpi ca;
Godatto ca nigaṇṭho ca, acelena gilānadassananti.

8. Gāmaṇisaṃyuttaṃ

1. Caṇḍasuttaṃ

353. Sāvattthinidānaṃ. Atha kho caṇḍo gāmaṇi yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Ekamantaṃ nisinna kho caṇḍo gāmaṇi bhagavantam etadavoca – ‘‘ko nu kho, bhante, hetu, ko paccayo yena midhekacco caṇḍo caṇḍotveva [yena midhekacco caṇḍotveva (sī. pī.)] saṅkhaṃ gacchati. Ko pana, bhante, hetu, ko paccayo yena midhekacco sorato soratotveva [yena midhekacco suratotveva (sī. pī.)] saṅkhaṃ gacchati’’ti? ‘‘Idha, gāmaṇi, ekaccassa rāgo appahīno hoti. Rāgassa appahīnattā pare kopenti, parehi kopiyamāno kopam pātukaroti. So caṇḍotveva saṅkhaṃ gacchati. Doso appahīno hoti. Dosassa appahīnattā pare kopenti, parehi kopiyamāno kopam pātukaroti. So caṇḍotveva saṅkhaṃ gacchati. Moho appahīno hoti. Mohassa appahīnattā pare kopenti, parehi kopiyamāno kopam pātukaroti. So caṇḍotveva saṅkhaṃ gacchati. Ayam kho, gāmaṇi, hetu, ayam paccayo yena midhekacco caṇḍo caṇḍotveva saṅkhaṃ gacchati’’.

‘‘Idha pana, gāmaṇi, ekaccassa rāgo pahīno hoti. Rāgassa pahīnattā pare na kopenti, parehi kopiyamāno kopam na pātukaroti. So soratotveva saṅkhaṃ gacchati. Doso pahīno hoti. Dosassa pahīnattā pare na kopenti, parehi kopiyamāno kopam na pātukaroti. So soratotveva saṅkhaṃ gacchati. Moho pahīno hoti. Mohassa pahīnattā pare na kopenti, parehi kopiyamāno kopam na pātukaroti. So soratotveva saṅkhaṃ gacchati. Ayam kho, gāmaṇi, hetu ayam paccayo yena midhekacco sorato soratotveva saṅkhaṃ gacchati’’ti.

Evam vutte, caṇḍo gāmaṇi bhagavantam etadavoca – ‘‘abhikkantaṃ, bhante, abhikkantaṃ, bhante! Seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya, mūlhassa vā maggaṃ ācikkheyya, andhakāre vā telapajjotaṃ dhāreyya – cakkhumanto rūpāni dakkhantīti; evamevaṃ bhagavatā anekapariyāyena dhammo pakāsito. Esāhaṃ, bhante, bhagavantam saraṇam gacchāmi dhammaṇca bhikkhusaṅghaṇca. Upāsakaṃ maṃ bhagavā dhāretu ajjatagge paṇupetaṃ saraṇam gata’’nti. Paṭhamaṃ.

2. Tālapuṭasuttaṃ

354. Ekaṃ samayaṃ bhagavā rājagahe viharati veḷuvane kalandakanivāpe. Atha kho tālapuṭo [tālaputto (sī. syā. kam.)] naṭagāmaṇi yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdi. Ekamantaṃ nisinna kho tālapuṭo naṭagāmaṇi bhagavantam etadavoca –

“sutaṃ metaṃ, bhante, pubbakānaṃ ācariyapācariyānaṃ naṭānaṃ bhāsamānānaṃ – ‘yo so naṭo raṅgamajjhe samajjamajjhe saccālikena janaṃ hāseti rameti, so kāyassa bhedaṃ paraṃ maraṇā pahāsānaṃ devānaṃ saḥabyataṃ upapajjati’ ti. Idha bhagavā kimāhā’ ti? “Alaṃ, gāmaṇi, tiṭṭhatetaṃ. Mā maṃ etaṃ pucchī’ ti. Dutiyampi kho tālapuṭo naṭagāmaṇi bhagavantaṃ etadavoca – ‘sutaṃ metaṃ, bhante, pubbakānaṃ ācariyapācariyānaṃ naṭānaṃ bhāsamānānaṃ – ‘yo so naṭo raṅgamajjhe samajjamajjhe saccālikena janaṃ hāseti rameti, so kāyassa bhedaṃ paraṃ maraṇā pahāsānaṃ devānaṃ saḥabyataṃ upapajjati’ ti. Idha bhagavā kimāhā’ ti? “Alaṃ, gāmaṇi, tiṭṭhatetaṃ. Mā maṃ etaṃ pucchī’ ti. Tatiyampi kho tālapuṭo naṭagāmaṇi bhagavantaṃ etadavoca – ‘sutaṃ metaṃ, bhante, pubbakānaṃ ācariyapācariyānaṃ naṭānaṃ bhāsamānānaṃ – ‘yo so naṭo raṅgamajjhe samajjamajjhe saccālikena janaṃ hāseti rameti, so kāyassa bhedaṃ paraṃ maraṇā pahāsānaṃ devānaṃ saḥabyataṃ upapajjati’ ti. Idha bhagavā kimāhā’ ti?

“Addhā kho tyāhaṃ, gāmaṇi, na labhāmi [nālatthaṃ (syā. kaṃ. pī. ka.)] – ‘alaṃ, gāmaṇi, tiṭṭhatetaṃ, mā maṃ etaṃ pucchī’ ti. Api ca tyāhaṃ byākarissāmi. Pubbe kho, gāmaṇi, sattā avītarāgā rāgabandhanabaddhā. Tesāṃ naṭo raṅgamajjhe samajjamajjhe ye dhammā rajanīyā te upasaṃharati bhīyosomattāya. Pubbe kho, gāmaṇi, sattā avītadosā dosabandhanabaddhā. Tesāṃ naṭo raṅgamajjhe samajjamajjhe ye dhammā dosanīyā te upasaṃharati bhīyosomattāya. Pubbe kho, gāmaṇi, sattā avītamohā mohabandhanabaddhā. Tesāṃ naṭo raṅgamajjhe samajjamajjhe ye dhammā mohanīyā te upasaṃharati bhīyosomattāya. So attanā matto pamatto pare madetvā pamādetvā kāyassa bhedaṃ paraṃ maraṇā pahāso nāma nirayo tattha upapajjati. Sace kho panassa evaṃdiṭṭhi hoti – ‘yo so naṭo raṅgamajjhe samajjamajjhe saccālikena janaṃ hāseti rameti, so kāyassa bhedaṃ paraṃ maraṇā pahāsānaṃ devānaṃ saḥabyataṃ upapajjati’ ti, sassa hoti micchādiṭṭhi. Micchādiṭṭhikassa kho panāhaṃ, gāmaṇi, purisapuggalassa dvinnāṃ gatīnaṃ aññataraṃ gatīṃ vadāmi – nirayaṃ vā tiracchānayoṇiṃ vā’ ti.

Evaṃ vutte, tālapuṭo naṭagāmaṇi, parodi, assūni pavattesi. “Etaṃ kho tyāhaṃ, gāmaṇi, nālatthaṃ – ‘alaṃ, gāmaṇi, tiṭṭhatetaṃ; mā maṃ etaṃ pucchī’ ti. “Nāhaṃ, bhante, etaṃ rodāmi yaṃ maṃ bhagavā evamāha; api cāhaṃ, bhante, pubbakehi ācariyapācariyehi naṭehi dīgharattaṃ nikato vañcīto paluddho – ‘yo so naṭo raṅgamajjhe samajjamajjhe saccālikena janaṃ hāseti rameti so kāyassa bhedaṃ paraṃ maraṇā pahāsānaṃ devānaṃ saḥabyataṃ upapajjati’ ti. “Abhikkantaṃ, bhante, abhikkantaṃ, bhante! Seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya, mūlhassa vā maggaṃ ācikkheyya, andhakāre vā telapajjotaṃ dhāreyya – cakkhumanto rūpāni dakkhantīti; evamevaṃ bhagavatā anekapariyāyena dhammo pakāsīto. Esāhaṃ, bhante, bhagavantaṃ saraṇaṃ gacchāmi dhammaṇca bhikkhusaṅghaṇca. Labheyyāhaṃ, bhante, bhagavato santike pabbajjaṃ, labheyyaṃ upasampada’ nti. Alatta kho tālapuṭo naṭagāmaṇi bhagavato santike pabbajjaṃ, alatta upasampadaṃ. Acirūpasampanno ca panāyasmā tālapuṭo...pe... arahataṃ ahoṣīti. Dutiyaṃ.

3. Yodhājīvasuttaṃ

355. Atha kho yodhājīvo gāmaṇi yena bhagavā tenupasaṅkami; upasaṅkamitvā...pe... ekamantaṃ nisinna kho yodhājīvo gāmaṇi bhagavantaṃ etadavoca – ‘sutaṃ metaṃ, bhante, pubbakānaṃ ācariyapācariyānaṃ yodhājīvānaṃ bhāsamānānaṃ – ‘yo so yodhājīvo saṅgāme ussahati vāyamati, tamenāṃ ussahantaṃ vāyamantaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’ ti. Idha bhagavā kimāhā’ ti? “Alaṃ, gāmaṇi, tiṭṭhatetaṃ; mā maṃ etaṃ pucchī’ ti. Dutiyampi kho...pe... tatiyampi kho yodhājīvo gāmaṇi bhagavantaṃ etadavoca – ‘sutaṃ metaṃ, bhante, pubbakānaṃ ācariyapācariyānaṃ yodhājīvānaṃ bhāsamānānaṃ – ‘yo so yodhājīvo saṅgāme ussahati vāyamati, tamenāṃ ussahantaṃ vāyamantaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’ ti. Idha bhagavā kimāhā’ ti?

“Addhā kho tyāhaṃ, gāmaṇi, na labhāmi – ‘alaṃ, gāmaṇi, tiṭṭhatetaṃ; mā maṃ etaṃ pucchī’ ti. Api ca tyāhaṃ byākarissāmi. Yo so, gāmaṇi, yodhājīvo saṅgāme ussahati vāyamati, tassa taṃ cittaṃ

pubbe gahitaṃ [hīnaṃ (sī. pī.)] dukkaṭaṃ duppaṇihitaṃ – ‘ime sattā haññantu vā bajjhantu vā ucchijjantu vā vinassantu vā mā vā ahesuṃ iti vā’ ti. Tameṇaṃ ussahantaṃ vāyamaṇaṃ pare hananti pariyāpādentī; so kāyassa bhedaṃ paraṃ maraṇā parajito nāma nirayo tattha upapajjati. Sace kho panassa evaṃ diṭṭhi hoti – ‘yo so yodhājīvo saṅgāme ussahati vāyamaṇi tameṇaṃ ussahantaṃ vāyamaṇaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’ ti, sāssa hoti micchādiṭṭhi. Micchādiṭṭhikassa kho panāhaṃ, gāmaṇi, purisapuggalassa dvinnaṃ gatīnaṃ aññataraṃ gatiṃ vadāmi – nirayaṃ vā tiracchānayoṇiṃ vā’ ti.

Evaṃ vutte, yodhājīvo gāmaṇi parodi, assūni pavattesi. ‘‘Etaṃ kho tyāhaṃ, gāmaṇi, nālatthaṃ – ‘alaṃ, gāmaṇi, tiṭṭhatetaṃ; mā maṃ etaṃ pucchi’’ ti. ‘‘Nāhaṃ, bhante, etaṃ rodāmi yaṃ maṃ bhagavā evamāha; apicāhaṃ, bhante, pubbakehi ācariyapācariyehi yodhājīvehi dīgharattaṃ nikato vañcito paluddho – ‘yo so yodhājīvo saṅgāme ussahati vāyamaṇi, tameṇaṃ ussahantaṃ vāyamaṇaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’’ ti. ‘‘Abhikkantaṃ, bhante...pe... ajjatagge paṇupetaṃ saraṇaṃ gata’’ ti. Tatiyaṃ.

4. Hatthārohasuttaṃ

356. Atha kho hatthāroho gāmaṇi yena bhagavā tenupasaṅkami; upasaṅkamitvā...pe... ajjatagge paṇupetaṃ saraṇaṃ gatanti. Catutthaṃ.

5. Assārohasuttaṃ

357. Atha kho assāroho gāmaṇi yena bhagavā tenupasaṅkami; upasaṅkamitvā ekamantaṃ nisīdi. Ekamantaṃ nisinno kho assāroho gāmaṇi bhagavantaṃ etadavoca – ‘‘sutaṃ metaṃ, bhante, pubbakānaṃ ācariyapācariyānaṃ assārohānaṃ bhāsamānānaṃ – ‘yo so assāroho saṅgāme ussahati vāyamaṇi, tameṇaṃ ussahantaṃ vāyamaṇaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’ ti. Idha bhagavā kimāhā’’ ti? ‘‘Alaṃ, gāmaṇi, tiṭṭhatetaṃ; mā maṃ etaṃ pucchi’’ ti. Dutiyampi kho...pe... tatiyampi kho assāroho gāmaṇi bhagavantaṃ etadavoca – ‘‘sutaṃ metaṃ, bhante, pubbakānaṃ ācariyapācariyānaṃ assārohānaṃ bhāsamānānaṃ – ‘yo so assāroho saṅgāme ussahati vāyamaṇi, tameṇaṃ ussahantaṃ vāyamaṇaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’ ti. Idha bhagavā kimāhā’’ ti?

‘‘Addhā kho tyāhaṃ, gāmaṇi, na labhāmi – ‘alaṃ, gāmaṇi, tiṭṭhatetaṃ; mā maṃ etaṃ pucchi’’ ti. Api ca kho tyāhaṃ byākarissāmi. Yo so, gāmaṇi, assāroho saṅgāme ussahati vāyamaṇi tassa taṃ cittaṃ pubbe gahitaṃ dukkaṭaṃ duppaṇihitaṃ – ‘ime sattā haññantu vā bajjhantu vā ucchijjantu vā vinassantu vā mā ahesuṃ iti vā’ ti. Tameṇaṃ ussahantaṃ vāyamaṇaṃ pare hananti pariyāpādentī, so kāyassa bhedaṃ paraṃ maraṇā parajito nāma nirayo tattha upapajjati. Sace kho panassa evaṃ diṭṭhi hoti – ‘yo so assāroho saṅgāme ussahati vāyamaṇi, tameṇaṃ ussahantaṃ vāyamaṇaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’ ti, sāssa hoti micchādiṭṭhi. Micchādiṭṭhikassa kho panāhaṃ, gāmaṇi, purisapuggalassa dvinnaṃ gatīnaṃ aññataraṃ gatiṃ vadāmi – nirayaṃ vā tiracchānayoṇiṃ vā’ ti.

Evaṃ vutte, assāroho gāmaṇi parodi, assūni pavattesi. ‘‘Etaṃ kho tyāhaṃ, gāmaṇi, nālatthaṃ – ‘alaṃ, gāmaṇi, tiṭṭhatetaṃ; mā maṃ etaṃ pucchi’’ ti. ‘‘Nāhaṃ, bhante, etaṃ rodāmi yaṃ maṃ bhagavā evamāha. Apicāhaṃ, bhante, pubbakehi ācariyapācariyehi assārohehi dīgharattaṃ nikato vañcito paluddho – ‘yo so assāroho saṅgāme ussahati vāyamaṇi, tameṇaṃ ussahantaṃ vāyamaṇaṃ pare hananti pariyāpādentī, so kāyassa bhedaṃ paraṃ maraṇā parajitānaṃ devānaṃ saḥabyataṃ upapajjati’’ ti. ‘‘Abhikkantaṃ, bhante...pe... ajjatagge paṇupetaṃ saraṇaṃ gata’’ ti. Pañcamaṃ.

6. Asibandhakaputtasuttaṃ

358. Ekaṃ samayaṃ bhagavā nālandāyaṃ viharati pāvārikambavane. Atha kho asibandhakaputto gāmaṇi yena bhagavā tenupasaṅkami; upasaṅkamitvā bhagavantam abhivādetvā ekamantaṃ nisīdi. Ekamantaṃ nisinna kho asibandhakaputto gāmaṇi bhagavantaṃ etadavoca – “brāhmaṇā, bhante, pacchā bhūmakā kāmaṇḍalukā sevālamālikā udakorohakā aggiparicārakā. Te matam kālaṅkataṃ uyyāpentī nāma saññāpentī nāma saggamā nāma okkāmenti. Bhagavā pana, bhante, arahamā sammāsambuddho pahoti tathā kātum yathā sabbo loko kāyassa bhedā paramā maraṇā sugatiṃ saggamā lokam upapajjeyyā”ti? “Tena hi, gāmaṇi, taññevettha paṭipucchissāmi. Yathā te khameyya tathā naṃ byākareyyāsi”ti.

“Taṃ kiṃ maññasi, gāmaṇi, idhassa puriso pāṇātipātī adinnādāyī kāmesumicchācārī musāvādī pisuṇavāco pharusavāco samphappalāpī abhijjhālu byāpannacitto micchādītthiko. Tameṇaṃ mahā janakāyo saṅgama samāgama āyāceyya thomeyya pañjaliko anuparisakkeyya – ‘ayaṃ puriso kāyassa bhedā paramā maraṇā sugatiṃ saggamā lokam upapajjatū’ti. Taṃ kiṃ maññasi, gāmaṇi, api nu so puriso mahato janakāyassa āyācanahetu vā thomanahetu vā pañjalikā anuparisakkanahetu vā kāyassa bhedā paramā maraṇā sugatiṃ saggamā lokam upapajjeyyā”ti? “No hetam, bhante”.

“Seyyathāpi, gāmaṇi, puriso mahatiṃ puthusilaṃ gambhīre udakarahade pakkhipeyya. Tameṇaṃ mahā janakāyo saṅgama samāgama āyāceyya thomeyya pañjaliko anuparisakkeyya – ‘ummujja, bho puthusile, uplava, bho puthusile, thalamuplava, bho puthusile’ti. Taṃ kiṃ maññasi, gāmaṇi, api nu sā puthusilā mahato janakāyassa āyācanahetu vā thomanahetu vā pañjalikā anuparisakkanahetu vā ummujjeyya vā uplaveyya vā thalam vā uplaveyyā”ti? “No hetam, bhante”. “Evameva kho, gāmaṇi, yo so puriso pāṇātipātī adinnādāyī kāmesumicchācārī musāvādī pisuṇavāco pharusavāco samphappalāpī abhijjhālu byāpannacitto micchādītthiko. Kiñcāpi taṃ mahā janakāyo saṅgama samāgama āyāceyya thomeyya pañjaliko anuparisakkeyya – ‘ayaṃ puriso kāyassa bhedā paramā maraṇā sugatiṃ saggamā lokam upapajjatū”ti, atha kho so puriso kāyassa bhedā paramā maraṇā apāyam duggatiṃ vinipātam nirayam upapajjeyya.

“Taṃ kiṃ maññasi, gāmaṇi, idhassa [idha (ka.), idha cassa (?)] puriso pāṇātipātā paṭivirato adinnādānā paṭivirato kāmesumicchācārā paṭivirato musāvādā paṭivirato pisuṇāya vācāya paṭivirato pharusāya vācāya paṭivirato samphappalāpā paṭivirato anabhijjhālu abyāpannacitto sammādītthiko. Tameṇaṃ mahā janakāyo saṅgama samāgama āyāceyya thomeyya pañjaliko anuparisakkeyya – ‘ayaṃ puriso kāyassa bhedā paramā maraṇā apāyam duggatiṃ vinipātam nirayam upapajjatū’ti. Taṃ kiṃ maññasi, gāmaṇi, api nu so puriso mahato janakāyassa āyācanahetu vā thomanahetu vā pañjalikā anuparisakkanahetu vā kāyassa bhedā paramā maraṇā apāyam duggatiṃ vinipātam nirayam upapajjeyyā”ti? “No hetam, bhante”.

“Seyyathāpi, gāmaṇi, puriso sappikumbham vā telakumbham vā gambhīre udakarahade ogāhetvā bhindeyya. Tatra yāssa sakkharā vā kaṭhalā vā sā adhogāmī [adhogāminī (?)] assa; yañca khvassa tatra sappi vā telam vā taṃ uddham gāmi assa. Tameṇaṃ mahā janakāyo saṅgama samāgama āyāceyya thomeyya pañjaliko anuparisakkeyya – ‘osīda, bho sappitela, saṃsīda, bho sappitela, adho gaccha, bho sappitelā’ti. Taṃ kiṃ maññasi, gāmaṇi, api nu taṃ sappitelam mahato janakāyassa āyācanahetu vā thomanahetu vā pañjalikā anuparisakkanahetu vā osīdeyya vā saṃsīdeyya vā adho vā gaccheyyā”ti? “No hetam, bhante”. “Evameva kho, gāmaṇi, yo so puriso pāṇātipātā paṭivirato, adinnādānā paṭivirato, kāmesumicchācārā paṭivirato, musāvādā paṭivirato, pisuṇāya vācāya paṭivirato, pharusāya vācāya paṭivirato, samphappalāpā paṭivirato, anabhijjhālu, abyāpannacitto, sammādītthiko, kiñcāpi taṃ mahā janakāyo saṅgama samāgama āyāceyya thomeyya pañjaliko anuparisakkeyya – ‘ayaṃ puriso kāyassa bhedā paramā maraṇā apāyam duggatiṃ vinipātam nirayam upapajjatū’ti, atha kho so puriso kāyassa bhedā paramā maraṇā sugatiṃ saggamā lokam upapajjeyyā”ti. Evaṃ vutte, asibandhakaputto gāmaṇi bhagavantaṃ etadavoca – “abhikkantaṃ, bhante...pe... ajjatagge pānupetaṃ saraṇam gata”nti. Chaṭṭham.

7. Khettūpamasuttaṃ

359. Ekaṃ samayaṃ bhagavā nālandāyaṃ viharati pāvārikambavane. Atha kho asibandhakaputto gāmaṇi yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinna kho asibandhakaputto gāmaṇi bhagavantaṃ etadavoca – “nanu, bhante, bhagavā sabbapāṇabhūtahitānukampī viharatī”ti? “Evaṃ, gāmaṇi, tathāgato sabbapāṇabhūtahitānukampī viharatī”ti. “Atha kiñcaraṇi, bhante, bhagavā ekaccānaṃ sakkaccaṃ dhammaṃ deseti, ekaccānaṃ no tathā sakkaccaṃ dhammaṃ deseti”ti? “Tena hi, gāmaṇi, taññevettha paṭipucchissāmi. Yathā te khameyya tathā naṃ byākareyyāsi. Taṃ kiṃ maññasi, gāmaṇi, idhassu [idha (sī. syā. kaṃ. pī.)] kassakassa gahapatino tīṇi khettāni – ekaṃ khettaṃ aggaṃ, ekaṃ khettaṃ majjhimāṃ, ekaṃ khettaṃ hīnaṃ jaṅgalaṃ ūsaraṃ pāpabhūmi. Taṃ kiṃ maññasi, gāmaṇi, asu kassako gahapati bījāni paṭiṭṭhāpetukāmo kattha paṭhamaṃ paṭiṭṭhāpeyya, yaṃ vā aduṃ khettaṃ aggaṃ, yaṃ vā aduṃ khettaṃ majjhimāṃ, yaṃ vā aduṃ khettaṃ hīnaṃ jaṅgalaṃ ūsaraṃ pāpabhūmi”ti? “Asu, bhante, kassako gahapati bījāni paṭiṭṭhāpetukāmo yaṃ aduṃ khettaṃ aggaṃ tattha paṭiṭṭhāpeyya. Tattha paṭiṭṭhāpetvā yaṃ aduṃ khettaṃ majjhimāṃ tattha paṭiṭṭhāpeyya. Tattha paṭiṭṭhāpetvā yaṃ aduṃ khettaṃ hīnaṃ jaṅgalaṃ ūsaraṃ pāpabhūmi tattha paṭiṭṭhāpeyyapi, nopi paṭiṭṭhāpeyya. Taṃ kissa hetu? Antamaso gobhattampi bhavissatī”ti.

“Seyyathāpi, gāmaṇi, yaṃ aduṃ khettaṃ aggaṃ; evameva mayhaṃ bhikkhubhikkhuniyo. Tesāhaṃ dhammaṃ desemi – ādikalyāṇaṃ majjhekalyāṇaṃ pariyoṣānakalyāṇaṃ, sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāsemi. Taṃ kissa hetu? Ete hi, gāmaṇi, maṃdīpā maṃleṇā maṃtāṇā maṃsaraṇā viharanti. Seyyathāpi, gāmaṇi, yaṃ aduṃ khettaṃ majjhimāṃ; evameva mayhaṃ upāsakaupāsikāyo. Tesāṃ pāhaṃ dhammaṃ desemi – ādikalyāṇaṃ majjhekalyāṇaṃ pariyoṣānakalyāṇaṃ, sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāsemi. Taṃ kissa hetu? Ete hi, gāmaṇi, maṃdīpā maṃleṇā maṃtāṇā maṃsaraṇā viharanti. Seyyathāpi, gāmaṇi, yaṃ aduṃ khettaṃ hīnaṃ jaṅgalaṃ ūsaraṃ pāpabhūmi; evameva mayhaṃ aññatitthiyā samaṇabrāhmaṇaparibbājakā. Tesāṃ pāhaṃ dhammaṃ desemi – ādikalyāṇaṃ majjhekalyāṇaṃ pariyoṣānakalyāṇaṃ sātthaṃ sabyañjanaṃ, kevalaparipuṇṇaṃ parisuddhaṃ brahmacariyaṃ pakāsemi. Taṃ kissa hetu? Appeva nāma ekaṃ padampi ājāneyyumaṃ taṃ nesamaṃ assa dīgharattaṃ hitāya sukhāyā”ti.

“Seyyathāpi, gāmaṇi, purisassa tayo udakamaṇikā – eko udakamaṇiko acchiddo ahārī aparihārī, eko udakamaṇiko acchiddo hārī parihārī, eko udakamaṇiko chiddo hārī parihārī. Taṃ kiṃ maññasi, gāmaṇi, asu puriso udakaṃ nikkhipitukāmo kattha paṭhamaṃ nikkhipeyya, yo vā so udakamaṇiko acchiddo ahārī aparihārī, yo vā so udakamaṇiko acchiddo hārī parihārī, yo vā so udakamaṇiko chiddo hārī parihārī”ti? “Asu, bhante, puriso udakaṃ nikkhipitukāmo, yo so udakamaṇiko acchiddo ahārī aparihārī tattha nikkhipeyya, tattha nikkhipitvā, yo so udakamaṇiko acchiddo hārī parihārī tattha nikkhipeyya, tattha nikkhipitvā, yo so udakamaṇiko chiddo hārī parihārī tattha nikkhipeyyapi, nopi nikkhipeyya. Taṃ kissa hetu? Antamaso bhaṇḍadhovanampi bhavissatī”ti.

“Seyyathāpi, gāmaṇi, yo so udakamaṇiko acchiddo ahārī aparihārī; evameva mayhaṃ bhikkhubhikkhuniyo. Tesāhaṃ dhammaṃ desemi – ādikalyāṇaṃ majjhekalyāṇaṃ pariyoṣānakalyāṇaṃ sātthaṃ sabyañjanaṃ, kevalaparipuṇṇaṃ parisuddhaṃ brahmacariyaṃ pakāsemi. Taṃ kissa hetu? Ete hi, gāmaṇi, maṃdīpā maṃleṇā maṃtāṇā maṃsaraṇā viharanti. Seyyathāpi, gāmaṇi, yo so udakamaṇiko acchiddo hārī parihārī; evameva mayhaṃ upāsakaupāsikāyo. Tesāhaṃ dhammaṃ desemi – ādikalyāṇaṃ majjhekalyāṇaṃ pariyoṣānakalyāṇaṃ sātthaṃ sabyañjanaṃ, kevalaparipuṇṇaṃ parisuddhaṃ brahmacariyaṃ pakāsemi. Taṃ kissa hetu? Ete hi, gāmaṇi, maṃdīpā maṃleṇā maṃtāṇā maṃsaraṇā viharanti. Seyyathāpi, gāmaṇi, yo so udakamaṇiko chiddo hārī parihārī; evameva mayhaṃ aññatitthiyā samaṇabrāhmaṇaparibbājakā. Tesāhaṃ dhammaṃ desemi – ādikalyāṇaṃ majjhekalyāṇaṃ pariyoṣānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāsemi. Taṃ kissa hetu? Appeva nāma ekaṃ padampi ājāneyyumaṃ taṃ nesamaṃ assa dīgharattaṃ hitāya

sukhāyā’’ti. Evaṃ vutte, asibandhakaputto gāmaṇi bhagavantam etadavoca – ‘‘abhikkantaṃ, bhante...pe... ajjatagge pāṇupetaṃ saraṇaṃ gata’’nti. Sattamaṃ.

8. Saṅkhadhamasuttaṃ

360. Ekaṃ samayaṃ bhagavā nālandāyaṃ viharati pāvārikambavane. Atha kho asibandhakaputto gāmaṇi nigaṇṭhasāvako yena bhagavā tenupasaṅkami; upasaṅkamitvā ekamantaṃ nisīdi. Ekamantaṃ nisinnaṃ kho asibandhakaputtaṃ gāmaṇiṃ bhagavā etadavoca – ‘‘kathaṃ nu kho, gāmaṇi, nigaṇṭho nāṭaputto sāvakānaṃ dhammaṃ desetī’’ti? ‘‘Evaṃ kho, bhante, nigaṇṭho nāṭaputto sāvakānaṃ dhammaṃ deseti – ‘yo koci pāṇaṃ atipāṭeti, sabbo so āpāyiko nerayiko, yo koci adinnaṃ ādiyati, sabbo so āpāyiko nerayiko, yo koci kāmesu micchā carati, sabbo so āpāyiko nerayiko, yo koci musā bhaṇati sabbo, so āpāyiko nerayiko. Yaṃbahulaṃ yaṃbahulaṃ viharati, tena tena nīyati’’ti. Evaṃ kho, bhante, nigaṇṭho nāṭaputto sāvakānaṃ dhammaṃ desetī’’ti. ‘‘‘Yaṃbahulaṃ yaṃbahulaṃ, gāmaṇi, viharati, tena tena nīyati’’, evaṃ sante na koci āpāyiko nerayiko bhavissati, yathā nigaṇṭhassa nāṭaputtassa vacanaṃ’’.

‘‘‘Taṃ kiṃ maññasi, gāmaṇi, yo so puriso pāṇatipātī rattiyā vā divasassa vā samayāsamayaṃ upādāya, katamo bahutaro samayo, yaṃ vā so pāṇamatipāṭeti, yaṃ vā so pāṇaṃ nātipāṭetī’’ti? ‘‘‘Yo so, bhante, puriso pāṇatipātī rattiyā vā divasassa vā samayāsamayaṃ upādāya, appataro so samayo yaṃ so pāṇamatipāṭeti, atha kho sveva bahutaro samayo yaṃ so pāṇaṃ nātipāṭetī’’ti. ‘‘‘Yaṃbahulaṃ yaṃbahulaṃ, gāmaṇi, viharati tena tena nīyati’’ti, evaṃ sante na koci āpāyiko nerayiko bhavissati, yathā nigaṇṭhassa nāṭaputtassa vacanaṃ’’.

‘‘‘Taṃ kiṃ maññasi, gāmaṇi, yo so puriso adinnādāyī rattiyā vā divasassa vā samayāsamayaṃ upādāya, katamo bahutaro samayo, yaṃ vā so adinnaṃ ādiyati, yaṃ vā so adinnaṃ nādiyati’’ti. ‘‘‘Yo so, bhante, puriso adinnādāyī rattiyā vā divasassa vā samayāsamayaṃ upādāya appataro so samayo, yaṃ so adinnaṃ ādiyati, atha kho sveva bahutaro samayo, yaṃ so adinnaṃ nādiyati’’ti. ‘‘‘Yaṃbahulaṃ yaṃbahulaṃ, gāmaṇi, viharati tena tena nīyati’’ti, evaṃ sante na koci āpāyiko nerayiko bhavissati, yathā nigaṇṭhassa nāṭaputtassa vacanaṃ’’.

‘‘‘Taṃ kiṃ maññasi, gāmaṇi, yo so puriso kāmesumicchācārī rattiyā vā divasassa vā samayāsamayaṃ upādāya, katamo bahutaro samayo, yaṃ vā so kāmesu micchā carati, yaṃ vā so kāmesu micchā na carati’’ti? ‘‘‘Yo so, bhante, puriso kāmesumicchācārī rattiyā vā divasassa vā samayāsamayaṃ upādāya, appataro so samayo yaṃ so kāmesu micchā carati, atha kho sveva bahutaro samayo, yaṃ so kāmesu micchā na carati’’ti. ‘‘‘Yaṃbahulaṃ yaṃbahulaṃ, gāmaṇi, viharati tena tena nīyati’’ti, evaṃ sante na koci āpāyiko nerayiko bhavissati, yathā nigaṇṭhassa nāṭaputtassa vacanaṃ’’.

‘‘‘Taṃ kiṃ maññasi, gāmaṇi, yo so puriso musāvādī rattiyā vā divasassa vā samayāsamayaṃ upādāya, katamo bahutaro samayo, yaṃ vā so musā bhaṇati, yaṃ vā so musā na bhaṇati’’ti? ‘‘‘Yo so, bhante, puriso musāvādī rattiyā vā divasassa vā samayāsamayaṃ upādāya, appataro so samayo, yaṃ so musā bhaṇati, atha kho sveva bahutaro samayo, yaṃ so musā na bhaṇati’’ti. ‘‘‘Yaṃbahulaṃ yaṃbahulaṃ, gāmaṇi, viharati tena tena nīyati’’ti, evaṃ sante na koci āpāyiko nerayiko bhavissati, yathā nigaṇṭhassa nāṭaputtassa vacanaṃ’’.

‘‘‘Idha, gāmaṇi, ekacco sathā evaṃvādī hoti evaṃdiṭṭhi [evaṃdiṭṭhi (ka.)] – ‘yo koci pāṇamatipāṭeti, sabbo so āpāyiko nerayiko, yo koci adinnaṃ ādiyati, sabbo so āpāyiko nerayiko, yo koci kāmesu micchā carati, sabbo so āpāyiko nerayiko, yo koci musā bhaṇati, sabbo so āpāyiko nerayiko’’ti. Tasmaṃ kho pana, gāmaṇi, sathari sāvako abhippasanno hoti. Tassa evaṃ hoti – ‘mayhaṃ kho sathā evaṃvādī evaṃdiṭṭhi – yo koci pāṇamatipāṭeti, sabbo so āpāyiko nerayikoti. Atthi kho pana mayā pāṇo atipāṭito, ahampamhi āpāyiko nerayikoti diṭṭhiṃ paṭilabhati. Taṃ, gāmaṇi, vācaṃ appahāya taṃ cittaṃ appahāya taṃ diṭṭhiṃ appaṭinissajjitvā yathābhatam nikkhitto evaṃ niraye. Mayhaṃ kho sathā

evaṃvādī evaṃdiṭṭhi – yo koci adinnaṃ ādiyati, sabbo so āpāyiko nerayikoti. Atthi kho pana mayā adinnaṃ ādannaṃ ahampamhi āpāyiko nerayikoti diṭṭhiṃ paṭilabhāti. Taṃ, gāmaṇi, vācaṃ appahāya taṃ cittaṃ appahāya taṃ diṭṭhiṃ appaṭinissajjitvā yathābhatam nikkhitto evaṃ niraye. Mayhaṃ kho satthā evaṃvādī evaṃdiṭṭhi – yo koci kāmesu micchā carati, sabbo so āpāyiko nerayiko'ti. Atthi kho pana mayā kāmesu micchā ciṇṇam. 'Ahampamhi āpāyiko nerayiko'ti diṭṭhiṃ paṭilabhāti. Taṃ, gāmaṇi, vācaṃ appahāya taṃ cittaṃ appahāya taṃ diṭṭhiṃ appaṭinissajjitvā yathābhatam nikkhitto evaṃ niraye. Mayhaṃ kho satthā evaṃvādī evaṃdiṭṭhi – yo koci musā bhaṇati, sabbo so āpāyiko nerayikoti. Atthi kho pana mayā musā bhaṇitam. 'Ahampamhi āpāyiko nerayiko'ti diṭṭhiṃ paṭilabhāti. Taṃ, gāmaṇi, vācaṃ appahāya taṃ cittaṃ appahāya taṃ diṭṭhiṃ appaṭinissajjitvā yathābhatam nikkhitto evaṃ niraye.

“Idha pana, gāmaṇi, tathāgato loke uppajjati araham sammāsambuddho vijjācaraṇasampanno sugato lokavidū anuttaro purisadammasārathi satthā devamanussānaṃ buddho bhagavā. So anekapariyāyena pāṇātipātāṃ garahati vigarahati, 'pāṇātipātā viramathā'ti cāha. Adinnādānaṃ garahati vigarahati, 'adinnādānā viramathā'ti cāha. Kāmesumicchācāraṃ garahati, vigarahati 'kāmesumicchācārā viramathā'ti cāha. Musāvādaṃ garahati vigarahati 'musāvādā viramathā'ti cāha. Tasmim kho pana, gāmaṇi, satthari sāvako abhippasanno hoti. So iti paṭisaṅkikkhati – 'bhagavā kho anekapariyāyena pāṇātipātāṃ garahati vigarahati, pāṇātipātā viramathā'ti cāha. Atthi kho pana mayā pāṇo atipātito yāvatako vā tāvatako vā. Yo kho pana mayā pāṇo atipātito yāvatako vā tāvatako vā, taṃ na suṭṭhu, taṃ na sādhu. Ahañceva [ahañce (?)] kho pana tappaccayā vippaṭisārī assaṃ. Na metaṃ pāpaṃ kammaṃ [pāpakammaṃ (syā. kaṃ. pī. ka.)] akataṃ bhavissatī'ti. So iti paṭisaṅkhāya tañceva pāṇātipātāṃ pajahati. Āyatiṅca pāṇātipātā paṭivirato hoti. Evametassa pāpassa kammaṃ pahānaṃ hoti. Evametassa pāpassa kammaṃ samatikkamo hoti.

“‘Bhagavā kho anekapariyāyena adinnādānaṃ garahati vigarahati, adinnādānā viramathā'ti cāha. Atthi kho pana mayā adinnaṃ ādannaṃ yāvatakaṃ vā tāvatakaṃ vā. Yaṃ kho pana mayā adinnaṃ ādannaṃ yāvatakaṃ vā tāvatakaṃ vā taṃ na suṭṭhu, taṃ na sādhu. Ahañceva kho pana tappaccayā vippaṭisārī assaṃ, na metaṃ pāpaṃ kammaṃ akataṃ bhavissatī'ti. So iti paṭisaṅkhāya tañceva adinnādānaṃ pajahati. Āyatiṅca adinnādānā paṭivirato hoti. Evametassa pāpassa kammaṃ pahānaṃ hoti. Evametassa pāpassa kammaṃ samatikkamo hoti.

“‘Bhagavā kho pana anekapariyāyena kāmesumicchācāraṃ garahati vigarahati, kāmesumicchācārā viramathā'ti cāha. Atthi kho pana mayā kāmesu micchā ciṇṇam yāvatakaṃ vā tāvatakaṃ vā. Yaṃ kho pana mayā kāmesu micchā ciṇṇam yāvatakaṃ vā tāvatakaṃ vā taṃ na suṭṭhu, taṃ na sādhu. Ahañceva kho pana tappaccayā vippaṭisārī assaṃ, na metaṃ pāpaṃ kammaṃ akataṃ bhavissatī'ti. So iti paṭisaṅkhāya tañceva kāmesumicchācāraṃ pajahati, āyatiṅca kāmesumicchācārā paṭivirato hoti. Evametassa pāpassa kammaṃ pahānaṃ hoti. Evametassa pāpassa kammaṃ samatikkamo hoti.

“‘Bhagavā kho pana anekapariyāyena musāvādaṃ garahati vigarahati, musāvādā viramathā'ti cāha. Atthi kho pana mayā musā bhaṇitam yāvatakaṃ vā tāvatakaṃ vā. Yaṃ kho pana mayā musā bhaṇitam yāvatakaṃ vā tāvatakaṃ vā taṃ na suṭṭhu, taṃ na sādhu. Ahañceva kho pana tappaccayā vippaṭisārī assaṃ, na metaṃ pāpaṃ kammaṃ akataṃ bhavissatī'ti. So iti paṭisaṅkhāya tañceva musāvādaṃ pajahati, āyatiṅca musāvādā paṭivirato hoti. Evametassa pāpassa kammaṃ pahānaṃ hoti. Evametassa pāpassa kammaṃ samatikkamo hoti.

“So pāṇātipātāṃ pahāya pāṇātipātā paṭivirato hoti. Adinnādānaṃ pahāya adinnādānā paṭivirato hoti. Kāmesumicchācāraṃ pahāya kāmesumicchācārā paṭivirato hoti. Musāvādaṃ pahāya musāvādā paṭivirato hoti. Pisuṇaṃ vācaṃ pahāya pisuṇāya vācāya paṭivirato hoti. Pharusāṃ vācaṃ pahāya pharusāya vācāya paṭivirato hoti. Samphappalāpaṃ pahāya samphappalāpā paṭivirato hoti. Abhiṃjhaṃ pahāya anabhiṃjhālu hoti. Byāpādappadosaṃ pahāya abyāpannacitto hoti. Micchādiṭṭhiṃ pahāya sammādiṭṭhiko hoti.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato mettāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ. Iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena abyāpajjena pharivā viharati. Seyyathāpi, gāmaṇi, balavā saṅkhadhamo appakasireneva catuddisā viññāpeyya; evameva kho, gāmaṇi, evaṃ bhāvitāya mettāya cetovimuttiyā evaṃ bahulikatāya yaṃ pamāṇakataṃ kammaṃ, na taṃ tatrāvasissati, na taṃ tatrāvatiṭṭhati.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato karuṇāsahagatena cetasā...pe... muditāsahagatena cetasā...pe.... Upekkhāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ. Iti uddhamadho tiriyaṃ sabbadhi sabbattatāya sabbāvantaṃ lokaṃ upekkhāsahagatena cetasā vipulena mahaggatena appamāṇena averena abyāpajjena pharivā viharati. Seyyathāpi, gāmaṇi, balavā saṅkhadhamo appakasireneva catuddisā viññāpeyya; evameva kho, gāmaṇi, evaṃ bhāvitāya upekkhāya cetovimuttiyā evaṃ bahulikatāya yaṃ pamāṇakataṃ kammaṃ na taṃ tatrāvasissati, na taṃ tatrāvatiṭṭhati”ti. Evaṃ vutte, asibandhakaputto gāmaṇi bhagavantaṃ etadavoca – “abhikkantaṃ, bhante, abhikkantaṃ, bhante...pe... upāsakaṃ maṃ bhagavā dhāretu ajjatagge pāṇupetaṃ saraṇaṃ gata”nti. Aṭṭhamam.

9. Kulasuttaṃ

361. Ekaṃ samayaṃ bhagavā kosalesu cārikaṃ caramāno mahatā bhikkhusaṅghena saddhiṃ yena nālandā tadavasari. Tatra sudaṃ bhagavā nālandāyaṃ viharati pāvārikambavane.

Tena kho pana samayena nālandā dubbhikkhā hoti dvīhitikā setaṭṭhikā salākāvuttā. Tena kho pana samayena nigaṇṭho nāṭaputto nālandāyaṃ paṭivasati mahatiyā nigaṇṭhapaṇḍitaṃ saddhiṃ. Atha kho asibandhakaputto gāmaṇi nigaṇṭhasāvako yena nigaṇṭho nāṭaputto tenupasaṅkama; upasaṅkamtivā nigaṇṭhaṃ nāṭaputtaṃ abhivādetvā ekamantaṃ nisīdi. Ekamantaṃ nisinnaṃ kho asibandhakaputtaṃ gāmaṇiṃ nigaṇṭho nāṭaputto etadavoca – “ehi tvam, gāmaṇi, samaṇassa gotamassa vādaṃ āropehi. Evaṃ te kalyāṇo kittisaddo abbhuggacchissati – ‘asibandhakaputtena gāmaṇinā samaṇassa gotamassa evaṃmahiddhikassa evaṃmahānubhāvassa vādo āropito””ti.

“Kathaṃ panāhaṃ, bhante, samaṇassa gotamassa evaṃmahiddhikassa evaṃmahānubhāvassa vādaṃ āropessāmi”ti? “Ehi tvam, gāmaṇi, yena samaṇo gotamo tenupasaṅkama; upasaṅkamtivā samaṇaṃ gotamaṃ evaṃ vadehi – ‘nanu, bhante, bhagavā anekapariyāyena kulānaṃ anuddayaṃ [anudayaṃ (syā. kaṃ. pī. ka.)] vaṇṇeti, anurakkhaṃ vaṇṇeti, anukampaṃ vaṇṇeti”ti? Sace kho, gāmaṇi, samaṇo gotamo evaṃ puṭṭho evaṃ byākaroti – ‘evaṃ, gāmaṇi, tathāgato anekapariyāyena kulānaṃ anuddayaṃ vaṇṇeti, anurakkhaṃ vaṇṇeti, anukampaṃ vaṇṇeti”ti, tamenam tvam evaṃ vadeyyāsi – ‘atha kiñcaraṇi, bhante, bhagavā dubbhikkhe dvīhitike setaṭṭhike salākāvutte mahatā bhikkhusaṅghena saddhiṃ cārikaṃ carati? Ucchedāya bhagavā kulānaṃ paṭipanno, anayāya bhagavā kulānaṃ paṭipanno, upaghātāya bhagavā kulānaṃ paṭipanno”ti! Imaṃ kho te, gāmaṇi, samaṇo gotamo ubhatokoṭikaṃ pañhaṃ puṭṭho neva sakkhati [sakkhiti (sī.) ma. ni. 2.83] uggilituṃ, neva sakkhati ogilitu”nti. “Evaṃ, bhante”ti kho asibandhakaputto gāmaṇi nigaṇṭhassa nāṭaputtassa paṭissutvā uṭṭhāyāsanā nigaṇṭhaṃ nāṭaputtaṃ abhivādetvā padakkhiṇaṃ katvā yena bhagavā tenupasaṅkama; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho asibandhakaputto gāmaṇi bhagavantaṃ etadavoca –

“Nanu, bhante, bhagavā anekapariyāyena kulānaṃ anuddayaṃ vaṇṇeti, anurakkhaṃ vaṇṇeti, anukampaṃ vaṇṇeti”ti? “Evaṃ, gāmaṇi, tathāgato anekapariyāyena kulānaṃ anuddayaṃ vaṇṇeti, anurakkhaṃ vaṇṇeti, anukampaṃ vaṇṇeti”ti. “Atha kiñcaraṇi, bhante, bhagavā dubbhikkhe dvīhitike setaṭṭhike salākāvutte mahatā bhikkhusaṅghena saddhiṃ cārikaṃ carati? Ucchedāya bhagavā kulānaṃ paṭipanno, anayāya bhagavā kulānaṃ paṭipanno, upaghātāya bhagavā kulānaṃ paṭipanno”ti. “Ito so,

gāmaṇi, ekanavutikappe [ekonavuto kappo (syā. kaṃ.), ekanavutikappo (pī.)] yamaḥaṃ anussarāmi, nābhijānāmi kiñci kulāṃ pakkabhikkhānuppadānamattena upahatapubbaṃ. Atha kho yāni tāni kulāni aḍḍhāni mahaddhanāni mahābhogāni pahūtajātarūparajātāni pahūtavittūpakaraṇāni pahūtadhanadhaññāni, sabbāni tāni dānasambhūtāni ceva saccasambhūtāni ca sāmaññasambhūtāni ca. Aṭṭha kho, gāmaṇi, hetū, aṭṭha paccayā kulānaṃ upaghātāya. Rājato vā kulāni upaghātaṃ gacchanti, corato vā kulāni upaghātaṃ gacchanti, aggito vā kulāni upaghātaṃ gacchanti, udakato vā kulāni upaghātaṃ gacchanti, nihitaṃ vā ṭhānā vigacchati [nihitaṃ vā nādhigacchanti (sī. pī.)], duppayuttā vā kammantā vipajjanti, kule vā kulāṅgāroti [kulānaṃ vā kulāṅgāro (sī.)] uppajjati, yo te bhoge vikirati vidhamati viddhaṃseti, aniccatāye aṭṭhamīti. Ime kho, gāmaṇi, aṭṭha hetū, aṭṭha paccayā kulānaṃ upaghātāya. Imesu kho, gāmaṇi, aṭṭhasu hetūsu, aṭṭhasu paccayesu saṃvijjamānesu yo maṃ evaṃ vadeyya – ‘ucchedāya bhagavā kulānaṃ paṭipanno, anayāya bhagavā kulānaṃ paṭipanno, upaghātāya bhagavā kulānaṃ paṭipanno’ti, taṃ, gāmaṇi, vācaṃ appahāya taṃ cittaṃ appahāya taṃ diṭṭhiṃ appaṭinissajjitvā yathābhataṃ nikkhitto evaṃ niraye’ti. Evaṃ vutte, asibandhakaputto gāmaṇi bhagavantaṃ etadavoca – ‘abhikkantaṃ, bhante, abhikkantaṃ, bhante...pe... upāsakaṃ maṃ bhagavā dhāretu ajjatagge paṇupetaṃ saraṇaṃ gata’nti. Navamaṃ.

10. Maṇicūlakasuttaṃ

362. Ekaṃ samayaṃ bhagavā rājagahe viharati veḷuvane kalandakanivāpe. Tena kho pana samayena rājantepure rājaparisāya sannisinnānaṃ sannipatitānaṃ ayamantarākathā udapādi – ‘kappati samaṇānaṃ sakyaputtiyānaṃ jātarūparajataṃ, sādiyanti samaṇā sakyaputtiyā jātarūparajataṃ, paṭiggaṇhanti samaṇā sakyaputtiyā jātarūparajata’nti!

Tena kho pana samayena maṇicūlako gāmaṇi tassaṃ parisāyaṃ nisinno hoti. Atha kho maṇicūlako gāmaṇi taṃ parisāṃ etadavoca – ‘mā ayyo [ayyā (sī. pī.)] evaṃ avacuttha. Na kappati samaṇānaṃ sakyaputtiyānaṃ jātarūparajataṃ, na sādiyanti samaṇā sakyaputtiyā jātarūparajataṃ, nappaṭiggaṇhanti samaṇā sakyaputtiyā jātarūparajataṃ, nikkhattamaṇisuvanṇā samaṇā sakyaputtiyā apetajātarūparajata’ti. Asakkhi kho maṇicūlako gāmaṇi taṃ parisāṃ saññāpetuṃ. Atha kho maṇicūlako gāmaṇi yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho maṇicūlako gāmaṇi bhagavantaṃ etadavoca – ‘idha, bhante, rājantepure rājaparisāya sannisinnānaṃ sannipatitānaṃ ayamantarākathā udapādi – ‘kappati samaṇānaṃ sakyaputtiyānaṃ jātarūparajataṃ, sādiyanti samaṇā sakyaputtiyā jātarūparajataṃ, paṭiggaṇhanti samaṇā sakyaputtiyā jātarūparajata’nti. Evaṃ vutte, ahaṃ, bhante, taṃ parisāṃ etadavocaṃ – ‘mā ayyo evaṃ avacuttha. Na kappati samaṇānaṃ sakyaputtiyānaṃ jātarūparajataṃ, na sādiyanti samaṇā sakyaputtiyā jātarūparajataṃ, nappaṭiggaṇhanti samaṇā sakyaputtiyā jātarūparajataṃ, nikkhattamaṇisuvanṇā samaṇā sakyaputtiyā apetajātarūparajata’ti. Asakkhiṃ khvāhaṃ, bhante, taṃ parisāṃ saññāpetuṃ. Kaccāhaṃ, bhante, evaṃ byākaramāno vuttavādī ceva bhagavato homi, na ca bhagavantaṃ abhūtena abbhācikkhāmi, dhammassa cānudhammaṃ byākarami, na ca koci sahadhammiko vādānuvādo gārayhaṃ ṭhānaṃ āgacchati’ti?

‘Taggha tvaṃ, gāmaṇi, evaṃ byākaramāno vuttavādī ceva me hosi, na ca maṃ abhūtena abbhācikkhasi, dhammassa cānudhammaṃ byākaro, na ca koci sahadhammiko vādānuvādo gārayhaṃ ṭhānaṃ āgacchati. Na hi, gāmaṇi, kappati samaṇānaṃ sakyaputtiyānaṃ jātarūparajataṃ, na sādiyanti samaṇā sakyaputtiyā jātarūparajataṃ, nappaṭiggaṇhanti samaṇā sakyaputtiyā jātarūparajataṃ, nikkhattamaṇisuvanṇā samaṇā sakyaputtiyā apetajātarūparajata. Yassa kho, gāmaṇi, jātarūparajataṃ kappati, pañcapi tassa kāmaguṇā kappanti. Yassa pañca kāmaguṇā kappanti () [(tassapi jātarūparajataṃ kappati.) (syā. kaṃ.)], ekaṃsenetaṃ, gāmaṇi, dhāreyyāsi assamaṇadhammo asakyaputtiyadhammoti. Api cāhaṃ, gāmaṇi, evaṃ vadāmi – tiṇaṃ tiṇatthikena pariyesitabbaṃ, dāru dārutthikena pariyesitabbaṃ, sakaṭaṃ sakaṭatthikena pariyesitabbaṃ, puriso purisatthikena pariyesitabbo [pariyesitabbo’ti (?)]. Natvevāhaṃ, gāmaṇi, kenaci pariyaēyena ‘jātarūparajataṃ sādītānaṃ pariyesitabba’nti vadāmi’nti. Dasamaṃ.

11. Bhadrakasuttam

363. Ekam samayaṃ bhagavā mallesu viharati uruvelakappaṃ nāma mallānaṃ nigamo. Atha kho bhadrako gāmaṇi yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho bhadrako gāmaṇi bhagavantaṃ etadavoca – “sādhu me, bhante, bhagavā dukkhassa samudayaṅca atthaṅgamaṅca desetū”ti. “Ahañce [ahañca (syā. kaṃ. ka.)] te, gāmaṇi, atītamaddhānaṃ ārabha dukkhassa samudayaṅca atthaṅgamaṅca deseyyaṃ – ‘evaṃ ahosi atītamaddhāna’nti, tatra te siyā kaṅkhā, siyā vimati. Ahaṃ ce [ahañca (syā. kaṃ. ka.)] te, gāmaṇi, anāgatamaddhānaṃ ārabha dukkhassa samudayaṅca atthaṅgamaṅca deseyyaṃ – ‘evaṃ bhavissati anāgatamaddhāna’nti, tatrāpi te siyā kaṅkhā, siyā vimati. Api cāhaṃ, gāmaṇi, idheva nisinno ettheva te nisinnassa dukkhassa samudayaṅca atthaṅgamaṅca desessāmi. Taṃ suṇāhi, sādhukaṃ manasi karohi; bhāsissāmi”ti. “Evaṃ, bhante”ti kho bhadrako gāmaṇi bhagavato paccassosi. Bhagavā etadavoca –

“Taṃ kiṃ maññasi, gāmaṇi, atthi te uruvelakappe manussā yesaṃ te vadhena vā bandhena vā jāniyā vā garahāya vā uppajjeyyūṃ sokaparidevadukkhadomanassupāyāsā”ti? “Atthi me, bhante, uruvelakappe manussā yesaṃ me vadhena vā bandhena vā jāniyā vā garahāya vā uppajjeyyūṃ sokaparidevadukkhadomanassupāyāsā”ti. “Atthi pana te, gāmaṇi, uruvelakappe manussā yesaṃ te vadhena vā bandhena vā jāniyā vā garahāya vā nuppajjeyyūṃ sokaparidevadukkhadomanassupāyāsā”ti? “Atthi me, bhante, uruvelakappe manussā yesaṃ me vadhena vā bandhena vā jāniyā vā garahāya vā nuppajjeyyūṃ sokaparidevadukkhadomanassupāyāsā”ti. “Ko nu kho, gāmaṇi, hetu, ko paccayo yena te ekaccānaṃ uruvelakappiyānaṃ manussānaṃ vadhena vā bandhena vā jāniyā vā garahāya vā uppajjeyyūṃ sokaparidevadukkhadomanassupāyāsā”ti? “Yesaṃ me, bhante, uruvelakappiyānaṃ manussānaṃ vadhena vā bandhena vā jāniyā vā garahāya vā uppajjeyyūṃ sokaparidevadukkhadomanassupāyāsā, atthi me tesu chandarāgo. Yesaṃ pana, bhante, uruvelakappiyānaṃ manussānaṃ vadhena vā bandhena vā jāniyā vā garahāya vā nuppajjeyyūṃ sokaparidevadukkhadomanassupāyāsā, natthi me tesu chandarāgo”ti. “Iminā tvam, gāmaṇi, dhammena diṭṭhena viditena akālikena pattena pariyoḡālhena atītānāgate nayaṃ nehi – ‘yaṃ kho kiñci atītamaddhānaṃ dukkhaṃ uppajjamānaṃ uppajji [uppajjati (sabbattha)] sabbaṃ taṃ chandamūlakaṃ chandanidānaṃ. Chando hi mūlaṃ dukkhassa. Yampi hi kiñci anāgatamaddhānaṃ dukkhaṃ uppajjamānaṃ uppajjissati, sabbaṃ taṃ chandamūlakaṃ chandanidānaṃ. Chando hi mūlaṃ dukkhassā”ti. “Acchariyaṃ, bhante, abbhutaṃ, bhante! Yāva subhāsitaṃ cidaṃ [subhāsitamidaṃ (sī. pī.)], bhante, bhagavatā [yañkiñci atītamaddhānaṃ dukkhaṃ uppajjamānaṃ uppajjati, sabbantaṃ chandamūlakaṃ chandanidānaṃ, chando hi mūlaṃ dukkhassāti, yañkiñci anāgatamaddhānaṃ dukkhaṃ uppajjamānaṃ uppajjissati sabbantaṃ chandamūlakaṃ chandanidānaṃ, chando hi mūlaṃ dukkhassā”ti (syā. kaṃ.)] – ‘yaṃ kiñci dukkhaṃ uppajjamānaṃ uppajjati, sabbaṃ taṃ chandamūlakaṃ chandanidānaṃ. Chando hi mūlaṃ dukkhassā”ti. [“yañkiñci atītamaddhānaṃ dukkhaṃ uppajjamānaṃ uppajjati, sabbantaṃ chandamūlakaṃ chandanidānaṃ, chando hi mūlaṃ dukkhassāti, yañkiñci anāgatamaddhānaṃ dukkhaṃ uppajjamānaṃ uppajjissati, sabbantaṃ chandamūlakaṃ chandanidānaṃ, chando hi mūlaṃ dukkhassā”ti (syā. kaṃ.)] Atthi me, bhante, ciravāsī nāma kumāro bahi āvasathe [āvesane (?)] paṭivasati. So khvāhaṃ, bhante, kālasseva vuṭṭhāya purisaṃ uyyojemi [uyyojesiṃ (ka.)] – ‘gaccha, bhāṇe, ciravāsīṃ kumāraṃ jānāhi”ti. Yāvakīvañca, bhante, so puriso nāgacchati, tassa me hoteva aññathattaṃ – ‘mā heva ciravāsissa kumārassa kiñci ābādhayitthā”ti [ābādhayethāti (syā. kaṃ. pī. ka.)].

“Taṃ kiṃ maññasi, gāmaṇi, ciravāsissa kumārassa vadhena vā bandhena vā jāniyā vā garahāya vā uppajjeyyūṃ sokaparidevadukkhadomanassupāyāsā”ti? “Ciravāsissa me, bhante, kumārassa vadhena vā bandhena vā jāniyā vā garahāya vā jīvitassapi siyā aññathattaṃ, kiṃ pana me nuppajjissanti sokaparidevadukkhadomanassupāyāsā”ti. “Imināpi kho etaṃ, gāmaṇi, pariyaṅena veditabbaṃ – ‘yaṃ kiñci dukkhaṃ uppajjamānaṃ uppajjati, sabbaṃ taṃ chandamūlakaṃ chandanidānaṃ. Chando hi mūlaṃ dukkhassā”ti.

“Taṃ kiṃ maññasi, gāmaṇi, yadā te ciravāsīmātā [ciravāsissa mātā (sī. pī.)] aditṭhā ahoṣi, assutā ahoṣi, te ciravāsīmātuyā chando vā rāgo vā pemaṃ vā”ti? “No hetam, bhante”. “Dassanaṃ vā te, gāmaṇi, āgamma savanaṃ vā evaṃ te ahoṣi – ‘ciravāsīmātuyā chando vā rāgo vā pemaṃ vā’”ti? “Evaṃ, bhante”.

“Taṃ kiṃ maññasi, gāmaṇi, ciravāsīmātuyā te vadhena vā bandhena vā jāniyā vā garahāya vā uppajjeyyūṃ sokaparidevadukkhadomanassupāyāsā”ti? “Ciravāsīmātuyā me, bhante, vadhena vā bandhena vā jāniyā vā garahāya vā jīvitassapi siyā aññathattaṃ, kiṃ pana me nuppajjissanti sokaparidevadukkhadomanassupāyāsā”ti! “Imināpi kho etaṃ, gāmaṇi, pariyāyena veditabbaṃ – ‘yaṃ kiñci dukkhaṃ uppajjamānaṃ uppajjati, sabbaṃ taṃ chandamūlakaṃ chandanidānaṃ. Chando hi mūlaṃ dukkhassā’”ti. Ekādasamaṃ.

12. Rāsiyasuttaṃ

364. Atha kho rāsiyo gāmaṇi yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho rāsiyo gāmaṇi bhagavantaṃ etadavoca – “sutaṃ metaṃ, bhante, ‘samaṇo gotamo sabbaṃ tapaṃ garahati, sabbaṃ tapassiṃ lūkhajīviṃ ekaṃsena upavadati upakkosati’ti [upakkosati upavadatīti (dī. ni. 1.381)]. Ye te, bhante, evamāhaṃsu – ‘samaṇo gotamo sabbaṃ tapaṃ garahati, sabbaṃ tapassiṃ lūkhajīviṃ ekaṃsena upavadati upakkosati’ti, kacci te, bhante, bhagavato vuttavādino, na ca bhagavantaṃ abhūtena abbhācikkhanti, dhammassa cānudhammaṃ byākaronti, na ca koci sahadhammiko vādānuvādo gārayhaṃ ṭhānaṃ āgacchatī’”ti? “Ye te, gāmaṇi, evamāhaṃsu – ‘samaṇo gotamo sabbaṃ tapaṃ garahati, sabbaṃ tapassiṃ lūkhajīviṃ ekaṃsena upavadati upakkosati’ti, na me te vuttavādino, abbhācikkhanti ca pana maṃ te asatā tucchā abhūtena”.

“Dveme, gāmaṇi, antā pabbajitena na sevitaḃbā – yo cāyaṃ kāmesu kāmasukhallikānuyogo hīno gammo pothujjaniko anariyo anattasamhito, yo cāyaṃ attakilamathānuyogo dukkho anariyo anattasamhito. Ete te, gāmaṇi, ubho ante anupagamma majjhimā paṭipadā tathāgatena abhisambuddhā – cakkhukaraṇī ñāṇakaraṇī upasamāya abhiññāya sambodhāya nibbānāya samvattati. Katamā ca sā, gāmaṇi, majjhimā paṭipadā tathāgatena abhisambuddhā – cakkhukaraṇī ñāṇakaraṇī upasamāya abhiññāya sambodhāya nibbānāya samvattati? Ayameva ariyo aṭṭhaṅgiko maggo, seyyathidaṃ – sammāditṭhi...pe... sammāsamādhi. Ayaṃ kho sā, gāmaṇi, majjhimā paṭipadā tathāgatena abhisambuddhā – cakkhukaraṇī ñāṇakaraṇī upasamāya abhiññāya sambodhāya nibbānāya samvattati.

“Tayo kho me, gāmaṇi, kāmabhogino santo samvijjamānā lokasmiṃ. Katame tayo? Idha, gāmaṇi, ekacco kāmabhogī adhammena bhoge pariyesati, sāhasena adhammena bhoge pariyesitvā sāhasena na attānaṃ sukheti na pīṇeti na samvibhajati na puññāni karoti. Idha pana, gāmaṇi, ekacco kāmabhogī adhammena bhoge pariyesati sāhasena. Adhammena bhoge pariyesitvā sāhasena attānaṃ sukheti pīṇeti, na samvibhajati na puññāni karoti. Idha pana, gāmaṇi, ekacco kāmabhogī adhammena bhoge pariyesati sāhasena. Adhammena bhoge pariyesitvā sāhasena attānaṃ sukheti pīṇeti samvibhajati puññāni karoti.

“Idha pana, gāmaṇi, ekacco kāmabhogī dhammādhammaṃ bhoge pariyesati sāhasenapi asāhasenapi. Dhammādhammaṃ bhoge pariyesitvā sāhasenapi asāhasenapi na attānaṃ sukheti, na pīṇeti, na samvibhajati, na puññāni karoti. Idha pana, gāmaṇi, ekacco kāmabhogī dhammādhammaṃ bhoge pariyesati sāhasenapi asāhasenapi. Dhammādhammaṃ bhoge pariyesitvā sāhasenapi asāhasenapi attānaṃ sukheti pīṇeti, na samvibhajati, na puññāni karoti. Idha pana, gāmaṇi, ekacco kāmabhogī dhammādhammaṃ bhoge pariyesati, sāhasenapi asāhasenapi. Dhammādhammaṃ bhoge pariyesitvā sāhasenapi asāhasenapi attānaṃ sukheti pīṇeti samvibhajati puññāni karoti.

“Idha pana, gāmaṇi, ekacco kāmabhogī dhammaṃ bhoge pariyesati asāhasena. Dhammaṃ bhoge pariyesitvā asāhasena na attānaṃ sukheti, na pīṇeti, na samvibhajati, na puññāni karoti. Idha pana,

gāmaṇi, ekacco kāmabhogī dhammena bhoge pariyesati asāhasena. Dhammena bhoge pariyesitvā asāhasena attānaṃ sukheti pīṇeti, na saṃvibhajati, na puññāni karoti. Idha pana, gāmaṇi, ekacco kāmabhogī dhammena bhoge pariyesati asāhasena. Dhammena bhoge pariyesitvā asāhasena attānaṃ sukheti pīṇeti saṃvibhajati puññāni karoti. Te ca bhoge gadhito [gathito (sī.)] mucchito ajjhoppanno anādīnavadassāvī anissaraṇapañño paribhuñjati. Idha pana, gāmaṇi, ekacco kāmabhogī dhammena bhoge pariyesati asāhasena. Dhammena bhoge pariyesitvā asāhasena attānaṃ sukheti pīṇeti saṃvibhajati puññāni karoti. Te ca bhoge agadhito amucchito anajjhoppanno ādīnavadassāvī nissaraṇapañño paribhuñjati.

“Tatra, gāmaṇi, yvāyaṃ kāmabhogī adhammena bhoge pariyesati sāhasena, adhammena bhoge pariyesitvā sāhasena na attānaṃ sukheti, na pīṇeti, na saṃvibhajati, na puññāni karoti. Ayaṃ, gāmaṇi, kāmabhogī tīhi ṭhānehi gārayho. Katamehi tīhi ṭhānehi gārayho? Adhammena bhoge pariyesati sāhasenāti, iminā paṭhamena ṭhānena gārayho. Na attānaṃ sukheti na pīṇetīti, iminā dutiyena ṭhānena gārayho. Na saṃvibhajati, na puññāni karotīti, iminā tatiyena ṭhānena gārayho. Ayaṃ, gāmaṇi, kāmabhogī imehi tīhi ṭhānehi gārayho.

“Tatra, gāmaṇi, yvāyaṃ kāmabhogī adhammena bhoge pariyesati sāhasena, adhammena bhoge pariyesitvā sāhasena attānaṃ sukheti pīṇeti, na saṃvibhajati, na puññāni karoti. Ayaṃ, gāmaṇi, kāmabhogī dvīhi ṭhānehi gārayho, ekena ṭhānena pāsamo. Katamehi dvīhi ṭhānehi gārayho? Adhammena bhoge pariyesati sāhasenāti, iminā paṭhamena ṭhānena gārayho. Na saṃvibhajati, na puññāni karotīti, iminā dutiyena ṭhānena gārayho. Katamena ekena ṭhānena pāsamo? Attānaṃ sukheti pīṇetīti, iminā ekena ṭhānena pāsamo. Ayaṃ, gāmaṇi, kāmabhogī imehi dvīhi ṭhānehi gārayho, iminā ekena ṭhānena pāsamo.

“Tatra, gāmaṇi, yvāyaṃ kāmabhogī adhammena bhoge pariyesati sāhasena, adhammena bhoge pariyesitvā sāhasena attānaṃ sukheti pīṇeti saṃvibhajati puññāni karoti. Ayaṃ, gāmaṇi, kāmabhogī ekena ṭhānena gārayho, dvīhi ṭhānehi pāsamo. Katamena ekena ṭhānena gārayho? Adhammena bhoge pariyesati sāhasenāti, iminā ekena ṭhānena gārayho. Katamehi dvīhi ṭhānehi pāsamo? Attānaṃ sukheti pīṇetīti, iminā paṭhamena ṭhānena pāsamo. Saṃvibhajati puññāni karotīti, iminā dutiyena ṭhānena pāsamo. Ayaṃ, gāmaṇi, kāmabhogī imehi dvīhi ṭhānehi pāsamo.

“Tatra, gāmaṇi, yvāyaṃ kāmabhogī dhammādhhammena bhoge pariyesati sāhasenapi asāhasenapi, dhammādhhammena bhoge pariyesitvā sāhasenapi asāhasenapi na attānaṃ sukheti, na pīṇeti, na saṃvibhajati, na puññāni karoti. Ayaṃ, gāmaṇi, kāmabhogī ekena ṭhānena pāsamo, tīhi ṭhānehi gārayho. Katamena ekena ṭhānena pāsamo? Dhammena bhoge pariyesati asāhasenāti, iminā ekena ṭhānena pāsamo. Katamehi tīhi ṭhānehi gārayho? Adhammena bhoge pariyesati sāhasenāti, iminā paṭhamena ṭhānena gārayho. Na attānaṃ sukheti, na pīṇetīti, iminā dutiyena ṭhānena gārayho. Na saṃvibhajati, na puññāni karotīti, iminā tatiyena ṭhānena gārayho. Ayaṃ, gāmaṇi, kāmabhogī iminā ekena ṭhānena pāsamo, imehi tīhi ṭhānehi gārayho.

“Tatra, gāmaṇi, yvāyaṃ kāmabhogī dhammādhhammena bhoge pariyesati sāhasenapi asāhasenapi, dhammādhhammena bhoge pariyesitvā sāhasenapi asāhasenapi attānaṃ sukheti pīṇeti, na saṃvibhajati, na puññāni karoti. Ayaṃ, gāmaṇi, kāmabhogī dvīhi ṭhānehi pāsamo, dvīhi ṭhānehi gārayho. Katamehi dvīhi ṭhānehi pāsamo? Dhammena bhoge pariyesati asāhasenāti, iminā paṭhamena ṭhānena pāsamo. Attānaṃ sukheti pīṇetīti, iminā dutiyena ṭhānena pāsamo. Katamehi dvīhi ṭhānehi gārayho? Adhammena bhoge pariyesati sāhasenāti, iminā paṭhamena ṭhānena gārayho. Na saṃvibhajati, na puññāni karotīti, iminā dutiyena ṭhānena gārayho. Ayaṃ, gāmaṇi, kāmabhogī imehi dvīhi ṭhānehi pāsamo, imehi dvīhi ṭhānehi gārayho.

“Tatra, gāmaṇi, yvāyaṃ kāmabhogī dhammādhhammena bhoge pariyesati sāhasenapi asāhasenapi, dhammādhhammena bhoge pariyesitvā sāhasenapi asāhasenapi attānaṃ sukheti pīṇeti saṃvibhajati

puññāni karoti. Ayaṃ, gāmaṇi, kāmabhogī tīhi thānehi pāsaṃso, ekena thānena gārayho. Katamehi tīhi thānehi pāsaṃso? Dhammena bhoge pariyesati asāhasenāti, iminā paṭhamena thānena pāsaṃso. Attānaṃ sukheti pīṇetīti, iminā dutiyena thānena pāsaṃso. Saṃvibhajati puññāni karotīti, iminā tatiyena thānena pāsaṃso. Katamena ekena thānena gārayho? Adhammena bhoge pariyesati sāhasenāti, iminā ekena thānena gārayho. Ayaṃ, gāmaṇi, kāmabhogī imehi tīhi thānehi pāsaṃso, iminā ekena thānena gārayho.

“Tatra, gāmaṇi, yvāyaṃ kāmabhogī dhammena bhoge pariyesati asāhasena, dhammena bhoge pariyesitvā asāhasena, na attānaṃ sukheti, na pīṇeti, na saṃvibhajati, na puññāni karoti. Ayaṃ, gāmaṇi, kāmabhogī ekena thānena pāsaṃso, dvīhi thānehi gārayho. Katamena ekena thānena pāsaṃso? Dhammena bhoge pariyesati asāhasenāti, iminā ekena thānena pāsaṃso. Katamehi dvīhi thānehi gārayho? Na attānaṃ sukheti, na pīṇetīti, iminā paṭhamena thānena gārayho. Na saṃvibhajati, na puññāni karotīti, iminā dutiyena thānena gārayho. Ayaṃ, gāmaṇi, kāmabhogī iminā ekena thānena pāsaṃso, imehi dvīhi thānehi gārayho.

“Tatra, gāmaṇi, yvāyaṃ kāmabhogī dhammena bhoge pariyesati asāhasena, dhammena bhoge pariyesitvā asāhasena attānaṃ sukheti pīṇeti, na saṃvibhajati, na puññāni karoti. Ayaṃ, gāmaṇi, kāmabhogī dvīhi thānehi pāsaṃso, ekena thānena gārayho. Katamehi dvīhi thānehi pāsaṃso? Dhammena bhoge pariyesati asāhasenāti, iminā paṭhamena thānena pāsaṃso. Attānaṃ sukheti pīṇetīti, iminā dutiyena thānena pāsaṃso. Katamena ekena thānena gārayho? Na saṃvibhajati, na puññāni karotīti, iminā ekena thānena gārayho. Ayaṃ, gāmaṇi, kāmabhogī imehi dvīhi thānehi pāsaṃso, iminā ekena thānena gārayho.

“Tatra, gāmaṇi, yvāyaṃ kāmabhogī dhammena bhoge pariyesati asāhasena, dhammena bhoge pariyesitvā asāhasena attānaṃ sukheti pīṇeti saṃvibhajati puññāni karoti, te ca bhoge gadhito mucchito ajjhoppanno anādīnavadassāvī anissaraṇapañño paribhuñjati. Ayaṃ, gāmaṇi, kāmabhogī tīhi thānehi pāsaṃso, ekena thānena gārayho. Katamehi tīhi thānehi pāsaṃso? Dhammena bhoge pariyesati asāhasenāti, iminā paṭhamena thānena pāsaṃso. Attānaṃ sukheti pīṇetīti, iminā dutiyena thānena pāsaṃso. Saṃvibhajati puññāni karotīti, iminā tatiyena thānena pāsaṃso. Katamena ekena thānena gārayho? Te ca bhoge gadhito mucchito ajjhoppanno anādīnavadassāvī anissaraṇapañño paribhuñjatīti, iminā ekena thānena gārayho. Ayaṃ, gāmaṇi, kāmabhogī imehi tīhi thānehi pāsaṃso, iminā ekena thānena gārayho.

“Tatra, gāmaṇi, yvāyaṃ kāmabhogī dhammena bhoge pariyesati asāhasena, dhammena bhoge pariyesitvā asāhasena attānaṃ sukheti pīṇeti saṃvibhajati puññāni karoti. Te ca bhoge agadhito amucchito anajjhoppanno ādīnavadassāvī nissaraṇapañño paribhuñjati. Ayaṃ, gāmaṇi, kāmabhogī catūhi thānehi pāsaṃso. Katamehi catūhi thānehi pāsaṃso? Dhammena bhoge pariyesati asāhasenāti, iminā paṭhamena thānena pāsaṃso. Attānaṃ sukheti pīṇetīti, iminā dutiyena thānena pāsaṃso. Saṃvibhajati puññāni karotīti, iminā tatiyena thānena pāsaṃso. Te ca bhoge agadhito amucchito anajjhoppanno ādīnavadassāvī nissaraṇapañño paribhuñjatīti, iminā catutthena thānena pāsaṃso. Ayaṃ, gāmaṇi, kāmabhogī imehi catūhi thānehi pāsaṃso.

“Tayome, gāmaṇi, tapassino lūkhajīvino santo saṃvijjānā lokasmiṃ. Katame tayo? Idha, gāmaṇi, ekacco tapassī lūkhajīvī saddhā agārasmā anagāriyaṃ pabbajito hoti – ‘appeva nāma kusalaṃ dhammaṃ adhigaccheyyaṃ, appeva nāma uttarimanussadhammā alamariyañāṇadassanavisesaṃ sacchikareyya’nti. So attānaṃ ātāpeti paritāpeti, kusalañca dhammaṃ nādhigacchati, uttari ca manussadhammā alamariyañāṇadassanavisesaṃ na sacchikaroti.

“Idha pana, gāmaṇi, ekacco tapassī lūkhajīvī saddhā agārasmā anagāriyaṃ pabbajito hoti – ‘appeva nāma kusalaṃ dhammaṃ adhigaccheyyaṃ, appeva nāma uttarimanussadhammā alamariyañāṇadassanavisesaṃ sacchikareyya’nti. So attānaṃ ātāpeti paritāpeti, kusalañhi kho dhammaṃ

adhigacchati, uttarimanussadhammā alamariyañāṇadassanavisesaṃ na sacchikaroti.

“Idha pana, gāmaṇi, ekacco tapassī lūkhajīvī saddhā agārasmā anagāriyaṃ pabbajito hoti – ‘appeva nāma kusalaṃ dhammaṃ adhigaccheyyaṃ, appeva nāma uttarimanussadhammā alamariyañāṇadassanavisesaṃ sacchikareyya’nti. So attānaṃ ātāpeti paritāpeti, kusalañca dhammaṃ adhigacchati, uttari ca manussadhammā alamariyañāṇadassanavisesaṃ sacchikaroti.

“Tatra, gāmaṇi, yvāyaṃ tapassī lūkhajīvī attānaṃ ātāpeti paritāpeti, kusalañca dhammaṃ nādhigacchati, uttari ca manussadhammā alamariyañāṇadassanavisesaṃ na sacchikaroti. Ayaṃ, gāmaṇi, tapassī lūkhajīvī tīhi ṭhānehi gārayho. Katamehi tīhi ṭhānehi gārayho? Attānaṃ ātāpeti paritāpetīti, iminā paṭhamena ṭhānena gārayho. Kusalañca dhammaṃ nādhigacchatīti, iminā dutiyena ṭhānena gārayho. Uttari ca manussadhammā alamariyañāṇadassanavisesaṃ na sacchikarotīti, iminā tatiyena ṭhānena gārayho. Ayaṃ, gāmaṇi, tapassī lūkhajīvī, imehi tīhi ṭhānehi gārayho.

“Tatra, gāmaṇi, yvāyaṃ tapassī lūkhajīvī attānaṃ ātāpeti paritāpeti, kusalañhi kho dhammaṃ adhigacchati, uttari ca manussadhammā alamariyañāṇadassanavisesaṃ na sacchikaroti. Ayaṃ, gāmaṇi, tapassī lūkhajīvī dvīhi ṭhānehi gārayho, ekena ṭhānena pāsaṃso. Katamehi dvīhi ṭhānehi gārayho? Attānaṃ ātāpeti paritāpetīti, iminā paṭhamena ṭhānena gārayho. Uttari ca manussadhammā alamariyañāṇadassanavisesaṃ na sacchikarotīti, iminā dutiyena ṭhānena gārayho. Katamena ekena ṭhānena pāsaṃso? Kusalañhi kho dhammaṃ adhigacchatīti, iminā ekena ṭhānena pāsaṃso. Ayaṃ, gāmaṇi, tapassī lūkhajīvī imehi dvīhi ṭhānehi gārayho, iminā ekena ṭhānena pāsaṃso.

“Tatra, gāmaṇi, yvāyaṃ tapassī lūkhajīvī attānaṃ ātāpeti paritāpeti, kusalañca dhammaṃ adhigacchati, uttari ca manussadhammā alamariyañāṇadassanavisesaṃ sacchikaroti. Ayaṃ, gāmaṇi, tapassī lūkhajīvī ekena ṭhānena gārayho, dvīhi ṭhānehi pāsaṃso. Katamena ekena ṭhānena gārayho? Attānaṃ ātāpeti paritāpetīti, iminā ekena ṭhānena gārayho. Katamehi dvīhi ṭhānehi pāsaṃso? Kusalañca dhammaṃ adhigacchatīti, iminā paṭhamena ṭhānena pāsaṃso. Uttari ca manussadhammā alamariyañāṇadassanavisesaṃ sacchikarotīti, iminā dutiyena ṭhānena pāsaṃso. Ayaṃ, gāmaṇi, tapassī lūkhajīvī iminā ekena ṭhānena gārayho, imehi dvīhi ṭhānehi pāsaṃso.

“Tisso imā, gāmaṇi, sandiṭṭhikā nijjarā akālikā ehipassikā opaneyyikā paccattaṃ veditabbā viññūhi. Katamā tisso? Yaṃ ratto rāgādhikaraṇaṃ attabyābādhāyapi ceteti, parabyābādhāyapi ceteti, ubhayabyābādhāyapi ceteti. Rāge pahīne nevattabyābādhāyapi ceteti, na parabyābādhāyapi ceteti, na ubhayabyābādhāyapi ceteti. Sandiṭṭhikā nijjarā akālikā ehipassikā opaneyyikā paccattaṃ veditabbā viññūhi. Yaṃ duṭṭho dosādhikaraṇaṃ attabyābādhāyapi ceteti, parabyābādhāyapi ceteti, ubhayabyābādhāyapi ceteti. Dose pahīne nevattabyābādhāyapi ceteti, na parabyābādhāyapi ceteti, na ubhayabyābādhāyapi ceteti. Sandiṭṭhikā nijjarā akālikā ehipassikā opaneyyikā paccattaṃ veditabbā viññūhi. Yaṃ mūlho mohādhikaraṇaṃ attabyābādhāyapi ceteti, parabyābādhāyapi ceteti, ubhayabyābādhāyapi ceteti. Mohe pahīne nevattabyābādhāyapi ceteti, na parabyābādhāyapi ceteti, na ubhayabyābādhāyapi ceteti. Sandiṭṭhikā nijjarā akālikā ehipassikā opaneyyikā paccattaṃ veditabbā viññūhi. Imā kho, gāmaṇi, tisso sandiṭṭhikā nijjarā akālikā ehipassikā opaneyyikā paccattaṃ veditabbā viññūhi’ ti.

Evam vutte, rāsiyo gāmaṇi bhagavantaṃ etadavoca – “abhikkantaṃ, bhante...pe... upāsakaṃ maṃ bhagavā dhāretu ajjatagge pāṇupetaṃ saraṇaṃ gata’nti. Dvādasamaṃ.

13. Pāṭaliyasuttaṃ

365. Ekam samayaṃ bhagavā kolyesu viharati uttaraṃ nāma [uttarakaṃ nāma (sī.)] kolyānaṃ nigamo. Atha kho pāṭaliyo gāmaṇi yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinna kho pāṭaliyo gāmaṇi bhagavantaṃ etadavoca –

“sutaṃ metaṃ, bhante – ‘samaṇo gotamo māyaṃ jānātī’ti. Ye te, bhante, evamāhaṃsu – ‘samaṇo gotamo māyaṃ jānātī’ti, kacci te, bhante, bhagavato vuttavādino, na ca bhagavantam abhūtena abbhācikkhanti, dhammassa cānudhammaṃ byākaronti, na ca koci sahadhammiko vādānuvādo gārayhaṃ ṭhānaṃ āgacchati? Anabbhācikkhitukāmā hi mayaṃ, bhante, bhagavanta’nti. “Ye te, gāmaṇi, evamāhaṃsu – ‘samaṇo gotamo māyaṃ jānātī’ti, vuttavādino ceva me, te na ca maṃ abhūtena abbhācikkhanti, dhammassa cānudhammaṃ byākaronti, na ca koci sahadhammiko vādānuvādo gārayhaṃ ṭhānaṃ āgacchatīti, saccamaṃyeva kira, bho, mayaṃ tesam samaṇabrāhmaṇānaṃ na saddahāma – ‘samaṇo gotamo māyaṃ jānātīti, samaṇo khalu bho gotamo māyāvī’ti. Yo nu kho, gāmaṇi, evaṃ vadeti – ‘ahaṃ māyaṃ jānāmī’ti, so evaṃ vadeti – ‘ahaṃ māyāvī’ti. Tatheva taṃ bhagavā hoti, tatheva taṃ sugata hotī’ti. Tena hi, gāmaṇi, taññevettha paṭipucchissāmi; yathā te khameyya, tathā taṃ byākareyyāsi –

“Taṃ kiṃ maññasi, gāmaṇi, jānāsi tvaṃ kolyānaṃ lambacūlake bhaṭe’ti? “Jānāmaṃ, bhante, kolyānaṃ lambacūlake bhaṭe’ti. “Taṃ kiṃ maññasi, gāmaṇi, kimatthiyā kolyānaṃ lambacūlakā bhaṭā’ti? “Ye ca, bhante, kolyānaṃ corā te ca paṭisedhetuṃ, yāni ca kolyānaṃ dūteyyāni tāni ca vahātuṃ [tāni ca pahātuṃ (syā. kaṃ.), tāni ca yātuṃ (katthaci), tāni cāvahātuṃ (?)], etadatthiyā, bhante, kolyānaṃ lambacūlakā bhaṭā’ti. “Taṃ kiṃ maññasi, gāmaṇi, jānāsi tvaṃ kolyānaṃ lambacūlake bhaṭe silavante vā te dussīle vā’ti? “Jānāmaṃ, bhante, kolyānaṃ lambacūlake bhaṭe dussīle pāpadhamme; ye ca loke dussīlā pāpadhammā kolyānaṃ lambacūlakā bhaṭā tesam aññatarā’ti. “Yo nu kho, gāmaṇi, evaṃ vadeyya – ‘pāṭaliyo gāmaṇi jānāti kolyānaṃ lambacūlake bhaṭe dussīle pāpadhamme, pāṭaliyopi gāmaṇi dussīlo pāpadhammo’ti, sammā nu kho so vadamāno vadeyyā’ti? “No hetam, bhante! Aññe, bhante, kolyānaṃ lambacūlakā bhaṭā, aññohamasmi. Aññathādhammā kolyānaṃ lambacūlakā bhaṭā, aññathādhammohamasmi’ti. “Tvañhi nāma, gāmaṇi, lacchasi – ‘pāṭaliyo gāmaṇi jānāti kolyānaṃ lambacūlake bhaṭe dussīle pāpadhamme, na ca pāṭaliyo gāmaṇi dussīlo pāpadhammo’ti, kasmā tathāgato na lacchati – ‘tathāgato māyaṃ jānāti, na ca tathāgato māyāvī’ti? Māyaṃ cāhaṃ, gāmaṇi, pajānāmi, māyāya ca vipākaṃ, yathāpaṭipanno ca māyāvī kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi’”.

“Pāṇātipātaṃ cāhaṃ, gāmaṇi, pajānāmi, pāṇātipātassa ca vipākaṃ, yathāpaṭipanno ca pāṇātipātī kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Adinnādānaṃ cāhaṃ, gāmaṇi, pajānāmi, adinnādānassa ca vipākaṃ, yathāpaṭipanno ca adinnādāyī kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Kāmesumicchācāraṃ cāhaṃ, gāmaṇi, pajānāmi, kāmesumicchācārassa ca vipākaṃ, yathāpaṭipanno ca kāmesumicchācārī kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Musāvādaṃ cāhaṃ, gāmaṇi, pajānāmi, musāvādassa ca vipākaṃ, yathāpaṭipanno ca musāvādī kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Pisuṇavācaṃ cāhaṃ, gāmaṇi, pajānāmi, pisuṇavācāya ca vipākaṃ, yathāpaṭipanno ca pisuṇavāco kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Pharusavācaṃ cāhaṃ, gāmaṇi, pajānāmi, pharusavācāya ca vipākaṃ, yathāpaṭipanno ca pharusavāco kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Samphappalāpaṃ cāhaṃ, gāmaṇi, pajānāmi, samphappalāpassa ca vipākaṃ, yathāpaṭipanno ca samphappalāpī kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Abhiṃjhaṃ cāhaṃ, gāmaṇi, pajānāmi, abhiṃjhāya ca vipākaṃ, yathāpaṭipanno ca abhiṃjhālu kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Byāpādapadosaṃ cāhaṃ, gāmaṇi, pajānāmi, byāpādapadosassa ca vipākaṃ, yathāpaṭipanno ca byāpānaccitto kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi. Micchādīṭṭhiṃ cāhaṃ, gāmaṇi, pajānāmi, micchādīṭṭhiyā ca vipākaṃ, yathāpaṭipanno ca micchādīṭṭhiko kāyassa bhedaṃ paraṃ maraṇā apāyaṃ duggatiṃ vinipātaṃ nirayaṃ upapajjati tañca pajānāmi.

“Santi hi, gāmaṇi, eke samaṇabrāhmaṇā evaṃvādino evaṃdīṭṭhino – ‘yo koci pāṇamatipāteti,

sabbo so diṭṭheva dhamme dukkhaṃ domanassaṃ paṭisaṃvedayati. Yo koci adinnaṃ ādiyati, sabbo so diṭṭheva dhamme dukkhaṃ domanassaṃ paṭisaṃvedayati. Yo koci kāmesu micchā carati, sabbo so diṭṭheva dhamme dukkhaṃ domanassaṃ paṭisaṃvedayati. Yo koci musā bhaṇati, sabbo so diṭṭheva dhamme dukkhaṃ domanassaṃ paṭisaṃvedayati””ti.

“Dissati kho pana, gāmaṇi, idhekacco māli kuṇḍalī sunhāto [sunahāto (sī. syā. kaṃ. pī.)] suvilitto kappitakesamassu itthikāmehi rājā maññe paricārento. Tameṇaṃ evamāhaṃsu – ‘ambho! Ayaṃ puriso kiṃ akāsi māli kuṇḍalī sunhāto suvilitto kappitakesamassu itthikāmehi rājā maññe paricāretī’”ti? Tameṇaṃ evamāhaṃsu – ‘ambho! Ayaṃ puriso rañño paccatthikaṃ pasayha jīvitā voropesi. Tassa rājā attamano abhihāramadāsi. Tenāyaṃ puriso māli kuṇḍalī sunhāto suvilitto kappitakesamassu, itthikāmehi rājā maññe paricāretī””ti.

“Dissati kho, gāmaṇi, idhekacco dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathiyāya rathiyaṃ [rathikāya rathikaṃ (sī.)] siṅghāṭakena siṅghāṭakaṃ parinetvā, dakkhiṇena dvārena nikkhāmetvā, dakkhiṇato nagarassa sīsaṃ chijjamāno. Tameṇaṃ evamāhaṃsu – ‘ambho! Ayaṃ puriso kiṃ akāsi, dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathiyāya rathiyaṃ siṅghāṭakena siṅghāṭakaṃ parinetvā dakkhiṇena dvārena nikkhāmetvā dakkhiṇato nagarassa sīsaṃ chindati’”ti [chijjati (katthaci)]? Tameṇaṃ evamāhaṃsu – ‘ambho! Ayaṃ puriso rājaverī itthiṃ vā purisaṃ vā jīvitā voropesi, tena naṃ rājāno gahetvā evarūpaṃ kamma kāraṇaṃ kārentī””ti.

“Taṃ kiṃ maññasi, gāmaṇi, api nu te evarūpaṃ diṭṭhaṃ vā suttaṃ vā””ti? “Diṭṭhañca no, bhante, sutañca suyyissati cā””ti. “Tatra, gāmaṇi, ye te samaṇabrāhmaṇā evaṃvādino evaṃdiṭṭhino – ‘yo koci pāṇamatipāṭeti, sabbo so diṭṭheva dhamme dukkhaṃ domanassaṃ paṭisaṃvedayati’”ti, saccaṃ vā te āhaṃsu musā vā””ti? “Musā, bhante”. “Ye pana te tucchaṃ musā vilapanti, silavanto vā te dussilā vā””ti? “Dussilā, bhante”. “Ye pana te dussilā pāpadhammā micchāpaṭipannā vā te sammāpaṭipannā vā””ti? “Micchāpaṭipannā, bhante”. “Ye pana te micchāpaṭipannā micchādiṭṭhikā vā te sammādiṭṭhikā vā””ti? “Micchādiṭṭhikā, bhante”. “Ye pana te micchādiṭṭhikā kallaṃ nu tesu pasīditu””nti? “No hettaṃ, bhante”.

“Dissati kho pana, gāmaṇi, idhekacco māli kuṇḍalī...pe... itthikāmehi rājā maññe paricārento. Tameṇaṃ evamāhaṃsu – ‘ambho! Ayaṃ puriso kiṃ akāsi māli kuṇḍalī...pe... itthikāmehi rājā maññe paricāretī’”ti? Tameṇaṃ evamāhaṃsu – ‘ambho! Ayaṃ puriso rañño paccatthikassa pasayha ratanaṃ ahāsi [pasayha adinnaṃ ratanaṃ ādiyi (ka.)]. Tassa rājā attamano abhihāramadāsi. Tenāyaṃ puriso māli kuṇḍalī...pe... itthikāmehi rājā maññe paricāretī””ti.

“Dissati kho, gāmaṇi, idhekacco dalhāya rajjuyā...pe... dakkhiṇato nagarassa sīsaṃ chijjamāno tameṇaṃ evamāhaṃsu – ‘ambho! Ayaṃ puriso kiṃ akāsi dalhāya rajjuyā...pe... dakkhiṇato nagarassa sīsaṃ chindati’”ti? Tameṇaṃ evamāhaṃsu – ‘ambho! Ayaṃ puriso gāmā vā arañña vā adinnaṃ theyyasankhātaṃ ādiyi. Tena naṃ rājāno gahetvā evarūpaṃ kamma kāraṇaṃ kārentī’”ti. Taṃ kiṃ maññasi, gāmaṇi, api nu te evarūpaṃ diṭṭhaṃ vā suttaṃ vā””ti? “Diṭṭhañca no, bhante, sutañca suyyissati cā””ti. “Tatra, gāmaṇi, ye te samaṇabrāhmaṇā evaṃvādino evaṃdiṭṭhino – ‘yo koci adinnaṃ ādiyati, sabbo so diṭṭheva dhamme dukkhaṃ domanassaṃ paṭisaṃvedayati’”ti, saccaṃ vā te āhaṃsu musā vāti...pe... kallaṃ nu tesu pasīditu””nti? “No hettaṃ, bhante”.

“Dissati kho pana, gāmaṇi, idhekacco māli kuṇḍalī...pe... itthikāmehi rājā maññe paricārento. Tameṇaṃ evamāhaṃsu – ‘ambho! Ayaṃ puriso kiṃ akāsi māli kuṇḍalī...pe... itthikāmehi rājā maññe paricāretī’”ti? Tameṇaṃ evamāhaṃsu – ‘ambho! Ayaṃ puriso rañño paccatthikassa dāresu cārittaṃ āpajji. Tassa rājā attamano abhihāramadāsi. Tenāyaṃ puriso māli kuṇḍalī...pe... itthikāmehi rājā maññe paricāretī””ti.

“Dissati kho, gāmaṇi, idhekacco dalhāya rajjuyā...pe... dakkhiṇato nagarassa sīsaṃ chijjamāno. Tamenam evamāhaṃsu – ‘ambho! Ayaṃ puriso kiṃ akāsi dalhāya rajjuyā...pe... dakkhiṇato nagarassa sīsaṃ chindatī’ ti? Tamenam evamāhaṃsu – ‘ambho! Ayaṃ puriso kulitthīsu kulakumārīsu cārittaṃ āpajji, tena naṃ rājāno gahetvā evarūpaṃ kammakāraṇaṃ kārentī’ ti. Taṃ kiṃ maññasi, gāmaṇi, api nu te evarūpaṃ diṭṭhaṃ vā sutam vā’ ti? “Diṭṭhañca no, bhante, sutañca suyyissati cā” ti. “Tatra, gāmaṇi, ye te samaṇabrāhmaṇā evaṃvādino evaṃdiṭṭhino – ‘yo koci kāmesu micchā carati, sabbo so diṭṭheva dhamme dukkhaṃ domanassaṃ paṭisaṃvedayatī’ ti, saccam vā te āhaṃsu musā vāti...pe... kallaṃ nu tesu pasīditu’ nti? “No hetam, bhante”.

“Dissati kho pana, gāmaṇi, idhekacco mālī kuṇḍalī sunhāto suvilitto kappitakesamassu itthikāmehi rājā maññe paricārento. Tamenam evamāhaṃsu – ‘ambho! Ayaṃ puriso kiṃ akāsi mālī kuṇḍalī sunhāto suvilitto kappitakesamassu itthikāmehi rājā maññe paricāretī’ ti? Tamenam evamāhaṃsu – ‘ambho! Ayaṃ puriso rājānaṃ musāvādena hāsesi. Tassa rājā attamano abhihāramadāsi. Tenāyaṃ puriso mālī kuṇḍalī sunhāto suvilitto kappitakesamassu itthikāmehi rājā maññe paricāretī’ ti.

“Dissati kho, gāmaṇi, idhekacco dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathiyāya rathiyam siṅghātakena siṅghātakam parinetvā dakkhiṇena dvārena nikkhāmetvā dakkhiṇato nagarassa sīsaṃ chijjamāno. Tamenam evamāhaṃsu – ‘ambho! Ayaṃ puriso kiṃ akāsi dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathiyāya rathiyam siṅghātakena siṅghātakam parinetvā, dakkhiṇena dvārena nikkhāmetvā, dakkhiṇato nagarassa sīsaṃ chindatī’ ti? Tamenam evamāhaṃsu – ‘ambho! Ayaṃ puriso gahapatissa vā gahapatiputtassa vā musāvādena atthaṃ bhañji, tena naṃ rājāno gahetvā evarūpaṃ kammakāraṇaṃ kārentī’ ti. Taṃ kiṃ maññasi, gāmaṇi, api nu te evarūpaṃ diṭṭhaṃ vā sutam vā’ ti? “Diṭṭhañca no, bhante, sutañca suyyissati cā” ti. “Tatra, gāmaṇi, ye te samaṇabrāhmaṇā evaṃvādino evaṃdiṭṭhino – ‘yo koci musā bhaṇati, sabbo so diṭṭheva dhamme dukkhaṃ domanassaṃ paṭisaṃvedayatī’ ti, saccam vā te āhaṃsu musā vā’ ti? “Musā, bhante”. “Ye pana te tucchaṃ musā vilapanti sīlavanto vā te dussilā vā’ ti? “Dussilā, bhante”. “Ye pana te dussilā pāpadhammā micchāpaṭipannā vā te sammāpaṭipannā vā’ ti? “Micchāpaṭipannā, bhante”. “Ye pana te micchāpaṭipannā micchādiṭṭhikā vā te sammādiṭṭhikā vā’ ti? “Micchādiṭṭhikā, bhante”. “Ye pana te micchādiṭṭhikā kallaṃ nu tesu pasīditu’ nti? “No hetam, bhante”.

“Acchariyaṃ, bhante, abbhutaṃ, bhante! Atthi me, bhante, āvasathāgāraṃ. Tattha atthi mañcakāni, atthi āsanāni, atthi udakamaṇiko, atthi telappadīpo. Tattha yo samaṇo vā brāhmaṇo vā vāsaṃ upeti, tenāhaṃ yathāsatti yathābalaṃ saṃvibhajāmi. Bhūtapubbaṃ, bhante, cattāro satthāro nānādiṭṭhikā nānākhantikā nānārucikā, tasmim āvasathāgāre vāsaṃ upagacchum’.

“Eko satthā evaṃvādī evaṃdiṭṭhi – ‘natthi dinnam, natthi yiṭṭham, natthi hutam, natthi sukata dukkaṭānaṃ kammānaṃ phalaṃ vipāko. Natthi ayaṃ loko, natthi paro loko, natthi mātā, natthi pitā, natthi sattā opapātikā, natthi loke samaṇabrāhmaṇā sammaggatā sammāpaṭipannā ye imaṅca lokam parañca lokam sayam abhiññā sacchikatvā pavedentī’ ti.

“Eko satthā evaṃvādī evaṃdiṭṭhi – ‘atthi dinnam, atthi yiṭṭham, atthi hutam, atthi sukata dukkaṭānaṃ kammānaṃ phalaṃ vipāko, atthi ayaṃ loko, atthi paro loko, atthi mātā, atthi pitā, atthi sattā opapātikā, atthi loke samaṇabrāhmaṇā sammaggatā sammāpaṭipannā, ye imaṅca lokam parañca lokam sayam abhiññā sacchikatvā pavedentī’ ti.

“Eko satthā evaṃvādī evaṃdiṭṭhi – ‘karoto kārayato, chindato chedāpayato, pacato pācāpayato, socayato socāpayato, kilamato kilamāpayato, phandato phandāpayato, pāṇamatipātayato, adinnam ādiyato, sandhim chindato, nillopaṃ harato, ekāgārikam karoto, paripantho tiṭṭhato, paradāram gacchato, musā bhaṇato, karoto na kariyati pāpaṃ. Khurapariyanta cepi cakkena yo imissā pathaviyā paṇe ekaṃ maṃsakhalaṃ ekaṃ maṃsapuñjam kareyya, natthi tatonidānaṃ pāpaṃ, natthi pāpassa āgamo.

Dakkhiṇaṃ cepi gaṅgāya tīraṃ gaccheyya hananto ghātento chindanto chedāpento pacanto pācāpento, natthi tatonidānaṃ pāpaṃ, natthi pāpassa āgamo. Uttaraṃ cepi gaṅgāya tīraṃ gaccheyya dadanto dāpento yajanto yajāpento, natthi tatonidānaṃ puññaṃ, natthi puññassa āgamo. Dānena damena saṃyamena saccavajjena natthi puññaṃ, natthi puññassa āgamo’’ti.

‘‘Eko satthā evaṃvādī evaṃdiṭṭhi – ‘karoto kārayato, chindato chedāpayato, pacato pācāpayato, socayato socāpayato, kilamato kilamāpayato, phandato phandāpayato, pāṇamatipātayato, adinnaṃ ādiyato, sandhiṃ chindato, nillopaṃ harato, ekāgārikaṃ karoto, paripantho tiṭṭhato, paradāraṃ gacchato, musā bhaṇato, karoto karīyati pāpaṃ. Khurapariyanta cepi cakkena yo imissā pathaviyā paṇe ekaṃ maṃsakhalaṃ ekaṃ maṃsapuñjaṃ kareyya, atthi tatonidānaṃ pāpaṃ, atthi pāpassa āgamo. Dakkhiṇaṃ cepi gaṅgāya tīraṃ gaccheyya hananto ghātento chindanto chedāpento pacanto pācāpento, atthi tatonidānaṃ pāpaṃ, atthi pāpassa āgamo. Uttaraṃ cepi gaṅgāya tīraṃ gaccheyya dadanto dāpento, yajanto yajāpento, atthi tatonidānaṃ puññaṃ, atthi puññassa āgamo. Dānena damena saṃyamena saccavajjena atthi puññaṃ, atthi puññassa āgamo’’ti.

‘‘Tassa mayhaṃ, bhante, ahudeva kaṅkhā, ahu vicikicchā – ‘kosu nāma imesaṃ bhavataṃ samaṇabrāhmaṇānaṃ saccam āha, ko musā’’ti?

‘‘Alaṅhi te, gāmaṇi, kaṅkhituṃ, alaṃ vicikicchituṃ. Kaṅkhanīye ca pana te ṭhāne vicikicchā uppanā’’ti. ‘‘Evaṃ pasannoḥaṃ, bhante, bhagavati. Pahoti me bhagavā tathā dhammaṃ desetum yathāhaṃ imaṃ kaṅkhādhammaṃ pajaheyya’’nti.

‘‘Atthi, gāmaṇi, dhammasamādhī. Tatra ce tvaṃ cittasamādhim paṭilabheyyāsi. Evaṃ tvaṃ imaṃ kaṅkhādhammaṃ pajaheyyāsi. Katamo ca, gāmaṇi, dhammasamādhī? Idha, gāmaṇi, ariyasāvako pāṇātipātāṃ pahāya pāṇātipātā paṭivirato hoti, adinnādānaṃ pahāya adinnādānā paṭivirato hoti, kāmesumicchācāraṃ pahāya kāmesumicchācārā paṭivirato hoti, musāvādaṃ pahāya musāvādā paṭivirato hoti, piṣuṇaṃ vācaṃ pahāya piṣuṇāya vācāya paṭivirato hoti, pharusāṃ vācaṃ pahāya pharusāya vācāya paṭivirato hoti, samphappalāpaṃ pahāya samphappalāpā paṭivirato hoti, abhijjhaṃ pahāya anabhijjhālu hoti, byāpādapadosaṃ pahāya abyāpannacitto hoti, micchādiṭṭhim pahāya sammādiṭṭhiko hoti.

‘‘Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato mettāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena abyāpajjena pharivā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – natthi dinnāṃ, natthi yiṭṭhaṃ, natthi hutāṃ, natthi sukata dukkaṭānaṃ kammānaṃ phalaṃ vipāko, natthi ayaṃ loko, natthi paro loko, natthi mātā, natthi pitā, natthi sattā opapātikā, natthi loke samaṇabrāhmaṇā, sammaggatā sammāpaṭipannā ye imaṅca lokaṃ paraṅca lokaṃ sayāṃ abhiññā sacchikatvā pavedentī’’ti. ‘‘Sace tassa bhoto satthuno saccam vacanaṃ, apanṇakatāya mayhaṃ, yvāhaṃ [yohaṃ (sī. syā. kaṃ. pī.)] na kiñci [kañci (?)] byābādhemi tasmaṃ vā thāvaram vā? Ubhayametta [ubhayattha me (?)] ma. ni. 2.95 pāḷiyā saṃsandetabbam] kaṭaggāho, yaṃ camhi kāyena saṃvuto vācāya saṃvuto manasā saṃvuto, yaṅca kāyassa bhedā paraṃ maraṇā sugatiṃ saggam lokaṃ upapajjissāmī’’ti [param maraṇā na upapajjissāmī (?)]. Tassa pāmojjaṃ jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhīyati. Ayaṃ kho, gāmaṇi, dhammasamādhī. Tatra ce tvaṃ cittasamādhim paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi.

‘‘Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato mettāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamāṇena averena abyāpajjena pharivā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – atthi dinnāṃ, atthi yiṭṭhaṃ, atthi hutāṃ, atthi sukata dukkaṭānaṃ

kammānaṃ phalaṃ vipāko, atthi ayaṃ loko, atthi paro loko, atthi mātā, atthi pitā, atthi sattā opapātikā, atthi loke samaṇabrāhmaṇā, sammaggatā sammāpaṭipannā ye imaṅca lokaṃ paraṅca lokaṃ sayāṃ abhiññā sacchikatvā pavedentī”ti. ‘Sace tassa bhoto satthuno saccaṃ vacanaṃ, apanṇakatāya mayhaṃ, yvāhaṃ na kiñci byābādhemi tasmaṃ vā thāvaram vā? Ubhayamettha kaṭaggāho, yaṃ camhi kāyena saṃvuto vācāya saṃvuto manasā saṃvuto, yaṅca kāyassa bhedaṃ paraṃ maraṇā sugatiṃ saggam lokaṃ upapajjissāmi”ti. Tassa pāmojjam jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhīyati. Ayaṃ kho, gāmaṇi, dhammasamādhi. Tatra ce tvaṃ cittasamādhiṃ paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato mettāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamaṇena averena abyāpajjena pharivā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – karoto kārayato, chindato chedāpayato, pacato pācāpayato, socayato socāpayato, kilamato kilamāpayato, phandato phandāpayato, pānamatipātayato, adinnaṃ ādiyato, sandhiṃ chindato, nillopaṃ harato, ekāgārikaṃ karoto, paripantho tiṭṭhato, paradāraṃ gacchato, musā bhaṇato, karoto na kariyati pāpaṃ. Khurapariyantaṃ cepi cakkena yo imissā pathaviyā pāṇe ekaṃ maṃsakhalaṃ ekaṃ maṃsapuñjaṃ kareyya, natthi tatonidānaṃ pāpaṃ, natthi pāpassa āgamo. Dakkhiṇaṅcepi gaṅgāya tīraṃ gaccheyya hananto ghātento chindanto chedāpento pacanto pācāpento, natthi tatonidānaṃ pāpaṃ, natthi pāpassa āgamo. Uttaraṅcepi gaṅgāya tīraṃ gaccheyya dadanto dāpento, yajanto yajāpento, natthi tatonidānaṃ puññaṃ, natthi puññaṃ āgamo. Dānena damena saṃyamena saccavajjena natthi puññaṃ, natthi puññaṃ āgamo”ti. ‘Sace tassa bhoto satthuno saccaṃ vacanaṃ, apanṇakatāya mayhaṃ, yvāhaṃ na kiñci byābādhemi tasmaṃ vā thāvaram vā? Ubhayamettha kaṭaggāho, yaṃ camhi kāyena saṃvuto vācāya saṃvuto manasā saṃvuto, yaṅca kāyassa bhedaṃ paraṃ maraṇā sugatiṃ saggam lokaṃ upapajjissāmi”ti [paraṃ maraṇā na upapajjissāmī (?)]. Tassa pāmojjam jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhīyati. Ayaṃ kho, gāmaṇi, dhammasamādhi tatra ce tvaṃ cittasamādhiṃ paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato mettāsahagatena cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ mettāsahagatena cetasā vipulena mahaggatena appamaṇena averena abyāpajjena pharivā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – karoto kārayato, chindato chedāpayato, pacato pācāpayato, socayato socāpayato, kilamato kilamāpayato, phandato phandāpayato, pānamatipātayato, adinnaṃ ādiyato, sandhiṃ chindato, nillopaṃ harato, ekāgārikaṃ karoto, paripantho tiṭṭhato, paradāraṃ gacchato, musā bhaṇato, karoto kariyati pāpaṃ. Khurapariyantaṃ cepi cakkena yo imissā pathaviyā pāṇe ekaṃ maṃsakhalaṃ ekaṃ maṃsapuñjaṃ kareyya, atthi tatonidānaṃ pāpaṃ, atthi pāpassa āgamo. Dakkhiṇaṅcepi gaṅgāya tīraṃ gaccheyya hananto ghātento chindanto chedāpento pacanto pācāpento, atthi tatonidānaṃ pāpaṃ, atthi pāpassa āgamo. Uttaraṅcepi gaṅgāya tīraṃ gaccheyya dadanto dāpento, yajanto yajāpento, atthi tatonidānaṃ puññaṃ, atthi puññaṃ āgamo. Dānena damena saṃyamena saccavajjena atthi puññaṃ atthi puññaṃ āgamoti. Sace tassa bhoto satthuno saccaṃ vacanaṃ, apanṇakatāya mayhaṃ, yvāhaṃ na kiñci byābādhemi tasmaṃ vā thāvaram vā? Ubhayamettha kaṭaggāho, yaṃ camhi kāyena saṃvuto vācāya saṃvuto manasā saṃvuto, yaṅca kāyassa bhedaṃ paraṃ maraṇā sugatiṃ saggam lokaṃ upapajjissāmi”ti. Tassa pāmojjam jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhīyati. Ayaṃ kho, gāmaṇi, dhammasamādhi. Tatra ce tvaṃ cittasamādhiṃ paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato karuṇāsahagatena cetasā ekaṃ disaṃ pharivā viharati...pe... muditāsahagatena cetasā ekaṃ

disaṃ pharivā viharati...pe....

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato upekkhāsahagate cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ upekkhāsahagatena cetasā vipulena mahaggatena appamāṇena averena abyāpajjena pharivā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – natthi dinnāṃ, natthi yiṭṭhaṃ, natthi hutāṃ natthi sukatadukkaṭānaṃ kammānaṃ phalaṃ vipāko, natthi ayaṃ loko natthi paro loko, natthi mātā natthi pitā natthi sattā opapātikā, natthi loke samaṇabrāhmaṇā sammaggatā sammāpaṭipannā ye imaṅca lokaṃ paraṅca lokaṃ sayāṃ abhiññā sacchikatvā pavedentīti. Sace tassa bhoto satthuno saccaṃ vacanaṃ, apanṇakatāya mayhaṃ, yvāhaṃ na kiñci byābādhemi tasmaṃ vā thāvaram vā? Ubhayamettha kaṭaggāho, yaṃ camhi kāyena saṃvuto vācāya saṃvuto manasā saṃvuto, yaṅca kāyassa bhedā paraṃ maraṇā sugatiṃ saggāṃ lokaṃ upapajjissāmi’ti. Tassa pāmojjāṃ jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhīyati. Ayaṃ kho, gāmaṇi, dhammasamādhī. Tatra ce tvaṃ cittasamādhīṃ paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato upekkhāsahagate cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ upekkhāsahagatena cetasā vipulena mahaggatena appamāṇena averena abyāpajjena pharivā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – atthi dinnāṃ, atthi yiṭṭhaṃ, atthi hutāṃ, atthi sukatadukkaṭānaṃ kammānaṃ phalaṃ vipāko, atthi ayaṃ loko atthi paro loko, atthi mātā atthi pitā atthi sattā opapātikā, atthi loke samaṇabrāhmaṇā sammaggatā sammāpaṭipannā ye imaṅca lokaṃ paraṅca lokaṃ sayāṃ abhiññā sacchikatvā pavedentīti. Sace tassa bhoto satthuno saccaṃ vacanaṃ, apanṇakatāya mayhaṃ, yvāhaṃ na kiñci byābādhemi tasmaṃ vā thāvaram vā? Ubhayamettha kaṭaggāho, yaṃ camhi kāyena saṃvuto vācāya saṃvuto manasā saṃvuto, yaṅca kāyassa bhedā paraṃ maraṇā sugatiṃ saggāṃ lokaṃ upapajjissāmi’ti. Tassa pāmojjāṃ jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhīyati. Ayaṃ kho, gāmaṇi, dhammasamādhī. Tatra ce tvaṃ cittasamādhīṃ paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato upekkhāsahagate cetasā ekaṃ disaṃ pharivā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ upekkhāsahagatena cetasā vipulena mahaggatena appamāṇena averena abyāpajjena pharivā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – karoto kārayato, chedato chedāpayato, pacato pācāpayato, socayato socāpayato, kilamato kilamāpayato, phandato phandāpayato, pāṇamatipātayato, adinnaṃ ādiyato, sandhiṃ chindato, nillopaṃ harato, ekāgārikaṃ karoto, paripantho tiṭṭhato, paradāraṃ gacchato, musā bhaṇato, karoto na karīyati pāpaṃ. Khurapariyantena cepi cakkena yo imissā pathaviyā pāṇe ekaṃ maṃsakhalaṃ ekaṃ maṃsapuñjaṃ kareyya, natthi tatonidānaṃ pāpaṃ, natthi pāpassa āgamo. Dakkhiṇāncepi gaṅgāya tīraṃ gaccheyya hananto ghātento chindanto chedāpento pacanto pācāpento, natthi tatonidānaṃ pāpaṃ, natthi pāpassa āgamo. Uttarañcepi gaṅgāya tīraṃ gaccheyya dadanto dāpento, yajanto yajāpento, natthi tatonidānaṃ puññaṃ, natthi puññaṃ āgamo. Dānena damena saṃyamena saccavajjena natthi puññaṃ, natthi puññaṃ āgamo’ti. ‘Sace tassa bhoto satthuno saccaṃ vacanaṃ, apanṇakatāya mayhaṃ, yvāhaṃ na kiñci byābādhemi tasmaṃ vā thāvaram vā? Ubhayamettha kaṭaggāho, yaṃ camhi kāyena saṃvuto vācāya saṃvuto manasā saṃvuto, yaṅca kāyassa bhedā paraṃ maraṇā sugatiṃ saggāṃ lokaṃ upapajjissāmi’ti. Tassa pāmojjāṃ jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhīyati. Ayaṃ kho, gāmaṇi, dhammasamādhī. Tatra ce tvaṃ cittasamādhīṃ paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi.

“Sa kho so, gāmaṇi, ariyasāvako evaṃ vigatābhijjho vigatabyāpādo asammūlho sampajāno paṭissato upekkhāsahagata cetasā ekaṃ disaṃ pharitvā viharati, tathā dutiyaṃ, tathā tatiyaṃ, tathā catutthaṃ, iti uddhamadho tiriyaṃ sabbadhi sabbattatāya sabbāvantaṃ lokaṃ upekkhāsahagatena cetasā vipulena mahaggatena appamāṇena averena abyāpajjena pharitvā viharati. So iti paṭisañcikkhati – ‘yvāyaṃ satthā evaṃvādī evaṃdiṭṭhi – karoto kārayato, chindato chedāpayato, pacato pācāpayato, socayato socāpayato, kilamato kilamāpayato, phandato phandāpayato, pāṇamatipātayato, adinnaṃ ādiyato, sandhiṃ chindato, nillopaṃ harato, ekāgārikaṃ karoto, paripantho tiṭṭhato, paradāraṃ gacchato, musā bhaṇato, karoto karīyati pāpaṃ. Khurapariyantaṃ cepi cakkena yo imissā pathaviyā pāṇe ekaṃ maṃsakhalāṃ ekaṃ maṃsapuñjaṃ kareyya, atthi tatonidānaṃ pāpaṃ, atthi pāpassa āgamo. Dakkhiṇaṃ cepi gaṅgāya tīraṃ gaccheyya hananto ghātento chindanto chedāpento pacanto pācāpento, atthi tatonidānaṃ pāpaṃ, atthi pāpassa āgamo. Uttaraṃ cepi gaṅgāya tīraṃ gaccheyya dadanto dāpento, yajanto yajāpento, atthi tatonidānaṃ puññaṃ, atthi puññaṃ āgamo. Dānena damena saṃyamena saccavajjena atthi puññaṃ, atthi puññaṃ āgamo’ ti. ‘Sace tassa bhoto satthuno saccāṃ vacanaṃ, apaṇṇakatāya mayhaṃ, yvāhaṃ na kiñci byābādhemi tasmaṃ vā thāvaram vā? Ubhayamettha kaṭaggāho, yaṃ camhi kāyena saṃvuto vācāya saṃvuto manasā saṃvuto, yañca kāyassa bhedaṃ paraṃ maraṇā sugatiṃ saggāṃ lokaṃ upapajjissāmi’ ti. Tassa pāmojjaṃ jāyati. Pamuditassa pīti jāyati. Pītimanassa kāyo passambhati. Passaddhakāyo sukhaṃ vedayati. Sukhino cittaṃ samādhiyati. Ayaṃ kho, gāmaṇi, dhammasamādhī. Tatra ce tvaṃ cittasamādhīṃ paṭilabheyyāsi, evaṃ tvaṃ imaṃ kaṅkhādhammaṃ pajaheyyāsi’ ti.

Evaṃ vutte, pāṭaliyo gāmaṇi bhagavantaṃ etadavoca – ‘abhikkantaṃ, bhante, abhikkantaṃ, bhante...pe... ajjatagge pāṇupetaṃ saraṇaṃ gata’ nti. Terasamaṃ.

Gāmaṇisaṃyuttaṃ samattaṃ.

Tassuddānaṃ –

Caṇḍo puṭo yodhājīvo, hatthasso asibandhako;
Desanā saṅkhakulaṃ maṇicūlaṃ, bhadrarāsiyapāṭalīti.

9. Asaṅkhatasaṃyuttaṃ

1. Paṭhamavaggo

1. Kāyagatāsatisuttaṃ

366. Sāvattihinidānaṃ. “Asaṅkhatāñca vo, bhikkhave, desessāmi asaṅkhatagāmiñca maggaṃ. Taṃ suṇātha. Katamañca, bhikkhave, asaṅkhatāṃ? Yo, bhikkhave, rāgakkhayo dosakkhayo mohakkhayo – idaṃ vuccati, bhikkhave, asaṅkhatāṃ. Katamo ca, bhikkhave, asaṅkhatagāmimaggo? Kāyagatāsati. Ayaṃ vuccati, bhikkhave, asaṅkhatagāmimaggo”.

“Iti kho, bhikkhave, desitaṃ vo mayā asaṅkhatāṃ, desito asaṅkhatagāmimaggo. Yaṃ, bhikkhave, satthārā karaṇīyaṃ sāvakānaṃ hitesinā anukampakena anukampaṃ upādāya, kataṃ vo taṃ mayā. Etāni, bhikkhave, rukkhāmūlāni, etāni suññāgārāni. Jhāyatha [nījjhāyatha (ka.)], bhikkhave, mā pamādattha; mā pacchā vippaṭisārino ahuvattha. Ayaṃ vo amhākaṃ anusāsani’ ti. Paṭhamaṃ.

2. Samathavipassanāsuttaṃ

367. “Asaṅkhatāñca vo, bhikkhave, desessāmi asaṅkhatagāmiñca maggaṃ. Taṃ suṇātha. Katamañca, bhikkhave, asaṅkhatāṃ? Yo, bhikkhave, rāgakkhayo dosakkhayo mohakkhayo – idaṃ

vuccati, bhikkhave, asaṅkhatam. Katamo ca, bhikkhave, asaṅkhatagāṃimaggo? Samatho ca vipassanā ca. Ayaṃ vuccati, bhikkhave, asaṅkhatagāṃimaggo...pe.... Dutiyam.

3. Savitakkasavicārasuttam

368. “Katamo ca, bhikkhave, asaṅkhatagāṃimaggo? Savitakkasavicāro samādhī, avitakkavicāramatto samādhī, avitakkaavicāro samādhī – ayaṃ vuccati, bhikkhave, asaṅkhatagāṃimaggo...pe.... Tatiyam.

4. Suññatasamādhīsuttam

369. “Katamo ca, bhikkhave, asaṅkhatagāṃimaggo? Suññato samādhī, animitto samādhī, appaṇihito samādhī – ayaṃ vuccati, bhikkhave, asaṅkhatagāṃimaggo...pe.... Catuttham.

5. Satipaṭṭhānasuttam

370. “Katamo ca, bhikkhave, asaṅkhatagāṃimaggo? Cattāro satipaṭṭhānā. Ayaṃ vuccati, bhikkhave, asaṅkhatagāṃimaggo...pe.... Pañcamam.

6. Sammappadhānasuttam

371. “Katamo ca, bhikkhave, asaṅkhatagāṃimaggo? Cattāro sammappadhānā. Ayaṃ vuccati, bhikkhave, asaṅkhatagāṃimaggo...pe.... Chaṭṭham.

7. Iddhipādasuttam

372. “Katamo ca, bhikkhave, asaṅkhatagāṃimaggo? Cattāro iddhipādā. Ayaṃ vuccati, bhikkhave, asaṅkhatagāṃimaggo...pe.... Sattamam.

8. Indriyasuttam

373. “Katamo ca, bhikkhave, asaṅkhatagāṃimaggo? Pañcindriyāni. Ayaṃ vuccati, bhikkhave, asaṅkhatagāṃimaggo...pe.... Aṭṭhamam.

9. Balasuttam

374. “Katamo ca, bhikkhave, asaṅkhatagāṃimaggo? Pañca balāni. Ayaṃ vuccati, bhikkhave, asaṅkhatagāṃimaggo...pe.... Navamam.

10. Bojjhaṅgasuttam

375. “Katamo ca, bhikkhave, asaṅkhatagāṃimaggo? Satta bojjhaṅgā. Ayaṃ vuccati, bhikkhave, asaṅkhatagāṃimaggo...pe.... Dasamam.

11. Maggaṅgasuttam

376. “Katamo ca, bhikkhave, asaṅkhatagāṃimaggo? Ariyo aṭṭhaṅgiko maggo. Ayaṃ vuccati, bhikkhave, asaṅkhatagāṃimaggo. Iti kho, bhikkhave, desitam vo mayā asaṅkhatam, desito asaṅkhatagāṃimaggo. Yam, bhikkhave, satthārā karaṇiyam sāvakanam hitesinā anukampakena anukampam upādāya katham vo tam mayā. Etāni, bhikkhave, rukkhāmūlāni, etāni suññāgārāni. Jhāyatha,

bhikkhave, mā pamādattha; mā pacchā vippaṭṭisārino ahuvattha. Ayaṃ vo amhākaṃ anusāsani’'ti. Ekādasamaṃ.

Paṭhamo vaggo.

Tassuddānaṃ –

Kāyo samatho savitakko, suññato satipaṭṭhānā;
Sammappadhānā iddhipādā, indriyabalabojjhaṅgā;
Maggena ekādasamaṃ, tassuddānaṃ pavuccati.

2. Dutiyavaggo

1. Asaṅkhatasuttaṃ

377. “Asaṅkhatāṅca vo, bhikkhave, desessāmi asaṅkhatagāmiṅca maggaṃ. Taṃ suṇātha. Katamaṅca, bhikkhave, asaṅkhatam? Yo, bhikkhave, rāgakkhayo dosakkhayo mohakkhayo – idaṃ vuccati, bhikkhave, asaṅkhatam. Katamo ca, bhikkhave, asaṅkhatagāmimaggo? Samatho. Ayaṃ vuccati, bhikkhave, asaṅkhatagāmimaggo. Iti kho, bhikkhave, desitam vo mayā asaṅkhatam, desito asaṅkhatagāmimaggo. Yaṃ, bhikkhave, sathhārā karaṇīyaṃ sāvakānaṃ hitesinā anukampakena anukampaṃ upādāya, kataṃ vo taṃ mayā. Etāni, bhikkhave, rukkhāmūlāni, etāni suññāgārāni. Jhāyatha, bhikkhave, mā pamādattha; mā pacchā vippaṭṭisārino ahuvattha. Ayaṃ vo amhākaṃ anusāsanti’.

“Asaṅkhatāṅca vo, bhikkhave, desessāmi asaṅkhatagāmiṅca maggaṃ. Taṃ suṇātha. Katamaṅca, bhikkhave, asaṅkhatam? Yo, bhikkhave, rāgakkhayo dosakkhayo mohakkhayo – idaṃ vuccati, bhikkhave, asaṅkhatam. Katamo ca, bhikkhave, asaṅkhatagāmimaggo? Vipassanā. Ayaṃ vuccati, bhikkhave, asaṅkhatagāmimaggo. Iti kho, bhikkhave, desitam vo mayā asaṅkhatam...pe... ayaṃ vo amhākaṃ anusāsanti’.

“Katamo ca, bhikkhave, asaṅkhatagāmimaggo? Savitakko savicāro samādhi. Ayaṃ vuccati, bhikkhave, asaṅkhatagāmimaggo...pe... katamo ca, bhikkhave, asaṅkhatagāmimaggo? Avitakko vicāramatto samādhi. Ayaṃ vuccati, bhikkhave, asaṅkhatagāmimaggo...pe... katamo ca, bhikkhave, asaṅkhatagāmimaggo? Avitakko avicāro samādhi. Ayaṃ vuccati, bhikkhave, asaṅkhatagāmimaggo...pe....

“Katamo ca, bhikkhave, asaṅkhatagāmimaggo? Suññato samādhi. Ayaṃ vuccati, bhikkhave, asaṅkhatagāmimaggo...pe... katamo ca, bhikkhave, asaṅkhatagāmimaggo? Animitto samādhi. Ayaṃ vuccati, bhikkhave, asaṅkhatagāmimaggo...pe... katamo ca, bhikkhave, asaṅkhatagāmimaggo? Appaṇihito samādhi. Ayaṃ vuccati, bhikkhave, asaṅkhatagāmimaggo...pe....

“Katamo ca, bhikkhave, asaṅkhatagāmimaggo? Idha, bhikkhave, bhikkhu kāye kāyānupassī viharati ātāpī sampajāno satimā vineyya loke abhijjhādomanassaṃ. Ayaṃ vuccati, bhikkhave, asaṅkhatagāmimaggo...pe... katamo ca, bhikkhave, asaṅkhatagāmimaggo? Idha, bhikkhave, bhikkhu vedanāsu vedanānupassī viharati...pe... ayaṃ vuccati, bhikkhave, asaṅkhatagāmimaggo...pe... katamo ca, bhikkhave, asaṅkhatagāmimaggo? Idha, bhikkhave, bhikkhu citte cittānupassī...pe... ayaṃ vuccati, bhikkhave, asaṅkhatagāmimaggo? Idha, bhikkhave, bhikkhu dhammesu dhammānupassī viharati...pe... ayaṃ vuccati, bhikkhave, asaṅkhatagāmimaggo...pe....

“Katamo ca, bhikkhave, asaṅkhatagāmimaggo? Idha, bhikkhave, bhikkhu anuppannānaṃ pāpakānaṃ akusalānaṃ dhammānaṃ anuppādā chandaṃ janeti vāyamati vīriyaṃ ārabhati cittaṃ

paggaṇhāti padahati. Ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu uppanānaṃ pāpakānaṃ akusalānaṃ dhammānaṃ pahānā chandaṃ janeti vāyamati vīriyaṃ ārabhati cittaṃ paggaṇhāti padahati. Ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu anuppanānaṃ kusalānaṃ dhammānaṃ uppādā chandaṃ janeti vāyamati vīriyaṃ ārabhati cittaṃ paggaṇhāti padahati. Ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu uppanānaṃ kusalānaṃ dhammānaṃ tṭhiyā asammosāya bhīyyobhāvāya vepullāya bhāvanāya pāripūriyā chandaṃ janeti vāyamati vīriyaṃ ārabhati cittaṃ paggaṇhāti padahati. Ayaṃ vuccati, bhikkhave, asaṅkhatagāṃimaggo...pe....

“Katamo ca, bhikkhave, asaṅkhatagāṃimaggo? Idha, bhikkhave, bhikkhu chandasamādhipadhānasāṅkhārasamannāgataṃ iddhipādaṃ bhāveti. Ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu vīriyasamādhipadhānasāṅkhārasamannāgataṃ iddhipādaṃ bhāveti. Ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu cittasamādhipadhānasāṅkhārasamannāgataṃ iddhipādaṃ bhāveti. Ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu vīmaṃsasamādhipadhānasāṅkhārasamannāgataṃ iddhipādaṃ bhāveti. Ayaṃ vuccati, bhikkhave, asaṅkhatagāṃimaggo...pe....

“Katamo ca, bhikkhave, asaṅkhatagāṃimaggo? Idha, bhikkhave, bhikkhu saddhindriyaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. Ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu vīriyindriyaṃ bhāveti vivekanissitaṃ...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu satindriyaṃ bhāveti...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu samādhindriyaṃ bhāveti...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu paññindriyaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. Ayaṃ vuccati, bhikkhave, asaṅkhatagāṃimaggo...pe....

“Katamo ca, bhikkhave, asaṅkhatagāṃimaggo? Idha, bhikkhave, bhikkhu saddhābalaṃ bhāveti vivekanissitaṃ...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu vīriyabalaṃ bhāveti...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu satibalaṃ bhāveti...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu samādhibalaṃ bhāveti...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu paññābalaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. Ayaṃ vuccati, bhikkhave, asaṅkhatagāṃimaggo...pe....

“Katamo ca, bhikkhave, asaṅkhatagāṃimaggo? Idha, bhikkhave, bhikkhu satisambojjhaṅgaṃ bhāveti...pe... ayaṃ vuccati, bhikkhave, asaṅkhatagāṃimaggo...pe... katamo ca, bhikkhave, asaṅkhatagāṃimaggo? Idha, bhikkhave, bhikkhu dhammavicayasambojjhaṅgaṃ bhāveti...pe... vīriyasambojjhaṅgaṃ bhāveti...pe... pītisambojjhaṅgaṃ bhāveti...pe... passaddhisambojjhaṅgaṃ bhāveti...pe... samādhisambojjhaṅgaṃ bhāveti...pe... upekkhāsambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. Ayaṃ vuccati, bhikkhave, asaṅkhatagāṃimaggo...pe....

“Katamo ca, bhikkhave, asaṅkhatagāṃimaggo? Idha, bhikkhave, bhikkhu sammādiṭṭhiṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. Ayaṃ vuccati, bhikkhave,

asañkhatagāṃimaggo...pe... katamo ca, bhikkhave, asañkhatagāṃimaggo? Idha, bhikkhave, bhikkhu sammāsañkappaṃ bhāveti ...pe... sammāvācaṃ bhāveti...pe... sammākammantaṃ bhāveti...pe... sammāājīvaṃ bhāveti...pe... sammāvāyāmaṃ bhāveti...pe... sammāsatiṃ bhāveti...pe... asañkhatañca vo bhikkhave, desessāmi asañkhatagāmiñca maggaṃ. Taṃ suñātha. Katamañca, bhikkhave, asañkhatam...pe...? Katamo ca, bhikkhave, asañkhatagāṃimaggo? Idha, bhikkhave, bhikkhu sammāsamaḍḍhiṃ bhāveti vivekanissitaṃ virāganissitaṃ nirodhanissitaṃ vossaggapariñāmiṃ. Ayaṃ vuccati, bhikkhave, asañkhatagāṃimaggo. Iti kho, bhikkhave, desitaṃ vo mayā asañkhatam, desito asañkhatagāṃimaggo. Yaṃ, bhikkhave, satthārā karaṇīyaṃ sāvakaṇaṃ hitesinā anukampakena anukampaṃ upādāya, kataṃ vo taṃ mayā. Etāni, bhikkhave, rukkhamaḷāni, etāni suññāgārāni. Jhāyatha, bhikkhave, mā pamādattha; mā pacchā vippaṭṭisarino ahuvattha. Ayaṃ vo amhākaṃ anusāsani’ ti. Paṭhamam.

2. Anatasuttaṃ

378. “Anatañca vo, bhikkhave, desessāmi, anatagāmiñca maggaṃ. Taṃ suñātha. Katamañca, bhikkhave, anataṃ...pe...”. (Yathā asañkhatam tathā vitthāretabbaṃ). Dutiyam.

3-32. Anāsavādisuttaṃ

379-408. “Anāsavañca vo, bhikkhave, desessāmi anāsavagāmiñca maggaṃ. Taṃ suñātha. Katamañca, bhikkhave, anāsavaṃ...pe... saccañca vo, bhikkhave, desessāmi saccagāmiñca maggaṃ. Taṃ suñātha. Katamañca, bhikkhave, saccaṃ...pe... pārañca vo, bhikkhave, desessāmi pāragāmiñca maggaṃ. Taṃ suñātha. Katamañca, bhikkhave, pāraṃ...pe... nipuṇañca vo, bhikkhave, desessāmi nipuṇagāmiñca maggaṃ. Taṃ suñātha. Katamañca, bhikkhave, nipuṇam...pe... sududdasañca vo, bhikkhave, desessāmi sududdasagāmiñca maggaṃ. Taṃ suñātha. Katamañca, bhikkhave, sududdasaṃ...pe... ajajjarañca vo, bhikkhave, desessāmi ajajjaragāmiñca maggaṃ. Taṃ suñātha. Katamañca, bhikkhave, ajajjaram...pe... dhavañca vo, bhikkhave, desessāmi dhuvagāmiñca maggaṃ. Taṃ suñātha. Katamañca, bhikkhave, dhuvam...pe... apalokitañca vo, bhikkhave, desessāmi apalokitagāmiñca maggaṃ. Taṃ suñātha. Katamañca, bhikkhave, apalokitam...pe... anidassanañca vo, bhikkhave, desessāmi anidassanagāmiñca maggaṃ. Taṃ suñātha. Katamañca, bhikkhave, anidassanam...pe... nippapañcañca vo, bhikkhave, desessāmi nippapañcagāmiñca maggaṃ. Taṃ suñātha. Katamañca, bhikkhave, nippapañcam...pe...?”

“Santañca vo, bhikkhave, desessāmi santagāmiñca maggaṃ. Taṃ suñātha. Katamañca, bhikkhave, santam...pe... amatañca vo, bhikkhave, desessāmi amatagāmiñca maggaṃ. Taṃ suñātha. Katamañca, bhikkhave, amataṃ...pe... pañitañca vo, bhikkhave, desessāmi pañitagāmiñca maggaṃ. Taṃ suñātha. Katamañca, bhikkhave, pañitam...pe... sivañca vo, bhikkhave, desessāmi sivagāmiñca maggaṃ. Taṃ suñātha. Katamañca, bhikkhave, sivaṃ...pe... khemañca vo, bhikkhave, desessāmi khemagāmiñca maggaṃ. Taṃ suñātha. Katamañca, bhikkhave, khemaṃ...pe... taṇhākkhayañca vo, bhikkhave, desessāmi taṇhākkhayagāmiñca maggaṃ. Taṃ suñātha. Katamañca, bhikkhave, taṇhākkhayaṃ...pe...?”

“Acchariyañca vo, bhikkhave, desessāmi acchariyagāmiñca maggaṃ. Taṃ suñātha. Katamañca, bhikkhave, acchariyam...pe... abbhutañca vo, bhikkhave, desessāmi abbhutagāmiñca maggaṃ. Taṃ suñātha. Katamañca, bhikkhave, abbhutam...pe... anītikañca vo, bhikkhave, desessāmi anītikagāmiñca maggaṃ. Taṃ suñātha. Katamañca, bhikkhave, anītikam...pe... anītikadhammañca vo, bhikkhave, desessāmi anītikadhammagāmiñca maggaṃ. Taṃ suñātha. Katamañca, bhikkhave, anītikadhammam...pe... nibbānañca vo, bhikkhave, desessāmi nibbānagāmiñca maggaṃ. Taṃ suñātha. Katamañca, bhikkhave, nibbānam...pe... abyāpajhañca [abyāpajhañca (sī. syā. kaṃ. pī.)] vo, bhikkhave, desessāmi abyāpajhagāmiñca maggaṃ. Taṃ suñātha. Katamañca, bhikkhave, abyāpajham...pe... virāgañca vo, bhikkhave, desessāmi virāgagāmiñca maggaṃ. Taṃ suñātha. Katamo ca, bhikkhave, virāgo...pe...?”

“Suddhiñca vo, bhikkhave, desessāmi suddhigāmiñca maggaṃ. Taṃ suṇātha. Katamā ca, bhikkhave, suddhi...pe... muttiñca vo, bhikkhave, desessāmi muttigāmiñca maggaṃ. Taṃ suṇātha. Katamā ca, bhikkhave, mutti...pe... anālayañca vo, bhikkhave, desessāmi anālayagāmiñca maggaṃ. Taṃ suṇātha. Katamo ca, bhikkhave, anālayo...pe... dīpañca vo, bhikkhave, desessāmi dīpagāmiñca maggaṃ. Taṃ suṇātha. Katamañca, bhikkhave, dīpaṃ...pe... leṇañca vo, bhikkhave, desessāmi leṇagāmiñca maggaṃ. Taṃ suṇātha. Katamañca, bhikkhave, leṇaṃ...pe... tāṇañca vo, bhikkhave, desessāmi tāṇagāmiñca maggaṃ. Taṃ suṇātha. Katamañca, bhikkhave, tāṇaṃ...pe... saraṇañca vo, bhikkhave, desessāmi saraṇagāmiñca maggaṃ. Taṃ suṇātha. Katamañca, bhikkhave, saraṇaṃ...pe... anusāsani’’ti? Bāttiṃsatimaṃ.

33. Parāyanasuttaṃ

409. “Parāyanañca [parāyanañca (pī. sī. aṭṭha.)] vo, bhikkhave, desessāmi parāyanagāmiñca maggaṃ. Taṃ suṇātha. Katamañca, bhikkhave, parāyanaṃ? Yo, bhikkhave, rāgakkhayo dosakkhayo mohakkhayo – idaṃ vuccati, bhikkhave, parāyanaṃ. Katamo ca, bhikkhave, parāyanagāmī maggo? Kāyagatāsati. Ayaṃ vuccati, bhikkhave, parāyanagāmimaggo. Iti kho, bhikkhave, desitaṃ vo mayā parāyanaṃ, desito parāyanagāmimaggo. Yaṃ, bhikkhave, satthārā karaṇīyaṃ sāvakaṇaṃ hitesinā anukampakena anukampaṃ upādāya, kataṃ vo taṃ mayā. Etāni, bhikkhave, rukkhamūlāni, etāni suññāgārāni. Jhāyatha, bhikkhave, mā pamādattha; mā pacchā vippaṭṭisārino ahuvattha. Ayaṃ vo amhākaṃ anusāsani’’ti. (Yathā asaṅkhatam tathā vitthāretabbaṃ). Tettiṃsatimaṃ.

Dutiyo vago.

Tassuddānaṃ –

Asaṅkhatam anatham anāsavaṃ, saccañca pāraṃ nipuṇaṃ sududdasaṃ;
Ajajjaraṃ dhuvam apalokitaṃ, anidassanaṃ nippapañca santaṃ.

Amataṃ paṇītañca sivañca khemaṃ, taṇhākkhayo acchariyañca abbhutaṃ;
Anītikaṃ anītikadhammaṃ, nibbānametaṃ sugatena desitaṃ.

Abyāpajjho virāgo ca, suddhi mutti anālayo;
Dīpo leṇañca tāṇañca, saraṇañca parāyananti.

Asaṅkhatasaṃyuttaṃ samattaṃ.

10. Abyākatasamṃyuttaṃ

1. Khemāsuttaṃ

410. Ekaṃ samayaṃ bhagavā sāvattiyam viharati jetavane anāthapiṇḍikassa ārāme. Tena kho pana samayena khemā bhikkhunī kosalesu cārikaṃ caramānā antarā ca sāvattim antarā ca sāketam toraṇavatthusmiṃ vāsam upagatā hoti. Atha kho rājā pasenadi kosalo sāketā sāvattim gacchanto, antarā ca sāketam antarā ca sāvattim toraṇavatthusmiṃ ekarattivāsam upagacchi. Atha kho rājā pasenadi kosalo aññataram purisaṃ āmantesi – “ehi tvam, ambho purisa, toraṇavatthusmiṃ tathārūpaṃ samaṇaṃ vā brāhmaṇaṃ vā jāna yamaṃ aṭṭhaṃ payirupāseyya’’nti.

“Evaṃ, devā’’ti kho so puriso rañño pasenadissa kosalassa paṭissutvā kevalakappaṃ toraṇavatthum āhiṇḍanto [anvāhiṇḍanto (sī.)] nāddasa tathārūpaṃ samaṇaṃ vā brāhmaṇaṃ vā yaṃ rājā pasenadi kosalo payirupāseyya. Addasā kho so puriso khemaṃ bhikkhunim toraṇavatthusmiṃ vāsam

upagataṃ. Disvāna yena rājā pasenadi kosalo tenupasaṅkami; upasaṅkamtivā rājānaṃ pasenadiṃ kosalaṃ etadavoca –

“Natthi kho, deva, toraṇavatthusmiṃ tathārūpo samaṇo vā brāhmaṇo vā yaṃ devo payirupāseyya. Atthi ca kho, deva, khemā nāma bhikkhunī, tassa bhagavato sāvika arahato sammāsambuddhassa. Tassā kho pana ayyāya evaṃ kalyāṇo kittisaddo abhuggato – ‘paṇḍitā, viyattā medhāvinī bahussutā cittakathā kalyāṇapaṭibhānā’ti. Taṃ devo payirupāsatu’ti.

Atha kho rājā pasenadi kosalo yena khemā bhikkhunī tenupasaṅkami; upasaṅkamtivā khemaṃ bhikkhuniṃ abhivādetvā ekamantaṃ nisīdi. Ekamantaṃ nisinna kho rājā pasenadi kosalo khemaṃ bhikkhuniṃ etadavoca – ‘kiṃ nu kho, ayye, hoti tathāgato paraṃ maraṇā’ti? ‘Abyākataṃ kho etaṃ, mahārāja, bhagavatā – ‘hoti tathāgato paraṃ maraṇā’ti. ‘Kiṃ panayye, na hoti tathāgato paraṃ maraṇā’ti? ‘Etampi kho, mahārāja, abyākataṃ bhagavatā – ‘na hoti tathāgato paraṃ maraṇā’ti. ‘Kiṃ nu kho, ayye, hoti ca na ca hoti tathāgato paraṃ maraṇā’ti? ‘Abyākataṃ kho etaṃ, mahārāja, bhagavatā – ‘hoti ca na ca hoti tathāgato paraṃ maraṇā’ti. ‘Kiṃ panayye, neva hoti na na hoti tathāgato paraṃ maraṇā’ti. ‘Etampi kho, mahārāja, abyākataṃ bhagavatā – ‘neva hoti na na hoti tathāgato paraṃ maraṇā’ti.

“‘Kiṃ nu kho, ayye, hoti tathāgato paraṃ maraṇā’ti, iti puṭṭhā samānā – ‘abyākataṃ kho etaṃ, mahārāja, bhagavatā – hoti tathāgato paraṃ maraṇā’ti vadesi. ‘Kiṃ panayye, na hoti tathāgato paraṃ maraṇā’ti iti puṭṭhā samānā – ‘etampi kho, mahārāja, abyākataṃ bhagavatā – na hoti tathāgato paraṃ maraṇā’ti vadesi. ‘Kiṃ nu kho, ayye, hoti ca na ca hoti tathāgato paraṃ maraṇā’ti iti puṭṭhā samānā – ‘abyākataṃ kho etaṃ, mahārāja, bhagavatā – hoti ca na ca hoti tathāgato paraṃ maraṇā’ti vadesi. ‘Kiṃ panayye, neva hoti na na hoti tathāgato paraṃ maraṇā’ti iti puṭṭhā samānā – ‘etampi kho, mahārāja, abyākataṃ bhagavatā – neva hoti na na hoti tathāgato paraṃ maraṇā’ti vadesi. ‘Ko nu kho, ayye, hetu, ko paccayo yenetāṃ abyākataṃ bhagavatā’ti?

“Tena hi, mahārāja, taññevettha paṭipucchissāmi. Yathā te khameyya tathā naṃ byākareyyāsi. Taṃ kiṃ maññasi, mahārāja, atthi te koci gaṇako vā muddiko vā saṅkhāyako vā yo pahoti gaṅgāya vālukaṃ [vālikam (sī. syā. kam.)] gaṇetuṃ – ettakā [ettikā (sī.)] vālukā iti vā, ettakāni vālukasatāni iti vā, ettakāni vālukasahassāni iti vā, ettakāni vālukasatasahassāni iti vā’ti? ‘No hetam, ayye’. ‘Atthi pana te koci gaṇako vā muddiko vā saṅkhāyako vā yo pahoti mahāsamudde udakaṃ gaṇetuṃ – ettakāni udakāḷhakāni iti vā, ettakāni udakāḷhakasatāni iti vā, ettakāni udakāḷhakasahassāni iti vā, ettakāni udakāḷhakasatasahassāni iti vā’ti? ‘No hetam, ayye’. ‘Taṃ kissa hetu’? ‘Mahāyye, samuddo gambhīro appameyyo duppariyogāho’ti. ‘Evameva kho, mahārāja, yena rūpe tathāgataṃ paññāpayamāno paññāpeyya taṃ rūpaṃ tathāgatassa pahīnaṃ ucchinnamūlaṃ tālavatthukataṃ anabhāvaṅkataṃ āyatiṃ anuppādadhammā. Rūpasaṅkhāyavimutto kho, mahārāja, tathāgato gambhīro appameyyo duppariyogāho – seyyathāpi mahāsamuddo. ‘Hoti tathāgato paraṃ maraṇā’tipi na upeti, ‘na hoti tathāgato paraṃ maraṇā’tipi na upeti, ‘hoti ca na ca hoti tathāgato paraṃ maraṇā’tipi na upeti, ‘neva hoti na na hoti tathāgato paraṃ maraṇā’tipi na upeti.

“Yāya vedanāya tathāgataṃ paññāpayamāno paññāpeyya, sā vedanā tathāgatassa pahīnā ucchinnamūlā tālavatthukatā anabhāvaṅkatā āyatiṃ anuppādadhammā. Vedanāsaṅkhāyavimutto, mahārāja, tathāgato gambhīro appameyyo duppariyogāho – seyyathāpi mahāsamuddo. ‘Hoti tathāgato paraṃ maraṇā’tipi na upeti, ‘na hoti tathāgato paraṃ maraṇā’tipi na upeti, ‘hoti ca na ca hoti tathāgato paraṃ maraṇā’tipi na upeti, ‘neva hoti na na hoti tathāgato paraṃ maraṇā’tipi na upeti.

“Yāya saññā tathāgataṃ...pe... yehi saṅkhārehi tathāgataṃ paññāpayamāno paññāpeyya, te saṅkhārā tathāgatassa pahīnā ucchinnamūlā tālavatthukatā anabhāvaṅkatā āyatiṃ anuppādadhammā. Saṅkhārasaṅkhāyavimutto kho, mahārāja, tathāgato gambhīro appameyyo duppariyogāho – seyyathāpi mahāsamuddo. ‘Hoti tathāgato paraṃ maraṇā’tipi na upeti, ‘na hoti tathāgato paraṃ maraṇā’tipi na

upeti, ‘hoti ca na ca hoti tathāgato paraṃ marañā’tipi na upeti, ‘neva hoti na na hoti tathāgato paraṃ marañā’tipi na upeti.

“Yena viññāṇe tathāgataṃ paññāpayamāno paññāpeyya taṃ viññāṇaṃ tathāgatassa pahīnaṃ ucchinnamūlaṃ tālavatthukataṃ anabhāvaṅkataṃ āyatim anuppādadhammaṃ. Viññāṇasaṅkhāyavimutto kho, mahārāja, tathāgato gambhīro appameyyo duppariyogāho – seyyathāpi mahāsamuddo. ‘Hoti tathāgato paraṃ marañā’tipi na upeti, ‘na hoti tathāgato paraṃ marañā’tipi na upeti, ‘hoti ca na ca hoti tathāgato paraṃ marañā’tipi na upeti, ‘neva hoti na na hoti tathāgato paraṃ marañā’tipi na upeti’”ti. Atha kho rājā pasenadi kosalo khemāya bhikkhuniyā bhāsitaṃ abhinanditvā anumoditvā uṭṭhāyāsanaṃ khemaṃ bhikkhuniṃ abhivādetvā padakkhiṇaṃ katvā pakkāmi.

Atha kho rājā pasenadi kosalo aparena samayena yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho rājā pasenadi kosalo bhagavantaṃ etadavoca – “kiṃ nu kho, bhante, hoti tathāgato paraṃ marañā’”ti? “Abyākataṃ kho etaṃ, mahārāja, mayā – ‘hoti tathāgato paraṃ marañā’”ti. “Kiṃ pana, bhante, na hoti tathāgato paraṃ marañā’”ti? “Etampi kho, mahārāja, abyākataṃ mayā – ‘na hoti tathāgato paraṃ marañā’”ti. “Kiṃ nu kho, bhante, hoti ca na ca hoti tathāgato paraṃ marañā’”ti? “Abyākataṃ kho etaṃ, mahārāja, mayā – ‘hoti ca na ca hoti tathāgato paraṃ marañā’”ti. “Kiṃ pana, bhante, neva hoti na na hoti tathāgato paraṃ marañā’”ti? “Etampi kho, mahārāja, abyākataṃ mayā – ‘neva hoti na na hoti tathāgato paraṃ marañā’”ti. “Kiṃ nu kho, bhante, hoti tathāgato paraṃ marañā’”ti iti puṭṭho samāno – ‘abyākataṃ kho etaṃ, mahārāja, mayā – hoti tathāgato paraṃ marañā’”ti vadesi...pe... “Kiṃ pana, bhante, neva hoti na na hoti tathāgato paraṃ marañā’”ti iti puṭṭho samāno – “etampi kho, mahārāja, abyākataṃ mayā – neva hoti na na hoti tathāgato paraṃ marañā’”ti vadesi. Ko nu kho, bhante, hetu, ko paccayo, yenetam abyākataṃ bhagavatā’”ti?

“Tena hi, mahārāja, taññevettha paṭipucchissāmi. Yathā te khameyya tathā naṃ byākareyyāsi. Taṃ kiṃ maññasi, mahārāja, atthi te koci gaṇako vā muddiko vā saṅkhāyako vā yo pahoti gaṅgāya vālukaṃ gaṇetuṃ – ettakā vālukā iti vā...pe... ettakāni vālukasatasahassāni iti vā’”ti? “No hetam, bhante”. “Atthi pana te koci gaṇako vā muddiko vā saṅkhāyako vā yo pahoti mahāsamudde udakaṃ gaṇetuṃ – ettakāni udakāḷhakāni iti vā...pe... ettakāni udakāḷhakasatasahassāni iti vā’”ti? “No hetam, bhante”. “Taṃ kissa hetu’? “Mahā, bhante, samuddo gambhīro appameyyo duppariyogāho. Evameva kho, mahārāja, yena rūpena tathāgataṃ paññāpayamāno paññāpeyya, taṃ rūpaṃ tathāgatassa pahīnaṃ ucchinnamūlaṃ tālavatthukataṃ anabhāvaṅkataṃ āyatim anuppādadhammaṃ. Rūpasaṅkhāyavimutto kho, mahārāja, tathāgato gambhīro appameyyo duppariyogāho – seyyathāpi mahāsamuddo. ‘Hoti tathāgato paraṃ marañā’tipi na upeti...pe... ‘neva hoti na na hoti tathāgato paraṃ marañā’tipi na upeti. Yāya vedanāya...pe... yāya saññāya...pe... yehi saṅkhārehi...pe...’”.

“Yena viññāṇena tathāgataṃ paññāpayamāno paññāpeyya, taṃ viññāṇaṃ tathāgatassa pahīnaṃ ucchinnamūlaṃ tālavatthukataṃ anabhāvaṅkataṃ āyatim anuppādadhammaṃ. Viññāṇasaṅkhāyavimutto kho, mahārāja, tathāgato gambhīro appameyyo duppariyogāho – seyyathāpi mahāsamuddo. ‘Hoti tathāgato paraṃ marañā’tipi na upeti, ‘na hoti tathāgato paraṃ marañā’tipi na upeti, ‘hoti ca na ca hoti tathāgato paraṃ marañā’tipi na upeti, ‘neva hoti na na hoti tathāgato paraṃ marañā’tipi na upeti’”ti.

“Acchariyaṃ, bhante, abbhutaṃ, bhante! Yatra hi nāma satthu ceva [satthuno ceva (sī.)] sāvikāya ca atthena attho byañjanaṃ byañjanaṃ saṃsandissati, samessati, na virodhayissati [vihāyissati (sī. syā. kaṃ.), vigāyissati (ka.)] yadidaṃ aggapadasmim. Ekamidāhaṃ, bhante, samayaṃ khemaṃ bhikkhuniṃ upasaṅkamitvā etamatthaṃ apucchim. Sāpi me ayyā etehi padehi etehi byañjanehi etamatthaṃ byākāsi, seyyathāpi bhagavā. Acchariyaṃ, bhante, abbhutaṃ, bhante! Yatra hi nāma satthu ceva sāvikāya ca atthena attho byañjanaṃ byañjanaṃ saṃsandissati, samessati, na virodhayissati yadidaṃ aggapadasmim. Handa dāni mayaṃ, bhante, gacchāma. Bahukiccā mayaṃ bahukaraṇīyā’”ti. “Yassa dāni tvaṃ, mahārāja, kālaṃ maññasi’”ti. Atha kho rājā pasenadi kosalo bhagavato bhāsitaṃ

abhinanditvā anumoditvā uṭṭhāyāsanā bhagavantam abhivādetvā padakkhiṇam katvā pakkāmīti. Paṭhamam.

2. Anurādhasuttaṃ

411. Ekam samayaṃ bhagavā vesāliyaṃ viharati mahāvane kūṭāgārasālāyaṃ. Tena kho pana samayena āyasmā anurādho bhagavato avidūre araṇṇakuṭikāyaṃ viharati. Atha kho sambahulā aññatitthiyā paribbājakā yenāyasmā anurādho tenupasaṅkamimṣu; upasaṅkamtivā āyasmatā anurādheṇa saddhiṃ sammodimṣu. Sammodanīyaṃ kathaṃ sāraṇīyaṃ vītisāretvā ekamantaṃ nisīdimṣu. Ekamantaṃ nisinnā kho te aññatitthiyā paribbājakā āyasmantaṃ anurādham etadavocum – “yo so, āvuso anurādha, tathāgato uttamapuriso paramapuriso paramapattipatto, taṃ tathāgato imesu catūsu ṭhānesu paññāpayamāno paññāpeti – ‘hoti tathāgato paraṃ maraṇā’ ti vā, ‘na hoti tathāgato paraṃ maraṇā’ ti vā, ‘hoti ca na ca hoti tathāgato paraṃ maraṇā’ ti vā, ‘neva hoti na na hoti tathāgato paraṃ maraṇā’ ti vā’ ti? “Yo so, āvuso, tathāgato uttamapuriso paramapuriso paramapattipatto, taṃ tathāgato aññatra imehi catūhi ṭhānehi paññāpayamāno paññāpeti – ‘hoti tathāgato paraṃ maraṇā’ ti vā, ‘na hoti tathāgato paraṃ maraṇā’ ti vā, ‘hoti ca na ca hoti tathāgato paraṃ maraṇā’ ti vā, neva hoti na na hoti tathāgato paraṃ maraṇā’ ti vā’ ti. Evaṃ vutte, te aññatitthiyā paribbājakā āyasmantaṃ anurādham etadavocum – “so cāyaṃ [yo cāyaṃ (sī.)] bhikkhu navo bhavissati acirapabbajito, thero vā pana bālo abyatto’ ti. Atha kho te aññatitthiyā paribbājakā āyasmantaṃ anurādham navavādena ca bālavādena ca apasādetvā uṭṭhāyāsanā pakkamimṣu.

Atha kho āyasmato anurādhasa acirapakkantesu aññatitthiyesu paribbājakesu etadahosi – “sace kho maṃ te aññatitthiyā paribbājakā uttarim puccheyyum, kathaṃ byākaramāno nu khvāham tesam aññatitthiyānaṃ paribbājakānaṃ vuttavādī ceva bhagavato assam, na ca bhagavantaṃ abhūtena abbhācikkheyyam, dhammassa cānudhammaṃ byākareyyam, na ca koci sahadhammiko vādānuvādo gārayham ṭhānam āgaccheyyā’ ti? Atha kho āyasmā anurādho yena bhagavā tenupasaṅkami; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnā kho āyasmā anurādho bhagavantaṃ etadavoca – “idhāham, bhante, bhagavato avidūre araṇṇakuṭikāyaṃ viharāmi. Atha kho, bhante, sambahulā aññatitthiyā paribbājakā yenāham tenupasaṅkamimṣu; upasaṅkamtivā mayā saddhiṃ sammodimṣu. Sammodanīyaṃ kathaṃ sāraṇīyaṃ vītisāretvā ekamantaṃ nisīdimṣu. Ekamantaṃ nisinnā kho, bhante, te aññatitthiyā paribbājakā maṃ etadavocum – “yo so, āvuso anurādha, tathāgato uttamapuriso paramapuriso paramapattipatto, taṃ tathāgato imesu catūsu ṭhānesu paññāpayamāno paññāpeti – ‘hoti tathāgato paraṃ maraṇā’ ti vā...pe... ‘neva hoti na na hoti tathāgato paraṃ maraṇā’ ti vā’ ti? Evaṃ vuttāham, bhante, te aññatitthiye paribbājake etadavocum – “yo so, āvuso, tathāgato uttamapuriso paramapuriso paramapattipatto, taṃ tathāgato aññatra imehi catūhi ṭhānehi paññāpayamāno paññāpeti – ‘hoti tathāgato paraṃ maraṇā’ ti vā...pe... ‘neva hoti na na hoti tathāgato paraṃ maraṇā’ ti vā’ ti. Evaṃ vutte, bhante, te aññatitthiyā paribbājakā maṃ etadavocum – “so cāyaṃ bhikkhu navo bhavissati acirapabbajito thero vā pana bālo abyatto’ ti. Atha kho maṃ, bhante, te aññatitthiyā paribbājakā navavādena ca bālavādena ca apasādetvā uṭṭhāyāsanā pakkamimṣu. Tassa mayham, bhante, acirapakkantesu tesu aññatitthiyesu paribbājakesu etadahosi – “sace kho maṃ te aññatitthiyā paribbājakā uttarim puccheyyum, kathaṃ byākaramāno nu khvāham tesam aññatitthiyānaṃ paribbājakānaṃ vuttavādī ceva bhagavato assam, na ca bhagavantaṃ abhūtena abbhācikkheyyam, dhammassa cānudhammaṃ byākareyyam, na ca koci sahadhammiko vādānuvādo gārayham ṭhānam āgaccheyyā’ ti?

“Taṃ kiṃ maññasi, anurādha, rūpaṃ niccaṃ vā aniccaṃ vā’ ti?

“Aniccaṃ, bhante”.

“Yaṃ paṇāniccaṃ dukkham vā taṃ sukham vā’ ti?

“Dukkhaṃ, bhante”.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā’”ti?

“No hetam, bhante”.

“Vedanā niccā vā aniccā vā”ti?...Pe... saññā ...pe... saṅkhārā...pe... “viññāṇaṃ niccaṃ vā aniccaṃ vā”ti?

“Aniccaṃ, bhante”.

“Yaṃ paṇāniccaṃ dukkhaṃ vā taṃ sukhaṃ vā”ti?

“Dukkhaṃ, bhante”.

“Yaṃ paṇāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – ‘etaṃ mama, eso hamasmi, eso me attā’”ti?

“No hetam, bhante”.

“Tasmātiha, anurādha, yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumāṃ vā hīnaṃ vā paṇītaṃ vā yaṃ dūre santike vā, sabbaṃ rūpaṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbaṃ. Yā kāci vedanā atītānāgatapaccuppannā...pe... yā kāci saññā...pe... ye keci saṅkhārā...pe... yaṃ kiñci viññāṇaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumāṃ vā hīnaṃ vā paṇītaṃ vā yaṃ dūre santike vā, sabbaṃ viññāṇaṃ ‘netam mama, nesohamasmi, na meso attā’ti evametam yathābhūtaṃ sammappaññāya daṭṭhabbaṃ. Evaṃ passaṃ, anurādha, sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññāṇasmimpi nibbindati. Nibbindaṃ virajjati; virāgā vimuccati; vimuttasmiṃ vimuttamiti ñāṇaṃ hoti. ‘Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ti pajānāti.

“Taṃ kiṃ maññasi, anurādha, rūpaṃ tathāgatoti samanupassasi”ti? “No hetam, bhante”.

“Vedanaṃ tathāgatoti samanupassasi”ti? “No hetam, bhante”. “Saññaṃ tathāgatoti samanupassasi”ti? “No hetam, bhante”. “Saṅkhāre tathāgatoti samanupassasi”ti? “No hetam, bhante”. “Viññāṇaṃ tathāgatoti samanupassasi”ti? “No hetam, bhante”. “Taṃ kiṃ maññasi, anurādha, rūpasmim tathāgatoti samanupassasi”ti? “No hetam, bhante”. “Aññatra rūpā tathāgatoti samanupassasi”ti? “No hetam, bhante”. “Vedanāya...pe... aññatra vedanāya...pe... saññāya...pe... aññatra saññāya...pe... saṅkhāresu...pe... aññatra saṅkhārehi...pe... viññāṇasmim tathāgatoti samanupassasi”ti? “No hetam, bhante”. “Aññatra viññāṇā tathāgatoti samanupassasi”ti? “No hetam, bhante”.

“Taṃ kiṃ maññasi, anurādha, rūpaṃ, vedanaṃ, saññaṃ, saṅkhāre, viññāṇaṃ tathāgatoti samanupassasi”ti? “No hetam, bhante”. “Taṃ kiṃ maññasi, anurādha, ayaṃ so arūpī avedano asaṅhāro aviññāno tathāgatoti samanupassasi”ti? “No hetam, bhante”. “Ettha ca te, anurādha, diṭṭheva dhamme saccato thetato tathāgate anupalabbhiyamāne [tathāgato anupalabbhiyamāno (syā. ka.), tathāgate anupalabbhamāne (?)] kallaṃ nu te taṃ veyyākaraṇaṃ [veyyākaraṇāya (sī.)] – yo so, āvuso, tathāgato uttamapuriso paramapuriso paramapattipatto, taṃ tathāgato aññatra imehi catūhi thānehi paññāpayamāno paññāpeti – “hoti tathāgato paraṃ maraṇā”ti vā...pe... ‘neva hoti na na hoti tathāgato paraṃ maraṇā’ti vā”ti? “No hetam, bhante”. “Sādhu sādhu, anurādha! Pubbe cāhaṃ, anurādha, etarahi ca dukkhañceva paññāpemi dukkhassa ca nirodha”nti. Dutiyam.

3. Paṭhamasāriputtakotṭhikasuttaṃ

412. Ekam samayaṃ āyasmā ca sārīputto, āyasmā ca mahākoṭṭhiko bārāṇasiyaṃ viharanti isipatane migadāye. Atha kho āyasmā mahākoṭṭhiko sāyanhasamayaṃ paṭisallānā vuṭṭhito yenāyasmā sārīputto tenupasaṅkami; upasaṅkamitvā āyasmātā sārīputtena saddhiṃ sammodi. Sammodanīyaṃ kathaṃ sārāṇīyaṃ vītisāretvā ekamantaṃ nisīdi. Ekamantaṃ nisinno kho āyasmā mahākoṭṭhiko āyasmantaṃ sārīputtaṃ etadavoca –

“Kiṃ nu kho, āvuso sārīputta, hoti tathāgato paraṃ marañā”ti? “Abyākataṃ kho etaṃ, āvuso, bhagavatā – ‘hoti tathāgato paraṃ marañā’”ti. “Kiṃ panāvuso, na hoti tathāgato paraṃ marañā”ti? “Etampi kho, āvuso, abyākataṃ bhagavatā – ‘na hoti tathāgato paraṃ marañā’”ti. “Kiṃ nu kho, āvuso, hoti ca na ca hoti tathāgato paraṃ marañā”ti? “Abyākataṃ kho etaṃ, āvuso, bhagavatā – ‘hoti ca na ca hoti tathāgato paraṃ marañā’”ti. “Kiṃ panāvuso, neva hoti na na hoti tathāgato paraṃ marañā”ti? “Etampi kho, āvuso, abyākataṃ bhagavatā – ‘neva hoti na na hoti tathāgato paraṃ marañā’”ti.

“Kiṃ nu kho, āvuso, hoti tathāgato paraṃ marañā”ti iti puṭṭho samāno, ‘abyākataṃ kho etaṃ, āvuso, bhagavatā – hoti tathāgato paraṃ marañā’ti vadesi...pe... ‘kiṃ panāvuso, neva hoti na na hoti tathāgato paraṃ marañā’ti iti puṭṭho samāno – ‘etampi kho, āvuso, abyākataṃ bhagavatā – neva hoti na na hoti tathāgato paraṃ marañā’ti vadesi. Ko nu kho, āvuso, hetu, ko paccayo yenetam abyākataṃ bhagavatā’”ti?

“Hoti tathāgato paraṃ marañāti kho, āvuso, rūpagatametaṃ. Na hoti tathāgato paraṃ marañāti, rūpagatametaṃ. Hoti ca na ca hoti tathāgato paraṃ marañāti, rūpagatametaṃ. Neva hoti na na hoti tathāgato paraṃ marañāti, rūpagatametaṃ. Hoti tathāgato paraṃ marañāti kho, āvuso, vedanāgatametaṃ. Na hoti tathāgato paraṃ marañāti, vedanāgatametaṃ. Hoti ca na ca hoti tathāgato paraṃ marañāti, vedanāgatametaṃ. Neva hoti na na hoti tathāgato paraṃ marañāti, vedanāgatametaṃ. Hoti tathāgato paraṃ marañāti kho, āvuso, saññāgatametaṃ. Na hoti tathāgato paraṃ marañāti, saññāgatametaṃ. Hoti ca na ca hoti tathāgato paraṃ marañāti, saññāgatametaṃ. Neva hoti na na hoti tathāgato paraṃ marañāti, saññāgatametaṃ. Hoti tathāgato paraṃ marañāti kho, āvuso, saṅkhāragatametaṃ. Na hoti tathāgato paraṃ marañāti, saṅkhāragatametaṃ. Hoti ca na ca hoti tathāgato paraṃ marañāti, saṅkhāragatametaṃ. Neva hoti na na hoti tathāgato paraṃ marañāti, saṅkhāragatametaṃ. Hoti tathāgato paraṃ marañāti kho, āvuso, viññāṇagatametaṃ. Na hoti tathāgato paraṃ marañāti, viññāṇagatametaṃ. Hoti ca na ca hoti tathāgato paraṃ marañāti, viññāṇagatametaṃ. Neva hoti na na hoti tathāgato paraṃ marañāti, viññāṇagatametaṃ. Ayaṃ kho, āvuso, hetu ayaṃ paccayo, yenetam abyākataṃ bhagavatā’”ti. Tatiyaṃ.

4. Dutiyasāriputtakotṭhikasuttaṃ

413. Ekam samayaṃ āyasmā ca sārīputto, āyasmā ca mahākoṭṭhiko bārāṇasiyaṃ viharanti isipatane migadāye...pe... (sāyeva pucchā) “ko nu kho, āvuso, hetu, ko paccayo, yenetam abyākataṃ bhagavatā”ti? “Rūpaṃ kho, āvuso, ajānato apassato yathābhūtaṃ, rūpasamudayaṃ ajānato apassato yathābhūtaṃ, rūpanirodhaṃ ajānato apassato yathābhūtaṃ, rūpanirodhagāminīṃ paṭipadaṃ ajānato apassato yathābhūtaṃ, ‘hoti tathāgato paraṃ marañā’tipissa hoti; ‘na hoti tathāgato paraṃ marañā’tipissa hoti; ‘hoti ca na ca hoti tathāgato paraṃ marañā’tipissa hoti; ‘neva hoti na na hoti tathāgato paraṃ marañā’tipissa hoti. Vedanaṃ...pe... saññaṃ...pe... saṅkhāre...pe... viññāṇaṃ ajānato apassato yathābhūtaṃ, viññāṇasamudayaṃ ajānato apassato yathābhūtaṃ, viññāṇanirodhaṃ ajānato apassato yathābhūtaṃ, viññāṇanirodhagāminīṃ paṭipadaṃ ajānato apassato yathābhūtaṃ, ‘hoti tathāgato paraṃ marañā’tipissa hoti; ‘na hoti tathāgato paraṃ marañā’tipissa hoti; ‘hoti ca na ca hoti tathāgato paraṃ marañā’tipissa hoti; ‘neva hoti na na hoti tathāgato paraṃ marañā’”tipissa hoti.

“Rūpañca kho, āvuso, jānato passato yathābhūtaṃ, rūpasamudayaṃ jānato passato yathābhūtaṃ,

rūpanirodham jānato passato yathābhūtaṃ, rūpanirodhagāminim paṭipadaṃ jānato passato yathābhūtaṃ, ‘hoti tathāgato paraṃ marañā’tipissa na hoti...pe... ‘neva hoti na na hoti tathāgato paraṃ marañā’tipissa na hoti. Vedanaṃ...pe... saññaṃ...pe... saṅkhāre...pe... viññāṇaṃ jānato passato yathābhūtaṃ, viññāṇasamudayaṃ jānato passato yathābhūtaṃ, viññāṇanirodham jānato passato yathābhūtaṃ, viññāṇanirodhagāminim paṭipadaṃ jānato passato yathābhūtaṃ, ‘hoti tathāgato paraṃ marañā’tipissa na hoti; ‘na hoti tathāgato paraṃ marañā’tipissa na hoti; ‘hoti ca na ca hoti tathāgato paraṃ marañā’tipissa na hoti; ‘neva hoti na na hoti tathāgato paraṃ marañā’tipissa na hoti. Ayaṃ kho, āvuso, hetu ayaṃ paccayo, yenetam abyākataṃ bhagavatā’ti. Catuttham.

5. Tatiyasāriputtakoṭṭhikasuttaṃ

414. Ekaṃ samayaṃ āyasmā ca sārīputto, āyasmā ca mahākoṭṭhiko bārāṇasiyaṃ viharanti isipatane migadāye...pe... (sāyeva pucchā) “ko nu kho, āvuso, hetu ko paccayo, yenetam abyākataṃ bhagavatā’ti? “Rūpe kho, āvuso, avigatarāgassa avigatacchandassa avigatapemassa avigatapiṭṭhassa avigatapariḷāhassa avigatataṇhassa ‘hoti tathāgato paraṃ marañā’tipissa hoti...pe... ‘neva hoti na na hoti tathāgato paraṃ marañā’tipissa hoti. Vedanāya...pe... saññāya...pe... saṅkhāresu...pe... viññāṇe avigatarāgassa avigatacchandassa avigatapemassa avigatapiṭṭhassa avigatapariḷāhassa avigatataṇhassa ‘hoti tathāgato paraṃ marañā’tipissa hoti...pe... ‘neva hoti na na hoti tathāgato paraṃ marañā’tipissa hoti. Rūpe ca kho, āvuso, vigatarāgassa...pe... vedanāya...pe... saññāya...pe... saṅkhāresu...pe... viññāṇe vigatarāgassa vigatacchandassa vigatapemassa vigatapiṭṭhassa vigatapariḷāhassa avigatataṇhassa ‘hoti tathāgato paraṃ marañā’tipissa na hoti...pe... ‘neva hoti na na hoti tathāgato paraṃ marañā’tipissa na hoti. Ayaṃ kho, āvuso, hetu, ayaṃ paccayo, yenetam abyākataṃ bhagavatā’ti. Pañcamam.

6. Catutthasāriputtakoṭṭhikasuttaṃ

415. Ekaṃ samayaṃ āyasmā ca sārīputto, āyasmā ca mahākoṭṭhiko bārāṇasiyaṃ viharanti isipatane migadāye. Atha kho āyasmā sārīputto sāyanhasamayaṃ paṭisallānā vuṭṭhito yenāyasmā mahākoṭṭhiko tenupasaṅkami; upasaṅkamitvā āyasmataṃ mahākoṭṭhikena saddhiṃ sammodi. Sammodanīyaṃ kathaṃ sārāṇīyaṃ vītisāretvā ekamantaṃ nisīdi. Ekamantaṃ nisinno kho āyasmā sārīputto āyasmantaṃ mahākoṭṭhikaṃ etadavoca – “kiṃ nu kho, āvuso koṭṭhika, hoti tathāgato paraṃ marañā’ti...pe... ‘kiṃ panāvuso, neva hoti na na hoti tathāgato paraṃ marañā’ti iti puṭṭho samāno – ‘etampi kho, āvuso, abyākataṃ bhagavatā – neva hoti na na hoti tathāgato paraṃ marañā’ti vadesi’”. “Ko nu kho, āvuso, hetu, ko paccayo, yenetam abyākataṃ bhagavatā’ti?

“Rūpārāmassa kho, āvuso, rūparatassa rūpasammuditassa rūpanirodham ajānato apassato yathābhūtaṃ, ‘hoti tathāgato paraṃ marañā’tipissa hoti; ‘na hoti tathāgato paraṃ marañā’tipissa hoti; ‘hoti ca na ca hoti tathāgato paraṃ marañā’tipissa hoti; ‘neva hoti na na hoti tathāgato paraṃ marañā’tipissa hoti. Vedanārāmassa kho, āvuso, vedanāratassa vedanāsammuditassa, vedanānīrodham ajānato apassato yathābhūtaṃ, ‘hoti tathāgato paraṃ marañā’tipissa hoti...pe... saññārāmassa kho, āvuso...pe... saṅkhārārāmassa kho āvuso...pe... viññānārāmassa kho, āvuso, viññānaratassa viññānasammuditassa viññānīrodham ajānato apassato yathābhūtaṃ, ‘hoti tathāgato paraṃ marañā’tipissa hoti...pe... ‘neva hoti na na hoti tathāgato paraṃ marañā’tipissa hoti’”.

“Na rūpārāmassa kho, āvuso, na rūparatassa na rūpasammuditassa, rūpanirodham jānato passato yathābhūtaṃ, ‘hoti tathāgato paraṃ marañā’tipissa na hoti...pe... ‘neva hoti na na hoti tathāgato paraṃ marañā’tipissa na hoti. Na vedanārāmassa kho, āvuso...pe... na saññārāmassa kho, āvuso...pe... na saṅkhārārāmassa kho, āvuso...pe... na viññānārāmassa kho, āvuso, na viññānaratassa na viññānasammuditassa, viññānīrodham jānato passato yathābhūtaṃ, ‘hoti tathāgato paraṃ marañā’tipissa na hoti...pe... ‘neva hoti na na hoti tathāgato paraṃ marañā’tipissa na hoti. Ayaṃ kho, āvuso, hetu, ayaṃ paccayo, yenetam abyākataṃ bhagavatā’ti.

“Siyā panāvuso, aññopi pariyāyo, yenetam abyākatam bhagavatā”ti? “Siyā, āvuso. Bhavārāmassa kho, āvuso, bhavaratassa bhavasammuditassa, bhavanirodham ajānato apassato yathābhūtam, ‘hoti tathāgato param marañā’tipissa hoti...pe... ‘neva hoti na na hoti tathāgato param marañā’tipissa hoti. Na bhavārāmassa kho, āvuso, na bhavaratassa na bhavasammuditassa, bhavanirodham jānato passato yathābhūtam, ‘hoti tathāgato param marañā’tipissa na hoti...pe... ‘neva hoti na na hoti tathāgato param marañā’tipissa na hoti. Ayampi kho, āvuso, pariyāyo, yenetam abyākatam bhagavatā”ti.

“Siyā panāvuso, aññopi pariyāyo, yenetam abyākatam bhagavatā”ti? “Siyā, āvuso. Upādānārāmassa kho, āvuso, upādānaratassa upādānasammuditassa, upādānanirodham ajānato apassato yathābhūtam, ‘hoti tathāgato param marañā’tipissa hoti...pe... ‘neva hoti na na hoti tathāgato param marañā’tipissa hoti. Na upādānārāmassa kho, āvuso, na upādānaratassa na upādānasammuditassa, upādānanirodham jānato passato yathābhūtam, ‘hoti tathāgato param marañā’tipissa na hoti...pe... ‘neva, hoti na na hoti tathāgato param marañā’tipissa na hoti. Ayampi kho āvuso, pariyāyo, yenetam abyākatam bhagavatā”ti.

“Siyā panāvuso, aññopi pariyāyo, yenetam abyākatam bhagavatā”ti? “Siyā, āvuso. Tañhārāmassa kho, āvuso, tañhāratassa tañhāsammuditassa, tañhānirodham ajānato apassato yathābhūtam, ‘hoti tathāgato param marañā’tipissa hoti...pe... ‘neva hoti na na hoti tathāgato param marañā’tipissa hoti. Na tañhārāmassa kho, āvuso, na tañhāratassa na tañhāsammuditassa, tañhānirodham jānato passato yathābhūtam, ‘hoti tathāgato param marañā’tipissa na hoti...pe... ‘neva hoti na na hoti tathāgato param marañā’tipissa na hoti. Ayampi kho, āvuso, pariyāyo, yenetam abyākatam bhagavatā”ti.

“Siyā panāvuso, aññopi pariyāyo, yenetam abyākatam bhagavatā”ti? “Ettha dāni, āvuso sārīputta, ito uttari kiṃ icchasi? Tañhāsaṅkhayavimuttassa, āvuso sārīputta, bhikkhuno vaṭṭam [vattam (syā. kam. ka.) vaddham (pī.)] natthi paññāpanāyā”ti. Chaṭṭham.

7. Moggallānasuttam

416. Atha kho vacchagotto paribbājako yenāyasmā mahāmoggallāno tenupasaṅkami; upasaṅkamitvā āyasmatā mahāmoggallānena saddhiṃ sammodī. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako āyasmantaṃ mahāmoggallānaṃ etadavoca –

“Kiṃ nu kho, bho moggallāna, sassato loko”ti? “Abyākatam kho etaṃ, vaccha, bhagavatā – ‘sassato loko’”ti. “Kiṃ pana, bho moggallāna, asassato loko”ti? “Etampi kho, vaccha, abyākatam bhagavatā – ‘asassato loko’”ti. “Kiṃ nu kho, bho moggallāna, antavā loko”ti? “Abyākatam kho etaṃ, vaccha, bhagavatā – ‘antavā loko’”ti. “Kiṃ pana, bho moggallāna, anantavā loko”ti? “Etampi kho, vaccha, abyākatam bhagavatā – ‘anantavā loko’”ti. “Kiṃ nu kho, bho moggallāna, taṃ jīvaṃ taṃ sarīra”nti? “Abyākatam kho etaṃ, vaccha, bhagavatā – ‘taṃ jīvaṃ taṃ sarīra’”nti. “Kiṃ pana, bho moggallāna, aññaṃ jīvaṃ aññaṃ sarīra”nti? “Etampi kho, vaccha, abyākatam bhagavatā – ‘aññaṃ jīvaṃ aññaṃ sarīra’”nti. “Kiṃ nu kho, bho moggallāna, hoti tathāgato param marañā”ti? “Abyākatam kho etaṃ, vaccha, bhagavatā – ‘hoti tathāgato param marañā’”ti. “Kiṃ pana, bho moggallāna, na hoti tathāgato param marañā”ti? “Etampi kho, vaccha, abyākatam bhagavatā – ‘na hoti tathāgato param marañā’”ti. “Kiṃ nu kho, bho moggallāna, hoti ca na ca hoti tathāgato param marañā”ti? “Abyākatam kho etaṃ, vaccha, bhagavatā – ‘hoti ca na ca hoti tathāgato param marañā’”ti. “Kiṃ pana, bho moggallāna, neva hoti na na hoti tathāgato param marañā”ti? “Etampi kho, vaccha, abyākatam bhagavatā – ‘neva hoti na na hoti tathāgato param marañā’”ti.

“Ko nu kho, bho moggallāna, hetu ko paccayo, yena aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – sassato lokoti vā, asassato lokoti vā, antavā lokoti vā, anantavā lokoti vā, taṃ jīvaṃ taṃ sarīraṇti vā, aññaṃ jīvaṃ aññaṃ sarīraṇti vā, hoti tathāgato param marañāti vā,

na hoti tathāgato paraṃ maraṇāti vā, hoti ca na ca hoti tathāgato paraṃ maraṇāti vā, neva hoti na na hoti tathāgato paraṃ maraṇāti vā? Ko pana, bho moggallāna, hetu ko paccayo, yena samaṇassa gotamassa evaṃ puṭṭhassa na evaṃ veyyākaraṇaṃ hoti – sassato lokotipi, asassato lokotipi, antavā lokotipi, anantavā lokotipi, taṃ jīvaṃ taṃ sarīrantipi, aññaṃ jīvaṃ aññaṃ sarīrantipi, hoti tathāgato paraṃ maraṇātipi, na hoti tathāgato paraṃ maraṇātipi, hoti ca na ca hoti tathāgato paraṃ maraṇātipi, neva hoti na na hoti tathāgato paraṃ maraṇātipī”ti?

“Aññatitthiyā kho, vaccha, paribbājakā cakkhuṃ ‘etaṃ mama, esohamasmi, eso me attā’ti samanupassanti...pe... jivhaṃ ‘etaṃ mama, esohamasmi, eso me attā’ti samanupassanti...pe... manañ ‘etaṃ mama, esohamasmi, eso me attā’ti samanupassanti. Tasmā aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – sassato lokoti vā...pe... neva hoti na na hoti tathāgato paraṃ maraṇāti vā. Tathāgato ca kho, vaccha, arahāṃ sammāsambuddho cakkhuṃ ‘netañ mama, nesohamasmi, na meso attā’ti samanupassati...pe... jivhaṃ ‘netañ mama, nesohamasmi, na meso attā’ti samanupassati...pe... manañ ‘netañ mama, nesohamasmi, na meso attā’ti samanupassati. Tasmā tathāgatassa evaṃ puṭṭhassa na evaṃ veyyākaraṇaṃ hoti – sassato lokotipi...pe... neva hoti na na hoti tathāgato paraṃ maraṇātipī”ti.

Atha kho vacchagotto paribbājako uṭṭhāyāsanaṃ yena bhagavā tenupasaṅkami; upasaṅkamtivā bhagavatā saddhiṃ sammodi. Sammodanīyaṃ kathaṃ saraṇīyaṃ vītisāretvā ekamantaṃ nisīdi. Ekamantaṃ nisinna kho vacchagotto paribbājako bhagavantaṃ etadavoca – “kiṃ nu kho, bho gotama, sassato loko”ti? Abyākataṃ kho etaṃ, vaccha, mayā – ‘sassato loko’ti...pe... “Kiṃ pana, bho gotama, neva hoti na na hoti tathāgato paraṃ maraṇā”ti? “Etampi kho, vaccha, abyākataṃ mayā – ‘neva hoti na na hoti tathāgato paraṃ maraṇā”ti.

“Ko nu kho, bho gotama, hetu ko paccayo, yena aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – ‘sassato loko’ti vā...pe... ‘neva hoti na na hoti tathāgato paraṃ maraṇā’ti vā? Ko pana, bho gotama, hetu ko paccayo, yena bhoto gotamassa evaṃ puṭṭhassa na evaṃ veyyākaraṇaṃ hoti – ‘sassato loko’tipi...pe... ‘neva hoti na na hoti tathāgato paraṃ maraṇā’tipī”ti?

“Aññatitthiyā kho, vaccha, paribbājakā cakkhuṃ ‘etaṃ mama, esohamasmi, eso me attā’ti samanupassanti...pe... jivhaṃ ‘etaṃ mama, esohamasmi, eso me attā’ti samanupassanti...pe... manañ ‘etaṃ mama, esohamasmi, eso me attā’ti samanupassanti. Tasmā aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – ‘sassato loko’ti vā...pe... ‘neva hoti na na hoti tathāgato paraṃ maraṇā’ti vā. Tathāgato ca kho, vaccha, arahāṃ sammāsambuddho cakkhuṃ ‘netañ mama, nesohamasmi, na meso attā’ti samanupassati...pe... jivhaṃ ‘netañ mama, nesohamasmi, na meso attā’ti samanupassati...pe... manañ ‘netañ mama, nesohamasmi, na meso attā’ti samanupassati. Tasmā tathāgatassa evaṃ puṭṭhassa na evaṃ veyyākaraṇaṃ hoti – ‘sassato loko’tipi, ‘asassato loko’tipi, ‘antavā loko’tipi, ‘anantavā loko’tipi, ‘taṃ jīvaṃ taṃ sarīra’ntipi, ‘aññaṃ jīvaṃ aññaṃ sarīra’ntipi, ‘hoti tathāgato paraṃ maraṇā’tipi, ‘na hoti tathāgato paraṃ maraṇā’tipi, ‘hoti ca na ca hoti tathāgato paraṃ maraṇā’tipi, ‘neva hoti na na hoti tathāgato paraṃ maraṇā’tipī”ti.

“Acchariyaṃ, bho gotama, abbhutaṃ, bho gotama! Yatra hi nāma satthu ca [satthussa ca (sī. pī.), satthu ceva (khemāsutte)] sāvakassa ca atthena attho byañjanaṃ byañjanaṃ saṃsandissati samessati na virodhayissati, yadidaṃ aggapadasmiṃ. Idānāhaṃ, bho gotama, samaṇaṃ mahāmoggallānaṃ upasaṅkamtivā etamatthaṃ apucchim. Samaṇopi me moggallāno etehi padehi etehi byañjanehi tamatthaṃ byākāsi, seyyathāpi bhavaṃ gotamo. Acchariyaṃ, bho gotama, abbhutaṃ, bho gotama! Yatra hi nāma satthu ca sāvakassa ca atthena attho byañjanaṃ byañjanaṃ saṃsandissati samessati na virodhayissati, yadidaṃ aggapadasmi”nti. Sattamaṃ.

8. Vacchagottasuttaṃ

417. Atha kho vacchagotto paribbājako yena bhagavā tenupasaṅkama; upasaṅkamtivā bhagavatā saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako bhagavantaṃ etadavoca – “kiṃ nu kho, bho gotama, sassato loko”ti? Abyākataṃ kho etaṃ, vaccha, mayā – ‘sassato loko’ti...pe.... “Kiṃ pana, bho gotama, ‘neva hoti na na hoti tathāgato paraṃ maraṇā’”ti? “Etampi kho, vaccha, abyākataṃ mayā – ‘neva hoti na na hoti tathāgato paraṃ maraṇā’”ti.

“Ko nu kho, bho gotama, hetu, ko paccayo, yena aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – ‘sassato loko’ti vā...pe... ‘neva hoti na na hoti tathāgato paraṃ maraṇā’ti vā? Ko pana, bho gotama, hetu, ko paccayo, yena bhoto gotamassa evaṃ puṭṭhassa na evaṃ veyyākaraṇaṃ hoti – ‘sassato loko’tipi...pe... ‘neva hoti na na hoti tathāgato paraṃ maraṇā’tipī’”ti?

“Aññatitthiyā kho, vaccha, paribbājakā rūpaṃ attato samanupassanti, rūpavantaṃ vā attānaṃ, attani vā rūpaṃ, rūpasmiṃ vā attānaṃ. Vedanaṃ attato samanupassanti...pe... saññaṃ...pe... saṅkhāre...pe... viññānaṃ attato samanupassanti, viññāṇavantaṃ vā attānaṃ, attani vā viññānaṃ, viññāṇasmiṃ vā attānaṃ. Tasmā aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – ‘sassato loko’ti vā...pe... ‘neva hoti na na hoti tathāgato paraṃ maraṇā’ti vā. Tathāgato ca kho, vaccha, arahaṃ sammāsambuddho na rūpaṃ attato samanupassati, na rūpavantaṃ vā attānaṃ, na attani vā rūpaṃ, na rūpasmiṃ vā attānaṃ. Na vedanaṃ attato samanupassati...pe... na saññaṃ...pe... na saṅkhāre...pe... na viññānaṃ attato samanupassati, na viññāṇavantaṃ vā attānaṃ, na attani vā viññānaṃ, na viññāṇasmiṃ vā attānaṃ. Tasmā tathāgatassa evaṃ puṭṭhassa na evaṃ veyyākaraṇaṃ hoti – ‘sassato loko’tipi...pe... ‘neva hoti na na hoti tathāgato paraṃ maraṇā’tipī’”ti.

Atha kho vacchagotto paribbājako uṭṭhāyāsana yēnāyasmā mahāmogallāno tenupasaṅkama; upasaṅkamtivā āyasmatā mahāmogallānena saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako āyasmantaṃ mahāmogallānaṃ etadavoca – “kiṃ nu kho, bho moggallāna, sassato loko”ti? Abyākataṃ kho etaṃ, vaccha, bhagavatā – ‘sassato loko’ti...pe.... “Kiṃ pana, bho moggallāna, ‘neva hoti na na hoti tathāgato paraṃ maraṇā’”ti? “Etampi kho, vaccha, abyākataṃ bhagavatā – ‘neva hoti na na hoti tathāgato paraṃ maraṇā’”ti.

“Ko nu kho, bho moggallāna, hetu, ko paccayo, yena aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – ‘sassato loko’ti vā...pe... ‘neva hoti na na hoti tathāgato paraṃ maraṇā’ti vā? Ko pana, bho moggallāna, hetu, ko paccayo yena samaṇassa gotamassa evaṃ puṭṭhassa na evaṃ veyyākaraṇaṃ hoti – ‘sassato loko’tipi...pe... ‘neva hoti na na hoti tathāgato paraṃ maraṇā’tipī’”ti?

“Aññatitthiyā kho, vaccha, paribbājakā rūpaṃ attato samanupassanti, rūpavantaṃ vā attānaṃ, attani vā rūpaṃ, rūpasmiṃ vā attānaṃ. Vedanaṃ attato samanupassanti...pe... saññaṃ...pe... saṅkhāre...pe... viññānaṃ attato samanupassanti, viññāṇavantaṃ vā attānaṃ, attani vā viññānaṃ, viññāṇasmiṃ vā attānaṃ. Tasmā aññatitthiyānaṃ paribbājakānaṃ evaṃ puṭṭhānaṃ evaṃ veyyākaraṇaṃ hoti – ‘sassato loko’ti vā...pe... ‘neva hoti na na hoti tathāgato paraṃ maraṇā’ti vā. Tathāgato ca kho, vaccha, arahaṃ sammāsambuddho na rūpaṃ attato samanupassati, na rūpavantaṃ vā attānaṃ, na attani vā rūpaṃ, na rūpasmiṃ vā attānaṃ. Na vedanaṃ attato samanupassati...pe... na saññaṃ...pe... na saṅkhāre...pe... na viññānaṃ attato samanupassati, na viññāṇavantaṃ vā attānaṃ, na attani vā viññānaṃ, na viññāṇasmiṃ vā attānaṃ. Tasmā tathāgatassa evaṃ puṭṭhassa na evaṃ veyyākaraṇaṃ hoti – ‘sassato loko’tipi, ‘asassato loko’tipi, ‘antavā loko’tipi, ‘anantavā loko’tipi, ‘taṃ jīvaṃ taṃ sarīra’ntipi, ‘aññaṃ jīvaṃ aññaṃ sarīra’ntipi, ‘hoti tathāgato paraṃ maraṇā’tipi, ‘na hoti tathāgato paraṃ maraṇā’tipi, ‘hoti ca na ca hoti tathāgato paraṃ maraṇā’tipi, ‘neva hoti na na hoti tathāgato paraṃ maraṇā’tipī’”ti.

“Acchariyaṃ, bho moggallāna, abbhutaṃ, bho moggallāna! Yatra hi nāma satthu ca sāvakassa ca atthena attho byañjanena byañjanaṃ saṃsandissati, samessati, na virodhayissati, yadidaṃ aggapadasmim̐. Idānāhaṃ, bho moggallāna, samaṇaṃ gotamaṃ upasaṅkamitvā etamatthaṃ apucchim̐. Samaṇopi me gotamo etehi padehi etehi byañjanehi etamatthaṃ byākāsi, seyyathāpi bhavaṃ moggallāno. Acchariyaṃ, bho moggallāna, abbhutaṃ, bho moggallāna! Yatra hi nāma satthu ca sāvakassa ca atthena attho byañjanena byañjanaṃ saṃsandissati samessati na virodhayissati, yadidaṃ aggapadasmim̐”nti. Aṭṭhamaṃ.

9. Kutūhalasālāsuttaṃ

418. Atha kho vacchagotto paribbājako yena bhagavā tenupasaṅkami; upasaṅkamitvā bhagavatā saddhiṃ sammodi. Sammodañiyaṃ kathaṃ sāraṇiyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako bhagavantaṃ etadavoca –

“Purimāni, bho gotama, divasāni purimatarāni sambahulānaṃ nānātitthiyānaṃ samaṇabrāhmaṇānaṃ paribbājakānaṃ kutūhalasālāyaṃ sannisinnānaṃ sannipatitānaṃ ayamantarākathā udapādi – ‘ayaṃ kho pūraṇo kassapo saṅghī ceva gaṇī ca gaṇācariyo ca ñāto yasassī titthakaro sādhusammato bahujanassa. Sopi sāvakaṃ abbhataṃ kālāṅkataṃ upapattisu byākaroti – ‘asu amutra upapanno, asu amutra upapanno’ti. Yopissa sāvako uttamapuriso paramapuriso paramapattipatto tampi sāvakaṃ abbhataṃ kālāṅkataṃ upapattisu byākaroti – ‘asu amutra upapanno, asu amutra upapanno’”ti.

“Ayampi kho makkhali gosālo...pe... ayampi kho nigaṇṭho nāṭaputto...pe... ayampi kho saṅcayo [sañjayo (sī. syā. kaṃ. pī.)] belatṭhaputto...pe... ayampi kho pakudho [pakuddho (pī.)] kaccāno...pe... ayampi kho ajito kesakambalo saṅghī ceva gaṇī ca gaṇācariyo ca ñāto yasassī titthakaro sādhusammato bahujanassa. Sopi sāvakaṃ abbhataṃ kālāṅkataṃ upapattisu byākaroti – ‘asu amutra upapanno, asu amutra upapanno’ti. Yopissa sāvako uttamapuriso paramapuriso paramapattipatto tampi sāvakaṃ abbhataṃ kālāṅkataṃ upapattisu byākaroti – ‘asu amutra upapanno, asu amutra upapanno’”ti.

“Ayampi kho samaṇo gotamo saṅghī ceva gaṇī ca gaṇācariyo ca ñāto yasassī titthakaro sādhusammato bahujanassa. Sopi sāvakaṃ abbhataṃ kālāṅkataṃ upapattisu byākaroti – ‘asu amutra upapanno, asu amutra upapanno’ti. Yopissa [yo ca khvassa (pī.)] sāvako uttamapuriso paramapuriso paramapattipatto tañca sāvakaṃ abbhataṃ kālāṅkataṃ upapattisu na byākaroti – ‘asu amutra upapanno, asu amutra upapanno’ti. Api ca kho naṃ evaṃ byākaroti – ‘acchecchi taṇhaṃ, vivattayi saṃyojanaṃ, sammā mānābhisaṃmayā antamakāsi dukkhassā’ti. Tassa mayhaṃ, bho gotama, ahu deva kaṅkhā, ahu vicikicchā – ‘kathaṃ nāma [kathaṅhi nāma (syā. kaṃ. pī. ka.)] kathaṃ kathaṃ nāma (chakkaṅguttare pañcamavagge dutiyasutte)] samaṇassa gotamassa dhammo abhiññeyyo’”ti [dhammābhiññeyyāti (pī. ka.) dhammo... aññeyyo (chakkaṅguttare)]?

“Alañhi te, vaccha, kaṅkhituṃ, alaṃ vicikicchituṃ. Kaṅkhanīye ca pana te ṭhāne vicikicchā uppannā. Saupādānassa khvāhaṃ, vaccha, upapattim̐ paññāpemi no anupādānassa. Seyyathāpi, vaccha, aggi saupādāno jalati, no anupādāno; evameva khvāhaṃ, vaccha, saupādānassa upapattim̐ paññāpemi, no anupādānassā’”ti.

“Yasmiṃ, bho gotama, samaye acci vātena khittā dūrampi gacchati, imassa pana bhavaṃ gotamo kiṃ upādānasmim̐ paññāpeti’”ti? “Yasmiṃ kho, vaccha, samaye acci vātena khittā dūrampi gacchati, tamahaṃ vātupādānaṃ paññāpemi. Vāto hissa, vaccha, tasmim̐ samaye upādānaṃ hoti’”ti. “Yasmiṃca pana, bho gotama, samaye imaṅca kāyaṃ nikkhipati, satto ca aññataraṃ kāyaṃ anupapanno hoti, imassa pana bhavaṃ gotamo kiṃ upādānasmim̐ paññāpeti’”ti? “Yasmiṃ kho, vaccha, samaye imaṅca kāyaṃ nikkhipati, satto ca aññataraṃ kāyaṃ anupapanno hoti, tamahaṃ taṇhūpādānaṃ vadāmi. Taṇhā hissa, vaccha, tasmim̐ samaye upādānaṃ hoti’”ti [hoti...pe... (ka.)]. Navamaṃ.

10. Ānandasuttaṃ

419. Atha kho vacchagotto paribbājako yena bhagavā tenupasaṅkami; upasaṅkamtivā bhagavatā saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako bhagavantaṃ etadavoca – “kiṃ nu kho, bho gotama, atthattā”ti? Evaṃ vutte, bhagavā tuṅhī ahoṣi. “Kiṃ pana, bho gotama, natthattā”ti? Dutiyampi kho bhagavā tuṅhī ahoṣi. Atha kho vacchagotto paribbājako uṭṭhāyāsanaṃ pakkāmi.

Atha kho āyasmā ānando acirapakkante vacchagotte paribbājake bhagavantaṃ etadavoca – “kiṃ nu kho, bhante, bhagavā vacchagottassa paribbājakassa pañhaṃ puṭṭho na byākāsi”ti? “Ahañcānanda, vacchagottassa paribbājakassa ‘atthattā’ti puṭṭho samāno ‘atthattā’ti byākareyyaṃ, ye te, ānanda, samaṇabrāhmaṇā sassatavādā tesametaṃ saddhiṃ [tesametaṃ laddhi (sī.)] abhaviṣsa. Ahañcānanda, vacchagottassa paribbājakassa ‘natthattā’ti puṭṭho samāno ‘natthattā’ti byākareyyaṃ, ye te, ānanda, samaṇabrāhmaṇā ucchedavādā tesametaṃ saddhiṃ abhaviṣsa. Ahañcānanda, vacchagottassa paribbājakassa ‘atthattā’ti puṭṭho samāno ‘atthattā’ti byākareyyaṃ, api nu me taṃ, ānanda, anulomaṃ abhaviṣsa ñāṇassa uppādāya – ‘sabbe dhammā anattā’”ti? “No hetuṃ, bhante”. “Ahañcānanda, vacchagottassa paribbājakassa ‘natthattā’ti puṭṭho samāno ‘natthattā’ti byākareyyaṃ, sammūlhassa, ānanda, vacchagottassa paribbājakassa bhiyyo sammohāya abhaviṣsa – ‘ahuvā me nūna pubbe attā, so etarahi natthi’”ti. Dasamaṃ.

11. Sabhiyakaccānasuttaṃ

420. Ekaṃ samayaṃ āyasmā sabhiyo kaccāno ñātike viharati giṅjakāvasathe. Atha kho vacchagotto paribbājako yenāyasmā sabhiyo kaccāno tenupasaṅkami; upasaṅkamtivā āyasmatā sabhiyena kaccānena saddhiṃ sammodi. Sammodanīyaṃ kathaṃ sāraṇīyaṃ vītisāretvā ekamantaṃ nisīdi. Ekamantaṃ nisinno kho vacchagotto paribbājako āyasmantaṃ sabhiyaṃ kaccānaṃ etadavoca – “kiṃ nu kho bho, kaccāna, hoti tathāgato paraṃ marañā”ti? “Abyākataṃ kho etaṃ, vaccha, bhagavatā – ‘hoti tathāgato paraṃ marañā’”ti. “Kiṃ pana, bho kaccāna, na hoti tathāgato paraṃ marañā”ti? “Etampi kho, vaccha, abyākataṃ bhagavatā – ‘na hoti tathāgato paraṃ marañā’”ti.

“Kiṃ nu kho, bho kaccāna, hoti ca na ca hoti tathāgato paraṃ marañā”ti? “Abyākataṃ kho etaṃ, vaccha, bhagavatā – ‘hoti ca na ca hoti tathāgato paraṃ marañā’”ti. “Kiṃ pana, bho kaccāna, neva hoti na na hoti tathāgato paraṃ marañā”ti? “Etampi kho, vaccha, abyākataṃ bhagavatā – ‘neva hoti na na hoti tathāgato paraṃ marañā’”ti.

“Kiṃ nu kho, bho kaccāna, hoti tathāgato paraṃ marañā”ti, iti puṭṭho samāno – ‘abyākataṃ kho etaṃ, vaccha, bhagavatā – ‘hoti tathāgato paraṃ marañā’ti vadesi. ‘Kiṃ pana, bho kaccāna, na hoti tathāgato paraṃ marañā’ti, iti puṭṭho samāno – ‘abyākataṃ kho etaṃ, vaccha, bhagavatā – na hoti tathāgato paraṃ marañā’ti vadesi. ‘Kiṃ nu kho, bho kaccāna, hoti ca na ca hoti tathāgato paraṃ marañā’ti, iti puṭṭho samāno – ‘abyākataṃ kho etaṃ, vaccha, bhagavatā – hoti ca na ca hoti tathāgato paraṃ marañā’ti vadesi. ‘Kiṃ pana, bho kaccāna, neva hoti na na hoti tathāgato paraṃ marañā’ti, iti puṭṭho samāno – ‘etampi kho, vaccha, abyākataṃ bhagavatā – neva hoti na na hoti tathāgato paraṃ marañā’ti vadesi. Ko nu kho, bho kaccāna, hetu, ko paccayo, yentaṃ abyākataṃ samaṇena gotamena’”ti? “Yo ca, vaccha, hetu, yo ca paccayo paññāpanāya rūpīti vā arūpīti vā saññīti vā asaññīti vā nevasaññīnāsaññīti vā, so ca hetu, so ca paccayo sabbena sabbam sabbathā sabbam aparisesaṃ nirujjheyya. Kena naṃ paññāpayamāno paññāpeyya rūpīti vā arūpīti vā saññīti vā asaññīti vā nevasaññīnāsaññīti vā”ti. “Kīvaciraṃ pabbajitosi, bho kaccānā”ti? “Naciraṃ, āvuso, tūṇi vassāni”ti. “Yassapa’ssa, āvuso, etamettakena ettakameva taṃpa’ssa bahu, ko pana vādo evaṃ [ko pana vādo eva (sī. pī.)] abhikkante”ti! Ekādasamaṃ.

Abyākatasamyuttaṃ samattaṃ.

Tassuddānaṃ –

Khemātherī anurādho, sāriputtoti koṭṭhiko;
Moggallāno ca vaccho ca, kutūhalasālānando;
Sabhiyo ekādasamanti;

Saḷāyatanavaggo catuttho.

Tassuddānaṃ –

Saḷāyatanavedanā, mātugāmo jambukhādako;
Sāmaṇḍako moggallāno, citto gāmaṇi saṅkhataṃ;
Abyākatanti dasadhāti.

Saḷāyatanavaggasaṃyuttapāḷi niṭṭhitā.